




96
vii
7



NAZIONALE

BIBLIOTECA

RB

CENTRALE

240

ROMA

1
AVGVSTINI VALERII,
EPISCOPI VERONAE.

Libri tres,
DE RHETORICA ECCLESIASTICA.



SYNOPSIS
EIVSDEM RHETORICÆ
AB IPSO AVCTORE
contexta.

ADIVNCTIS TRIBVS PRÆLECTIONIBVS,
AB EODEM HABITIS,
quibus omnis huius Rhetoricæ explicandæ ratio traditur.
Accessit item
Index rerum, et uerborum.
CVM PRIVILEGIO.



MEDIOLANI.

Apud Pacificum Pontium, Typographum Illustriss. et Reuerendiss.
Cardinalis Borromæi Archiepiscopi. M D LXXIIII.

AMPLISSIMO, ET RELIGIOSISSIMO

CARDINALI,

CAROLO BORRHOMAE O,

patrono optimo,

P. GALESINIUS PROTONOTARIUS APOSTOLICVS.

S. D.



MAGNUM opus est, atque difficile, Cardinalis amplissime, mandare litteris de rhetorica ecclesiastica praeceptiones; easq. grauiſſimis ſententijs, et uerbis le-ctiſſimis explicatas, ad rhetorum morem ratione et arte diſtinguere. primo enim quacumque in rhetorica ſcriptionis genus cadunt, ea ſane quidem cum innumerabilia penè ſint: tum graecis, latinisq. litteris parim a ueteribus, nobiliſſimis illis dicendi magiſtris, tradita uberrime; parim a recentibus tractata etiam uarie; non facile proſecto certa quādam uia ita comprehenduntur, ut in omnes partes poſſit uſus illius eccleſiaſticae tractationis plane conformari. Multiplex eſt ab illis inſtituta de oratoris officio praeſcripiendi ratio; uaria de ſine quaſtio; plena concertationum de oratorijs parti- bus diſputatio. quarum partium unaqueque cum ſit ars ipſa magna per ſe ſe earum omnium concurſus uim maximam, maximamq. difficultatem habet, idq. ex multis cognoſci licet, atque ex eo in primis, quod una ſola pars ab Hermogene, homine graeco, rhetore magno, duobus; a Romanae eloquentiae principe, quattuor comprehenſa libris, nix perfectā, et omnibus numeris abſoluta uideatur. de illis praeterea partibus, ex quibus oratorium opus conficitur, et quaſi conflatur, deq. earum numero item ſunt opiniones eorundem, non ſolum multae, uerum etiam inter ſe admodum diſſentientes: contentioq. iidem eſt, et ea quidem litigioſa cum de omni alia oratoria ſuppelleſtile,

rum de materia, quam tractat, et in qua tota dicendi uis uersatur. hæc copiosa olim a Leontino Gorgia primum, Protagora Abderite, et Prodicio Cio proposita, ualde etiam a ceteris id generis hominibus, dilatata, et a Crasso, oratore Romano, optime defensa, rursus ab alijs oppugnata, angustis ijsq. certis est conclusa finibus. Plena igitur contentionis, sapientium uirorum eloquentissimorumq. hominum iudicio, sunt præcepta rhetorum; eaq. pleraque, et si in gymnasijs, in umbratiliq. eorum exercitatione, aliquando probata, sepe tamen ecclesiastici oratoris usui, aut non accommodata, aut certe planè aliena uidentur. Deinde in uaria illa, et ferè tota controuersa istorum præceptione, illud etiam, quod in omni scribendi genere curam, uel difficilem, affert, maxime inest, uia scilicet, ac ratio non una, neque certa, sed multiplex, et ea sane anceps, qua expositæ sunt rhetoricæ scriptiones. alij enim non græci modo, sed romani, eo de genere in utranque partem differuerunt sic copiose, ut opinionibus aliorum allatis, rursusq. ijsdem refutatis, loquendi præcepta tradiderint, per multa aliquando ad rem oratoriam minus necessaria. alij concise et breuiter hoc ipsum scribendi argumentum complexi, ne necessaria quidem præceperunt. plerique uero, etsi optimam uiam aggressi rem totam enucleate perscribere; nihilominus tamen sunt in tractationis modo ita uarij, ut interdum in præcipiendo sibi ipsi non consentiant omnino. atque id quidem in ipsis antiquis rhetorici artificij parentibus, et tamquàm architectis ueteris eloquentiæ perspicui licet. Sunt quidam præterea recentes, ueluti minorum gentium scriptores, quibus, ostentandi ingenij sui causa, hoc maxime propositum fuit, ueterum eorum institutis aduersari. in istis si rem totam spectare uoluimus; cum illam eloquentiæ formam, et quasi faciem aspiciemus; pigmentis, fucq. puerili illitam, non ueram; non naturalis succi plenam, non suo colore florentem; tum et opus, quod de oratoria doctrina contexunt, uario certamine implicitum, et tradendi artificij rationem

tionem solo repugnandi studio susceptam, per obscuram illam, longeque omnium difficillimam cernemus. Quare in tanta, atque adeo uaria rhetorum preceptione, et in singulis partibus oratorijs, maximis illis explicandis; in summaque de toto genere contentione, res operosa est, ac perdifficilis, quemadmodum exposui, omnis hæc rhetorica tractatio. Ea uero difficultas sicut maxima uidetur in eloquentie arte explicanda, ad ciuiliū humanarumque causarum actionem, atque usum constituta: ita multis partibus maior illa sane est in rhetorica ecclesiastice institutis, ac preceptis tradendus; quo grauioribus in hac, quam in illa, loci propositi sunt ad dicendum. in hac de gloria Dei, de animarum salute, de æterna, uereque beata uita, de fidei propagatione, de diuinis, celestibusque disseminandis uirtutibus, de eripiendis uel morum, uel opinionum erroribus, de omnibus denique, copiose, sapienter, ornate, ac diuinitus differendum est; que ad hominum mentes; euangelicis legibus, et christianis institutis conformandas pertinent, in illa, si publice res spectantur, et e populari opinione ample cause insunt, et conciones, de pace uidelicet, de bello, de uetigalibus, de rebus tum exportandis, tum importandis, et demum de legibus ferendis, at de ijs quidem ipsis cum incidit fortasse locus; ecclesiastica dicendi ratione tractatur oratorie non distinctius solum, sed et grauius, et splendidius. in priuatis autem causis fuit olim oratori forensi dicendum de stillicidiorum, parietum, luminum, testamentorum, aliarumque eius generis rerum iure. Porro longe dissimiles, ob eamque rem multo maiores sunt ecclesiastici oratoris ij loci, de abiudicandis facultatibus, de spiciendis opibus, propinquis, et amicis reliquendis, honoribus contemnendis, uoluptate fugienda, amplectenda humilitate, morte appetenda, et condonandis iniurijs. Et ac atque alia innumerabilia ut præstantissima sunt, ita ad ea suadenda, uel persuadenda potius, maximo opus est, non illo forensi, sed ecclesiastico oratorio ornato, atque apparatu: qui non omnis e rheto-

rum officinis existere solet, sed ex illius diuinæ eloquentiæ fontibus, cuius aliqua uel adumbrata, uel plane expressa effigies apparet in antiquissimorum patrum monumentis: unde ubertas, et quasi sylua ducta est eloquenter ecclesiastico more dicendi. Alia etiam sunt religionis nostræ decreta, corruptæ hominum naturæ, deprauatisq. moribus omnium gentium aduersa, quæ sæpe in christiani oratoris concionem incidunt. ea cum salutariter constituta sint, necesse est sic dicantur, ut præstantiori, quàm rhetorum more fieri possit, genere orationis, ac plane diuinæ uerborum expressa, illustrataq. maiori sententiarum lumine, splendescant, quò dilucidius, et grauius prope ad eternitatem infixæ hæreant in mentibus, animisq. audientium. Sæpe item a uitijs, atque a turpitudine est ecclesiastico oratori deterrenda multitudo; sæpe, atque adeo semper, ad aspiciendam beatæ uitæ lucem renocanda; perpetuoq. est eadem ad christianarum uirtutum accendenda studium. hic adhibendæ dicendi faces, non illæ, oratorum arte excitæ, sed ecclesiasticæ orationis studio accensæ. Quæ præterea, et illa sane plurima, a doctissimis hominibus, sanctissimisq. uiris, theologiæ scientiæ magistris, recte, ac sapienter, diuinæq. cogitata, litteris mandata sunt; eaq. exposita tum ad contemplationem, tum ad morum, ac uitæ usum, cum obscura sint interdum, et ad intelligendum sæpe difficilia: de ijs oratoris illius Ecclesiastici est, dilucide posse dicere, nec sententijs solum argute, sed uerbis etiam ornate, atque ita quidem, ut in eo, prudenter uenite litteris, et scientiæ, requiratur maior eloquendi uis, quam rhetoricis comprehensa sit præceptionibus. Iam uero idem, si quando sibi aduersus fidei christianæ singulos hostes, hæreticos; indeos, mahumetanos, idolorum cultores, ceterosq. ab ecclesia Dei dissidentes, dicendum erit; grauius huius orationis, aut concionis neruos ac robur assumet; non a rhetoribus quidem, sed a priscis patribus: qui singulari religione et sapientiâ uiri, eloquentiæ copijs instructi, diuinatione suscepta pro ueritate, semper in acie, semperq.

perq. in sole, ac puluere uersati sunt. Quæ omni res cum ita se se ha-
beat, ut eo scilicet præclarius ecclesiastico oratori eloquendum sit, eoq.
neruosius dicendum; quo is grauiorum rerum sibi genus amplissi-
mum ad concionem constitutum esse uidet: inde facile intelligi licet,
quod iam possumus est, de rhetorica ecclesiastica præceptionem longe
difficiliorem uideri, quam altera est, quæ in seculari, uel ciuili ora-
torie dicendi arte cernitur. hocq. etiam maxime, quod huius in-
stituta, in rhetorum scholis tradita, non modo aliquando non con-
uenientia sint, sed repugnantia sæpe, ut dixi, ecclesiasticæ eloquentiæ
rationi, atque usui. Id omne optime ipse noras, Cardinalis amplifi-
sime. at, quo singulari es animi iudicio, sapientiaq. incredibili, quam-
quam opus eo de genere arduum cernebas: tamen confici idem posse,
certa aliqua ratione indicabas. Hoc te cogitantem multa confirma-
bant. primum enim illa, ab antiquis rhetoricis doctõribus tamquam
instrumenta ad dicendum comparata, ornamenta, quibus quasi stel-
lulis elucet tota eloquendi facultas, inesse animaduertebas cum in
ceteris diuinarum litterarum scriptoribus, tum in Esaia; longe om-
nium eloquentissimo propheta, cuius studio potissimum delectaris.
Crebra esse in omni sacro uolumine non modo translata uerba uide-
bas, sed omnem orationis conformationem maxime frequentem.
Illam etiam in diuinis scriptis, ac præsertim in illius gentium; populo-
rumq. omnium doctõris, Pauli Apostoli epistolis expressam, quasi
Theopompeo. Isocrateoq. more, numero se dicendi scribendiq. ratio-
nem; plane intelligebas ex sanctissimi uiri, et in hac ipsa eloquentiæ
doctrina multum exercitati, Augustini libris; qui ita ab illo circum-
scriptæ, apte, et compositæ sententiæ concludi docet, ut nihil fieri in
eo genere possit, uel præstantius, uel perfectius. Tres uero eas dicendi
figuras, a sapientissimis uiris ad triplex illud oratoris officium ex-
cogitatas, atque innentas, plane eminere cernebas tum in aliorum
ecclesiæ doctõrum concionibus, tum in libris etiam eius, quem tibi
proposuisti

proposuisti ad imitationem, sancti episcopi Ambrosii: qui mirificus moderator, et quasi temperator fuit illius tripartitæ uarietatis. In-
uentionis autem, quæ ad christiani oratoris usum pertinet, materiam,
iam inde primum ab initio fere nascentis et adultæ ecclesiæ, uberrime
explicatam esse perspiciebas per diuinos illos religionis nostræ inter-
pretes, non græcos solum, Iustinum martyrem, Basilium, Na-
zianzenum Gregorium, Chrysostomum, aliosq. ueteri græcia dignos,
sed per latinos etiam in primis, Cyprianum martyrem, Hieronymum
Gregorium pontificem, Ambrosium, Leonem magnum, in ijsq. ip-
sum Augustinum: qui quattuor complexus libris eius rei tractatio-
nem, ex qua promuntur rationes, et argumenta ad constituendas
sacras contiones, informandæ ecclesiasticæ rhetoricæ uiam ceteris de-
inceps monstrauit, ac patefecit. Hoc igitur opus, religiosissime,
et sapientissime Borromæe, sicut multis partibus perdifficile iam
noras: ita uidebas etiam notandis animaduertendisq. ueterum pa-
trum monumentis, ijs præsertim, in quibus ecclesiasticæ eloquentiæ
impressa apparent uestigia, posse illud quidem perfici, atque absolui.
Id sane cum apud te constitutum haberes, indicaresq. quod mente
conceperas, idem, uidelicet opus, aliquando confectum, et præcla-
rum quoque fore, et eiusmodi omnino, cuius cum tractatio omnis
frugifera, tum nulla pars eius futura esset inculta: illud maxime tibi
cura fuit, ut comprehensa animo tuo, istius operis quasi imago, litteris
exprimeretur quam diligentissime. Ad quam rem perficiendam
ipse sponte tua incitatus, quotidie inflammabaris uehementius, non
studio solum, quo mirifico accensus es ad ecclesiasticarum disciplina-
rum propagationem, sed charitate illa in primis, qua tui gregis semi-
narij clericos unice in Christo diligis. cum enim e re christiana publica
esse censeret, iam institutis Tridentini concily graui decreto clero-
rum collegijs, tamquam uirtutum, eruditionisq. sacræ seminarijs,

ad

ad usum reuocari in illis ueterem sanctorum patrum eloquentiam: hoc etiam in multis, quæ de eo tuo Mediolanensi seminario per te, magna pastoralis officij religione, recte ac sapienter statuta sunt, optimum factu duxisti, ut hoc ipso in genere clericis, qui eo loci alerentur, esset consultum, et accurate, et utiliter. iam namq. illius eloquentiæ fructum uberrimum uidebas, atque usum certe maximum. itaque sicut in rhetorico certamine, quod de re omni oratoriæ magnum, uariumq. sibi instituerunt antiqui illi dicendi magistri, atque adeo alij, quasi ueteris rhetoriæ artis emendatores, etatem illos contere, id non ualde accommodatum esse sentiebas disciplinarum clericalium rationibus: ita deliberaſti, quoniam hoc utile maxime existimares, eosdem, cum sacrarum litterarum studio dicendi doctrinam coniungentes, diligenter in curriculis uersari debere ecclesiasticæ patrum eloquentiæ. si quidem in huius facultate exercitatos eos, oratoriæq. illa concionandi copia instructos, quam maiores illi nostri ad diuinarum rerum scientiam adhibuerunt, posse etiam intelligebas, proposita theologia theſi, non subtiliter solum, scholasticorum more, de ea differere; uerum etiam dicere ornate, copiose, apteq. ad populorum intelligentiam. Sapienter, ut cetera soles, hoc statueras: sed in præclara deliberatione adhuc deerat opus, oratorijs ueterum illorum Patrum institutis, atque exemplis conformatum, et expressum, quale ipse animo conceperas. Cogitas igitur de eo consiciendo: opificem, cuius industria, studioq. illud plane absolui posset, uides plane alium neminem, nisi hominem, et theologiæ scientia ualde eruditum in primis, et priscorum patrum singulari quadam instructum cognitione, et ecclesiasticarum rerum doctrina, atque usu peritum, et in rhetoricis, politioribusq. litteris uersatum diligenter, eundem denique, cum hoc etiam ad rei agendæ splendorem, et auctoritatem maximi interesse putares, uirum grauissimum, ac sapienſissimum. quarum sane omnium rerum in uno homine concursus ancipitem perficiendæ rei curam afferebat. at uolente Deo, res ita optime cecidit, ut ma-

xime optabas. Proximis annis Augustinus Valerius, episcopus Veronæ,
ut est amplitudinis tuæ cupidissimus, tuarumq. episcopaliū uirtutum,
quæ sunt ad omnem imitationis laudem maxime insignes, imitator
studiosus, Mediolanum ad te uenit. hanc occasionem ipse nactus, nihil
potius habuisti, quam ut de rhetorico ecclesiastici generis opere scriben-
do cum eo potissimum ageres, quem noras non modo eruditum, et diui-
narum litterarum, humanarumq. studio florentem, sed uirum plane
optimum, plenum pietatis, et omnis pastoralis officij diligentissimum. is
primo, quæ est sapientia, rem factū difficilem uidit, nec posse perfici ani-
maduertit, nisi multo temporis spatio, multoq. studio, nec denique nisi
summo otio; quod fere nullum datur homini, dignitatem, ac munus epi-
scopale gerenti. itaque etsi ille habuit, quamobrem hoc scribendi munus
recusaret, tamen suscepit quidem non inuitus. nam cum is operam, stu-
diumq. suum libenter in ijs rebus ponat, quibus se aliquid reip. christia-
næ prodesse uidet; tum, sibi propositis sanctissimis, eisdemq. doctissimis
uiris, ualde admodum cupit, ad catholicæ sanctæq. religionis disciplinā
et præsentis exemplo, doctrinaq. erudire; et posteros adiuuare scripto-
rum suorum monumentis. quæ singulari ille uoluntate, tuæq. in primis,
quam maximi facit, auctoritate impulsus ad rhetoricā ecclesiasticā
conscribendam, hoc opus aggressus, ut præclare sane inchoauit, sic, bene
iuuante Deo, perfecit plane egregie. Is non peruulgatam illam, ac tritam
rhetorum uiam secutus, sed sapientissimo cuique probatam rationem,
eamq. ex Aristotelicis fontibus haustam, mirabiliter consecratus, in
tāta tamq. uaria, et copiosa præceptione, modum, id quod difficile erat,
inuenit, quo tota hæc ecclesiastica oratorie dicendi ratio explicaretur.
Certe multarum, magnarumq. rerum copia a maioribus nostris, sanctis
doctisq. uiris, pie admodum, et erudite tradita est, ac subministrata no-
bis ad ecclesiasticas conciones: at quæ uia, et ratione omnis illa doctrinæ
suppellex posset ad rhetoricā dicendi præceptionem, et usum accommo-
dari, id e ueteribus, ut dixi, unus sanctus Augustinus ostendit solum.

præte-

præterea nemo. Non desunt autem multi, qui theologiæ locos ad dialecticorum morem disputationibus pertractarunt. quorum primus, ut ex historia ecclesiastica a beato Hieronymo accepimus, Clemens Alexandrinus extitit, uir apprimè eruditus. hunc deinde permulti secuti sunt, homines et sanctitate, et doctrina præcellentes: in quibus ille ipse diuus Augustinus disputationes eas mirum in modum auxit: studiaq. earundem Damascenus græce plurimum adiunxit, ac latine illas complexus Petrus Lombardus, in locos itidem communes digessit: quorum sane tractationem cum alij cōplures aggressi sint; tum maxime disputationibus grauiissimis ac diuinis illustrauit, uir singulari doctrina et pietate, sanctus Thomas Aquinas. In illa igitur theologiæ locorum ratione sicut et multi uersati sunt; et plurimi sane uirum illum eruditissimum, sanctitatisq. laude insignem, Augustinum sunt in eo ipso theologicarum questionum genere imitati: ita in hac rhetoricæ ecclesiasticæ tradendæ uia, qui uel illius imitator fuerit, uel hoc saltem, grauiter conatus sit, uix pene alium inueniamus licet, præter Episcopum Veronæ, Augustinum Valerium. non inficior tamen, e recentibus plerosque extitisse, qui hoc argumentum sibi ad scribendum proposuerint; sed quam longe, quamq. utiliter in eo progressi sint, aliorum sit iudicium. Hic uero noster, qui scilicet, te potissimum auctore, hanc perdifficilem scriptionem suscepit, propositis sibi diuini eius uiri de doctrina christiana libris, quibus quasi formam aliquā rhetoricæ ecclesiasticæ ille cōmostrauit, quod oratori ecclesiastico aliquando usui esse possit, id omne aristotelico more erudite percurrens, distribuit prudētissime, et tradit accuratissime. Si interdum uerbis est in præcipiendo breuis, at rerum comprehensione certe copiosus, et grauis. personam enim induit non interpretis, sed auctoris: e cuius uel minima præceptione existat commentatio, atque exercitatio doctrinæ maxima. Quare si magnis illis uiris, qui theologiæ scientiam, olim a patribus fuisse, lateq. explicatam, scholastico differendi modo, articulatim distincteq. tractari docuerunt, tantum debetur, quantum sane plurimum deberi,

omnes plane sciunt: profecto fateamur necesse est, non parum quidē de
beri huic, omni laude, omniq. honore dignissimo, episcopo: qui tribus his
libris, quos, te in primis suadete, de rhetorica ecclesiastica cōscripsit, qua-
si uiam et rationem parauit, qua possit ad usum reuocari uetus illa pa-
trum eloquentia. Poterat fortasse hoc opus ab alijs scribi, sed tantum
non haberet nec laudis, nec delectationis. ut enim si clarorum uirorum
imagines ab Apelle pingerentur, aut a Lysippo fingerentur; magis ani-
mū oblectarent, magisq. oculorum sensum allicerent: sic res graues cum
uirum magnum nanciscuntur, a quo tractentur, non modo explicantur
accuratius, et praeclarius; sed uim illam discendi, insitam animis, cum
uoluptate magis accendunt. Itaque opus hoc tuum, sic enim appello,
Cardinalis amplissime, quia id ipse primo mente ex aedificaras, cum non
a quouis alio confici uoluēris, quam ab sapientissimo episcopo, cuius iam-
diu uirtus spectata est, ac nobilitata: nae ego illud spero fore, et tibi, qui
excogitasti, praeclarum; et opifici, a quo confici uoluisti, gloriosum; et cle-
ricis, quorum causa conficiendum curasti, utile admodum; et doctis
omnibus, qui iam excitatam ueteris ecclesiasticae patrum eloquen-
tie lucem aspicient, non gratum modo, sed iucundum maxime. Qua
sane spe cum ego primum essem; ad eandem sum post plane confirma-
tus auctoritate doctissimi theologi, et grauissimi uiri, F. Marci,
Ieronae Inquisitoris; qui, cum in ancipiti operis edendi cura esse-
mus, non solum id fieri suasisit; sed ipse primo, te scilicet consen-
tiente, edendum curauit. quamobrem ego cum de toto opere ita
sentirem, erectioriq. spe factus illius uiri iudicio, non modo uolui haec
praeferi; sed operam dedi, atque effeci, ut Mediolani etiam, qua in
urbe operis huius quasi fundamenta primum iacta sunt, id iam Ve-
ronae impressum, tuoq. nomini multis de causis iure optimo dicatum,
in lucem emitteretur; idq. cum ad Dei gloriam in primis, tum ad
uniuersae reipub. christianae usum.

PETRVS GALE SINIVS

PROTONOTARIVS APOSTOLICVS

CLERICIS MEDIOLANENSIBVS. S.


CArolo Cardinale Borrhomaº auctore, libros de rhetorica ecclesiastica tres, Augustinus Valerius Episcopus Veronæ, uobis perscripsit, non enucleate solum, sed utiliter maxime. rhetorum enim præceptionem, non uariã, est complexus; sed quæ ab Aristotele tradita, accommodari recte potest ad optimum ecclesiastici oratoris usum. nec uero præceptum ullum reliquit, quod utile iudicaret ad huius rei rationem. Ordinem præterea in hac scriptio-
ne adhibuit illius, quem sibi ad imitandum proposuerat, nobilis philosophi. quo ordine nihil excogitari potest distinctius. definiuit primo Christiani oratoris officium; finem eidem proposuit; de materia disse-

ruit; singulaq. illius genera persecutus, certas sedes ostendit, unde argumenta promeretur. deinde tractauit, quæ ad Christianas animi cōmotiones, et singularum ætatum, ordinumq. mores pertinet. postremo qua dispositione, quo elocutionis genere sit utendum, aperuit. de imitatione etiam, quæ multum momenti habet addicendi laudem, grauiter præcepit; de digressionibus item egregie admodū. Quæ uero ad concionis conformationes spectant, propter quas in tantum honorem ascendit eloquentia, uobis illa diligenter exposuit, notatis antiquorum patrum exemplis, et suis etiam ad præceptionem magis illustrādam adhibitis. Locos item, quos usui uobis aliquando fore cēsuit, studiose docuit; ut de sacrarum litterarum auctoritate, de traditionibus, de pontificum

sanctionibus, de concilijs, de patrum do-
 ctrina, ac de tota theologiæ ratione. quid
 multis? hoc in genere cum bene dicendi
 præcepta uobis tradidit, tum etiam bene
 uiuendi. siquidem de uirtutibus christia-
 nis amplectendis dixit, rursusq. de uitijs fu-
 giendis. sed nolo singula persequi, quæ il-
 le multa, et grauias, et utilia his libris accura-
 te, copioseq. disputauit; atque ita quidē,
 ut adiumentum attulisse uideatur, non ru-
 dibus solum, sed doctis, tum ad ecclesiasti-
 co more dicendum, tum ad iudicandum.
 Quare hoc uobis persuasum esse uolo, li-
 bros hos, sententijs graues, eruditos, mori-
 bus christianæ reip. accommodatos, utilesq.
 ad antiquæ patrum eloquentiæ usum reuo-
 candum, uobis profuturos plurimū. hoc
 sane commodum, quod certe maximum
 est, a sapientissimo Cardinale, communi

uestrum omnium pastore, et parente, uobis affertur ex industria tanti uiri; cui hoc singulari beneficio in perpetuum deuincti estis. Itaque quantum animo conniti potestis, quantum labore contendere, tantum efficite, ut, cum hoc, aliaq. omnia ad recte agendum subsidia uobis ab illo suppeditata sint, ne ipsi uobis defuisse uideamini. Beneficium autem, quod in uos præclarum Episcopus contulit, grata memoria uos prosequi oportet. quod omne, ut spero, assequemini industria uestra; quæ et in his libris studiosè legēdis magna esse debet, et in eo penè singularis, ut doctrinarum studijs uitæq. disciplina uberem fructum non huic urbi solum afferatis, sed alijs etiam locis: ubi exemplo uestro possit, bene iuuante Deo, in omnes partes disseminari solida illa christianæ religionis pietas. Valete in Domino.

DE
RHETORICA ECCLESIASTICA
AD CLERICOS
Liber Primus.



Quandam esse Ecclesiasticam Eloquentiam. CAP. 1.



INGRA, ut Lactantius Firmianus scribit, cum uerum loqui ceperit, et uirtutem, maiestatemq. Dei interpretari, tum demum suo fungitur munere. quandiu falsa loquitur, in suo usu non est. oratores autem seculi, qui falsis sepe argumentis, et adulationibus incautos animos decipere consueuerunt, et in suis orationibus gloriam Dei propositam non habuerunt, rectius homines ad argutam copiosamq. malitiam, ad blandam, seditiosamq. calliditatem, atque ad omnia uerborum lenocinia instructos, quam eloquentes, quispiam dixerit. Quod si quis contendat, tot mala non ab arte, sed a deprauata hominum natura fuisse profecta; oratorem sic esse definitum, uirum bonum, dicendi peritum; is certe non negabit, uiris etiam bonis dicendi facultate instructis, quos admirata est antiquitas, minime fuisse propositum, ad uerissimam Christi religionem, unicam ueritatis magistratam, auditores instruere, et eos ad beatam, et aeternam uitam impellere. Quare recte, aliud animo cogitans, dixit ille apud Ciceronem, disertos se uidisse quamplurimos, eloquentem uero neminem; cum, exceptis illis, qui Christum Deum aut prænunciantes, aut cognoscentes, diuino spiritu adiuti, uerissimam eius religionem copiose explicauerunt

A

runt

runt, eloquens meritò appellari nemo posset. Sunt igitur colligenda, et accommodanda quædam præcepta, quæ doceant cælestem, ac sanctam eloquentiam: quorum cum sit magistra, ut est salutarium omnium præceptorum, sponsa Christi sancta mater Ecclesia, Ecclesiasticam Rhetoricam illa constituent. Hanc diuinam potius, quàm humanam dicendi facultatem, et si Spiritus sanctus sine ulla doctrina, et labore interdum solet suggerere, obseruatione tamen sermonum, quibus sancti homines, eodem spiritu afflati, Christiano populo profuerunt, percipi et in artem redigi posse, nemo negauerit.

De Ecclesiastica Eloquentia utilitate. CAP. II.

VTILEM dicunt Rhetores eloquentiam, quia ueritatem tuetur, et extollit, quæ ignorantia iudicium, et aduersariorum calumnia depressa succumberet: quod non solum inutile, sed etiam turpe est homini. Addunt, quia salutaria consilia proponit, quia debitos honores uirtuti tribuit, quia populorum impetus sedat, quia in communi, quotidianaq. uita maximas utilitates affert. Ecclesiasticam nos eloquentiam non solum utilem existimamus ad ea, quæ illi dixere, sed ad religionem, qua nihil melius homini à bonorum omnium largitore Deo tributum est, inducendam, retinendam, propagandam. Ea enim qui sunt ornati, si diuinitus ad nobilissimum illud munus uocati sint; prouincias, regna ad Christum conuertunt, hæreses extinguunt, seditiones sedant, concordiam pariunt, leges præscribunt, confirmant, ac etiam imprimunt in animis hominum; ita ut uere sine tyrannide dominantur, et meritò ministri Dei, internuntij, Angeli, Christi legati appellari possint. quibus nominibus iure nominantur Apostoli, et qui in Apostolico munere dicendi sine fuco, et ostentatione uersantur.

Quanam

Quanam ars sit Rhetorica Ecclesiastica, & quale sit officium
oratoris. CAP. III.

Ars autem, quæ Ecclesiasticam eloquentiam, christiano populo tam utilem, docet, Rhetorica Ecclesiastica appellatur: quæ est ars, siue facultas inueniendi, disponendi, et eloquendi ea, quæ ad salutem animarum pertinent. Oratoris autem Ecclesiastici officium est, ueritatem, arcanum Dei aperire populo, docere piè et innocenter uiuere, errores turpissimos, pestiferas superstitiones, prauas consuetudines tollere, ad piam, ueram, diuinamq. sapientiam, christianam religionem homines compellere, cognitione ueritatis, qua nullus est suauior cibus, auditorum animos nutrire. Eius autem hic est finis propositus, persuadendo augere regnum Dei, lucrari animas Christo, ornare sanctam Ecclesiam, minuere tyrannidem Diaboli, animas, Christi pretioso sanguine redemptas, ad eternam uitam, et beatitudinem excitare. Pluribus uerbis eandem ferè rem exprimentibus, officium et finem Ecclesiastici Oratoris explicauimus, ut teneris clericorum ingenijs consulere-mus. Porro felicitas, siue beatitudo, iucundissimum, et pulcherrimum nomen, est uirtutis præmium, bonorum omnium abundantiæ, in uisione ac fruitione Dei posita. Quamuis autem ante obitum nemo uere beatus appellandus sit; perspicuum tamen est, beatos dici quosdam peregrinos, qui ad iter consiciendum omnibus impediementis sunt liberi, beatos quosdam nauigantes, cum portum uident. Ita in huius uitæ peregrinatione, inter tot fluctus, beatos humiles, Dei providentiam agnoscetes, et mentem suam inclinantes coram Deo; beatos mites, quorum anima ea dulcedine est prædita, ut nulla eam possit amaritudo perturbare; beatos lugentes, quibus concessa est gratia uehementer dolendi ob peccata, quæ fiunt, et ob bona, quæ fieri possent,

A 2 et mi-

et minimè fiunt; beatos, iustitiam maximè utilem illam, & eximiam uirtutem amantes, quæ bonitatis, aut innocentie nomine potest significari; beatos misericordes, aliorum calamitatibus dolentes, eis succurrentes; item mundos corde, temperatos, castos, qui impuræ libidinis tyrannide liberi, angelicam uitam incipiunt degere, uisuri Deum pulchritudinis, et omnium bonorum auctorem; beatos studiosos pacis, tantoq. et tam magno bono fruentes, quia nihil repugnat, quòminus se ipsi regentes, in periculossissima huius mundi pugna uincant, et filij Dei; et heredes, cælesti hereditate potiantur; beatos, quos mundus uarijs modis exercet, quos uituperat, quos calumnijs oppugnat, quia ueritatem diligunt, et tuentur, quia gloriam Dei quarunt, quia prodesse hominibus exemplo student. Cuius peregrinationis nostræ beatitudines expressit uerus magister, et Dominus Iesus Christus: easq. explicans Ecclesiasticus Orator facile demonstrabit, neque in uoluptate, neque in diuitijs, neque in honoribus, neque etiam in scientia, neque demum in proprijs uirtutibus, ut quidam philosophi putauerunt, collocandam esse felicitatem: sola esse bona, quæ bonos homines efficiunt: bona corporis, ualitudinem, pulchritudinem, et bona externa, diuitias, honores, eatenus esse bona, quatenus illis rectè scimus uti. Verùm quemadmodum medicus, quamuis non sanet semper ægrotum, est tamen appellandus bonus medicus, cum adhibuerit omnia medicamenta ad sanandum; ita fieri potest prauitate huius sæculi, et peruersitate ingeniorum, ut audientes bonos concionatores, parum, aut nihil etiam proficiant, cum ipsi tamen boni concionatores sint appellandi. Quòd si oratione sua consequetur Ecclesiasticus orator, ut, postquam dixerit, tacita quadam uoce loquantur inter se auditores, et commoti, ac compuncti corde, dicant: quid ergo faciemus? quod beatissimo Apostolorum principi dicenti concessum est, non minimum fructum se cepisse estimabit.

sumabit. *Ut autem in omnibus, quæ infra globum lune continentur; quatuor genera causarum faciliè est reperire: in homine enim efficientes causas dicimus Solem, et alium hominem; formam, animam ratione præditi; materiam, corpus; finem; sælicitatem. et in domo efficientem causam nominamus ædificatorem; formam figuram ipsius domus; materiam, lapides, cæmenta; finem, defensionem ab iniuria cæli: ita, sine paulo ante explicato, effector em concionum, et bonarum omnium rerum, actionum, et uerborum, dicimus Sanctum Spiritum, qui precibus inuocandus est; nam sine eius præsentiumine, inutiles sunt omnes sermones, plane mortuæ sunt conciones. Hanc rem cum nouisset sanctus Dominicus, interrogatus, qua ratione, dicendo auditores in sui admirationem traheret, et tot animas, concionibus suis, Christo lucraretur; ea, quæ dicebat, se reperire respondit in libello charitatis, in libello Spiritus sancti. Proximæ causæ efficientes, sunt labor, et exercitatio. Forma in hoc est sita, ut apte, et congruenter dicatur ad populum; nam in scholis, breuiter, acutè, et de rebus difficilibus agitur: ad populum uerò copiosè, dilucidè, et de rebus in primis, ad utilitatem animarum spectantibus, habendus est sermo, ita ut concionis forma, et eloquentiæ christianæ uis ac summa omnium præceptorum, quæ tradimus, B. Augustini uerbis sit describenda, ut orator Ecclesiasticus ita dicat, ut intelligenter, obediens, et libenter audiat. De materia agamus.*

Duplicem esse materiam huius artis: remotam, & proximam. CAP. IIII.

MATERIA Ecclesiastico oratori subiecta duplex est: remota, et proxima. remota continet omnia, quæ scripta sunt, ita ut quidquid ex philosophis, poetis, historicis, oratoribus, ex omni scriptorum genere excerpti potest, ad utilitatem populi;

id

ad totum Ecclesiastico oratori, tanquam proprium, ab alijs usurpatum, subiiciatur. proxima uero materia tribus dicendi generibus comprehendipotest, *Deliberatiuo*, *Demonstratiuo*, et *Iudiciali*. *Deliberatiuum* genus est, quod in suasionem, et dissuasionem uersatur: cuius finis est utile. *Demonstratiuum*, quod in laudationem, et uituperationem est positum: cuius finis est honestum. *Iudiciale* in accusationem, et defensionem est situm: cuius finis est iustum. Utile, ut *B. scribit Ambrosius*, nihil est aliud; nisi quod confert ad uitam eternam. *Honestum* sic definimus, uirtutis decorem, qui cum utilitate ita est coniunctus, ut separari nequeat. *Iustitia* est constans, perepetuaque uoluntas tribuendi unicuique quod suum est: in hoc autem in primis sita est, ut agnoscat^{ur} celi et terrae dominus, innocentiae remunerator, et scelerum uindex: eiusque praecepta obseruentur. Quae omnia cum ad ueram hominis felicitatem referantur; constat fines, non perinde ac *Rhetores*, utilitatem ab honestate plerumque seiungentes, putauerunt, esse à nobis christianis distinguendos.

Genus deliberatiuum ad quinque capita referri posse. CAP. V.

Cum genus *Deliberatiuum* in bonorum suasionem, et malorum dissuasionem uersetur: ad quae omnis ecclesiastici oratoris labor, tanquam ad finem dirigitur; in hoc maxime studium et diligentiam ponat; ut a uitijs auocans populum Dei, ad ueram pietatem, christianasque omnes uirtutes accendat, atque inflammet. Ea uero; quae Ecclesiasticus orator populo suadere solet, ad quinque fortasse capita, facilioris doctrinae causa, redigi possunt; ad credenda, ad speranda, ad timenda, ad uitanda, ad agenda. quibus capitibus uniuersa ferè Theologia, et tota christiane uiuendi ratio comprehenditur. nos qui clericis scribimus, quaedam attingemus, quae
ipsis

que ipsis aliquam propositionum copiam possint suppedicare, perferam eorum capitum tractationem omittentes: ne actum a doctissimis Theologis agamus; et scopi, quem nobis proposuimus, obliui esse uideamur.

De credendis.

CAP. VI.

ITA QUAE dicit Ecclesiasticus orator credendum esse expresso in sacris litteris Dei uerbo, de quarum auctoritate alio loco dicemus. Et ut intelligat non omnia, ad salutem pertinentia, comprehendere expresso Dei uerbo; legat Osij Cardinalis Vuarmiensis, doctissimi hominis, pulcherrimum ea de re libellum. Credendos duodecim articulos, qui in sancto Apostolorum Symbolo continentur, proponet. in quorum explicatione, magnam copiam ei suggeret aureus liber, qui proximis annis iussu P. I. V. Pontificis Maximi est editus, Catechismus Romanus. Cauebit ne ullum unquam articulum in dubium reuocare uideatur: quod nonnulli faciunt ostentatione potius, quam inscitia, aut infidelitate. disputant enim de Dei prouidentia, et argumenta multis iam seculis explosa, in medium afferunt. qui conatus minime necessarius, ut periculosus, aut potius perniciosus, non est laudandus. Saepe Ecclesiasticus orator affirmabit duodecim articulos fidei esse principia, bases, et fundamenta christianae religionis: ita esse certa, ita indubitata, ita multorum martyrum sanguine confirmata; ut stultum sit, aut potius impium, eos in dubium reuocare. Proponet etiam esse Apostolis, et apostolicis uiris, tanquam ministris Spiritus sancti, fidem adhibendam: admittendas sanctas traditiones Apostolorum, quas, uoces Dei, et oracula, eiusdem sancti Spiritus, quem aequalem patri, et filio adoramus, existimare christianus populus debet. Sanctam Ecclesiam matrem, et magistram ueritatis, et sponsam Christi credendam: sanctis Con-

lijs

lijs generalibus, quibus tantam auctoritatem tribuendam putauit Beatus Gregorius, quantam Euangelistis, nimirum quia in Spiritu sancto sunt congregata, assentiendum; et sanctis Doctoribus, si inter se consentiant. Non credendum Sathanae, perenni animarum nostrarum hosti, scelestam dogmatum nouitatem suggerenti. non credendum eius discipulis haereticis, puritatem catholicae fidei malitiose, et impie contaminantibus: non credendum proprio ingenio, neque cuius in rebus, ad fidem pertinentibus.

De sperandis.

CAP. VII.

ET quia, ueluti fidelissima comes fidem sequitur spes, proponet Ecclesiasticus orator, speranda esse omnia bona a clementissimo cæli, et terræ domino, et a patre misericordiarum Deo: habere nos aduocatum Dominum nostrum IESUM CHRISTUM, cuius pretiosissimo sanguine, a Sathana tyrannide liberati sumus: illum pro nobis orare: sperandam esse uitam eternam, eamque auide expectandam, hoc est uisionem, et fruitionem Dei, consortium Angelorum, et uitam periculis, et molestijs omnibus uacuam, cælestibus, et perpetuis bonis abundantem. Moneat sepe populum Dei, ne inani quadam fiducia se ipse fallat: sciat misericordem esse dominum, et iustum: fidem operibus comprobendam esse: non esse Deum ad iracundiam prouocandum, a quo innumerabilibus affecti sumus beneficijs, et in quem speramus. Quod si quempiam desperare suspicabitur, Beati Augustini uerba poterit commemorare: Respira peccator, respira, ne desperes: spera in eum, quem times: confuge ad eum: inuoca opportune, quem superbe prouocasti.

De

PORRO cum nemo sciat odio an amore sit dignus; et in multis bonarum omnium rerum auctorem, et principem Deum offendamus, proponet initium sapientiæ esse timorem Domini: Deum timendum, quia, cum omnia ex nihilo fecerit, uno etiam ictu eadem potest ad nihilum redigere: timendam æternam pœnam; timendum horribilem illum Iudicii diem, timendos, aut potius horrendos cruciatus Inferni: horribilem diem iudicii proponens, David uerba proferet, Deus manifeste ueniet: Deus ipse, et non silebit: ignis ante ipsum præbit, et tempestas ualida: aduocabit cælum desursum, et terram discernere populum suum: et omnes, nulla habita nobilitatis, aut scientiæ ratione, stabimus ante eius tribunal: ubi eum, quem patrem misericordiæ nolumus agnoscere, iustum iudicem experiemur. Dicat eo die, ut S. scribit Augustinus, futurum fletum, et stridorem dentium, ululatum, et lamentationem, et tardam pœnitentiam: quando mouebuntur fundamenta montium, et ardebit terra, usque ad inferos deorsum: quando, teste Apostolorum principe, cæli ardentes soluentur, elementa ignis ardore tabescent: quando, ut Saluator noster ait, etiam uirtutes cælorum mouebuntur: quando Sol obscurabitur, Luna non dabit lumen suum, et stellæ cadent de cælo. Ostendet deinceps nihil Inferno esse posse horribilius; horribilem esse priuationem uisionis Dei: illum esse lacum sine mensura, profundum sine profundo, plenum ardore, et fætoe intolerabili; nullum esse ordinem, horrorem æternum, nullam spem boni, nullam mali fugam.

CUM autem sapientia christiana in hoc maxime consistat, ut declinemus a malo, et faciamus bonum; dicit in primis uitanda esse peccata, quia nos separant a fonte bonitatis

Deo: quia filios Dei adoptiuos, filios lucis, seruos sathane, et filios tenebrarum faciunt: quia distinguunt nos a Christo, qui est uia, ueritas, et uita: quia uarijs modis animam nostram excruciant. Originale, quod a primo humani generis parente Adam in posteros transfusum est, per Baptismum tolli; uitari quidem non posse; sed Dei misericordia sublatum saepe commemorandum; ut calamitatis memores, et diuini beneficij, humilitatem diligamus. De mortalibus peccatis, quoniam saepe fit mentio, dicet eo nomine appellari, quia mortem inferunt animae: notissimum esse illorum numerum; septem esse peccata capitalia, ad quae cetera referuntur, Superbiam, Auaritiam, Inuidiam, Luxuriam, Gulam, Iram, et Accidiam.

De uitanda Superbia. CAP. X.

ADDET Superbiam esse appetitum excellentiae inordinatum, quae in his est posita, cum bona, quae habemus, non accepta Deo referimus, eaq. iactamus tanquam nostra; uel bona, quae non habemus, nobis arrogamus. quo in genere collocantur hypocritae. Contra haec genera superbiae ita dicit Ecclesiasticus orator, ut ostendat nihil tam aduersari Christo, nihil minus conuenire naturae hominis, quam superbiam: Addet ubi est superbia, ibi esse stultitiam: superbum, qui ob uirtutes extollitur, de uita mori, de sanitate egrotare, de medicamine perire, ut S. scribit Gregorius. Auditores uerbi Dei hortabitur, ut infirmitatem humanam saepe considerent, et uarias huius uitae calamitates sibi ante oculos ponant; ut ad humilitatem, reliquarum uirtutum fundamentum, excitentur.

De uitanda Auaritia. CAP. XI.

VITANDAM esse auaritiam facile erit ostendere, cum auaros ualde detestetur Dominus; cum miserrimam uitam ducant,

ducant; cum ceteris hominibus, sibi ipsis in primis, sint odiosi. Dicit immoderatam hanc habendi cupiditatem uitandam; Domini esse terram; et plenitudinem eius; diuitias in usu, non in possessione consistere; iniquorum hominum usurpationes appellandas; diuites esse ministros Dei, dispensatores, et æconomos, earum potissimum rerum, quas in unum coaceruari permittit, ut fidelitatis quorundam periculum faciat; alios eleemosynis in cælestem hereditatem recipiat, alios ob tenacitatem æterno supplicio puniat. quo loco uerba Iacobi Apostoli, si placebit, explicabit: Agite nunc diuites, plorate in miserijs quæ euenient uobis: et addet uerba S. Augustini; Vah qui augent res perituras, unde æternas amittant.

De uitanda Inuidia. CAP. XII.

INVIDIAM filiam superbiæ esse nemo dubitat: cum enim doleat inuidus bonis alienis, ideo dolet, quia se illis dignum putat. Dicat Ecclesiasticus orator nihil boni in se habere inuidiam, nisi quod cruciat inuidentes: quod etiam I socrates scripsit. Addet esse Sathane machinam, qua subdolu ille animarum nostrarum hostis, humano generi insidiatur, præstantia etiam ingenia inuadit, uirtutes contaminat, et rectam uiuendi rationem peruertit. Eius sororem esse detractiõnem, uitium grauissimum; quod oratorio quodam modo peius esse dixit Sanctus Chrysostomus, quam corpus occidere: occidit enim detractor, et quasi dilaniat famam, quæ pluris est facienda, quam uita.

De uitanda Gula. CAP. XIII.

DE VITIÒ Gula, quæ est inordinatus appetitus cibi, cum dixerit, inculcet edendum, ut uiuamus; non uiuendum, ut edamus: paucis minimisq. contentam esse naturam: plu-

res iugulasse gulam, quam gladium: saturitatem fame peiorem, ut sanctus probat Chrysostomus: gulam matrem incontinentie, et altricem aegritudinum, ac multarum miseriarum esse. Acrius reprehendet pauperes, qui gule indulgentes, rem familiarem minuunt.

De vitanda ira.

CAP. XIII.

IRAM uitandam probabit, quia est comes stultitiæ, inimica consilij, mater pœnitentiæ, nutrix iurgiorum, inimicitiarum, et uariarum calamitatum: audienda illa uerba Beati Augustini: Volo uos irasci, ut non peccetis, ut autem non peccetis, quibus debetis irasci, nisi uobis? quid est enim homo pœnitens, nisi homo sibi iratus?

De Accidia uitanda.

CAP. XV.

CUM uero de accidia uitanda sermonem habebit Ecclesiasticus orator, eam originem uitiorum nominabit, pusillanimitatis, atque etiam malitiæ magistræ: eos, qui hoc laborant uitio, indignos esse nomine hominis; cum ad agendum, et contemplandum, ac etiam ad laborem procreati simus: nihil magis studere Sathanam, quam ut animas otiosas inueniat, eas ut in suam tyrannidem redigat.

De uitandis peccatis alienis.

CAP. XVI.

COMMEMORABIT sepe maxime fugienda illa peccata, quæ aliena uocantur: propterea quod, cum ab alijs committantur, nobis etiam nocent: quoniam aliqua ratione illis communicamus. Porro communicant peccatis alienis homines, consilio, iussione, consensu, irritatione, laudatione, siue adulatione, reticentia, conniuentia, rei alienæ participatione, praua facti
defen-

defensione. Peccant consilio, qui alicuius sceleris committendi sunt, uel auctores, consultores, uel ministri, ut fuit Achytophel: quo improbo et infelici consiliario Absalom in patrem coniurando, usus est. Consilio peccant, qui in perniciosa arte uersantur, hortantes homines ad singulare certamen, ad ulciscendas iniurias; cum nulla possit esse nobilior, uictoria, quam seipsum uincere: eadem ratione peccant, qui hortantur alios ad libidinem, ut lenones, uilissimum hominum genus. Iussione peccauit Dauid, homo aliàs secundum cor Dei, cum iussit Uriam interfeci, ut eius uxore potiretur. Consensu peccauit Pilatus in nece Domini nostri IESU CHRISTI. Peccant innumerabiles homines, putantes, quia ipsi a peccatis se abstinant, etsi alijs consentiant peccantibus, minime peccare. Quare illa audiuntur uoces: Sua res agitur, nihil ad me, ipse uiderit. Docebit Ecclesiasticus orator, peccare eum qui quantum in se est, peccantibus non aduersatur. Irritatione peccauit uxor Beati Iob, cum ei uarijs calamitatibus oppresso dixit: Benedic Deo et morere: in quod peccandi genus in primis solent incidere irrisores, qui deterrendi sunt, exemplo illorum, qui Eliseum prophetam irriserunt. Adulatione maxime peccatur, nam dulce uenenum est adulatio: et nihil mortalium auribus accidit suauius, quam propriarum laudum cantilena: ita ut interdum eas laudes admittant homines, quibus se indignos faterentur. Late patet hoc uitium in Rebus publicis, et in opulentijs ciuitatibus, in primis in aulis principum: et utinam inter sacerdotes, et clericos non reperirentur multi, ad assentationem eruditi, qui Præpositos, et Episcopos suos, cum quibus libere admodum deberent agere, plerunque non deciperent; blanditijs et adulationibus, eorum sepe zelum non retardarent. Reticentia peccant, qui cum reprehendere deberent, tacent: non obseruant uerba illa prophetæ, Clama ne cesses, annuncia populo meo scelera eorum, qui locus etsi ad eos spectat

sermo-

nitenti animo in peccatis perseuerare : quæ acriter reprehendes ; quandoquidem neque in hoc sæculo, neque in futuro remittuntur . Clamare quedam peccata in celum commemorabit : Homicidium uoluntarium ; uitia contra naturam ; pauperum, uiduarum, atque pupillorum oppressionem ; et mercedem operariorum defraudatam . Quæ peccata maxime detestans, ea forma dicendi uetur, ut piorum hominum, præsertim uirginum animi, uerborum obscenitate non offendantur . quæ de re agemus cum de elocutione tractabimus . Vitanda esse dicet leuia, et uenialia peccata, quatenus humana infirmitas patitur, ne paulatim in mortalia incidamus : addet uitandam esse improborum hominum consuetudinem, nam fieri uix potest, ut qui tangit picem, non inquinetur ab ea : uitandam curiositatem, impudentiæ sororem, uanitatiæ nutricem : uitanda theatra, publica spectacula, frequentia conuiuia : inde enim sæpe deteriores homines, atque etiam interdum tristiores solent recedere . Vitandum, de seipso loqui, nisi necessitas cogat, ut fecit interdum B. Paulus ad Corinthios : *Ministri sunt, et ego, ut minus sapiens, dico plus ego.*

De agendis. CAP. XVIII.

Quia non satis est declinare a malo, sed christianum hominem oportet agere bonum : hortabitur Ecclesiasticus orator fideles Christi, ad agenda ea, quæ lex iubet : legem dictam esse explicabit ab eligendo, eo quod eligant homines quid agendum sit, aut a ligando, ne tanquam furentes præcipientes ruamus . Hanc legis distinctionem interdum afferet, sumptam ex scholasticis doctoribus : legem aliam esse diuinam, aliam humanam . Diuinam, (ut interim æternam omittamus, quæ est summa ratio, cui semper obtemperandum est, cuius quosdam ueluti radios mentis lumine cernimus) distinguat in naturalem, et positiuam : naturalem esse recti-

Dei, institutum est ab eodem D. Iesu Christo sanctum Matrimonium. Qua de re sepe sermonem habebit, cum nihil possit esse populo Christiano utilius, quam scientia, et rectus usus sanctissimorum sacramentorum: quo usu, præsertim sanctissimæ Eucharistiæ ille excitatur ad cognitionem innumerabilium beneficiorum, quæ benignissimus pater Deus in nos contulit, et confert quotidie: excitatur ad humilitatem, cum per uisibilia elementa, tantam tamq. magnam gratiam se consequi animaduertit. Ad gratiarum etiam actionem inflammari potest, cum sanctissima sacramenta, ueluti pignora salutis suæ, sibi a D. N. Iesu Christo relicta, se habere intelligit. Dicit tria esse septem esse eiusmodi, ut non nisi semel suscipi, sine maximo scelere possint, Baptismum, Confirmationem, et Ordinem sacrum. Pœnitentiæ, et sanctissimæ Eucharistiæ frequentiam, esse fructuosissimam, et maxime commendandam, rationibus multis, atque etiam sacræ scripturæ testimonijs, poterit comprobare. qua de re fortasse alio loco pluribus agemus. Ad susceptionem autem Extremæ unctionis, ingrauescente morbo, auditores hortabitur: dicetq. non modo animæ, sed et corpori magnum asferre solatium, atque etiam remedium: cauendum maxime, ne sine hoc sacramento ex hac uita migremus: et ualde optandum, atque, quantum in nobis est, curandum, ut mentis compotes, in ultimo illo agone, salutari hoc medicamento recreemur: inde, si quis sacramentum illud postulet, rectæ conscientie indicium sumi interdum commemorabit. Verba Apostoli, cum de matrimonioaget, explicabit; Melius esse nubere, quam uri: uituperari non posse qui secundis, aut tertijs etiam nuptijs, libidinis ardorem student cohibere: ualde uituperandos illos, qui, homines remedio, a Christo medico sibi relicto utentes, importunis clamoribus, et pulsationibus, quod quibusdam in locis, non sine magna piorum hominum offensione, fit, perturbant: laudandos, ut existimauit idem Apostolus,

C qui

qui mortuis uxoribus, alias non ducunt, modo abstineant ab illecebris uoluptatum, et Deo seruiant, eiusq. ministros adiuuent. Hac pauca, quæ attigimus, explicabit, cum de euangelica lege loquetur Ecclesiasticus orator: deq. numero, effectis, differentiis, ritibus, et ministris sacramentorum, prout locus et tempus postulare uidebuntur; ea, præ manibus Catechismum Romanum in primis habens, dilucide exponet, quæ in sanctorum Theologorum, præsertim scholasticorum, qui patrum sententias diligentissime examinauerunt, libris reperiuntur. Monemus etiam oratorem Ecclesiasticum, cum de hac lege Euangelica sermonem habebit, caueat, ne tam multa de Dei misericordia dicat, quin diuinam etiam iustitiam commemoret: de excellentia fidei non tam multa loquatur, quin uilia, et necessaria opera ad salutem explicet. Instituendas ita actiones hortetur, ut charitate condiantur. Doceat Deum, ex toto corde, ex tota anima, ex tota mente diligendum: deinde propriam animam, et animam aliorum; tertio corpus proprium; quarto corpus proximorum: Decalogum, qui est compendium optimarum rerum, quæ agendæ in hac uita sint, seruandum. Cum autem de lege positua dixerit, multa de auctoritate summi Pontificis Christi Vicarij, et Petri legitimi successoris poterit in medium asferre: de qua nos alio loco dicemus: et ostendet, parendum canonicis legibus: quia cum diuina consentiunt: item ciuilibus, si ab eadem diuina lege non discrepent. Docebit postremo agenda omnia, quæ cum uirtute fiunt: quæ autem sint præcipuæ uirtutes christianæ, statim sumus dicturi, quia de genere Demonstratiuo tractare iam incipimus.

De Genere demonstratiuo, et descriptionibus quarundam christianarum uirtutum. CAP. XIX.

His explicatis, quæ ad genus Deliberatiuum pertinent, consequens est, ut de genere Demonstratiuo agamus: quod


quod in laudatione, et uituperatione consistit. In hoc Demonstratio genere sapissime uersati sunt sancti uiri, ut laudantes seruos Dei, ipsi enim soli digni sunt laude, cæli, et terræ Dominum, et omnium bonorum principem, et largitorem laudarent, atque populos ad eorum imitationem excitarent: tyrannos uero, Diaboli ministros, et peruersos homines uituperantes, ad gratiarum actionem, ijs e medio sublatis, inuitarent: ut fecit Sanctus Gregorius Nazianzenus in orationibus contra Iulianum. Cum uero in christiana re publica nihil sit laudabile, quod a religione non manet, et uera non sit conditum pietate; dicamus quid sit religio, et quid pietas, et rationem inueniendarum propositionum, quæ ad ueram laudem pertinent, proponamus. Est igitur christiana religio, in qua nasci maximum Dei beneficium est, dicta a religando, quia quodam uinculo, hoc est Christo, patri et principi rerum omnium Deo iuncti sumus, et religati: est debitus cultus, quem Deo tribuimus, fide, spe, et charitate: est Christi imitatio, et perfecta iustitia, et recta amoris regula. Pietas, est obsequium, quod exhibetur Deo primum, deinde alijs, quos nobis Deus uenerandos proposuit: ut sacerdotibus, parentibus, regibus, principibus, præceptoribus, natu maioribus. Christianas uirtutes describimus crasso quodam modo, non ut scholastici solent. Fides est habitus, quo firmiter assentimur reuelatis a Deo, porta salutis, religionis fundamentum. Spes est certa expectatio futuræ beatitudinis, iucunda uitæ spiritualis socia, et optima in rebus aduersis consiliaria. Charitas est finis præcepti, forma uirtutum, et uitæ christianæ ueluti anima: patientiæ, humilitatis, et omnium bonorum magistra: hæc est uia Dei ad homines, et uia hominum ad Deum, causa, et mater omnium uirtutum, quæ si desit, frustra habentur cætera: si autem adsit, habentur omnia: ita ut, qui hac nobilissima uirtute sit ornatus, in maxima paupertate sit di-

ues, et omnibus commodis abundet: quia in Deo manet, et Deus in eo. Fidei, et spei nutrix, ac charitatis comes, est oratio, quæ sic describi potest; eleuatio mentis in Deum, colloquium cum Deo, clauis, qua aperitur cælum, telum, quo Sathane insidijs resistimus. Deuotio, est prompta uoluntas seruiendi Deo, gratissimum uoluntatis nostræ sacrificium, religionis filia, bonarum omnium actionum alitrix. Prudentia est cognitio rerum uitandarum, et expetendarum, ut scribit Diuus Gregorius, industrie mater, salutarium illorum præceptorum magistra: Nosce te ipsum: Ne quid nimis: Auream dilige mediocritatem. Iustitia est constans ac perpetua uoluntas tribuendi unicuique quod suum est; Deo cultum, sanctis uenerationem, sacerdotibus, et parentibus obedientiam, et obseruantiam; regibus debitum honorem, omnibus mutuum amorem: est uirtus quæ magis alijs, quam sibi prodest, ut Sanctus scribit Ambrosius. Iustitiæ pars est christiana liberalitas, quam elemosynam dicimus, qua Deo faceremur, et peccata nostra redimimus. Fortitudo, est firmus animi cõtra molestias, sæculi laborum susceptio, malorumque perpesio: est habitus, quo præditus qui est, nihil nisi turpia timet, tolerat fortiter aduersa, fert moderate prospera, mortem etiam quando opus est, contemnit: est uoluntatis robur, uirtutum tutela, uitiorum expultrix, periculorum sapiens expugnatrix. Præstantissima autem christianorum fortitudo, est Martyrium, quod quidem est delictorum finis, periculi terminus, dux salutis, uerus patientiæ magister. Temperantia, est rationis in libidinem, atque alios non rectos animi impetus, firma et moderata dominatio: est amor, sese integrum Deo, et incorruptum seruans. Temperantiæ comes, est Ieiunium, quod est optima custodia corporis, tuta habitatio, fortium uirorum munimentum, egregius in bello fortitudinis, in pace quietis magister. Hæc uero Temperantiæ ueluti filiæ a sanctis uiris laudan-

laudantur, pudicitia, castitas, et uirginitas. Pudicitiam, Tertulianus sic describit; florem morum, honorem corporum, decorem sensuum, integritatem sanguinis, fidem generis, fundamentum castitatis. Castitatem uero dicimus munimen sanctimonie, et sinceritatis indicium. Virginitas, ut Cypriani utamur descriptione, est flos Ecclesiastici germinis, decus et ornamentum gratie spiritualis, leta indoles laudis, et honoris opus integrum, et incorruptum, Dei imago resplendens ad sanctimoniam domini, illustrior portio gregis Christi. Perseuerantia, est nobilissima christianorum uirtus, summi regis filia, constantie nutrix, soror patientie, interioris pacis custos, sine qua in caelestem patriam nemo ingreditur. Elementum autem omnium christianarum uirtutum est humilitas, sine qua nemo in christiana philosophia potest proficere. Humilitas, est quaedam inclinatio mentis coram Deo: est ars cognoscendi, et spernendi semetipsum, et res humanas, et inanem gloriolam fugiendi, alios sibi preferendi, et fidelissima sapientie ministra: non enim potest quis dici sapiens, nisi sit humilis. hanc uirtutem sequitur magnanimitas christiana, quae in remittendis iniurijs, atque etiam fugiendis honoribus est posita. Perspicuum est autem omnes actiones, quae ex his uirtutibus proficiuntur, esse laudandas, quae ex contrarijs, uituperandas: sed eae magis laudantur, quae nos Deo magis coniungunt, eiq. nos similes faciunt: ut opera charitatis, et misericordiae: item quae gloriam Dei magis augent, ut Martyrium, et similia.

Quod parce, et raro Ecclesiasticus orator laudat eos, qui uiuunt; et unde laudis argumenta ducantur. CAP. XX.

VIDENTES Ecclesiasticus orator perraro laudat, aut quia ignoratur, laude ne an uituperatione quis dignus sit: cum nemo possit affirmare aliquem Deo esse gratum: aut quia,
dum



dum uiuimus, domesticis, et acerbis inimicis oppugnamur, et incertus est pugnae exitus: aut cauet hoc maxime, ne dulce uenenum exhibens uiuentibus, noceat, et turpem adulationis notam subeat. In funere laudat. Sanctissimorum hominum extant orationes, cum Platonis Menexeno, cum Periclis illa oratione, quae legitur apud Thucydidem, atque etiam cum Isocratis illa in laudem Euagorae conferenda; et praesertim sanctissimi illius uiri, quem nobis Theologum eloquentissimum, et Demosthenem christianum licet appellare, Gregorij Nazianzeni: leguntur aliquae huius generis in laudem Athanasij, Basilij magni, et aliorum: ex quibus colligitur, laudum genera ex tribus potissimum temporibus sumi posse. Quorum primum quidem est illud, quod eius, quem laudamus, ortum praecessit: alterum, quo ille uixit; tertium, quod mortem est consecutum. primo autem tempore considerantur patria, parentes, maiores, quorum aut nobilitati respondere, aut obscuritati lucem asferre pulchrum est: huc pertinent etiam oracula, et responsa diuina, a quibus laudari possunt Isaac, Iacob, Ioannes Baptista, multiq. alij uiri sanctissimi, quos parentes assiduis precibus a Deo impetrauerunt: et de quibus, antequam nascerentur, multa praecelara praedicta fuerunt. B. Gregorius Nazianzenus elegantissime Basilium laudat, a patria illis uerbis: Cum permulta nobis laudum argumenta, quod ad patrem attinet, ex paterno latere pontus suppeditet: et quidem nequaquam minora prius oraculis, quibus historicorum, et poetarum pleni sunt libri: tum etiam multa subministrat patrium solum hoc meum, dignitate illustris Cappadocia, non minus uirorum sobole praestans, quam equorum. Altero tempore considerantur uirtutes, quibus praeditus fuit, doctrina, munera, uel publica, uel priuata illis commissa, res gestae, familiaritates, amicitiae, et in primis ea, quae quis in ultimo huius uita actū egerit: ubi loco a consentaneis uti poterit orator, et

osten-

ostendere eum, qui laudatur, digna patria sua, digna maioribus suis, digna educatione, rebus ante gestis, fecisse, et omni tempore uirtutum exempla dedisse: non ut ea ratione inanem gloriolam aucuparetur, sed ut Dei gloriam, quantum in se esset, augetet, et sathana tyrannidi se opponeret: quibus in rebus exponendum est imprimis, quid supra expectationem hominum ab eo uideatur factum. Maxime autem ad laudem pertinet cum quis aut solus, aut cum paucis, aut primus aliquid preclare gesserit: qua de re Saluator noster maxime laudari debet, cui soli prestantissimum illud Iesu nomen, quod est super omne nomen, et in quo omne genu flectitur, cælestium, terrestrium, et infernorum, conuenit: qui solus ex uirgine natus est, solus propria uirtute resurrexit, nunquam moriturus. item B. Virgo Maria, quod sola filium Dei genuerit, quod sola ante partum, in partu, et post partum uirgo extiterit: quod sola plena gratia, mater misericordie, regina cæli, domina angelorum appelletur. S. etiam Ioannes Euangelista, cui soli concessum est, ut Christus eum dilectum appellaret; et super eius pectus in cæna recumberet: dulcissima illa uerba audiret: *Fili ecce mater tua*. Non potest reperiri homo, de quo dici possit: hic solus huius uirtutis præbuit exemplum, cum omnium uirtutum exemplar præbuerit Christus homo et Deus. Pauci fecere quod Stephanus, qui orauit pro ijs, a quibus lapidabatur. pauci relictis imperijs, in monasteria se abdidērunt, ut superioribus annis fecit Carolus V. maximus imperator. pauci, immo paucissimi Pontificatui cesserunt, ut fecit Cælestinus, a quo Cælestinorum monachi nomen habuerunt: qua de re, et si a nonnullis, metientibus omnia huius uitæ commodis, et splendoribus non sit laudatus, tamen eius animi celsitudo est laudanda: quandoquidem ea, quæ tantopere ceteri admirantur, hic uir eximius, desiderio æternæ gloriæ, contempserit: et propriæ salutis consulens, parere

parere potius, quod tutius est, quam imperare maluerit. atque is merito, ob alias eximias uirtutes, sanctæ Ecclesiæ iudicio, inter sanctos est relatus. Tercio loco considerantur honores, post mortem tributi, dolor, luctus, squalor: quem locum præclarissimè tractat sanctus Gregorius Nazianzenus, Basilium laudans. Efferebatur, inquit uir sanctus, sanctorum manibus elatus, atque omnes operam dabant, partim ut simbriam arriperent, partim ut umbram, ut feretrum, quo sanctus portabatur, uel solum tangerent. quid enim illo corpore sanctius? aut pretiosius? et paulo post: Plena erant fora, porticus hominum illum prosequentium, præeuntium, sequentium: multa millia hominum omnis generis, et ætatis, ante eum diem incognita, psalmodiæ luctu impediabantur, ac uincebantur: patientia doloris magnitudine frangebatur; certabant nostri cum cæteris: cum Ethnicis, cum Iudæis, cum aduenis, atque uicissim nobiscum, utris uberiores lachrymæ uberiorem utilitatem afferrent. Comparationibus etiam usi sunt sancti homines ad laudandum: ut idem fecit Gregorius Basilium laudans, qui patribus utriusq. testamenti, Ioanni etiam Baptistæ, et Apostolis, eum eleganter admodum comparat. Locum illum quem, proposuit Aristoteles, a uicinitate uitiorum, et uirtutum, tanquam inutilem, et perniciosum Ecclesiasticis oratoribus, reijcimus: nam cum nihil a christiana religione sit alienius, quam mentiri: qui meliculosum diceret cautum; callidum, prudentem; furiosum, apertum; stupidum, mansuetum; is non christianus orator, sed sathanæ potius minister, et seductor esset dicendus. Magnum etiam momentum inesse idem grauissimus philosophus scripsit, ubi quisque laudetur, quod nobis non magni faciendum putamus: ubique enim, et apud omnes ea tantum laudamus, quæ cum pietate coniuncta sunt, ut orbis christianus una ciuitas esse uideatur.

Quod

Quod Ecclesiastici oratoris amplificatio sit multum diuersa ab amplificatio-
tione, qua usi sunt huius seculi oratores. CAP. XXI.

CVæ omnis laus, quæ ab Ecclesiastico oratore sanctis uiris
tribuitur, huc potissimum spectet, ut auditores ad eorum
imitationem impellantur: oratoris officium erit sepe in hoc
Demonstratiuo genere amplificationes adhibere, non eam ob causam,
quam *I*socrates professus est; qui ad oratorem dicebat pertinere, par-
ua extollere, et magna efficere minima dicendo; sed ut res cogno-
scatur esse tanti momenti, quanti est re uera: quod nihil est aliud,
quam homines ad sinceritatem iudicij reuocare. Amplificationes
autem dicuntur, cum argumenta ipsa, cum uerbis, tum rebus ad
auditores magis afficiendos dilatantur, quæ ex eisdem locis, unde
etiam laudationes ipsæ, sumi possunt. Est pulchra illa amplificatio
B. Bernardi ad *Eugenium Pontificem*, ab ipsius Pontificis persona
sumpta; Tu es sacerdos magnus, et Pontifex summus: tu princeps
Episcoporum, tu heres Apostolorum, tu primatu Abel, gubernatu
Noe, patriarchatu *Abraham*, ordine *Melchisedec*, dignitate
Aaron, auctoritate *Moyse*s, iudicatu *Samuel*, potestate *Petrus*,
unctione *Christus*, tu es cui claues redditæ sunt. *S. Maximus* epif-
copus de sancto *Ioanne Baptista* uerba faciens, amplificatione his
uerbis usus est: Merito illum præcipuo honore ueneramur, qui speciali
quadam gratia redemptorem mundi nouissimus prophetauit, ut osten-
deret eum primus. hic enim solus est prophetarum, qui *D. N. Iesum*
Christum, quem alij in longa tempora futurum præsciuerunt, proprijs
oculis uidere meruit, et annunciare præsentem: hic est ille, quem,
inspirante Deo, præcius annunciaui *Isaias*, dicens: Vox clamantis
in deserto, parate uiam domini: quam congrue, fratres charissimi,
B. Ioannes prædicatus est uox, qui cælestis uerbi, et præco mittebatur,
et testis: hic est ille, cuius per *Angelum Gabrielem* prænunciatur

D nati-

natiuitas, et nomen, et meritum: hic est, qui iudicio cælestis sententiæ, cunctis mortalibus antefertur, dicente domino: Non surrexit inter natos mulierum maior Ioanne Baptista. S. Ioannes Chrysostomus de beatis Apostolis Petro, et Paulo loquens, præclarissima utitur amplificatione, illis uerbis: Ego, et Romam propterea diligo, tametsi aliunde illam queam laudare, nempe a magnitudine, ab antiquitate, a pulchritudine, ab imperio, a diuitijs, a rebus in bello fortiter gestis, sed dimittens omnia ob id illam beatam prædico, quod erga illam sancti Petrus, et Paulus dum uiuerent, adeo fuerunt beneuoli, adeo illam amauerunt, et postremo in ea uitam finierunt, quorum sancta corpora ipsa possidet, et propterea ciuitas illa hinc facta est insignis magis, quam ab alijs rebus omnibus, et tanquam corpus magnum, et ualidum duos habet oculos illustres, sanctorum uidelicet horum corpora: non ita cælum splendet, quando radios Sol demittit, quemadmodum Romanorum urbs duas illas lampades ubique terrarum effundens: hinc rapietur Paulus, illinc Petrus: considerate, et horrete, quale spectaculum uisura sit Roma; Paulum uidelicet, è Theca illa cum Petro surgentem in occursum domini sursum ferri: qualem rosam Christo mittet Roma? qualibus coronis duabus ornatur Urbs ista? qualibus catenis aureis cinctæ est? quales habet fontes? propterea admiror hanc Urbem non propter copiam auri, non propter columnas, neque propter aliam rem, sed propter columnas illas Ecclesiæ: quis mihi nunc dabit circumuolui corpori Pauli? affigi sepulcro? uidere puluerem corporis illius, quæ adhuc Christo deerant, adimplentis? Stigmata illius gestantis? Quoniam uero contrariorum eadem est ratio ad amplificandum, simili modo in uiuperatione eadem regulæ sunt adhibendæ. Idem S. Ioannes Chrysostomus, de decollatione sancti Ioannis Baptiste in mulierem malam inuehens, pulcherrimam adhibet amplificationem: Nulla in hoc mundo bestia similis est mulieri male:

male: quid inter quadrupedia animalia leone seuius? sed nihil ad hanc: in serpentibus quid dracone atrocius? sed ne hoc quidem cum muliere mala, et linguosa conferri potest: nam et leo, et draco in malo inferiores sunt. Attestatur huic sermoni meo sapientissimus Salomon dicens: Cohabitare leoni, et draconi melius est, quam cum muliere mala, et linguosa; quod amplificando multis uerbis confirmat, et post ait: Nulla enim malitia emulari potest mulierem malam: attestatur iterum huic uerbo meo sapientissimus Salomon; quia non est caput super caput sapientis, et non est malitia super malitiam mulieris. O malum summum, et acutissimum Diaboli telum mulier: per mulierem Adam in paradiso prostrauit, et de paradiso exterminauit: per mulierem mitissimum illum Dauid, ut necem militis sui innocentis Urie Ethei, dolo mandaret, armauit: per mulierem sapientissimum Salomonem in prauaricationis sacrilegium precipitauit: per mulierem fortissimum Sampsonem illusum, rasumq. excæcauit, ut, et uirtute, et crinibus, et decoris oculis spoliatus, ludibrio foret hostibus, quibus fuerat ante terrori, et cum ijs captiuus moleret, quibus dominabatur inuictus: per mulierem castissimum illum Ioseph, uinculis alligatum, detrusit in carcerem: per mulierem illam totius mundi lucernam Ioannem capite truncauit: Et quid dicam de hominibus? per mulierem angelos e cælo deposuit, id est homines sanctos, qui ad cælum pergebant: per mulierem cuncta omnino prosternit, et iugulat, omnes interficit, omnes eludit repletos ignominia, et honore uacuos. Id autem pluribus uerbis prosequitur, quæ nimis longum esset omnia in medium afferre. Amplificatio etiam oratori Ecclesiastico est utilis, ac necessaria, ut declaret, et ponat ante oculos grauitatem peccatorum, et præsertim eorum, quæ non magna uulgo putantur, ut detractio, et similia. Sic ponet ante oculos grauitatem blasphemie, nimirum, quia est peccatum

contra Deum, contra cæli, et terræ dominum, contra patrem humani generis, a quo innumerabilibus beneficijs affecti sumus; multos esse blasphemos, quia ea, quæ providentiæ Dei tribuenda essent, tribuunt fortunæ, quia auctorem rerum omnium Deum non consentitur, quia eius summam sapientiam non agnoscunt; blasphemos maxime ingratos esse; eo peccare grauius, quo ex malitia peccant sine ulla uoluptate, natura humana minime inuitate. Monerem clericos ut in genere De monstratiuo uersantes, tractarent locos communes de bono mortis, de contemnenda uita, de maximis, et grauissimis periculis, quibus expositi sumus; et in fine sermonis concluderent beatum illum, qui iam in portum est receptus, commemorantes præcipuas illius uirtutes, ut auditores ad eius imitationem excitarentur. Laudantur angeli ab eorum attributis, quòd Deum intueantur, quòd ei ministrent, quòd æterna illa luce fruantur, quòd sine ullo periculo, et metu in cælesti illa patria cohabitent.

Pauca de Genere Iudiciali.

CAP. XXII.

DE Genere Iudiciali multa sæculi rhetores scripserunt, quæ nullam, aut minimam utilitatem clericis, quibus nos potissimum scribimus, possunt afferre: dicemus nos pauca, quoniam in paucis, et admodum rarè in hoc genere sanctos patres uersari solitos legimus. Constat autem hoc genus accusatione, et defensione: ideo non accusant clerici, quia humanam infirmitatem, et Dei misericordiam agnoscetes, ante oculos habent correctionem morum, non seueram iustitiam propositam. Permittitur tamen in sacris concilijs sacerdotibus accusare, cum de honore Dei, et de communi populorum salute agitur: in Iudicio autem hæc consideranda atque obseruanda sunt, ut qui accusant, zelo Dei accusent, nullo odio commoti, nulla utilitatis, aut inanis gloriolæ cupiditate adducti: apud

apud quem accusatur, iudicij auctoritatem habeat: qui accusatur talis sit, ut peruersis suis moribus alios corrumpat; ex quibus colligitur hereticos clericis, si opus sit, maxime esse accusandos, quanquam in ecclesia Dei hoc tempore huiusmodi disceptationes non admittantur; sed testibus, coniecturis, familiaritate hereticorum causæ iudicentur. Verum si in aliquo generali concilio, aut prouinciali synodo esset dicendum contra nouarum, et peruersarum opinionum disseminatores, docendum erit castissimos uetustatis limites non esse prætereundos: a sancta matre Ecclesia, Spiritu sancto edocta, nunquam recedendum; eam esse magistram, et arbitram ueritatis, et omnium errorum expultricem; Stulti et impij hominis esse ab ea discedere; grauissimum peccatum esse heresim, et eo grauius, quod quamplurimis perniciem afferat, perturbet regna, uastet respublicas, et multa incommoda populo Dei afferat. Cum, quatenus oratori Ecclesiastico satis esse uidebatur, attigerimus; primam Iudicialis generis partem, quæ ad accusationem pertinet, alteram, quæ ad defensionem spectat, aggrediamur: in qua multo frequentius Ecclesiasticus uersatur orator, ut oppressos homines subleuet, innocentesque defendat. Huius generis est exemplum B. Pauli Apostoli in actis apostolorum, qui cum à quodam Tertullo oratore accusaretur, ueluti seditiosus, et pacis ac quietis perturbator, se ipse coram præside defendit: et breui tempore ostendit falsum esse illud crimen, quod ei erat obiectum. Huius etiam generis exemplum extat apud Tertullianum in illo Apologetico, quod scripsit contra gentes: sic enim probat non esse accusandos, aut odio habendos christianos, tanquam malos: ita enim scribit omne malum, aut timore aut pudore natura perfundit: malefici gestiunt latere; deuitant apparere, trepidant apprehendi, negant accusari; ne torti quidem facile, aut semper confitentur: certe condemnati morientur, dinumerant in semetipsis malorum

lorum impetus, eosq. uel fato, uel astris imputant, nolunt enim esse suum, quia malum agnoscunt: christiani uero quid simile? neminem pudet, neminem pœnitet: si denotatur, gloriatur: si accusatur, non defendit: interrogatus, uel uliro confiteitur: damnatus, gratia agit: quid hoc mali est, quod naturam mali non habet timorem, tergiversationē, pœnitentiam, deprecationem? quid hoc mali est, cuius rei gaudent? cuius accusatio uotum est, et pœna felicitas? Defensiones uero suscipiende sunt iustæ pro gloria Dei, aut pro dignitate christiani nominis, ut ille, quem nominaui, Tertullianus fecit, defendenda est Christi D.N. sanctissima religio, et sanctæ sedis Apostolicæ auctoritas, etiam cum uisæ periculo: tueri debet unusquisq. existimationem, et famam suam: calumnijs oppressis coram Iudice, et ubique locorum succurrendum est. Sed caueat clericus ne crebris defensionibus in multorum animos illabi uelle uideatur, et inanem populi applausum aucupari. Deprecationibus utatur interdum, si is, de cuius salute agitur, multa probitatis, et christiane pietatis indicia dederit: si semel peccauerit. Cum autem defensio nihil sit aliud, quam depulsio criminis, quod obijcitur: et interdum fieri soleat, ut inopes, et omni ope destituti accusentur: filiorum suorum, eorum scilicet, quos Deus fidei suæ commisit, causas defendat: ostendat falsum esse illud crimen, accusantem malo animo in illum fuisse: non permittendum, ut seruus Dei calumnia opprimatur. Cauendum est maxime sacerdotibus, ne sanctissimis Sacramentis, instrumentis salutis æternæ, ueluti probationibus, ad quempiam uel accusandum, uel defendendum utatur: quemadmodum si quis affirmet, non esse illum, qui accusatur, proditorem, quia dum propria peccata confiteretur, proditionem illam non est confessus: aut calumniatorem esse illum, qui accusauit hominem, quem ipse scit optimum, cum eum sæpe propria peccata confitentem audierit, qui sic defenderent filios suos, adimerent auctoritatem

tem Sacramento Pœnitentiæ, et parum illis prodesse. Explicata Ecclesiastico oratori subiecta materia, quam tribus causarum generibus distinguendam demonstrauimus; declaremus quibus rationibus finem propositum idem orator consequi possit.

Quod ut cetera artes, sic Rhetorica Ecclesiastica, propria adhibeat instrumenta, qua sunt Enthymema, & exemplum, item quid sit Enthymema, et à quibus locis ducatur. CAP. XXIII.

N VLLA ars proprium munus obit, neque constitutum sibi finem consequitur, nisi quibusdam proprijs adhibitis instrumentis. Medicus ualitudinem non recuperat, aut conseruat, nisi diæta: quæ est recta victus ratio, aut medicamento purgante, aut uenæ incisione: nec faber sine malleo ullum opus efficit. ita Ecclesiasticus orator nobilissimo fine non potitur, nisi docendo, mouendo, et conciliando. Porro autem cum probationibus, hoc est argumentis in primis doceat, dicamus quid sit argumentum. Argumentum est oratio, qua quis rei, de qua dicit, fidem facit. Cicero sic definit argumentum: ut sit probabile inuentum ad fidem faciendam. fides autem sit Enthymemate, et exemplo: quæ oratoria instrumenta, siue machinas, quibus uictoriam consequitur orator, nobis liceat appellare. Enthymema est syllogismus imperfectus. Syllogismus autem, siue ratiocinatio, tribus partibus constat, propositione, assumptione, et complexione: ex quibus si una prætereatur, bipartita fit argumentatio, quæ est Enthymema: ut, liberalitatem esse laudandam si quis probet, quia est uirtus, omittit propositionem, quæ est; Omnem uirtutem esse laudandam: assumptionem, complexionemq. tantum profert; idq. ne tædio auditores afficiat, et multo magis, ne tardo ingenio eos esse uideatur existimare. Ac præterquam quod ab Ecclesiastico oratore argumentationes adhiben-

tur a causis, principijsq. rem necessario demonstrantibus, ut a uerbo diuino, a sanctis traditionibus, ab auctoritate ecclesie, et ceteris, quae post explicabuntur. is item in dicendo Enthymematibus utitur, quae sumuntur a signis, et ab ijs, quae uerisimilia dicuntur. Signorum quaedam sunt certa, quaedam minime certa: certa signa quae appellantur indicia, ea dicuntur, quae rem ipsam necessario consequuntur, ut si probet Ecclesiasticus orator, non esse in his charitatem Dei, qui mortales cum sint, iram seruant immortalem. Signa minime certa sunt, quae necessario rem non consequuntur: uerbi causa, si quis dixerit infideles eos esse, qui, homines christiani cum appellentur, multis, et uarijs uoluptatibus dediti, concionibus minime interfunt; raro, aut nunquam sanctissimum Eucharistiae Sacramentum sumunt. quae omnia ab incontinentia etiam, non ab infidelitate tantum possunt proficisci. quo loco abstinebit a quadam loquendi forma, qua nonnulli concionatores uti consueuerunt: ut incontinentes, auaros, et ambitiosos improprie, nullam fidem habere affirmant. Verisimile est quod plerunq. ita fit, ut uirum bonis parentibus, et catholicis ortum, et in Ecclesia educatum, haeticos fugere. Vfos autem esse sanctos patres, tum certis, tum incertis signis, tum etiam uerisimilibus eorum libri testantur. In Enthymematibus conficiendis haec praeccepta seruanda sunt, ut nec eas res assumamus, quae a re ipsa longe amota sunt, nec eas, quae uulgares nimis uidentur, ne passim assumptae uideantur. qui enim in haec uitia incidit, nonnihil detrahit ex estimatione sua, et alienat a se auditorum animos, qui res friuolas, et admodum uulgares non libenter admittunt.

Quid sit Exemplum, et a quibus locis sumatur. CAP. XXIIII.

EXEMPLUM est, cum ex aliqua re particulari, rem particularem probamus, et dicitur imperfecta inductio: ut impietatem

tem superbiæ, auaritiæ, libidinis, uitiorum, et calamitatum omnium altricem esse, Mahumetana impietatis exemplo licet ostendere. Quia igitur in concionibus ad populum exempla maximam uim ad persuadendum habent, uerissimum enim est illud quod uulgo etiam dicitur; *Exempla plus mouere, quam uerba*; exemplis sæpe utetur Ecclesiasticus orator. Caueat tamen ne, dum omnia, quæ dicit, exemplis illustrare nititur, in illud labatur uitium, quod ante ducentos, et amplius annos irrepperat, ut ficta, ridicula, minimeque uerisimilia recitarentur. *Exempla* porro sumenda sunt uera, grauiataque illustrata, et in primis a Christo Domino, quem omnium uirtutum exemplar dicimus; cum ita de seipso dixerit: *Exemplum dedi uobis, ut, quemadmodum ego feci, ita et uos faciatis*. Sacra littera uberem copiam ad res omnes, de quibus apud populum agendum est, exemplis confirmandas suppeditant. Iudith ciues suos, grauissima obsidione circumuentos, atque animo deiectos, exemplis ueterum patrum, ad constantiam adhibendam, et fidem in Deum habendam confirmat. Christus saluator noster prophetarum exemplo, ad tolerantiam nos hortatur: deterret exemplo uxoris Loth ab inconstantia. D. Paulus ab idolatria, fornicatione, murmuratione, ceterisque uitij abstinentium docet, recitatis grauissimis pœnis, quibus Iudei, qui in huiusmodi uitia lapsi fuerant, mulctati sunt. Sanctorum Apostolorum, martyrum, confessorum, ceterorumque omnium, quos nobis uenerandos, inuocandos, et imitandos S. mater Ecclesia proponit, ualde mouent exempla, eo præsertim tempore, cum illorum sanctorum, quorum exempla sumimus, solennitates celebrantur. Atque id maximam uim solet habere, si eorum, qui eisdem ciuitatibus, ubi sermo habetur, præfuerunt: et quorum gratissima memoria colitur, in medium proferantur facta, aut sententiæ: ut multum ualebit ad persuadendum aliquid, si Mediolani S. Ambrosij præ-

clarum aliquod factum, aut dictum commemoretur. Eadem ratione si Verone sancti Zenonis exemplo, et auctoritate, populus ad aliquam uirtutem impellatur. domesticis enim exemplis magis excitamur, et paternis uirtutibus incredibiliter commoueri consueuimus. nonnunquam, raro tamen, ethnicorum, et alienorum exempla in sacris literis reperiuntur; habentq. si apposite in medium afferantur, magnam uim: propterea quod coniunctam etiam habent eam argumentandi rationem, quæ dicitur, a minori ad maius, ut legimus apud Hieremiam: Transite, inquit, ad insulas Cethim, et uidete, et in Cedar mittite, et considerate uehementer, et uidete, si factum est huiusmodi, si mutauit gens deos suos, et certe ipsi non sunt dii: populus uerò meus mutauit gloriam suam in Idolum. Christus saluator noster Reginam Sabe et Niniuitas in exemplum adducit, et illud inculcat: Nonne ethnici hoc faciunt? Diuus Paulus uehementer urget, cum ait: Omnino uidetur inter uos fornicatio, et talis fornicatio, qualis non est inter gentes. Sanctus Basilius uerò ad fratris filios epistolam scripsit, in qua egregie locum hunc tractat, quomodo ex gestis gentilium possit quis exempla ad uirtutem colligere: in sacris literis exemplis belluarum, et rerum sensus experitum segniores acriter reprehenduntur. Multum mouet locus ille Esaie: Cognouit bos possessorem suum, et asinus præsepe Domini sui, Israel autem me non cognouit, et populus meus nō intellexit: et non minus illud Hieremie: Miluus in cælo cognouit tempus suum, turtur, et hirundo, et ciconia custodierunt tempus aduentus sui, populus autem meus non cognouit iudicium domini: in prouerbijs etiam piger exemplo formicæ excitatur: Saluator noster auium, et liliorum exemplo a nimia uictus, et uestium cura, et sollicitudine nos auocat.

Quid sint loci communes. CAP. XXV.

PORRO autem cum argumenta, aut ex rerum ui, naturaq. ducantur, aut sumantur ab ijs, quæ uidentur extrinseca, quanquam maiorem sepe uim habeant ad confirmandum: dicamus nos primum de ijs, quæ a re ipsa sumuntur. A rebus ipsis sumuntur, quæ à definitione, partium enumeratione, ethymologia, hoc est notatione uerbi, ab ijs præterea, quæ rem quanque contingunt, et ad eam quodam modo sunt affecta: quorum alia coniugata appellantur, alia ex genere, alia ex forma, alia ex similitudine, alia ex dissimilitudine, alia ex contrariis, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut parium, aut minorum: et hi appellantur loci communes, sedes argumentorum, elementa propositionum: sic autem describuntur loci communes; notæ, quarum admonitu, quid quæque res ualeat ad persuadendum, possit inueniri: quos locos quamplurimis exemplis illustrare non esset difficile, sed non admodum utile, et ab instituto opere ualde alienum: paucis exemplis, et illis facillimis contenti, quid singulorum natura sit, clericis declaramus.

Locus à Definitione. CAP. XXVI.

DEFINITIO est, quæ id, quod definitur, explicat quid sit: alio modo, breuis oratio, quæ rei naturam declarat. de qua hoc a dialecticis præcipitur, ut primum rei proximum genus assumatur, deinde ad id differentia adiungatur, quæ rem a cæteris formis, eidem generi subiectis, distinguat, et separet: quæ subtilis definiendi ratio in dicendo non sepe usu uenire solet, potiusq. quid res sit, descriptione quadam explicatur, quæ aliam in rem non possit conuenire. Utitur Ecclesiasticus orator sepe definiuionibus a

sensibus hominum ductis; interdum autem alienis a vulgi opinionibus, et vulgari loquendi consuetudine, quæ quasi ui expresse uidentur, et animos hominum uel maxime ducunt, et mouēt, eæque plerunque ad refellendum, nonnunquam ad confirmandum adhibentur, et ad uincendum ualent plurimum: a sensibus hominum ducta ea est definitio uitæ hominis, quam affert S. Iacobus Apostolus cum dicit: *Quæ est uita uestra? uapor ad modicum parens, et deinceps exterminabitur: ab eodem definitur lingua, ut sit ignis, et uniuersitas iniquitatis.* *Uititur B. Basilius in oratione contra auaritiam argumento a definitione, quæ uim quasi asserat, et abhorreat. ab opinione multitudinis: probat eum fraudatorem esse, qui, quod sibi superest, in pauperes non erogat: deinde in alia oratione ad diuites, in qua eorum excusationem ita proposuit, post argumento a definitione sumpto redarguit: At te ipsum pauperem esse dicit, et ego, inquit, assentior: pauper enim est, cui multa defunt, ut multarum autem rerum indigeas, insatiabilis habendi cupiditas efficit.*

Locus d partium enumeratione. CAP. XXVII.

PROXIMA definitioni est partium enumeratio, quæ non solum ad probandum aliquid, uel ad refellendum est utilis, sed etiam ad amplificandum, atque exornandum, cuius rei nobilissimum exemplum est in Ecclesiaste Salomonis ad probandam uerissimam illam propositionem: *Vanitas uanitatum, et omnia uanitas.* eleganter etiam Hieremias propheta probat in solo Deo gloriandum, enumeratis rebus, in quibus homines gloriari solent. Non glorietur, inquit, sapiens in sapientia sua, et non glorietur fortis in fortitudine sua, et non glorietur diues in diuitijs suis, sed in hoc gloriatur, qui gloriatur, scire, et nosse me, quia ego sum Dominus. Versans Ecclesiasticus orator in illa questione, quæ est maximi momenti, et
sape

sepe tractanda, mortem non esse extimescendam, hoc uti poterit argumento: nec naturalem, nec uiolentam, nec gloriosam, nec ignominiosam mortem sancti martyres, et totius sanctitatis auctor Christus, ut patri obtemperaret, fugiendam putauit; nulla igitur mors ex tinescenda est.

Locus ab Ethymologia.

CAP. XXVIII.

AB ethymologia, hoc est a notatione, orator Ecclesiasticus argumentum ducet: nam cum rerum appellationes partim a natura profectæ sint, partim lege, et consensu hominum confirmatæ, aliquæ Spiritu sancto dictante imposita, singule res suis proprijs nominibus ita sunt affectæ, ut earum uis, et natura uocabulis ipsis aliquo modo declaretur. Quare optima ratione ab eo nomine, quo res quæque prædita sit, argumentum interdum sumitur. S. Hieronymus scribens ad Heliodorum monachum, hoc argumento sic est usus: Interpretare, inquit, nomen monachi, hoc est nomen tuum, quid facis in turba, qui solus es? Ex hoc loco sepe uerissimam illam sententiam confirmare poterit Ecclesiasticus orator, piorum hominum esse singulis diebus sanctissimo Missæ sacrificio interesse, quia Missa quasi transmissa dicitur, propterea quod populus fidelis mysterio Sacerdotis, qui, Christi personam gerens, munere deprecatoris inter Deum, et hominem fungitur, preces, supplicationes, ac uota omnipotenti transmittit. Missa etiam appellatur, quia significat Christum, qui missus est a patre in hunc mundum, uel Angelum, qui mittitur, ut per eius manus hostia offeratur in sublime altare Domini. Quare ab eo loco sumere poterit multa argumenta, quibus populum hortetur ad Missas, singulis diebus audiendas, et dicat illos, qui frequenter solent eidem sacrificio interesse, recte educatos, timentes Deum, et bonæ existimationis esse consueuisse: illudque conse-

qui

qui solere, ut eo die, quo pii homines sacris interfuerunt, in negotijs, in quibus uersantur, maiorem animi moderationem, atque etiam æquitatem præferant, quasi a Christo, cuius sacratissimam passionem recoluerunt, adiuti.

Locus à coniugatis. CAP. XXIX.

SEQVUNTUR ea, quæ rem contingunt, in quibus sunt coniugata, quæ ab uno orta uarie commutantur, quorum usus est frequens: Si christiani sumus, christiane uiuamus. Esaias ita hoc argumento usus est; Fatuus fatua loquetur, et S. Ioannes: Primus homo de terra terrenus, secundus homo de cælo cælestis: sicut igitur portauimus imaginem terreni, portemus imaginem cælestis.

Loci à Genere, et Specie. CAP. XXX.

ARGUMENTVM a genere est illud apud Ioannem Apostolum: Omnis qui peccatum facit, iniquitatem facit, et peccatum est iniquitas: facilius exemplum afferamus. Virtus est amanda, amanda igitur est charitas: proximi sunt diligendi, ergo inimici diligendi sunt, cum, ut S. scribit Pontifex Leo in sermone de ieiunio, proximi non ij tantum intelligendi sint; qui nobis amicitia, et propinquitate coniunguntur, sed omnes prorsus homines, quibuscum natura nobis communis est. A specie ostendi potest, peccata miseros homines efficere, quia adulterium, homicidium a Deo homines separat, quæ maxima est putanda miseria.

Locus à simili. CAP. XXXI.

SIMILIVM comparatio est admodum frequens, et hunc in modum adhibentur argumenta: ut, morbi corporis grauiores sunt, qui non sentiuntur, ita peccata, quæ contemnantur: ut

agra

agra corpora quanto plenius natis, tanto magis ledis, ut scripsit Hypocrates, ita deteriores efficiuntur, qui impura conscientia sanctissimum Eucharistie Sacramentum audent sumere. Elegans, et illustris admodum similitudo est apud Esaiam, qua Deum agricolæ similem dicit: ut enim agricola interdum arat, interdum seminat, interdum excutit, interdum colligit fructus; ita Deus nunc corripit, nunc tuetur, nunc punit, nunc miseretur. Similitudines, quæ ex libro prouerborum, et ex sanctis Euangelistis in uniuersum ex sacris literis colligi possunt, asserre, esset hominis abutentis ingenio, et ostentantis non admodum difficilem obseruationem. S. Chrysostomus in oratione de orando Deo, ita argumentum a simili adhibuit; Quemadmodum urbs, quæ mœnibus, et propugnaculis careat, facile in hostium potestatem uenit; ita animam, quæ precibus munita non sit, nullo negotio redigit diabolus in ditionem suam.

Locus a Dissimili.

CAP. XXXII.

DISSIMILITUDINES pleræque explicantur in libro prouerborum: Iustorum, inquit, semita, quasi lux splendens, præcedit, et crescit ad perfectam diem: uia impiorum tenebrosa. Nos; qui breuitatem habemus propositam, quomodo hic locus a dissimili possit ad usum reuocari dicamus. Hereticorum est, ab ecclesia sancta recedere; noua dogmata confingere; doctores scholasticos contemnere; nos catholici Ecclesiam sequi magistram, uetustatis castissimos limites non transire, scholasticos doctores uenerari debemus. Aliâ etiam ratione: sapientes huius seculi plerumque ita uixerunt, ut eorum uita a præceptis, quæ alios docebant, discreparit: nos qui in christiana, et cælesti philosophia uersamur, demus operam oportet, ut quæ docemus, exemplo, et uisæ sanctitate comprobemus.

Locus

SEQVITVR locus a contrario, cuius magnus est usus, siue aliquid confirmare, aut refellere, siue probare, et illustrare Ecclesiasticus orator studeat. Quatuor sunt contrariorum genera; Aduersa, ut Ciceronis uerbo utar, priuantia, relatiua, hoc liceat uti uocabulo ut facilius res explicetur, et contradicentia.

Ab Aduersis.

Ab Aduersis Ecclesiasticus orator sic poterit argumentari: Superbiam peccatorum omnium matrem scimus; humilitatem igitur fundamentum omnium uirtutum amemus. Pax cum immanissimo Turcarum tyranno nec tuta est, neque honesta; bellum igitur iustissimum ab omnibus christianis principibus contra communem hostem geratur. S. Basilius ita eleganter loco a contrario est usus: Hæc compara inter se, ut ieiunium ad Deum adducat, ut salutem delitiæ adimant: quid Esau profanauit, et fratris seruum effecit? an non esca una propterquam primogenita uendidit? an non Samuel orationis, et ieiunij gratia patri donatus est? Abstinemus ab exemplis, a sacris literis sumptis, quia copia eorum obruimur, et perspicuitati studentes, clericos nolumus uel obscuritate, uel prolixitate fatigare.

A Priuantibus.

A Priuantibus hæc est formula: ut, lux cælestis patriæ est amabilis, et expetenda; ita tenebræ inferni sunt odiosæ, et fugiendæ. Misericordes, dicit Dominus, misericordiam cōsecuturos; qui igitur misericordia carebunt, misericordiam nullam consequentur. Quamobrem quodam in sermone S. Chrysostomus ostendit, neminem appellari posse misericordum, nisi qui misericordia caret, et animæ suæ nō est assuetus misereri.

A Relatiuis.

A Relatiuis sic ducitur argumentum: Laudandi sunt, qui discunt ea, quæ ad christianam religionem pertinent, multo magis, qui docent:

cent: quod argumentum amplificandum est hoc tempore in Ecclesia Dei, et excitandi sunt auditores ad suscipiendum laborem docendi pueros, ea quæ ad sanctam Christi religionem pertinent. Hic locus explicatus est apud Malachiam illis uerbis: Filius honorat patrem, et seruus dominum suum; si ergo pater ego sum, ubi est honor meus? et si dominus ego sum, ubi est timor meus?

A Contradicientibus.

Contradicientia, siue contradictoria, quæ latini disparata nominant, sunt: affirmatio, et negatio eiusdem rei de eodem subiecto: quorum alterum ait quid, alterum negat; ut sapere, et non sapere; si hoc est, illud non est; Christum diligit, qui eius præceptis paret; qui non paret, non diligit: qui ex Deo sunt, hoc est, qui Deum patrem agnoscunt, uerba Dei audiunt; qui non sunt, non audiunt; fabulis, theatris libentius interfunt, quam concionibus.

Locus ab Adiunctis.

CAP. XXXIIII.

Locus uero ab Adiunctis personarum, et rerum, attributa omnia pene complectitur: sic describuntur Adiuncta, quæ cum re sunt coniuncta, ut locus, tempus, uestitus, comitatus, apparatus, colloquia, in incessu uelocitas, rubor, pallor, et cetera, quæ rem magis exprimunt, et actiones, aut meliores, aut deteriores efficiunt. Valebit ad rem illustrandam, et amplificandam hic locus plurimum: uerbi causa, orator reprehendens eos, qui in Ecclesia ambulât, ita dicit: Quid agitis miseri? domum Dei facitis speluncâ; coram rege regum deambulatis attoniti, quasi eum non agnoscatis, partem in aliam oculos uertitis, diebus Dominicis, quibus consideranda sunt innumerabilia, quæ accepimus beneficia, stulti nimium nihil minus cogitatis; genio indulgetis, aleis, iocis, detræctionibus, salutationibus dies Deo dicatos consumitis. B. Basilius hunc locum adhibuit

F in

beatitudinis consequenda uias complectens, est omnium, qui unquam habiti sunt, sermonum pulcherrimus, et fructuosissimus.

Locus à Repugnantibus.

CAP. XXXVII.

REPUGNANTIA sunt, ea quæ neque certa lege, neque ordine inter se differunt; quæ ratione à contrarijs, atque dissimilibus discernuntur. Argumenti à repugnantibus talis est forma: Qui diligit Deum, non odit quemquam: si fato omnia fierent, tolleretur liberum hominis arbitrium; laus, pœna, uirtus, uitium, gloria, inania essent nomina: proximus inuidet fratri suo, ergo charitatem non habet: et hoc loco concionatores solent uti tractantes illam sententiam, nomine christianos nos dici, sed mores repugnare nobilissimo nomini, quo nominamur: humilitatis enim, mansuetudinis, obedientiæ, clementiæ, et omnium uirtutum exemplar dedit Christus Iesus, a quo nomen accepimus: nos uolumus haberi, qui non sumus, meliores, doctiores, atque etiam ditiores; quam sumus: turpe putamus non ulcisci iniurias: imperare est iucundissimum. ita etiam poterit argumentari; Qui diligit mundum, nō est charitas Dei in eo, et si quis dixerit, quia diligo Deum, et fratrem suum odit, mendax est. D. Ambrosius usus est hoc loco in sermone de decollatione S. Ioannis Baptistæ his uerbis: Postremo, quod etiam omnes barbari horrere consueuerunt, inter epulas, atque conuiuia, consummandæ crudelitatis profertur edictum; et a conuiuio ad carcerem, et a carcere ad conuiuium, feralis flagitij circumfertur obsequium: et paulo post; Quid crudelitati cum delictis? quid cum funeribus uoluptatis? rapiunt ad pœnam propheta conuiuiculi tempore, conuiuiali præcepto, quo non cuperet uel absolui; perimitur gladio, caput eius afferretur in disco: hoc crudelitati ferculum debebatur, quo insatiata epulis feritas uesteretur.

C *ARSA* est, cuius vi sequitur effectus: sunt autem quatuor genera causarum, materia, forma, efficiens, et finis, in omnibus rebus tam naturalibus, quam artificiosis, ut alio loco diximus: has quatuor causas facile est reperire. Materia est, ex qua res est. A causa materiali ducuntur ex sacris literis argumenta; In primis quæ hominē ad modestiam excitent, ut in Genesi dicitur, hominem formatum esse de limo terræ: quare peccanti Adam ob superbiam Deus obiecit illum reuersurum in terram, de qua assumptus fuerat; quia, inquit, pulvis es, et in puluerem reuerteris; et Abraham coram Deo se deiecit, quia semel capi, loquar ad dominum meum, cum sim pulvis, et cinis: hoc argumento Deus ad misericordiam inducitur: Recordatus, inquit David, quoniā pulvis sumus; et Iob: Memēto quæso, quod sicut lutum feceris me, et in puluerem deduces me; et Esaias: Et nunc domine pater noster es tu, nos uero lutum; et fictor noster tu, et opera manuum tuarum omnes sumus; ne irascaris domine satis, et ne ultra memineris iniquitatis nostræ. B. Basilius in opusculo pulcherrimo, quod inscripsit, Attende tibi, hunc locum sic expresse: Exultas ob diuitias, et ob maiorum tuorum nobilitatem te iactas: et propter patriam, et pulchritudinem corporis? attende tibi ipsi, quod mortalis es, quod terra es, et in terram reuerteris.

A causa formali.

Forma est id, per quod res est. A forma sic elicitur argumentum: Anima prædii immortalis cur nostras omnes cogitationes, ac spes collo camus in rebus caducis, ac terrenis? locum hunc explicat præclare S. Bernardus: O anima insignita Dei imagine, decorata similitudine, redempta Christi sanguine, desponsata fide, dotata spiritu, deputata cum angelis, capax beatitudinis, quid tibi cum carne? poterit saepe

orator

orator Ecclesiasticus hac uti argumentandi formula: Omnium uirtutum forma cum sit charitas, eniendum est, ut omnes nostrae actiones charitate informetur:

A causa efficiente.

Causa efficiens est, a qua aliquid est: ut Sol diem efficit. Probat propheta Deum humana curare, argumento sumpto a causa efficiente: Qui plantauit, inquit, aurem non audiet? aut qui finxit oculum non considerat? apud Esaïam dominus potentiam, sapientiam, bonitatem suam ex creatione mundi probat; ubi pollicetur, se curam habituram Israelis, propterea quod eos creasset: Audite, inquit, me domus Iacob, qui portamini a meo utero, qui gestamini a mea uulua; usque ad senectam ego ipse, usque ad canos ego portabo: ego feci, et ego feram; ego portabo, et sanabo. Apud eundem prophetam, se Christo magnam multitudinem regeneraturum, hoc ipso argumento ostendit: Nunquid, inquit, ego, qui alios parere facio, ipse non pariam? dicit dominus; et ego qui generationem cæteris tribuo, sterilis ero? D. Paulus ad Corinthios scribens, Baptismi uim demonstrat: propterea quod non ab hominibus, sed a Christo sit.

A causa finali.

Finis est, cuius gratia omnia fiunt. Sic argumentari poterit orator: Homo ad consequendam uitam æternam est formatus; Stultus igitur qui in uoluptate, in diuitijs, in honoribus beatitudinem collocat; amplicandus est hic locus, quia inde omnia peccata, omnes etiam calamitates oriuntur: quod ignoramus, ad quem finem cæli, et terræ Dominus in hanc lucem nos emisit; nimirum ut ei seruientes, nobis attenderemus, et ad uitam aspiraremus æternam. Propheeta ex hominis fine demonstrat, quibus rebus possimus ad uitam peruenire æternam, Quis ascendet, inquit, in montem Domini? aut quis stabit in loco sancto eius? innocens manibus et mundo corde. Totus liber, qui

sum eleemosynarum meritum, et quanta sit uirtus: certum est enim unumquenq. nostrum animæ suæ benefacere, quoties misericordia sua inopiæ succurrit alienæ: prompta ergo, et facilis, dilectissimi, largitas esse debet, si credimus sibi unumquenque id præstare, quod indigentibus tribuit.

Loci à Comparatione.

CAP. XXXX.

COMPARATIONIS locus uocatur, cum argumentum, aut a maiori ad minus, aut a minori ad maius, aut a pari, ducitur. Libentius sæpe asserimus, ne res obscurior fiat, exempla patrum, quam sacrarum literarum. Huius generis argumenti usus est B. Hieronymus scribens ad Heliodorum de laude uitæ solitariae, his uerbis: Filius hominis non habet, ubi caput reclinet, et tu amplas porticus, et ingentia tectorum spatia metiris. Sic ex hoc loco argumentari poterit Ecclesiasticus orator. D. N. Iesus Christus nobis maxima, et grauissima peccata, quæ quotidie committimus, dimittit, et nos leuissimas fratrum nostrorum iniurias ferre non possumus?

A minori ad maius.

A minori ad maius sic argumentari poterit orator. Diebus Dominicis laici sumunt sacramentum Eucharistiæ; cur non presbyteri, diaconi, et subdiaconi; aut etiam sæpius? Hoc argumento sic usus est Beatus Basilius in oratione ad diuites: Mare nouit terminos suos, nox non transgreditur antiquam termini descriptionem; at uero auarus non ueretur tempus, non statuit terminum, non concedit consequentias successionis; sed ignis uiolentiam imitatur, omnia corripit, omnia depascitur.

A Pari.

Parium comparatio est æqualis; ut, pastores consulunt saluti sui gregis,

litterarum testimonio, ueluti oraculo, utetur Ecclesiasticus orator, interdum excitans populum ad frequentiam sacramentorum; ubi argumento sumpto a definitione, ab ethymologia, a fine, ab efficiente, hortatus fuerit, ad salutarem illum cibum sumendum; proferet in medium uerba illa Dauidis: Percussus sum ut fanum, et aruit cor meum, quia oblitus sum comedere panem meum. Commemorabit quoque uerba illa sumpta ex libro sapientie: Venite comedite panem, bibite uinum, quod miscui uobis; locum etiam pulchrum Esaiæ, quem quintum S. Hieronymus appellat Euangelistam, Panis frugum terræ erit, et pignus: deinde præfatiuncula adhibita, magistri magistrorum uerba commemorabit, ita de seipso loquentis: Ego sum panis uitæ; et paulo post, Ego sum panis uiuus, et panis, quem ego dabo, caro mea est pro mundi uita. concludet quasi per increpationem; arrogantem esse, qui negat se illo pane egere; Stultum, et dementem, qui, oblata sibi uita, uelit manere in morte. Ita etiam de Purgatorio sermonem habens ad populum, quod sæpe debet facere, ad excitandam pietatem erga mortuos, uerba illa Esaiæ proponet ac ponderabit: Via sancta uocabitur, non transibit per eam pollutus: accommodabit quæ idem propheta alio loco dixit: Abluet Dominus sordes filiarum sion, et sanguinem Hierusalem lauabit de medio eius, in spiritu iudicij, et in spiritu ardoris. Quibus Esaiæ uerbis addet, quæ in hanc sententiam S. Ioannes in Apocalypsi scripsit: Non intrabit, inquit, in eam aliquid coinquinatum; ciuitas enim illa sancta est. His sacræ scripturæ testimonijs, siue oraculis, e multis sumptis, testimoniū Saluatoris nostri adiungens, qui dixit: Qui autem dixerit in Spiritum sanctum, non remittetur ei neque in hoc seculo, neque in futuro. Purgatorium esse affirmabit; animas in eo non posse quidquam, uel bene, uel male mereri: esse de sua salute securas; illis succurrendum, precibus, ieiunijs, eleemosynis, missarum sacrificijs;

quam si filij præstiterint parentibus mortuū, misericordiam eandem illis, cum e uita decesserint, filios suos præstituros. Et quoniam finitimus est oratori Ecclesiastico sacrarum literarum interpret; et interdum in prima concionis parte orator interpretis munere fungitur; de arte siue ratione explicandi sacras literas in tertio libro, cum de dispositione ageimus, tractabimus. quod eo minus est alienum, quia usu, et consuetudine receptum est; ut Euangelia proponantur, ueluti themata, quibus populus ad præcepta Dei obseruanda, et ad recte instituendam uitam eruditur. Testimonijs Davidis diuini uatis, ac uiri secundum cor Dei uetetur sæpe; quæ plurimum ualent, non solum ad confirmandum aliquid, sed etiam ad illustrandam orationem, cum eius psalmi pulcherrimis metaphoris, et similitudinibus abundant.

De probatione ab auctoritate traditionum Apostolorum.

CAP. XXXXI.

SECUNDUM inariusficiosarum probationum locum obtinent, Christi et Apostolorum traditiones: ut sanctissimi ritus, et ceremonie, quæ in sanctissimis sacramentis adhibentur; multæque præclaræ consuetudines, et sententiæ, consensu sanctæ Ecclesiæ, et longo usu confirmatæ: quæ quoniam scriptæ non sunt, sed de aure, ut aiunt, in aurem, ab apostolicis temporibus ad nos usque peruenerunt: uiuæ uocis oracula rectissime dici possunt. Commemoret illa uerba Ioannis Apostoli: Sunt autem et alia multa, quæ fecit Iesus, quæ si scribantur per singula, nec ipsum arbitror mundum capere posse eos, qui scribendi sunt, libros; et uerba Pauli Apostoli: Fratres state, et tenete traditiones, quas didicistis, siue per sermonem, siue per epistolam nostram. Poterit etiam ostendere multa esse ad Christianam religionem pertinentia, quæ literis canonicis consignata, non reperiuntur

eur: ut perpetua matris Dei uirginitas; baptismus paruulorum; et multa alia; quæ tamen ita credenda proponit Ecclesia; ut qui aliter sentiret, in heresim laberetur. Quare doceat legislatorem, et magistrum nostrum Christum, non solum docuisse, sed etiam in uniuersum præcepisse, ut ecclesiastica traditiones seruarentur, cum dixit discipulis suis: Sicut misit me pater, et ego mitto uos: qui uos audit, me audit: qui uos spernit, me spernit. Tribus uero potissimum de causis multa sine scripto tradita esse facile ostendet: primum ne apud ethnicos sacra nostra irriderentur, aut uulgo etiam in contemptum fidelium uenirent: deinde quoniam uiua uox, nescio quid latentis energie habet, et in discipuli aures de auctoris ore transfusa, fortius sonat; quare S. Hieronymus ad Paulinum ait: Indignum erat, ut tota Euangelij doctrina, quæ lex et spiritus, et uita est, mortuis quoque litteris committeretur, nec ulla ex parte committeretur cordibus: tertio ut ueri Dei filij ab adulterinis, et seruis dignoscerentur, seruorum enim est, et rudium ex præscripto solum agere; hinc Hieremias propheta, Dabo, inquit, legem meam in uisceribus eorum, et in corde eorum scribam eam; et S. Paulus ad Corinthios, Epistola estis Christi administrata a nobis, et scripta non atramento, sed spiritu Dei non in tabulis lapideis, sed in tabulis cordis carnalibus. quare saluator noster nihil eorum, quæ fecit, et docuit, scripsit; nec, quod legamus, scribendum quidquam præcepit; immo cum misit Apostolos ad prædicandum Euangelium, non dixit eis, scribite, sed euntes predicate Euangelium: quibus uerbis Apostoli longo temporis spatio uiua tantummodo uoce Euangelium prædicauerunt; postea etiam litteris consignauerunt. Quanta demum fides traditionibus sit adhibenda, cum ex ijs, quæ hæcenus dicta sunt, perspicere potest, tum ex Cypriani uerbis, quæ de re scripsit in hunc modum: *Ita par est Spiritui sancto, et Christo auctoritas, ita in suis institutis æqua est auctoritas et po-*

testas: nec minus est, quod, dictante Spiritu sancto, Apostoli traderunt, quàm quod ipse tradidit.

De probatione ab auctoritate Ecclesia. CAP. XXXXIII.

DE ECCLESIAE auctoritate pluribus uerbis et saepe dicit Ecclesiasticus orator, tum ut comparet auctoritatem eius ministris Episcopis, et sacerdotibus, quæ maxime est necessaria; tum etiam magis ad consolandos peccatores, qui salua nauis, quàmuis maximis fluctibus agitata, adhuc non perierunt. Quare doceat Ecclesiam esse populum fidelem, per uniuersum orbem dispersum, eam non bonis tantum, sed malis etiam constare: regnum cælorum, idest militantem Ecclesiam, simile esse sagena, in mare missæ, commemoret; uel agro in quo zizania superfeminata sunt; uel areæ in qua frumentum cum paleis continetur; uel decem uirginibus partim fatuis, partim prudentibus: esse expressam in arca Noe, qua non solum munda, sed etiam immunda animalia, concludebantur. Hanc Christum sibi amicam, sororem, et sponsam unicam delegisse, multisq. et eximijis promissionibus, ac beneficijs illustrasse, hanc constituisse domum suam, et uoluisse esse columnam, et fundamentum ueritatis, ut de illius doctrina dubitare nunquam possemus; quia tanquam magistra, custos, et interpret ueritatis, fidem atque auctoritatem obtinet inuiolabilem: hanc demum Saluatorem nostrum, urbi, supra montem positæ, comparasse; quæ ab omnibus conspici, et cognosci potest: atque cum ea omnibus diebus, usque ad consummationem sæculi se futurum promississe; ut tacite admoneremur ei in omnibus esse parendum: et quidquid illa, tanquam fidei dogma tenet, uerissimum esse; nec quidquam falsum, quod aut credit, aut docet, esse credendum. Cum enim, ut ait Apostolus ad Ephesios, corpus Christi sit Ecclesia, a suo certe capite mouetur, et regitur; ideo fateamur oportet eam nullo unquam

unquam tempore errare posse, quia à Salvatore nostro, Ecclesia ministris dicta sunt illa uerba: Ego rogabo patrem, et alium paracletum dabit uobis, ut maneat uobiscum in æternum, spiritum ueritatis, quem uos cognoscetis, quia apud uos manebit. quæ uerba ne quis Apostolis tantum dicta esse posset existimare, addit, non pro eis autem rogo tantum, sed pro eis, qui credituri sunt, per uerbum eorum in me. Quare nemo iure dubitabit, quin Ecclesiæ decretis, et legibus tanta fides sit adhibenda, quanta si ipsius Saluatoris nostri ore lata fuissent. Verum cum de Indulgentijs sermonem habebit ad populum Ecclesiasticus orator, eas esse thesauros, quos Christus sponse suæ Ecclesiæ donauit, demonstrabit: nam ut merita Christi, cuius una gutta sanguinis sufficiebat ad redimendos omnes christianos, merita etiam sanctorum martyrum, et preces Ecclesiæ, in indulgentiarum thesauro sunt recondita, ualere plurimum ad leuandam pœnam, cui obnoxij sumus, deleta iam culpa, quam indulgentissimus pater Deus peccatoribus remittit: dispensatorem huius thesauri esse Christi uicarium, ab illo concedi solitas indulgentias ad gloriam Dei, et ad populorum salutem, ac excitandos homines ad egregium aliquod opus: neminem, qui mortali peccato sit contaminatus, et qui ea, quæ sanctissimus Pontifex iussit, non obseruauerit, tanti beneficii participem esse: Iubileum Plenariam Indulgentiam concedi, ut humanæ infirmitati succurratur, ad conseruandam reuerentiam erga sanctam sedem Apostolicam, ad confirmandam fidem catholicam, et ad excitandam in animis hominum spem diuinæ misericordiæ.

De probatione ab auctoritate sedis Apostolicæ. CAP. XXXIIII.

SED IS Apostolicæ auctoritas, hoc est Romani Pontificis decretum, satis est firmum argumentum ad faciendam fidem: nam ipse est Christi Vicarius, et legitimus successor Petri, eandem

eandem, quam Saluator noster Petro tribuit, nō solum auctoritatem, et potestatem, sed etiam fidei firmitatem, et stabilitatem habens; cum ea uerba, Rogauī pro te Petre, ut non deficiat fides tua, et tu aliquando conuersus confirma fratres tuos, ad eum etiam pertingant: ita ut ip̄s, quæ ad sanctissimam Christi, cuius uicem in terris gerit, religionem spectant, errare nullo modo possit: præsertim cum Romani Pontifices, ut B. Gregorius scribit, nihil sine consilio grauiſsimorum hominum decernere consueuerint. Quando se offeret occasio, de potestate summi Pontificis Christi Vicarijaget; et ita ad populum dicet: quemadmodum nullum exercitum sine imperatore, nullum regnum sine rege, nullam domum sine patre familias; ita sine supremo pastore Christi Vicario, Ecclesiam regi non posse: inde ortos errores, quod membra a capite dissecta sunt.

De probatione ab auctoritate Conciliorum. CAP. XXXV.

MAGNA est etiam auctoritas sanctorum patrum; qui a Spiritu sancto in sanctis concilijs sunt congregati; ita ut in ip̄s, quæ ad confirmandam fidem christianam, et ad salutem animarum consequendam pertinent, nulla ratione errare possint. nam cum Episcopi sint tanquam columnæ Ecclesie, et capita, a quibus ceteri omnes fideles pendent: si ipsi in errorem ducerentur, necesse esset, quod accidere non potest, ut omne christianum edificium corrueret; hereses, multis iam seculis damnata conciliorū auctoritate, reuiuiscerent; symbolum Nicænum esset ambiguum: denique nulla certa uia esset, qua in fidei controuersiis catholicum dogma exploraretur. Ad hæc cum B. Augustinus affirmet, uniūuersalis concilij, sententiam, totius Ecclesie consensum esse: et cum Apostolo nulla alia commodior, ac faciliior uia uisa sit ad ueritatem in questione exorta inuestigandam, quam si ad concilium Hierosolymitanum

contro-

controuersia referretur, nullus dubitandi locus relinquitur, quin necessarium sit concilijs fidem adhibere, si Ecclesie auctoritatem uolumus tueri. Quare praeclare a S. Gregorio Pontifice dictum est: quatuor Concilijs generalibus tantam fidem adhibendam, quantam Euangelistis; nimirum quia idem magister est Spiritus sanctus, et idem est auctor Christus. Quamobrem ubi de iustificatione sermo habebitur, explicanda est sententia concilij Tridentini, decretum illius in medium afferendum est, quod declarat iustum fieri hominem iustitia inherente, per fidem in Christum, non historica, non mortua, sed formata, quae per dilectionem operatur: et ubi in synodus habendus est sermo, ostendendum est, absque peccato mortali, non licere abesse a cura ouium, quae nostrae fidei commissa sunt.

De probatione ab auctoritate sanctorum patrum. CAP. XXXXVI.

IN explicatione sacrarum literarum, ad corroborandum aliquid, magnum etiam praestat argumentum Ecclesiastico oratori, sanctorum patrum consensus, et auctoritas, quandoquidem a Spiritu sancto docebantur, cuius ope ita ad ueram diuinæ scripturae intelligentiam penetrarunt, ut in ijs, quae ad fidem pertinent, non modo non errauerint; sed admirabilis etiam omnium consensus extiterit. cum enim omnes, qui illis successerunt scriptores, et concionatores sacrarum literarum sensum ex doctrina ab illis percepta populo tradiderint: populus autem eundem sensum fideliter acceperit, profecto, si ipsi errauissent, necessario aut eos Ecclesia, omnium errorum expultrix, tanto in honore tot annos non habuisset; aut in eadem naui uersata, naufragium fecisset: quod tantum abest, ut uerum sit, ut qui id dicere auderet, haeresis se labe commacularet. Hos autem Dominus per Hieremiam prophetam Ecclesiae pollicitus fuit cum dixit: Dabo uobis pastores, iuxta cor meum, et pascent uos scientia et doctrina: ut uidelicet intelli-

intelligeremus ob id eos post prophetas, apostolos, et Euangelistas, nobis fuisse datos, quo eorum catholicam, hoc est uniuersalem, et communem intelligentiam, atque auctoritatem, tanquam ecclesie regulam, a Deo prescriptam, sequeremur. quo loco monemus clericos, ne contra sententias sanctorum patrum, ad populum audeant dicere: nec si quid ab eis, ut potè hominibus, erratum est, detegere, ut faciunt quidam, qui de predestinatione sermonem instituentes, B. Augustini sententiam improbandam suscipiunt; omne mendacium uituperantes, S. Hieronymus accusant: oratione, laudibus, et interdum etiam silentio sanctissimi uiri, lumina ecclesie, uenerandi sunt: eorum errores minime sequendi, dissimulandi tamen, cum ad populum habetur sermo. Magna est etiam auctoritas Doctorum, qui scholastici appellantur, præsertim B. Thomæ Aquinatis, quem sancta Concilia, Tridentinum in primis, magna ueneratione dignum iudicauit; eorumq. auctoritas ualet plurimum, ad confirmanda ueræ religionis dogmata, et ad falsa, et perniciofa refellenda.

De probatione ab auctoritate Philosophorum. CAP. XXXXVII.

NON minima est philosophorum auctoritas, eorum nimium, qui non solum naturæ nimirum, et effecta; uerum etiam morum, et uitæ normam inuestigauerunt, idque magna ex parte sunt consecuti: et quamuis Saluator noster apud Ioannem euangelistam dixerit: Quotquot ante me fuerunt, fures sunt, et latrones; tamen hæc uerba non ad eos, qui diuino ita uolente numine, sed ad eos, qui sua sponte uenerunt, siue pseudopphetas, siue pseudophilosophos pertinent: de quibus per Hieremiam prophetam Dominus ait: Non mittebam eos, et ipsi currebant. Quanquam uerè, ut Clemens Alexandrinus putauit, philosophi fures appellandi sint, propterea quòd a Moyse, et a prophetis sapientiam subriperunt, et gloriolæ aucupandæ

aucupanda causa, quasi suam iactare consueuerunt. Platonem
 quidem, Pythagoram, et multos alios philosophos, hebræorum con-
 suetudine familiariter usos, immo Pythagoram genere hebræum,
 atque etiam circumcissum fuisse S. Ambrosius affirmat. Quare
 nemini mirum uideri debet, si sancti doctores interdum uisi sunt in
 suis scriptis philosophorum testimonijs: qui enim S. Hieronymum
 legit in libro secundo aduersus Iouinianum, ubi cum hæretico dis-
 ferens, uarijs philosophorum auctoritatibus, multiq. ex eorum com-
 mentarijs rerum naturalium exemplis utitur; plane intelliget quan-
 tum horum auctoritas ad argumentandum conferat. Porro Epi-
 phanius, cum multis argumentis suassisset B. Virginem, post partum
 uirginitatem conseruasse, hoc argumento, a philosophis naturalibus
 sumpto, confirmat his uerbis: Aiunt leonem non parere, præterquam
 semel, et unum; cumque rationem, quam eius rei philosophi reddunt,
 subiicisset, concludit B. Virginem, quæ leonem peperit de tribu Iu-
 da, non nisi semel, atque unicum peperisse. S. etiam Paulus Aposto-
 lus ad Corinthios scribens, ex Menandri tragædijs illud sumpsit:
 Corruptunt bonos mores colloquia praua; et ad Titum ex Epime-
 nide philosopho, Cretenses semper mendaces, male bestie, uentres
 pigri. Quamobrem ad aliquid confirmandum postquam Ecclesiasti-
 cus orator sanctorum patrum sententias, aut exempla adhibuerit;
 nonnunquam philosophorum auctoritates adiungere utile indicamus:
 quo nos christianos uera philosophiæ amatores magis pudeat: quod
 faciendum in primis est, cum de remittendis iniurijs, et de contemptu
 rerum externarum, deque minime formidanda morte, agendum
 est. Plato, Aristoteles etiam melius esse scripsit affici, quam afficere
 iniuria: nos christiani, quod ualde deplorandum est, tam dulcem, tam
 iucundam uindictam ducimus. Philosophus dicebat omnia mea
 mecum porto, fugiens ab excidio patriæ; nos ad cælestem patriam

nati, regis regum omnium Christi fratres, in magna rerum copia egemus. Seneca docuit contemnendum esse contemptum, nos contemni miserrimum arbitramur.

De probatione ab auctoritate Historiarum. CAP. XXXXVIII.

INTERDUM etiam historiae grauisimorum hominum, praesertim ueterum, qui suspicione odij, et gratiae uacant, plurimum ualent ad faciendam fidem. nam cum historia testis temporum, lux ueritatis, uita memoria, magistra uitae, nuntia uetustatis sit dicta; necessario fides illi habenda est, nisi omnium rerum praeiutarum memoria tollenda, et more pecudum uita degenda sit: non est enim hominis bene instituti, et ad uitam humanam bene informati, uiro graui, et fide digno aliquid affirmanti, non credere: uerum omnes probati, et graues historici, si in eadem re conueniunt, ex eorum auctoritate certum argumentum promittitur, ut fidei dogmata, firma etiam ratione confirmantur; uerbi causa beatissimum Apostolorum principem Petrum Romae collocasse sedem, et pro Christo martyrii gloria coronatum esse, omnes graues historiae tradunt: unde certa argumentatione concludi potest, Romanum Episcopum Petro in pontificatu succedere. item Concilium Nicaenum tempore Constantini a Siluestro Pontifice maximo esse coactum, grauissimi quique historici memoria prodiderunt: qua ex re colligimus Concilium Nicaeni definitiones ueras esse, eo quod certum sit Concilium generale ecclesiae a Romano Pontifice comprobatum, errare non potuisse. Incredibile est quantam utilitatem asserat oratori Ecclesiastico cognitio ecclesiasticae historiae, in primis ad haereticos conuincendos, et ad rudium animos ad pietatem, omnemque uirtutem informandos. in quibus commemorandis, hortamur clericos, ut modum adhibeant, cum ad populum sermonem habent, ne in aliquam leuem memoriae ostenta-


tionem

tionem incidant; ubi uero sacra loquuntur littera, uel Christus aliquid precipit: ubi traditione apostolica, uel auctoritate conciliorum aliquid confirmari potest; longas historias proferre superuacaneum, aut ambitiosum esse uidetur. Quoniam igitur declarauimus, quibus rationibus Ecclesiasticus orator dicendo possit de rebus ad gloriam Dei, et ad salutem animarum pertinentibus, auditores instruere, regnum Dei, quod ipsi, et omnibus Christi fidelibus debet esse propositum, augere; consequens est, ut aggrediamur explicare, qua ratione audientium animos possit commouere.

Finis primi libri.

DE RHETORICA ECCLESIASTICA AD CLERICOS

Liber Secundus.



Ecclesiastica eloquentia partem esse commotionem. CAP. I.



QUOD Rhetor, et orator magnus seculi scripsit, accommodari potest, ut B. Augustinus obseruat in libro de doctrina christiana, paulum immutatis uerbis, oratori Ecclesiastico, docere est debitum, delectare honorarium, flectere uictorie: debet enim is, qui Christi legatione fungitur, probare uerissimam esse Christi religionem, eamque complecti omnia, quae speranda, quae timenda, quae uitanda, quae agenda

H 2 sunt

sunt. Ad expugnandos auditores hoc plurimum ualet, ut dicentis oratione, atque moribus, auditorum animi commoueantur: nam quanquā de eorum, qui audiunt, salute agatur, ita ut nulla uideretur necessaria commotio; quoniam tamen grauisissimi, et acerrimi sunt domestici inimici, quibus, dum in hoc corporis carcere deinermur, insidiosè oppugnamur; commouendi sunt animi, et ad pugnam hanc necessariam excitandi, ne uarijs fluctibus humanarum cogitationum, et cupiditatum mergantur.

Qua ratione auditorum animi possint commoueri. CAP. II.

HOc autem sit primum praeceptum, ut quis auditorum animos commoueat, qua in re orationis sita est uictoria, ut ille, qui dicit, sit ipse commotus: ut si alios uult flere, fleat ipse primum: quod consequetur, si quod uerbis predicabit, operibus comprobare studuerit; si nulla alia de causa, quam zelo Dei, et studio salutis animarum, dicendi munus susceperit: si prestantissima charitatis uirtute accensus fuerit, cuius solo ardore, B. Gregorio pontifice teste, predicatio flammescit: ita enim fieri non poterit, quin aliqua scintilla ad auditorū corda perueniat. Vtile erit praeterea, rem ipsam, de qua dicturus est, diligenter considerare, eaque ex sacris litteris, et praesertim ex prophetis, qui fuerunt Dei legati, et caelestes, ut ita dicam, oratores, legere, in quibus idem, aut similis locus explicandus est: uerbicausa cupiens, quod saepe necessarium est, auditoribus diuine ulcionis timorem incutere, legat Esaiam prophetam, qui illum locum traiecit his uerbis: Abiecerunt legem domini, ideo iratus est furor domini in populum suum, et percussit eos; et alio loco, Vlionem capiam, et non resistet mihi homo; quoniam iratus super populum meum, effundam super eum indignationem meam, et omnem iram furoris mei: et multo uehementius terrorem incutit, cum dicit: Veb Assur uir

ga furoris mei, et baculus ipse est, in manu mea indignatio mea, ad gentem fallacem mittam eum, et contra populum furoris mei mandabo illi, ut auferat spolia, diripiat pradam, et ponat illam in conculcationem; quasi litum platearum, quæ uerba calamitosis hisce temporibus maxime conueniunt: quandoquidem magna orbis terræ pars, sathanæ tyrannide oppressa, immanissimo Turcarum tyranno, eius ministro, subiecta est: ita ut ciuitatum, prouinciarum, rerum publicarum, atque illustrium regnorum, quæ in eius manus uenerunt, commemoratione, populis diuinæ iustitiæ terrorem, orator possit incutere. Verum calamitatem humanam cupiens ante oculos ponere, ut deterreat a uitijs, lamentationes Hieremiæ prophete diligenter legat, quas S. etiam Gregorius Nazianzenus, ut ipse in quadam oratione scripsit, in rerum prosperitate legere consueuerat: ut ea ratione seipsum temperaret. Iam uero quoniam nullus est præstantior magister, a quo mentes in Deum trahi possint, quam sanctus Spiritus; ideo precibus, et sanctis sacrificijs inuocandus est, atque inuitandus, ut ipse pro christiano oratore loquatur, ipse suggerat, ipse doceat. Quamobrem hortamur clericos, ut neque hanc commotionis partem, neque ullam aliarum adhibeant; immo ne ad dicendum quidem audeant assurgere; nisi inuocato Spiritu sancto; et nisi corde puro, et contrito, illud semper in animo habentes; Spiritus sanctus effugit fictum, et non habitat in anima subdita peccatis.

Quid sit commotio, et quod Stoici, qui omnes affectiones appellarunt morbos, et ideo eas extirpandas censuerunt, uehementer errauerint: et quæ ratione bonæ & malis distinguntur.

Cum commotio sit quedam mentis incitatio, sine qua ingrata, et exanguis sit oratio; dabit operam Ecclesiasticus orator, ut, quemadmodum sanguis per totum corpus diffunditur,

ita

ita in omnibus orationis partibus, quædam infimi, quæ ad commo-
uendum ualeant, nunquam probabit Stoicos philosophos, qui huma-
nitatem extirpantes, omnes affectiones, morbos appellabant. Sed
potius sciat utiliter a benignissimo patre Deo hominibus datas, ad eius
nominis gloriam, ad animarum salutem, et ad populi etiam christiani
utilitatem, illudque uerissimum esse, medias esse affectiones inter
uirtutes, et uitia: sed distinguere etiam posse hac ratione, nimirum si
sursum ferantur, si in cælum dirigantur, oriri uirtutes: si in terra
depressæ iaceant, nasci uitia; uerbi causa, si concupiscibilis illa uis,
quæ est in hominis anima, in cælum dirigatur, laudabiles, et uere
christianæ oriuntur affectiones, amor Dei, et proximi, gaudium,
tædium huius sæculi, timor periculorum, quæ imminet in hac uita,
atque etiam iustus dolor, quod nobis ipsi uer impediamus ad cælestem
illam patriam, et spes ac sancta quædam confidentia, quam resignatio
nem in Deum nobis licet appellare, sin autem uis illa deorsum tendit,
omnia peccata inde nascuntur, inde cupiditas inanis gloriæ, inde aua-
ritia, inde turpis uoluptas nascitur. Eadem ratione si irascendi uis
illa diuinitus hominibus tradita, sursum feratur, excitatur, et alitur
præstantissima affectio, quæ dicitur zelus, et cum ad inferiores cor-
rigendos adhibetur, est nutrix disciplinæ, et correctionis magistra,
ex qua, ueluti ex fonte, oriuntur christianæ uirtutes, fortitudo, mar-
tyrium, constantia, magnanimitas, christiana æquitas, et quædam
aliæ, quas philosophi ignorauerunt.

Quod fons omnium affectionum bonarum sit amor Dei, malarum uero amor
mundi in ordinatus; et qua ratione excitandi sint auditores ad amorem
Dei, et ad desiderium cælestis patriæ. CAP. IIII.

EXCITABIT autem Ecclesiasticus orator in primis ad amo-
rem, qui est fons omnium affectionum, cum est rectus
bonarum,

bonarum, cum est peruersus, malarum, qui est uia, qua itur ad Christum: et ostendit nullam uiam tutiorem nobis demonstratam: et ut magis commoueat animos, dicet eo nobiliorem quemque esse, quod nobiliora, et prestantiora diligit: Deum esse amabilissimum, quia optimus, quia benignissimus, quia pulcherrimus; immo quia fons bonitatis, benignitatis, pulchritudinis, et omnium bonorum: esse diligendum, quia dominus clementissimus est, quia dissimulat peccata nostra; expectans nos ad penitentiam, quia nos tuetur, quia bona omnia nobis largitur, quia hereditatem sanguine filij sui nobis preparauit eternam: ad hunc amorem Dei, in quo omnis christiane religionis uis sita est, excitans populum, quod sepe Ecclesiasticus orator facere debebit, pluribus uerbis exponet uerissimum illud esse, quod ueteri prouerbio dici solet, Nec regnum, nec amorem socios admittere, fieri non posse ut idem diligat Deum; et mundum; idcirco his utitur propositionibus ad excitandum desiderium celestis patrie, que pijs mentibus maxime desideranda est: in eo qui diligit mundum, non esse charitatem Dei: addat, difficile, immo potius nulla ratione fieri posse, ut presentibus quis fruatur, et futuris bonis, et in utroque seculo appareat gloriosus, et de delicijs transeat ad delicias: nos qui uiuimus hoc mundo, sic eo uti debere, tanquam non utamur: uere mundum esse hypocritam, cum insidiarum, et dolorum plena sint omnia; et cum licet bonus rudibus appareat, ualde tamen cum immoderate diligentibus, perniciosus sit: et de prateritis uoluptatibus nihil nos habere, nisi reatum; de futuris nihil; de presentibus solum nunc, quod scimus, quam sit fluxum. quo loco B. Gregorij pontificis uerbis utentes; ad populum saepe se clerici poterunt conuertere: Ecce mundus qui diligitur fugit, et quia eum retinere non possumus, necesse est ut cum ipso labamur. quibus uerbis addenda est illa sententia: Dies mundi sicut umbra pretereunt. quanto magis quis sequitur
umbram

umbram suam, tanto magis illa fugit. ad quam rem in animis auditorum imprimendam, prophetarum oracula commemoranda sunt: uerba illa Eſaiæ recitanda, Clama, dicit Dominus Eſaiæ, qui respondit, quid clamabo? omnis caro fœnum, et omnis gloria eius quasi flos agri; quæ uerba proferens orator, interpretis munere fungens, maxime commouebit. Quare dicit clama? quia multas uoces per seruos suos emisit dominus surdis. uere omnis populus est fœnum, uere sumus fœnum omnes; ac etiam floribus similes sumus, qui ex herba producuntur pulchri, et iucundi, paulo post exarescunt, et ad nihilum recidunt. Ostendet etiam uapori similem esse hanc uitam, similem nebulae, quæ cito solis radio apparente, resoluitur: sæpe illa B. Augustini uerba inculcanda sunt: O misera uita, inquit, quoties decepisti? quoties seduxisti? quæ dum uideris, umbra es; dum extolleris, fumus es, dulcis es stultis, amara sapientibus. Hæc ad tollendum impedimenta amoris Dei, et ad excitandum desiderium cælestis patriæ plurimum ualent. Inculcandum est etiam sæpe religionem, quam profitemur, esse amoris regulam: si ea, quæ uere amabilia sunt, amantur a nobis, et amoris nostri moderator sit Spiritus sanctus; omnes uirtutes nasci, desiderium uitæ æternæ, sanctum gaudium, salutarem pœnitentiam, castum timorem Dei, feruentem zelum, consolationem in rebus aduersis: ubi desit sanctus hic Dei amor, nasci cupiditatem, uoluptatem, desperationem, audaciam, odiû, inuidiam, et huiusmodi.

Quomodo excitandi sint quidam boni uiri ad amandos semetipsos, et proximum. CAP. V.

INTERDUM necesse est excitare quosdam uiros bonos, qui alijs præfunt, ad amandos semetipsos, hoc est ad amandam hanc uitam, cum præsertim eam populis utilem ipsi, aut boni uiri iudicauerint; nimirum ut alijs profint, et ut sanctarum uirtutum usu, cælestem

cælestem patriam magis mereantur. Quod tamen caute faciendum est, cum maior hominum pars, uitam cupiant protrahere, ut uoluptatibus diffuant; ut diuitijs, et honoribus abundant. qui amor maxime oratori Ecclesiastico est tollendus, ut miserabilis illa indulgentia, qua placemus nobismet ipsis, a sensibus nostris euellatur. Hæ sententiæ explicandæ sunt, eum qui amat animam suam, quod nihil est aliud, quam sibi indulgere, illam perdere, hoc est uisione Dei se ipsum priuare: amandum proximum: ad hunc amorem nos impellere naturam: diligendum non lingua, et uerbo, sed opere, et ueritate: diligendum, ut nos Christus dilexit, cuius amor fuit gratuitus, uehemens, et constans. quò loco inconstantiam huius sæculi licebit reprehendere: quòd homines nesciant diligere, nisi ex illo amore opes sibi parent, aut ut impure uoluptati seruiant, ita ut uoluptuarij potius, aut mercatores rectius, quam amici reperiuntur. eundem dicat, nos patrem habere Deum, eodem pretiosissimo Christi sanguine redemptos, eundem habere magistrum Spiritum sanctum, eandem matrem Ecclesiam, eisdem uti sacramentis, eiusdem nos terræ filios, ad eandem nos patriam aspirare, uere nos esse fratres; communicanda omnia nostra, hoc est ad communem utilitatem conferenda, ingenium, memoriam, linguam, quidquid longo studio didicimus, quidquid Dei beneficio nobis concessum est.

Quomodo parentes amare debeant filios suos, et filij parentes. CAP. VI.

QUODIAM multi, cum se maxime putant diligere filios suos, eos imprudentes odio habent; et cum beatos esse cupiant, eos peruersa disciplina miseros efficiunt: excitandi sunt maxime parentes ad amandos filios, ad procuranda filijs suis ea bona, quibus abuti nunquā possint, christianas uirtutes, in primis timorem Dei: et per increpationem ille dicit: Amatis uos filios uestros,

I qui

qui ad iracundiam uestra iracundia, ad auaritiā uestris sordibus, ad blasphemiam, impuro uestro ore, ad contumeliam, luxuriam, ac insolentiam male partis diuinijs eos armatis: odio habetis filios uestros, miseros efficitis, eosque idola uobis constatis, uirga parcitis, indulgentia uestra deteriores efficitis, calamitatis uestrae artifices estis. Ad filios conuertens sermonem, B. Thome sententia probabit, multo uehementiorem esse amorē parentum in filios, quam filiorum in parentes: quia est diuturnior, et quia de sanguinis coniunctione sunt certiores: grauisimum scælus esse iniuria afficere illos, qui de nobis ita sunt benemeriti, quibus organis usus est Dominus, ut in lucem ueniremus. Obiurgandi sunt ingrati filij, et perterrefaciendi, et dicendum, eos Deum sine dubio ultorem habituros.

Quomodo impellendi sint coniuges ad mutuum amorem. CAP. VII.

QUONIAM uero inter coniuges multe oriuntur discordie, multa rixæ; necesse est sepe hortari, ut se mutuo diligant: ad quem amorem ubi excitati fuerint aliqui, quos earum satietas cepit; reprehendendi sunt qui ardentius amant uxores suas, quam decet; ita ut adulteri uideantur: et ut mancipia sepiissime seruiunt uxoribus suis, earum uanitati ita indulgent, ut patrimonium consumant. Uxores ad amandos uiros suos excitandæ sunt, ad fidem seruandam: sepe dicendum bonas uxores de uiroꝝ suorum salute esse sollicitas, sanctificatos multos uiros infideles per mulierem fidelem: quod Valeriani, qui sanctitate Cecilie sanctificatus fuit, exemplo confirmari potest.

Quomodo excitentur auditores ad amandam patriam. CAP. VIII.

ACCIDIT sepe, ut ad amandam patriam necesse sit auditores impellere; cum tam pauci reperiantur, qui proprijs commodis

commodis omnia non metiantur, et publicis commodis priuata non anteponat: amare patriam est bene uelle patriæ, bonam, et beatam illam cupere, atque præclaris legibus, et bonorum omnium generibus cumulata. Quare qui adulationibus, qui blanditijs in animos illorum, qui præsumunt, illabi student; qui nouis sumptibus, et pompa se alijs præferunt, et æqualitatem tollunt; patriam corrumpunt, non amant. Ostendendum est, Urbem Romanam communem omnium christianorum esse patriam, in qua est sua sacrosancta sedes apostolica, pro qua uel mori pulcherrimum, et honestissimum est. Accommodare poterit hæc orator hominibus in oppidis, et etiam ruri habitantibus, et dicere, inde cognosci, si quis oppidum, aut uillam, in qua natus est, diligit, si Ecclesiam parochialem ornare studeat, si puerorum curam habeat, ac si filij essent; si res communes recte administret; mortuos esse pro patria multos apud Romanos commemorabit; multo æquius esse mori pro defensione religionis, et multo optabilius nobis, qui uitam expectamus æternam.

Quomodo excitandi sint amici ad mutuū amorem. CAP. IX.

INTERDUM excitans amicos, hoc est homines ætate, moribus pares, electione inter se coniunctos, ut se uere diligant, hortetur: caueant ne se mutuo blandis uocibus amicos, et fratres appellantes, odio habeant: ne domestici sint inimici, animarum suarum interfectores; sanctum nomen esse amicitie, consensionem animarum in sancta religione, in amando Deo, in christianis uirtutibus exercendis. Qui idem uolunt, cum uolunt ea, quæ legi Dei aduersantur, inimici rectius appellandi sunt, quam amici; uolunt enim sibi inuicem mala, cum turpissimarum uoluptatum conscij, et administri sunt; cum usuris enecant homines, cum semper laudant, ut placeant, non corrigunt, ne displiceant. Exclamabit aliquando nomen ami-

citiee Republica christiana, tanquam in exilium missum: illos etiam, quos sancta mater Ecclesia coniunctissimos esse uult, quos compatres nominat, nullam filiorum communium curam habere, ad licentiam, ad multa plerunque peccata sanctam illam coniunctionem adhiberi solitam: commemorabit etiam eorum cor unum in Christo esse debere, et omnia habere communia, fidem, spem, charitatem, participationem sacramentorum, delectari iisdem ieiunijs, eisdem orationibus, lectione eorundem sacrorum librorum.

Qua ratione excitandi sint auditores ad resignationem in Deum, et ad zelum. CAP. X.

ORATORIS Ecclesiastici erit ad resignationem in Deum auditores excitare, ut collocent omnes suas spes in benignissimo illo mundi, et bonorum omnium parente Deo: nihil deesse uolatilibus cæli, multo minus necessaria christianis, qui fratres Domini, filij Dei adoptiui, heredes futuri cælestis patriæ sunt, nullo unquam tempore defutura: utimur hoc nomine resignationis, donec magis proprium occurrat, quæ est affectio lenissima, et tranquillissima animi a diuino amore profecta: qua quis diligens Deum, confidit, nihil sibi defuturum, nihil cupit, nihil querit, nisi quod Deo placere sibi persuadet. Ad hanc excitabit orator Ecclesiasticus hac ratione, quia illi, qui seruiunt regibus, quo modestiores sunt, eo gratiores esse consueuerunt; multo magis id seruis Dei conuenire, qui nihil aliud petentibus, nisi ut fiat uoluntas eius, multo plura solet concedere, quam ipsi ausi fuissent petere. Ad quendam admirabilem effectum amoris, hoc est ad extrasim populus non est excitandus; cum tantæ perfectionis non sit capax, et donum sit præcipuum Dei, quod paucissimis est concessum. optanda potius est nobilissima illa affectio, quam populis proponenda. Ad zelum, qui est quidam feruor mentis, quo quis

quis debet excitari ad proficiendum cum illis, qui profecerunt; excitandus est populus, excitandi sacerdotes, commouendi illi, qui præsunt ciuitatibus, oppidorum administratores, ne patiantur populos, alios sibi deos constituere, quam unum Deum cœli, et terræ dominum: cautionem adhibeant, ne transfugiant ad sathanam, et ut zelotypi facere consueuerunt, qui obseruant, an eorum uxores cum amatoribus loquantur, obseruant etiam quid dicant, respiciunt nutus, et actus: ita ipsi considerent, num pauperes opprimantur, num occidantur usuris homines, num uoluptas corrumpat animos eorum, quibus præsunt, num hæresis aliqua ratione possit irrepere, num praua aliqua consuetudine ciuitas contaminetur, num otio præstantia corrumpantur ingenia, num recte in doctrina christiana insitiuatur populus, ad quem zelum excitare eos, qui præsunt, poterit Ecclesiasticus orator hunc in modum: eos esse Dei ministros, populorum patres, exemplaria uirtutum, ad imitandum proposita; grauissimam pœnam illos duros, qui sua gubernatione deteriores homines effecerint: maxime ad hunc zelum excitandi sacerdotes Dei ministri, ut animas sibi creditas diligentius, quam zelotypus uxorem suam, custodiant, obseruent, instituant, corrigant, diligant, sepe de moribus singulorum interrogent, non parcant sceleratis, et flagitiosis, nonnunquam improviso adeant oppida, ecclesias, uicos, ut explorent, si ad lenitatem, uirtutem episcopo, et parocho dignam, quispiam est natus, seueritatem, eius muneri interdum ualde necessariam induat; audiat, et imitetur magistrum magistrorum Dominum, qui eiecit numularios de templo: quo loco illa uerba per increpationem proferat: Zelus domus tuæ comedit me: et acriter accusabit de ambulantes in ecclesia sancta Dei, non audientes uerbum Dei, iridentes sanctos homines, qui frequentia sanctissimorum sacramentorum delectantur: et, cum de gloria Dei agitur, opes, honores, et uitam ipsam esse negligendam dicit.

dicet. *Precepta ad excitandos auditores ad amorem, tractabimus, multo plura dicturi, cum de uarietate auditorum tractabimus.*

Quod nunquam ad odium, nec etiam ad indignationem auditores sunt excitandi. CAP. XI.

QUAE a philosophis, et ab ijs, qui artem Rhetoricam traderunt, ad excitandum odium, et indignationem scripta sunt, ea, ut pote christianis, et maxime clericis inutilia, et perniciofa omittimus. Excitare odium in imaginem Dei filium eiusdem patris Dei, cuius omnes sumus filij, et ad eandem hereditatem uocati; non solum a christiano, sed etiam ab homine alienissimum est. peccata esse odio habenda, et maxime uitanda iam ostendimus; non inde tamen sequitur peccatorem, quem iustum efficere potest Dominus, qui sua pœnitentia potest alios ad pœnitentiam excitare, odio esse habendum: eius potius causa dolendum, et pro eo, ueluti pro fratre, orandum; et cogitandum sepe, ac uehementer timendum, ne, et nos cadamus. Indignatio autem, est dolor ex bono alterius, quem illo indignum iudicamus, quæ perturbatio, ut philosophi scribunt, in illos in primis cadit, qui se dignos maximis honoribus esse intelligunt: dolent igitur, aut quia non consequuntur, quæ indigni sunt consecuti, aut quia pares illos sibi uident factos, quos inferiores existimant. quamobrem huiusmodi perturbatio fortasse non est laudanda, neque excitanda, cum suspicienda sint Dei iudicia, et christiani hominis sit omnes sibi anteferre, alios se meliores putare: et fieri etiam possit, ut qui mali, et indigni honoribus fuerint, mores corrigant, et illis se honoribus dignos præbeant. Nec uituperanda est omnino publice hæc affectio: potest enim interdum a uirtute proficisci, quia tamen meliorem animam non efficit, et humano generi non prodest, non expedit, ut in cætu hominum excitetur.

Quomodo

Quomodo commouendi sint animi ad iram, hoc est, ad zelum honoris
Dei, et ad mansuetudinem. CAP. XII.

IRa est dolor mali presentis, aut non sine dolore: ad hanc commotionem utile erit interdum oratori Ecclesiastico populum concitare. nunquam tamen concitabit, nisi propter honorem Dei. quam iram, aut potius zelum honoris Dei expressit diuino numine afflatus Dauid his uerbis: Irascimini, et nolite peccare. Iram uindictæ apparentis; et illustris cum dolore appetitionem in illum, a quo se quispiam, aut aliquem suorum palam neglectum, atque contemptum merito putet, Aristoteles definit: ex qua definitione colligitur hanc potissimum esse huius commotionis excitandæ causam, nimirum contemptum. superbum enim animal homo tantum abest, ut contemni æquo animo ferat, ut haberi qui nō est, et magni fieri maxime appetat: a quo genere perturbationis, semper studebit Ecclesiasticus orator auertere auditores; et probabit letandum potius nobis esse, cum contemnimur, cum nos nihil faciunt homines, cum contumelia afficiunt, cum detrahunt; hac esse pharmaca maxime accommodata ad sanandam superbiam nostram; regem regum, et dominum dominantium, Christum Dei filium in hoc mundo despectum, contumelijs uarijs affectum, orasse pro calumniantibus, et persequentibus se, et, cum maximis iniurijs afficiebatur, mansuetudinis nobis reliquisse exemplum. Ira christiano homine digna est, in eum cum dolore concitari, qui Deum cæli, et terræ dominum non agnoscit, et Beatam semper Virginem Mariam matrem Dei, et aduocatam nostram, sanctos æterna uita fruentes, innocentes etiam uiros debita ueneratione non prosequitur: quæ ira rectius fortasse, ut paulo ante diximus, appellari potest zelus, quo sancti uiri amici Dei commoueri consueuerunt, ut est apud Dauid: Mei autem pene moti sunt pedes, pene effusi

effusi sunt gressus mei, quia zelavi super iniquos, pacem peccatorum uidens: et alio loco, Zelavi super facientes iniquitatem: ad quam commotionem populus concitandus est aduersus hereticos, et aduersus publicos peccatores; maxima tamen adhibita cautione, ut semper intelligat qui audit, orandum esse pro ijs, quibus irascitur, et nihil esse, cum de honore Dei non agitur, mansuetudine amabilius, nihil etiam Deo, atque bonis uiris acceptius. Mansuetudo est compositio animi, et frænatio iracundiæ, amicitiarum conciliatrix, bonæ existimationis nutritrix, discordiarum expultrix, alumna pacis, et iucundissima humane uitæ socia: in quâ uirtute qui magis proficit, maiorem sapientiæ, et bonitatis famam consequitur. Ad mansuetudinem uero sæpe necesse erit animos impellere; cum iniuriarum, simultatum, atque odiorum plena sint omnia: satis miseros esse illos qui in nos iniuriam intulerunt, quia iniuriosi sunt, quia peccauerunt: sedandum animum, quia illud est uincere, quia illud est imitari Christum, illud est aspirare ad uitam eternam.

Quomodo commouendi sint animi ad Penitentiam. CAP. XIII.

DOLENT qui male se habent: et cum in malis nihil iure collocari possit, nisi peccatum, morbus grauissimus animæ; declarandum est, salutarem esse dolorem uoluntarium: penitentiam esse peccatorum medicinam, sine qua sanari nemo potest, sine qua qui e uita, peccatis maculati, decedunt, perpetua morte condemnantur: esse iniquitatum interitum, lacrymarum alumnam, salutis spem, donum cælitus datum: eam non fornicatorem renuere, ab ebrio non auerti, non abhominari idolatram, non adulterum repellere, non maledicum insectari, non reprobare blasphemum, non superbum, sed omnes suscipere, omnibus communicare, omnibus cælum

lum aperire, et omnes ad cœlestem illam patriam ducere. Verum cum nihil sit, quod magis animam nostram deprimat, quam peccatum, onus grauiſſimum, quod Zacharias plumbi similitudine expressit, et Dauid illius naturam sic descripsit: Iniquitates meae supergressæ sunt caput meum, et sicut onus graue grauatae sunt super me: ostendat Ecclesiasticus orator, hoc onere animam nostram, per pœnitentiam liberari, ita ut usque ad cœlum facile possit euolare: ideo Christum dominum ostendisse, per eam regnum cœlorum ad homines appropinquare, cum dixit: Pœnitentiam agite, appropinquabit enim regnum cœlorum: et B. Ioannem Baptistam exclamasse: Facite fructus dignos pœnitentiæ, quoniam ecce adest regnum Dei: per eam latronem in cœlum receptum fuisse: per eam Dauidem, post flagitium, iterum Spiritum sanctum recepisse: per eam Manaſſem, post cruenta facinora, acceptum Deo factum fuisse: per eam Petrum apostolum, postquam ter Christum negauerat, peccatum deleuisse; et Paulum, persecutorem nominis Iesu, blasphemum, contumeliosum, inter Apostolos relatum fuisse. Hunc locum interdum poterit Ecclesiasticus orator exclamatione augere, in hunc modum: O pœnitentia, quæ peccatum, miserante Deo, remittis, et paradysum aperis, quæ contritum sanas hominem, et tristem exhilaras, uitam de interitu reuocas, priſtinum statum restauras, honorem renouas, fiduciam das, uires, et gratiam tribuis: o pœnitentia quid de te dicam? omnia ligata tu soluis, omnia soluta aperis, omnia aduersa mitigas, omnia contrita sanas: o pœnitentia misericordie mater, et magistra uirtutum, magna opera tua, quibus reos liberas, reficis delinquentes, lapsos erigis, desperatos recreas: tu auaritiâ respicis, horres luxuriam, linguam cohibes; mores componis, odisti malitiâ, excludis inuidiam. Ad hanc sepe orator Ecclesiasticus auditores excitabit hac ratione; nihil esse calamitosius, quam peccare, quam disiungi a

Deo, *Christi acie deserta ueluti transfugam diabolo seruire, ingratum esse peccatorem in Deum, patrem benignissimum, crudelem in semetipsum, qui natus ad uitam eternam, propriæ salutis inimicus, seipse perdat: peccati comitem esse plerunque infamiam: pauperes, obscuros homines, atque etiam corpore infirmos non esse miseros, si bene actæ uitæ conscientia sustententur: miseros esse, qui peccant. Peccare autem, sic oratorio quodam modo hoc loco describimus, ut B. etiam scribit Anselmus, est debitum Deo honorem adimere, subtrahere ei obedientiam. Atque ad commouendos animos ad sanctam Pœnitentiam, cum natura comparatum sit, ut illis malis doleamus, quæ nostra culpa nobis scimus accidisse, commemoranda sæpe erunt illa uerba: Perditio tua ex te Israel; et quoties uolui te congregare, quem admodum gallina congregat pullos suos sub alas, et noluisti? uerissimam esse illam Ioannis euangelistæ sententiã sæpe dicit: Vult omnes homines saluos fieri, falsum illud esse commentum, fato atque constellationibus, ad quædam scelera homines cogi, conscientiam esse domesticum, et uerum tribunal commemorabit, ut sanctus scribit Gregorius Nazianzenus, nihil esse detestabilius apud Deum excusatione peccati. Quare sic uitam nostram instituendam esse, ut nosmetipsos accusemus, et doleamus, confiteamur peccata nostra, et satisfaciamus: ostendat etiam maximas pœnas duros illos, qui non egerint pœnitentiam. nam si, ut Apostolus inquit, irritam quis faciens legem Moysi sine ulla miseratione, duobus aut tribus testibus moriebatur, quanto maiora supplicia merentur ij, qui benignissimum patrem Deum peccatis suis irritauerint? Quare ad pœnitentiam, tanquam ad arborem uitæ, confugiendum esse inculcabit, expellendum a nobis peccatum: quandoquidem quasi coluber in præcordijs hominum parit mortem, et quasi serpens uenenum spirat, et lethiferum generat morbum: audiendum atque imitandum Dauidem, pœnitentiæ*

exem-

exemplar, dicentem, *Genua mea infirmata sunt a ieiunio; et caro mea immutata est propter oleum.*

Quibus rebus commouendi sint auditores ad luctum. CAP. XIII.

DOLORIS frater, et pœnitentie filius est luctus, nobilis christianorum hominum uirtus, uanitatis, et stultitiæ expulsoꝝ sapientiæ socius, et beatitudinis fidelissimus comes, quemadmodum dominus noster in Euangelio testatum reliquit, cum dixit: *Beati qui lugent, quoniam ipsi consolabuntur: nam quemadmodum seruus plorans, propitium reddit dominum suum, filius patrem lachrymis mitigat, et paruulus plorans, asperam matrem mulcet; sic etiam peccator profusis lachrymis, placat iram Dei, ad eiusq. se amicitiam adiungit. Quamobrem ostendat Ecclesiasticus orator, summam in hoc apparere Dei benignitatem, ut quod ipse primæ mulieri peccanti, tanquam peccati pœnam dederit, cum dixit: In tristitia paries filios tuos, in salutem humani generis uoluerit conuerſi: nam sicut tristitiam peccatum peperit; ita et tristitia peccatum contriuit: et quemadmodum uermis in ligno natus, ipsum postea corrodit, sic peccati tristitia, ipsum peccatum comminuit. Hortetur auditores, ut luctu præoccupent pœnam, quam pro suis peccatis merentur, rogam peccatorum extinguant, non iam aquis multis, sed paucis lachrymis. nam quamuis magnus sit peccati ignis, modica tamen lachryma eum extinguit: respondeant iudici, priusquam in prætorium ueniat, desleant non pœnam, sed peccatum: neque solum illud desleant, sed desleant amare, quemadmodum et Petrus, de profundis clament, et deducant fontes lachrymarum, quo Dominus misericordia motus, peccata dimittat, clemens etenim est, ipse quippe dicit: Nolo mortem peccatoris, sed magis ut conuertatur, et uiuat. ostendat autem lugendum esse, quòd nosmetipsos ignoremus, ac per-*

dite nimium diligamus, quod in huius uitæ peregrinatione, non secus
 ac si nunquam essemus morituri, nobis ipsis placentes, non Deo uiua-
 mus: quod imaginem Dei, ad quam formati sumus, deturpemus:
 quod exules, obliti cælestis patriæ, hunc mundum patriam nostram
 esse ducamus, heredesq. amplissimi regni hereditate nosmetipsi pri-
 uemur: quod filij Dei adoptiui, et fratres Christi, eius preciosissimo
 sanguine redempti, filij diaboli, culpa, et ignauia nostra, efficiamur:
 quod puluis, cinis, umbra cum sinus, multa nobis arrogemus; et in
 hominibus, quorum proprium est decipi, et decipere, spes collocemus;
 charitatis, quæ est uirtutum omnium anima, expertes, nec patientes
 simus, nec benigni, plerunque inuidi: queramus tantum quæ nostra
 sunt: cupidiores huius uitæ, quam oporteat, in Dei uoluntate non
 conquescamus, nimium sepe studium in rebus non necessarijs po-
 nentes, tempus conteramus, uerborum aucupes, inanis gloriolæ cupidi,
 semper discentes, et nunquam ad scientiam peruenientes, uulgius pes-
 simum magistrum sequamur, adulemur nobismetipsis, dulci laudum
 ueneno delectemur, ueluti morbo phrænetici diuinitus nobis traditas
 medicinas auersemur, in rebus aduersis animum abijciamus, in
 prosperis efferamur: lugendum esse, quod uarijs huius uitæ fluctibus,
 aut non perueniamus ad portum, aut in portu naufragium faciamus:
 quod in huius uitæ militia, aut simus transfuge, aut, si interdum ad
 Christi castra reuertamur, miserabiliter uincamur: quia ea, quæ opus
 est animi constantia, sub uexillo Christi non militamus: lugendos com-
 munes orbis terræ morbos, nusquam tutam fidem, uirtutē plerunque
 iacere, innocentes opprimi, improbis honores deferri. Hoc autem in
 primis lugendum est contaminatam atque corruptam esse Domini
 nostri Iesu Christi sanctissimam religionem, peste uariarum haresum:
 sanctæ Ecclesiæ matris nostræ, nouos quotidie inimicos exoriri, re-
 gnare impietatem, dominari crudelitatem, imperare tyrannicam
 libidinem.

libidinem: quo loco de calamitatibus reipublice christiane, et de Turcarum tyrannide, multa accommodari possunt hoc tempore: et locus ille Hieremie explicandus; Quis dabit capiti meo aquam, et oculis meis fontes lachrymarum, et plorabo die ac nocte interfectos meos? non lugendos esse, qui mortui sunt, pro illis potius orandum, animam hanc esse ludum, somnium, nequaquam stabilem, motum aeris præteruolantis, nauis mare, nauigantis uestigium, uaporem, rorem matutinum, florem mane uirentem, uespere marcescentem, multa commoda asferre mortem, statuere terminum peccandi, uarijs periculis, et calamitatibus homines liberare, præbere aditum ad æternam, et beatam uitam, ut præclare in quodam opusculo de bono mortis sanctus scribit Ambrosius.

Quomodo excitare possint auditores ad Ieiunium. CAP. XV.

PŒNITENTIAE pars et uirtutum christianarum parens, ac custos est ieiunium. Quare ostendat Ecclesiasticus orator, ieiunium ad iram Dei placandam, et peccata expianda, sed sæpe etiam ad impetrandum aliquid a Deo, adhibuit fuisse. Niniuitas, auditis illis uerbis, Adhuc tres dies, et Ninive subuertetur, illico ad ieiunium uniuersos confugisse, ubiq. saccum, ubiq. cinerem, ubiq. fletum, et eiulatum, atque sic urbem periculis ereptam fuisse: Moysen, et Eliam, si quando ad Deum uolebant accedere, et quantum hominis fas est, alloqui, a ieiunio opem petisse: Daniele leonum lacum ieiunium ingredientem, mitem ab immitibus illa sum, redisse: tres pueros apud Babiloniam, caminum ingressos, atque in igne multo tempore colloquentes, egressos igne ipso, fulgidiora corpora habentes; quoniam corporum natura, ieiunio corroborata, cum natura ignis certabat, indeq. ipsa uictoria secuta est. Quam rem explicans Ecclesiasticus orator, per interrogationem dicet: Audistis pugnam ad

miratione

miratione dignam? audistis nouam, inauditamq. uictoriam? Ieiunium igitur miramini, alacriq. animo illud suscipite; quoniam, et in camino fert opem, et in leonum lacu custodit, demones fugat, et Dei reuocat sententiam, scelerum furorem reprimi, et in ueram libertatem uindicat, summamq. pacem, et tranquillitatem affert. Quod si Deus hominem a principio condens in Paradiso, eum ieiunij lege uoluit cohibere, cum dixit: De omni ligno paradisi comede, de ligno autem scientiae boni, et mali ne comedas; multo magis illud extra paradysum necessarium dicendum est: si ante plagam utilis medicina fuerat, multo magis post plagam. si nondum bello uoluptatum insurgente, nobis arma fuerant opportuna, multo magis post uoluptatum, uitiorumq. praelium a demonibus nobis illatum: et sermonem concludens, ostendat necessario nobis bene uiuendum, a ieiunio auxilium esse petendum. quam uocem si Adam, communis generis humani parens, et calamitatis humane auctor, audiuiisset, nequaquam illam secundam audiuiisset: Terra es, et in terram reuerteris.

Qua ratione excitandi sint auditores ad misericordiam. CAP. XVI.

DOLORIS species, est misericordia, quae nascitur ex miseria alterius, iniuria laborantis. quo loco tacite christianus orator obiectioni respondeat, si quis duritiem cordis sui, ita defendat; quod qui inopia, et calamitate premuntur, ea miseria digni sunt: tunc per increpationem dicat; neminem non esse multis peccatis obnoxium, eos qui huiusmodi uoces proferunt, maxime peccare, cum ipsi misericordia egentes, Dei partes sibi assumant. S. Gregorius Nazianzenus ad hanc uirtutem populum excitans, in exordio orationis de amandis pauperibus, auditores omnes appellat pauperes, et egentes gratia Dei: et S. Chrysostomus sermonem scripsit, quo ostendit, curiose non esse scrutandum boni an mali sint pauperes. quod cum
optimus

optimus quidam uir animaduertisset, dicere consueuerat, se aliquando libentius prauis hominibus eleemosynas largiri, si forte ea ratione, eo beneficio, quo, teste conscientia, se indignos agnoscunt, dent gloriam Deo, et ad penitentiam erudiantur. Multa sanctorum patrum leguntur orationes de eleemosyna, in quibus preclare cohortationes reperiuntur. Locorum autem hæc est summa, omnes esse pauperes, omnes egere misericordia Dei, solos tamen illos esse miseros, qui carent misericordia: artem quæstuosissimam esse eleemosynam, misericordie filiam, licitam, et sanctam quandam sænationem, distributionem pecuniarum in pauperes: diuites auaros esse fraudatores, raptores: quo quis plures habet filios, eo diligentius eleemosynis ei inuigilandum; ut propitium Deum eis efficiant, ut S. scribit Cyprianus. illud etiam B. Ambrosii est inculcandum: Non paupisti, occidisti: et illud repetendum, mandasse dominum unicuique de proximo suo: eius esse terram, et plenitudinem eius, orbem terrarum, et uniuersos, qui habitant in eo; diuites esse dispensatores diuitiarum Dei; eleemosynam peccatum extinguere, maximum esse beneficium, ut inquit Cyprianus, tam salutare, et tam facile nobis relictum remedium.

Quomodo excitanda sit misericordia erga mortuos. CAP. XVII.

MISERABILES etiam sunt quidam mortui, nimirum illi, qui in Purgatorio degunt: quorum sordes, hoc est ea peccata, quæ iusta pœna, et satisfactione prorsus deleta non fuerunt, Purgatorio, hoc est, ut D. Augustinus scribit, emendatorio igne, purganda sunt. Aduersus eos excitanda est misericordia nobilissima, et uere christiana commotio: ut qui audiunt, non solum misereantur animæ suæ, quod misericordie est caput, et eorum, qui uiuunt, auxilio egentium; sed misereantur etiam mortuorum, egentium maxime suffragijs nostris, sanctis sacrificijs sacerdotum, orationibus,

miratione dignam? audistis nouam, inauditamq. uictoriam? Ieiunium igitur miramini, alacriq. animo illud suscipite; quoniam, et in camino fert opem, et in leonum lacu custodit, demones fugat, et Dei reuocat sententiam, scelerum furorem reprimi, et in ueram libertatem uindicat, summamq. pacem, et tranquillitatem affert. Quod si Deus hominem a principio condens in Paradiso, eum ieiunij lege uoluit cohibere, cum dixit: De omni ligno paradisi comede, de ligno autem scientie boni, et mali ne comedas; multo magis illud extra paradysum necessarium dicendum est: si ante plagam utilis medicina fuerat, multo magis post plagam. si nondum bello uoluptatum insurgente, nobis arma fuerant opportuna, multo magis post uoluptatum, uitiorumq. praelium a demonibus nobis illatum: et sermonem concludens, ostendat necessario nobis bene uiuendum, a ieiunio auxilium esse petendum. quam uocem si Adam, communis generis humani parens, et calamitatis humane auctor, audiuiſſet, nequaquam illam secundam audiuiſſet: Terra es, et in terram reuerteris.

Quaratione excitandi sint auditores ad misericordiam. CAP. XVI.

DOLORIS species, est misericordia, que nascitur ex miseria alterius, iniuria laborantis. quo loco tacite christianus orator obiectioni respondeat, si quis duritiem cordis sui, ita defendat; quod qui inopia, et calamitate premuntur, ea miseria digni sunt: tunc per increpationem dicat; neminem non esse multis peccatis obnoxium, eos qui huiusmodi uoces proferunt, maxime peccare, cum ipsi misericordia egentes, Dei partes sibi assumant. S. Gregorius Nazianzenus ad hanc uirtutem populum excitans, in exordio orationis de amandis pauperibus, auditores omnes appellat pauperes, et egentes gratia Dei: et S. Chrysostomus sermonem scripsit, quo ostendit, curiose non esse scrutandum boni an mali sint pauperes. quod cum

optimus

optimus quidam uir animaduertisset, dicere consueuerat, se aliquantulo libentius prauis hominibus eleemosynas largiri, si forte ea ratione, eo beneficio, quo, teste conscientia, se indignos agnoscunt, dent gloriam Deo, et ad pœnitentiam erudiantur. Multæ sanctorum patrum leguntur orationes de eleemosyna, in quibus præclaræ cohortationes reperiuntur. Locorum autem hæc est summa, omnes esse pauperes, omnes egere misericordia Dei, solos tamen illos esse miseros, qui carent misericordia: artem quæstuosissimam esse eleemosynam, misericordie filiam, licitam, et sanctam quandam senerationem, distributionem pecuniarum in pauperes: diuites auaros esse fraudatores, raptores: quo quis plures habet filios, eo diligentius eleemosynis ei inuigilandum, ut propitium Deum eis efficiant, ut S. scribit Cyprianus. illud etiam B. Ambrosii est inculcandum: Non pauidisti, occidisti: et illud repetendum, mandasse dominum unicuique de proximo suo: eius esse terram, et plenitudinem eius, orbem terrarum, et uniuersos, qui habitant in eo; diuites esse dispensatores diuitiarum Dei; eleemosynam peccatum extinguere, maximum esse beneficium, ut inquit Cyprianus, tam salutare, et tam facile nobis relictum remedium.

Quomodo excitanda sit misericordia erga mortuos. CAP. XVII.

MISERABILES etiam sunt quidam mortui, nimirum illi, qui in Purgatorio degunt: quorum sordes, hoc est ea peccata, quæ iusta pœna, et satisfactione prorsus deleta non fuerunt, Purgatorio, hoc est, ut D. Augustinus scribit, emendatorio igne, purganda sunt. Aduersus eos excitanda est misericordia nobilissima, et uere christiana commotio: ut qui audiunt, non solum misereantur animæ suæ, quod misericordie est caput, et eorum, qui uiuunt, auxilio egentium: sed misereantur etiam mortuorum, egentium maxime suffragijs nostris, sanctis sacrificijs sacerdotum, orationibus,

nibus, ieiunijs, et eleemosinis, ut remittantur eis poena, et ab illa, in qua sunt calamitate, liberentur: superat enim, ut sancti homines scripserunt, ille dolor, illa calamitas omnes misérias, quibus humanum genus cruciatur. Hic autem locus commodissime tractari poterit eo die, quem orationibus pro mortuis sancta Ecclesia dicauit, et accommodari poterunt illa uerba Iob: Misere mini mei, saltem uos amici mei, quasi parentes mortui, atque etiam aui, et atui illas uoces e loco Purgatorij, emittere uideantur.

Qua ratione excitandi sint auditores ad timorem. CAP. XVIII.

TIMOR est, dolor ob malum imminens: omnia imminēt mala non timentibus Deum. timere autem Deum est nihil eorum, quæ agenda præcepit, ommittere, ut S. scribit Gregorius: ad quem excitandum, hi loci erunt aptissimi: timendum Deum, quia omnipotens, quia iustus, quia dominus: Omnipotens, dixit, et facta sunt, creauit uerbo omnia, eaque tuetur, ac regit. Iustus, rerum ordinem non patitur perueri, honorem sibi adimi non permittit. Ciuitates, prouincias, regna ob peccata euerit: timendus, quia Dominus, quo nomine sæpe utitur: Ego dominus, ad terrendos eos, qui eius imperium non agnoscunt. Verba prophetarum tanquam diuina uoces, sunt proferenda: Dominus sanctus, et fortis, emulator est, nec ignoscet sceleribus uestris: et si seruiatis dijs alienis conuertet se, et affliget uos, atque subuertet. tremendi iudicij sunt uoces illæ, quas Esaias proferebat: Ululate, quia prope est dies domini, quia uastitas a domino ueniet, et uerba illa Ioelis: Conturbentur omnes habitatores terræ, quia ueniet dies domini, quia prope est dies tenebrarum, et caliginis: atque illa Osee proferenda sunt: Audite uerbum domini filij Israel, quia iudicium domini cum habitatoribus terræ, non est enim ueritas, non est misericordia, non est scientia Dei in terra, maledic-

tum,

Etum, mendacium, furtum, et homicidium, adulterium inunda-
uerunt, et sanguis sanguinem tetigit: hoc lugebit terra, et infirmabit
omnis qui habitat in ea. Iudicij extremi descriptio maxime pertinet
ad hunc locum, quæ præclarissima est in oratione Gregorij Nazian-
zeni. cuius quadam uerba afferemus: Quid faciemus, inquit, eo
die, cum nos coarguent peccata nostra, et aderunt acres, et acerbi
accusatores, qui accepta a Deo beneficia, peccatis nostris opponent,
et a nobis rationem exposcent? postremo nos abducent, a nobismetipsis
condemnatos, et proprio iudicio ita conuictos; ut ne dicere quidem
possimus, nos iniquo iudicio circumuentos, pœnas dare. quod quidem
in maximis calamitatibus consolationem solet afferre: et paulo post,
inquit, Eo tempore sedes proponetur, et antiquus dierum iudex sedebit,
et libri aperientur, et igneus amnis fluet, et lux ex antiqua parte, et
paratæ tenebræ, et quæ sequuntur. Inculcandum est sæpe neminem
potuisse, nec posse effugere diuinam iustitiam, quo diutius dissimulat
Deus peccata hominum, propter pœnitentiam; eo grauiores pœnas
illos manere, qui in peccatis persistunt: uitæ breuitas, inopinata, et
immatura multorum mors, ad timorem multos erudire solet: docent
uarij morbi timorem Dei, docet sterilitas, docent uariæ calamitates,
acerrimi aduersarij, quibuscum perpetua pugna nobis est, timorem
maxime excitare debet, in primis diabolus, qui tanquam leo rugiens,
circuit, querens quem deuoret: qui, ut sanctissimus scribit Basilius,
postquam ab auctore suo defecit, inimicus Dei, hominis ad imaginem
eius constituti, est factus; qui ideo dicitur sathanas, quia bono ad-
uersatur: ita enim illa uox usurpatur in libro Regum impostor, ca-
lumniator, peccati impulsor, et accusator, qui interitu animarum
gaudet, ad noua scelera committenda, exemplo aliorum semper in-
ducens.

Quod ad timorem commouendi sint ij, qui rebus secundis efferuntur. CAP. XIX.

AD TIMOREM excitandi sunt ij, quibus omnia e sententia
eueniunt: ac propterea efferuntur, atque eis proponenda
sunt illa uerba B. Hieronymi: *Vbi tranquillitas, ibi tem-
pestas est: quæ explicans Ecclesiasticus orator dicere poterit, tunc
maxime oppugnari christianum, cum se oppugnari nescit, grauiores
illos esse morbos, qui non sentiuntur: rerum affluentiam ac prosperita-
tem insolentia matrem esse consueuisse, quod exemplo David con-
firmari potest, qui dum a Saul iniurijs afficeretur, dum persecutioni-
bus ageretur, dum per deserta fugeret, ne in eius manus incideret,
semper innocentiam suam seruauit: et ideo dicebat, Tribulationem,
et dolorem inueni, et nomen domini inuocaui. at ubi deuictis hostibus
pace fruebatur, in spurcissima illa grauisissimi adulterij, et homicidij
peccata prolapsus fuit. Quare non immerito in suis psalmis cecinit:
Noli emulari in eo, qui prosperatur in uia sua. Ostendat igitur sapiens
res uiros, etiam apud ethnicos orare Deum solitos, ut aliqua ratione
eorum prosperitatem temperaret. quod preceptum christianis in pri-
mis conuenit, quorum est proprium benefacere, et iniurias ferre:
quibus cum acerrimis, et grauissimis inimicis pugna est proposita: qui
nisi certent, coronam non consequuntur, quos semper decet esse pau-
dos, et ueluti peregrinos, de cælesti patria semper esse sollicitos. moneat
præterea, ut populus in rebus prosperis, inconstantie huius mundi
recordetur; mortem, quæ longe abesse non potest, ante oculos habeat:
Deum largiorem omnium bonarum rerum agnoscat, multos sancti-
tate, et doctrina, et uarijs uirtutibus insignes sepe commemoraret, qui-
bus dominus tantam bonorum copiam est largitus, ut propria peccata
crebrius, et libentius, quæ ceteri cogitent, ut ea cōfiteantur, ut ad magis
cognoscenda diuina beneficia, et ad gratiarum actionem excitentur
quos*

quos fortasse alloquebatur propheta cum dicebat: *Seruite domino in timore, et exultate ei cum tremore: quæ uerba interpretans B. Augustinus inquit: exultatio ut gratias agamus, timor ne cadamus.*

Quomodo auditores ad uerecundiam sint commouendi. CAP. XX.

DI CAMVS de pudore, siue uerecundia, quæ cum timore magnam affinitatem habet. nihil autem est aliud pudor, siue uerecundia, quam quædam extenuatio animi, ex malis orta presentibus, præteritis, atque futuris, ob quæ subeunda sit ignominie alicuius nota. Hæc affectio est digna christiano, ad quam excitari auditores debent, argumentis in primis sumptis a contrarijs, cum nihil possit esse tam alienum a christiano, quam impudentia, quæ est contemptus earum rerum, quas uerecundi maxime reformidant, flagitiorum magistra, discipline aduersaria, superbie filia, calamitatum sociæ. Excitandi sunt auditores ad pudorem, et ad uerecundiam; et declarandum, quam sit turpe deferere aciem Christi, et transfugere ad sathanam, quam sit ignominiosum membra Christi contaminare, imaginem Dei transformare in naturam bestiarum. quod uoluptatibus in primis fit: turpissimum autem est a fide parentum recedere, extra Ecclesiam uiuere, sanctissimis sacramentis, ueluti cibo non ali.

Quomodo excitandi sint auditores ad gaudium. CAP. XXI.

GAUDIUM, est affectio animi alicuius presentis boni, opinione concepta. Ad gaudium excitari possunt auditores, commemoratione maximorum beneficiorum, quæ diuinitus nobis collata sunt; in primis in solemnitatibus, quas sancta Ecclesia, a Spiritu sancto edocta, celebrat, et fidelibus tanquam diuine bonitatis atque clementie compendia proponit: *Gaudete, in-*

quit D. Paulus ad Thessalonica, in domino semper, sine intermissione orate, gratias agite, quæ uerba cum B. Basilii duobus sermonibus explicaret, ostendit, cum gaudio orationem, cum oratione gratiarum actionem esse coniungendam: gaudendum est, ut sanctus ille uir dicebat, cogitatione, quod cum nihil essemus, homines facti sumus, ad imaginem cæli, et terræ Domini, mente, et ratione præditi, quia Deum cognoscimus, et creatoris pulchritudinem, artes, et disciplinas percipimus: ac ueluti per quasdam notas Dei prouidentiam, et sapientiam legimus, discernimus bonum a malo, bonum appetere, et malum fugere a natura sumus edocti, alienati a Deo ob peccatum, iterum pretio sanguinis D. N. Iesu Christi gratiam recuperauimus, a miserrima sathana seruitute liberati. Spes resurrectionis, bonorum angelorum expectatio, cæleste regnum sancto gaudio nos implet: eiusdem patris, qui est omnium pater, omnes sumus filij, eandem sanctam Ecclesiam, cuius lacte enutrii sumus, habemus matrem: communis omnium christianorum hereditas est. Nemo igitur debet non gaudere, immo indicium bene constituti animi est gaudium: Gaudendum omnibus, non solum rebus prosperis, quibus ad gratiarum actionem excitamur, sed etiam rebus aduersis, quia dum nos corrigis Deus, ut uere filios, non autem ut adulterinos uideatur diligere: gaudendum, quod nobis, grauissimis morbis laborantibus, non deest medicus, neque medicina, Christus Iesus: quod nobis in huius uite peregrinatione tutissimam uiam demonstret, in hac erroris caligine, ueruatem aperiat, in hac umbra mortis, uitam nobis præstet: gaudendum, quod oratione in cælum, quasi ascendamus, quia diabolo, ut inquit Hilarius, possumus resistere: sed in primis gaudendum, quod per eam cum Deo coniungimur: gaudendum maxime paternæ Dei prouidentia, et ea cura, quam de nobis habet. Sanctus ille propheta Hieremias, ecclesiam ad letitiam incitat, his uerbis: Hæc dicit do-

minus

minus, audietur in loco isto uox gaudij, uox sponsi, et uox sponse, uox dicentium, confitemini domino exercituum, quoniam bonus dominus, quoniam eternum misericordia eius: et Baruc: Exue te Hierusalem stola luctus, et uexationis tue, et indue te decore, et honore, quia in Deo tibi est sempiterna gloria, circumdato te diploide a Deo iustitie, et impone mitram capiti tuo honoris eterni: Deus enim ostendit splendorem suum in te qui sub celo est. Ad sanctum gaudium populus excitabitur, cum de frequentia sacramentorum sermones habebuntur, panem esse, qui de celo descendit, ut si quis illum manducauerit, non moriatur, panem uitae, salutarem animae nostrae cibum: licere nobis, si uolumus, uesci ambrosia illa caelesti, et cum Christo coniungi, quo nihil potest esse praestantius, aut optabilius: Gaudendum esse tanto, et tam caelesti beneficio, quod diuinius nobis concessum est. quotidianum esse panem, non esse semel in anno sumendum, quo sapius eum quis sumit, eo tranquilliore uitam agere. Ad letitiam etiam, et ad christianum gaudium excitare solent populum concionatores, nuntiantes plenarias Indulgentias, siue Iubileas, quae ita Spiritu sancto edocente summi Pontifices, Christi uicarij, fidelibus largiri iustis de causis consueuerunt: letandum esse orator Ecclesiasticus dicit christianis, quod post multa peccata, quae grauiter punienda essent, postquam is, qui solus delet iniquitates, Deus culpam sacramento penitentiae nobis remisit, dispensator bonorum, Ecclesiae administrator, Christi uicarius Romanus Pontifex penas etiam remittat, ex meritis pretiosissimi sanguinis Christi, cuius una gutta sufficeret ad redimendos omnes, qui fuerunt, qui sunt, et qui futuri sunt homines; ex meritis itidem B. Mariae uirginis, sanctorum omnium, precibus fidelium; ut pena, qua digni eramus liberemur, misericordiae, et indulgentiae diuinae participes efficiamur. Verum tanto beneficio addendum, est neminem posse gaudere, qui sanctissimo penitentiae sacra-

sacramento a Deo peccatorum suorum ueniam non impetrauerit; qui uitam, ut D. Augustinus scripsit, non mutauerit, ut uitam acciperet Sanctissimam Eucharistiam.

Quomodo consolandi sunt ij, qui rebus aduersis animo deiecti sunt. CAP. XXII.

Cum multis et uarijs periculis hominum uita sit exposita, et multa quotidie accidunt, quibus, quæ naturæ humanæ est infirmitas, maxime perturbamur, ideo infirmum, ne dicam miserum, animal homo, sæpe consolatione maxime indiget. quam nobis sic liceat describere: dolorum, et sollicitudinum inmoderationem a recto iudicio, et a spe diuinæ prouidentie, et paternæ ipsius gubernationis perfectam: cuius totius consolationis, cum sit Deus idem, qui est pater misericordiarum, excitandus est populus, ut e cælo consolationem in rebus aduersis petat, et expectet, ad quam orator Ecclesiasticus populum ita poterit excitare, exemplo illorum, qui ex tribulationibus in primis maximam utilitatem ceperunt, ut Ioseph, qui in exilio, et in terra paupertatis suæ, ad eum dignitatis gradum peruenit, ut uniuersæ Aegypto præficeretur: filij Israel, quanto magis ab Aegyptijs opprimebantur, tanto magis multiplicabantur, et crescebant: exul Ezechiel in Caldea, in medio captiuorum uidit admirabiles Dei uisiones: Nabuchodonosor rex in rerum prosperitate arrogans, et superbus, ab hominibus eiectus fuit, et in bestiam commutatus, tandem sensum, quem amiserat, recuperauit; quia, quem prius blasphemaauerat Deum, laudauit. quibus, et plurimis alijs exemplis ostendere poterit orator, rebus aduersis affligi, et tentari homines, aut, ut eorum uirtus, tanquam aurum in fornace probetur, atque exerceatur; aut, ut eorum peccata expientur. Tribulationes, et tentationes, dicat orator (utimur his, et quibusdam alijs nomini-

bus

bus in Ecclesia usitatis, quia oratorem Ecclesiasticum informare
 studemus) erudire homines, ad multas virtutes, ad humilitatem,
 ad patientiam, et in primis ad prudentiam: Deum hac ratione re-
 primere illos, qui rebus secundis insolentes fiunt: tribulationem esse
 pædagogum ad timorem Dei, esse expultricem contumelia, incon-
 tinentiæ, uanitatis: uerissimas esse illas sententias: Cum ipso sum in
 tribulatione, eripiam eum, et glorificabo eum: et, Iuxta est dominus
 ijs, qui tribulato sunt corde: nullum esse malum, ex quo elici non
 possit bonum. quod docens S. Chrysostomus, in quodam sermone in-
 quit: Passus es malum? si uis non est malum, gratias age Deo, et est
 bonum. quod præclare cognouerat uir ille diuino numine afflatus, qui
 in maximis tribulationibus constitutus, dicebat: Per singulos dies
 benedicam te, et laudabo nomen tuum in seculum, et in seculum secu-
 li. addat mala, quæ nobis accidunt, plerunq. nobis accidere propter
 peccata, quod S. Gregorius Nazianzenus in oratione de plaga
 grandinis, affirmare nixus est; cum præclarissima peccatorum enu-
 meratione, ostendit grandinẽ diuino Consilio e cælo cecidisse. cuius
 aliquas sententias, quibusdam mutatis, quibusdam etiam additis,
 commemorans Ecclesiasticus orator dicere poterit: omnes calamitates
 oriri, quia alius pauperem oppressit, terræq. partem occupauit, alius
 limites suos scelerate, uel fraude, uel ui extendens domum domui,
 et agrum agro adiunxit: ut uicino aliquid extorqueret, et hoc maxime
 studuit, ut uicinum nullum haberet; perinde ac si solus esset habita-
 turus in terra, quia alius usuris terram sædauit, colligens ubi non
 seminauit, ac metens, ubi non sparsit: non ex cultura, sed ex pau-
 perum egestate, et penuria diuitias suas auxit: quia alius decimis
 Deo debitis, eundem cæli, et terræ principem defraudauit, immemor
 maximorum, quæ accepit beneficiorum: quia alius nec uiduæ, nec
 orphani calamitatibus commotus, nec panem, cibumq. exiguum
 pauperi

pauperi, immo Christo dedit: quia alius humiles contempsit, alius monentem odio habuit, alij obliti eorum uerborum: Benedictus dominus, quoniam diuites facti sumus: opes industrie sue, Deo acceptas, non retulerunt: alij frumentum mercari, sordidum questum ex eius caritate captantes, illa uerba proferunt: quando effluet mensis, ut rerum pretia augeamus, et thesauros recludamus? inde calamitates, diuina exigente iustitia, oriuntur: ideo grandines de cælo cadunt, ideo terra motus uastant ciuitates, et horribiles fluiuiorum inundationes, ideo fame, peste, bello, seuissimisque tyrannis, tanquam instrumentis, utitur Deus, ad conuertendum populum suum: sed ualde deplorandum est, quod sicut eodem igne aurum rutilat, palea sumat, ita una eadem afflictionum uis, multos quidem ad præclarissimas uirtutes exercet, sed plerosque damnat, perdit, exterminat: quoniam omnes suas cogitationes, et spes, cum in rebus hisce fluxis, et caducis, non in Deo fixas, et locatas habeant, diuinam uoluntatem non agnoscunt, et amore proprio decepti, ignorant multo melius esse probari, et tentari; quam non tentari, et reprobari. Quare tractet orator non esse miserum corripì a domino, plagis affici a patre, cum ipse dixerit: Quos amo, corrigo, et castigo. cumque ipse fidelis Deus, non patiatùr nos tentari supra id quod possumus, sed miserrimum esse, plagis cælestis patris non fieri meliorem.

Quomodo excitandi sint auditores ad spem. CAP. XXIII.

SPES est expectatio boni, ad quam excitant christianos homines, Dei bonitas, Christi passio, et multorum martyrum beatæ mortes, quibus ad uitam peruenierunt eternam. Pulcherrimus est locus B. Gregorij Nazianzeni qui Ioelis sententiam proferens, Quis scitis, si conuertatur dominus, et benedictionem relinquat? ipse subiungit: ego plane scio, et sum diuinæ misericordiæ sponzor.

cum

eum enim ira diuine nature aduersetur; sine dubio, si uoluerimus, ad uirtutem, eius nature maxime propriam, ad misericordiam conuerteretur. In solennitatibus autem in primis ad spem Ecclesiasticus orator excitare poterit, ut sanctissimo die natalis Domini, si ad populum, qui eo die ad Ecclesiam frequens conuenire solet, sermonem habebit, dicet uenisse in mundum filium Dei, ut cæli ianuâ aperiretur, factum hominem, ut nos aliquo modo dij efficeremur: illum esse diem redemptionis nostre, reparationis antiquæ, et felicitatis æternæ: sublato esse errores, quoniam uenit magister ad ignorantie tenebras depellendas; ad morbos animi sanandos uenisse medicum: regem demum natum esse, qui tyrannidem diaboli deprimeret, et mortem etiam ipsam profligaret. Sed maxime cauendum clericis, ne spem in auditorum animis ipsi excitantes, inanem fiduciam, ut alio loco iam diximus, inducant, ex qua tot hereses, tot calamitates profectæ sunt: quamobrem temperanda est semper oratio, ita ut dicat uenisse quidem Dominum in hunc mundum, ut uolentibus ingredi portas cæli aperiret, sanare quidem grauisimos morbos, quibus laboramus; sed minime sanare eos, qui medicum, et medicinam respuunt; magistrum esse omnium, minime autem infelicium, qui disciplinam negligunt. Si ad populum, timore imminenti periculi perterritum, habendus est sermo, ut hoc anno necesse fuit habere, quo misericordie Domini maxime apparuerunt, ut prophete uerbis utar, quia ab immanissimo Turcarum tyranno non solum consumpti non sumus, sed gloriosam etiam uictoriam, christiani principes reportarunt, afferendæ sunt prophetarum grauissimæ sententiæ, præsertim Isaie: Noli timere popule meus, Assur in uirga percutiet te, et baculum suum leuabit super te in uia Aegypti adhuc paululum, et modicum, et consumabitur indignatio mea, et furor meus super scelus eorum, et suscitabit super eum Dominus exercituum flagellum, quibus uerbis

ostendere poterit orator neminem unquam, qui in Domino sperauerit, confusum esse: hæc uerba locutum esse Dominum per prophetam: Requiescere faciam potentes, superbiam infidelium humiliabo.

Quod hac sancta Respub. qua dicitur Ecclesia, est ueluti corpus uarij: distinctum partibus, & quod excitandi sint auditores, ut in propria uocatione mancant. CAP. XXIII.

ET PROXIMA uniuersa christiani orbis respub. imaginem præ se fert nobilissimi cuiusdam corporis, præstantissima anima formati, dicat christiane Reipub. animam esse religionem, corpus uero uaria hominum genera, quæ ueluti membra illius corporis nuncupantur: nobilissima membra sunt, sacerdotes, Dei ministri, inter quos sunt gradus, ita ut omnes a Christi uicario pendeant, eumque in primis uenerentur, eius ueluti defensores, et charissimi filij sunt imperatores, reges, et principes, qui eo meliores sunt, quo magis a Dei ministris pendent, et sanctam matrem Ecclesiam consilio, et opibus, sanguine etiam ipso defendunt: hanc ipsam formam proponet Ecclesiasticus orator, ad hunc usum, ut doceat manendum unicuique in uocatione sua: imperare esse difficillimum sibi, nedum cæteris: quare non inuidendum sacerdotibus, non inuidendum regibus, orandum potius pro illis, consilio, ope, et diligentia iuuandos, ut onus sustineant; carere reges, et principes, episcopos etiam, et sacerdotes huius uitæ solatijs: eorum uitam plenam periculis, laboribus, et sollicitudinibus, plerumque illos falli, ut illis detrachere magnum sit peccatum: recte illud dici posse, esse illos seruos, quia commodis aliorum ad illos in primis spectat seruire: et profecto si homines saperent, nihil esse tutius, nihil optabilius, quam parere, quam sibi uiuere, et ad uitam æternam, ad patriam nostram aspirare intelligerent; modo magistram quæstiam non respuat, matrem, et nutricem sapientiæ, san-

sanctam matrem Ecclesiam, nihil potest accidere, ex quo bonum quisque non possit excerpere. non bonos principes interdum esse, ueluti pharmaca diuinæ iustitiæ: si populus in uis domini progrediatur, et orauerit, quos non bonos expertus est, diuino beneficio bonos euasisse cognoscet. Quare illa sententia sæpe est explicanda: omnem potestatem esse a Deo: parendum Pontifici, maximo, Christi uicario, et illis, quos constituit, episcopis, et parochis, ueluti ministris Dei, ministris diuinæ iustitiæ, aut diuinæ misericordiæ, ita etiam regibus, et illis, penes quos ea in urbe, siue oppido est rerum administratio: sæpe dicat occulto, sed sapientissimo Dei iudicio interdum fieri, ut qui minus digni sunt, imperent, pareantq. illis sapientiores: in quo argumento non diu morabimur. cum locus potius se obtulerit, uarias sollicitudines principum, et eorum, qui rempublicam administrant, proponet, ad leuandam inuidiam illorum, qui priuatam uitam degunt, qui commoda priuata uitæ non considerantes, miserabiliter plerunque astringuntur. Sed ob hanc causam in primis in hoc uersabitur argumento, ut populum excitet ad amandos principes, a quibus gubernatur, et ad orandum Deum, ut illis subministret spiritum consilij, ut ueluti parentes populorum, eorum salutem propositam habeant.

Varia auditorum genera distingui possunt, aut natura, aut disciplina, aut electione, aut occulto Dei iudicio. CAP. XXV.

DISTINCTIONEM auditorum aliqua diuisione comprehendendam iudicamus, ut in oratoris animo facilius imprimatur. Itaque dicamus ut genera hominum, ita auditorum genera posse distingui, quatuor potissimum distinctionibus, aut natura, ut alij sint mares, alie femine, alij parentes, alij filij, alij senes, alij iuuenes: aut disciplina, siue arte, ut alij sint magistri, alij discipuli: electione, quia auditores quosdam sibi ami-

eos deligant; etate, moribus, et conditione pares. distinguantur
 etiam occulto quodam Dei iudicio, qua forma dicendi utimur, ne
 fortune mentionem, quam inane nomen sancti homines existima-
 uerunt, faciamus: sic distinguuntur illi, quibus res omnes a duersa ac-
 cidunt, et illi, qui in rerum prosperitate uiuunt; distinguuntur reges a
 subditis, domini a seruis, pauperes a diuitibus, nobiles ab ignobilibus.
 Ad quorum omnium auditorum genera, Ecclesiasticus orator se ac-
 commodabit, hunc in modum. Mares sunt ad regendum aptiores,
 consilio, fortitudine præstantiores, quam fæminæ: hique monendi
 sunt, ne muliebris sexus imbecillitatem despiciant; sed potius ut sus-
 tentent, et tueantur, participes religionis, spei, fidei, et charitatis,
 prudentiæ, iustitiæ, temperantiæ, fortitudinis, uirginitatis, ac etiam
 martyrij, factas fæminas; non minus gratum illum sexum præ-
 potentii Deo, quam nostrum: pro eo etiam sanguinem D. N. Iesum
 Christum fudisse: B. uirginem eius matrem, ut omnium uirtutum
 exemplar, utrique sexui propositam. Mulieres uero excitandæ sunt,
 ut affectiones moderentur suas; ne nimis uelint, quod cupiunt: et
 quando uehementes in utranq. partem esse soleant, ad religionem,
 ad pietatis opera, animum conuertant: imbecillitate naturæ exci-
 entur ad deuotionem, molliæ cordis ad domum lachrymarum, ad
 salutarem luctum incitentur. cum uero maxime distinguantur uiri,
 et fæminæ, coniunctione, et solutione matrimonij, hoc est coniugio,
 et cælibatu; ostendat pluribus uerbis, nobilissimum et ualde expe-
 tendum cælibatum, quia angelicæ naturæ est propior, et eo uarijs homi-
 nes perturbationibus liberantur: moneat tamen ne cælibes iunctos
 matrimonio contemnunt; suum periculum considerent, uideant ne
 cadant, custodiant semetipsos; otium caput uoluptatum, et malorum
 omnium fugiant; orent sine intermissione, pijs operibus studeant;
 episcopos, et parochos suos adiuuent. Ad uiros orationem con-
 uertens,

uertens, dicat accipiendas uxores cum timore Dei, amore filiorum magis, quam ardore libidinis; ut benedictionem in filiis consequantur: uerba illa Tobie iunioris proferenda: Filij sanctorum sumus: ita coniungi non debemus, sicut gentes, quæ Deum ignorant: et pluribus uerbis ostendet coniuges sancti matrimonij munera posse obire, sine peccato, eiusdem sancti sacramenti gratiam, fomitem, et carnalem concupiscentiam debilitare, et reprimere, atque a fornicationis, et adulterij uitijs præseruare; ardorem libidinis temperandum: inculcabit, uiro ualde diligendam uxorem, quia sunt duo in carne una, quia una est domus, una mensa, unus lectus, una possessio, eadem proles, cooperatio, subuentio, mutua in labore prouisio, ac necessariorum rerum procuratio: hanc ob causam dixisse Apostolum ad Ephesios: Viri diligite uxores uestras, sicut Christus dilexit Ecclesiam. subuenit calamitati Ecclesie Christus rex, et sponsus, consulit rebus necessarijs, adiuuat infirmitatem, procurat semper eius commoda: quo exemplo excitandi sunt uiri, ut instituam uxores, si aliquid discere cupiunt, patiantur interrogari, ut iubet idem Apostolus, illas doceant, ornamentum mulierum esse silentium, domus custodiam, et rei familiaris curam sine sordibus. Increpent, quando opus est, modeste, moderationem Iob imitantes, qui erranti, et insipienti mulieri, nihil aliud dixit, quam, Quasi una de mulieribus stultis locuta es: excitandi, ut habitent cum uxoribus suis, ut Christus habitat in Ecclesia: quo loco uerba illa principis Apostolorum recitabit: Viri estote cohabitatores uxoribus uestris, quasi imperfectiori uasculo impertientes honorem, tanquam coheredibus gratiæ: quo loco exclamare poterit, coniungi quamplurimos matrimonio, non benedictionem Dei spectantes, sed uim pecuniarum, sed formam corporis, et affinitates: paucissimos esse, qui uxores suas instituam, reperiri quamplurimas, quæ articulos fidei nesciunt, ac præcepta legis christianæ non tenent: durissimos esse ple-

rosque

rosq. huius seculi uiros in uxores aut indulgentissimos: plurimos uxores fugere, quotidianam earum formam fastidientes, et minime illis cohabitare, plerunq. corpus suum fornicatione, aut etiam adulterio fœdantes. quem locum tractans, quod ei sepe usu uenerit, ostendet, uxorem uiro debere fidelitatem, amorem castum, ut in primis cupiat uirum suum esse sanctum: petat a Deo, ut uir suus proficiat in uijs eius: debere etiam timorem, qui ab amore proficiscitur, subiectionem, obedientiam, reuerentiam: dicat Saram obedisse Abraham, illum dominum uocasse; iussisse etiam commemoret sanctum Apostolum mulieres subditas esse uiris suis, non permisisse dominari in uirum, sed ei subiectas esse, quibus explicatis deplorare interdum commodissime poterit, mulierum quarundam insolentiam, et superbiam, quæ quoniam magna dote nupserunt, aut quoniam uiri sui, quod possent imperium, in eas non exercent, ipse in illos crudelissimam exercent tyrannidem, infideles plerunq. tantum abest ut pro uiris suis orem, ut deberent, ut illos ad insaniam suis iurgijs studeant redigere, audacissime uiros contempnam suos; regnare, non subiectas esse; dominari, non parere; coli a uiris suis, non reuerentiam eis exhibere uelint. qui locus profecto est exaggerandus, cum uerissimum sit illud quod de Lacedæmonijs scriptum est: dimidia felicitate carere illas ciuitates, in quibus recta non est mulierum disciplina.

Quo modo commouende sint mulieres.

CAP. XXVI.

CVM sepe in cætu mulierum sermones haberi consueuerint, cumque præcipua mulierum uirtus sit pudicitia, cuius corruptor est nimius cultus corporis; dabit operam Ecclesiasticus orator, ut a peruersa illa consuetudine fæminarum animos amoueant. Tractet illa uerba Tertulliani, eas commouens: Perit ille in tua forma si concupierit, et admisit iam in animo, quod concupiuit:

et

et facta es mulier gladius illi; et addendum est, cur expingis te, ut alij pereant? ubi est illud præceptum: Diliges dominum Deum tuum, et proximum tuum sicut teipsum? decorem non esse accusandum, ut felicitatem corporis, et animæ: dicet urbanam uestem cauendam maxime ne noceat: ac illa in medium afferenda sunt per increpationem: displicet forma, quam uobis donauit Deus? in ipso arguitis, et reprehenditis omnium formarum ac totius mundi artificem, cum eam emendare, cum abijcere conamini, et ab aduersario additamenta sumitis, quomodo præcepta Dei custoditis lineamenta non custodientes? Dominus dixit: Quis uestrum potest capillum album ex atro facere? contenditis cum Deo impie: sumite de simplicitate candorem, de pudicitia ruborem, depingite oculos uestros uerecundia, inferentes in aurem sermones Dei, annectentes cervicibus iugum Christi, caput maritis subijcite, et satis ornata eritis: uestite uos serico probitatis, bysso sanctitatis, purpura pudicitie, ita ornata Deum habebitis amatorem: ita ex Tertulliano, paucis mutatis, aliquibus etiam additis, feminas ad pudiciam excitabit Ecclesiasticus orator. Cum uero ille sexus sanctæ Ecclesiæ testimonio sit nobilitatus, et ad christianam hospitalitatem, ad opera pietatis, ad infirmorum curam excitande sunt, et proponenda sanctarum mulierum exempla, ut illud Sunamitis, quæ uirum deprecata, mansionem Eliseo edificauit, in eaque lectum, et sellam, et mensam, et candelabrum posuit, ut præteriens haberet quo diuerteret: et illud uiduæ, quæ Eliam hospitio suscepit, eique cum nihil aliud haberet, quam, ut scriptura declarat, quantum pugillus capere potest farinæ, et paulum olei, omnia impertiuit. Ipse Mediolani sermoni interfui illius ciuitatis Archiepiscopi, Cardinalis Borromæi, qui habitus fuit ad matronas, ut ad pietatis opera excitarentur. quibus, cum S. Helenæ Constantinii imperatoris matris exemplum esset propositum; nimirum ut illa crucem

Christi

Christi querebat, ita ipse eundem Christum in pauperibus quarerent, eique ministrarent, miro pietatis studio accense fuerunt. hæc sunt opera digna, quæ a mulieribus uere nobilibus, et præsertim a uiduis, quæ non habent uiros, qui eas interpellent, exerceantur. deinde hortande sunt ad fundendas ad Deum preces, illis Apostoli uerbis: Quæ uere uidua est, instet obsecrationibus, et orationibus die, ac nocte, ut Anna illa prophetissa faciebat, quæ usque ad annos octoginta quatuor non discedebat de templo, ieiunijs, et obsecrationibus seruiebat nocte ac die. Ad has uirtutes B. Augustinus in libro de uiduis, uiduam his uerbis adhortatur: Esto sancta, humilis, et quieta, misericordie, et iustitie opera indefinenter exerce, et quisquis te in opprobrium habeat, quisquis te subfannet, et inuideat, tu tantum Deo placeas, et quæ Christi sunt geras: ante omnia incessabiliter domini tui meditare mandata, orationibus, et psalmis instantier incumbe, et si fieri potest, nemo te aliquando, nisi aut legentem inueniat, aut orantem. Virgines uero cohortande sunt ad taciturnitatem, quia qui custodit os suum, et linguam suam, custodit ab angustijs animam suam: ad humilitatem, quia dominus respicit humilitatem ancille sue: ad castitatem animi, et corporis, quia mulier innupta, et uirgo cogitat, quæ domini sunt: ut sit sancta, et corpore, et spiritu: ad modestiam, ne cum sint filie Dei, sponse Christi, angelis quam simillime, impudentia sua in laqueos mali demonis incidunt. Verum nihil est, quo uehementius femina ad omnes uirtutes excitari possint, quam exemplo B. Virginis Mariæ, matris Domini, reginæ cæli, et terræ, aduocatæ nostræ. Quare recitanda erunt ea, quæ in lib. de uirginibus S. scripsit Ambrosius, quorum hæc est summa: uitam B. Mariæ non faminarum solum, sed humani generis fuisse disciplinam: uirginem fuisse corpore, et mente, humilem corde, uerbis grauem, prudentem, non loquendi, sed legendi studiosam, non in incerto diuitiarum, sed in prece pauperis

peris spem reponentem, intentam operi, uerecundam sermone, solitam arbitrum mentis solum Deum querere, neminem ledere, æqualibus non inuidere, fugere iactantiam, rationem sequi, amare uirtutem, prodire domo nesciam, nisi cum ad ecclesiam conueniret, et hoc ipsum cum parentibus aut propinquis. cum his moribus, sœminarum mores comparans orator, eas increpabit, ad imitationem illius, quam uenerantur, cuius auxilium implorant, cuius humilitate, et obedientia, infamia sœminei sexus deleta est, excitabit.

Quo modo commouendi sint parentes, et filij. CAP. XXVII.

IAM uero quia inter auditores christianos, multi sunt patres, multi sunt filij, et filius sapiens est gloria patris, ita filius insipiens, et peruersis moribus præditus, non solum est ignominia, sed etiam calamitas patris: excitandi sunt filij, ut non immemores tantorum beneficiorum, quæ acceperunt, et obliui maxime laborum, quos pertulerunt parentes sui, præcipuo amore, ut paulo ante diximus, illos non solum diligant, sed eis etiam obediant in omnibus, quæ ad administrationem domus, rei quæ familiaris pertinent; hortationes, obiurgationes, et salutaria medicamenta, ut maxima indicia, amoris, accipiant: intelligant filij se erga parentes suos satis gratos esse non posse, illos omnibus honoribus prosequantur. et uerba illa Tobie quæ magnam uim habent ad commouendum, explicet sæpe Ecclesiasticus orator: *Honori semper habebis matrem tuam, memor enim esse debes quanta pericula passa sit in utero suo propter te: et quod alio in loco scriptum est, dicat: Gemitus matris ne obliuiscaris: male famæ esse qui dereliquit patrem, et maledictum a Deo qui exasperat matrem: succurrendum parentibus, eorum uitam sustentandam, tristitia non esse efficiendos: uituperandos maxime, qui clandestinis matrimonijs eos conturbant, iustissimo Dei iudicio sæpe accidere, ut clan-*

N

destina

destina matrimonia, pœnitentia, calamitas, ac etiam infamia consequatur. Exclamet interdum Ecclesiasticus orator, peruersos filiorum mores commemorans, et calamitatem multorum parentum ante oculos ponens, peruersitatem, et contumaciam filiorum suorum, esse pœnam eorum indulgentiæ, esse medicinam, qua eorum mollires sanari possit: quo loco in medium proferat, et pluribus uerbis explicet sententiam illam Salomonis in prouerbijs; Qui diligit filium suum, instantèr erudit eum: et dicat, a natura insitum esse, ut parentes filios suos tueantur, et nutrant, atque a sancta religione, in qua nati, et educati sumus, hoc singulis impressum esse parentibus, ut a peccatis, quantum in ipsis est, eos reprimant, in bonis moribus instruant, corripiant, quando opus est, ac etiam puniant: Stulticiam esse in corde pueri, uirgam discipline fugare eam: eum qui parcit uirgæ, odio habere filium suum: multos parentes in perpetuam calamitatem incidisse, quia negligentia sua, aut indulgentia, filij sui deteriores euaserunt: hæc a parentibus postulari, ut filij in ijs erudiantur, quæ ad religionem christianam pertinent: eum, qui docet filium suum, ut scripture sacre uerbis utamur, laudari in illo, et in obitu suo non tristiari: filium sapientem leticiam afferre patri suo: filium stultum mœsticiam esse matris suæ. Multa occurrent hoc loco, quibus, signauiam parentum multorum Ecclesiasticus orator possit reprehendere; quod multi corrumpunt filios suos exemplo: quod uiliorum eos ministros atque hæredes, ut perpetuo sint miseri, efficiunt: quod eos discipulos atque adiutores ad occidendos homines usura, multi exhibeant: quod duriia sua, filios suos ad iracundiam prouocent, et ita prouocent, ut pusillo, ut inquit Apostolus, animo fiant; quod plerunq. accidit incontinentibus patribus, qui nouis aut nouercarum, aut meretricum amoribus irriti, paterni amoris obliuiscuntur: quorum ignominia, ante oculos auditorum, interdum Ecclesiastico oratori est ponenda; eorum maxime,

xime, qui, patrimonium quod a parentibus acceperunt, et filijs suis deberent relinquere, iam imminuerunt.

Quo modo commouendi sint senes. CAP. XXVIII.

QU^{IA} diximus distinctos auditores etiam etate, ut alij sint senes, alij iuuenes, alij media etate consistentes, hac sumus contenti distinctione; quia exquisitam illam distinctionem etatum, non est necesse in medium proferre. Ad senes conuertendus est sermo: qui ob usum rerum, quem habent, cum metuant falli, sint suspiciosi, sint timidi, sint auidi, sint difficiles ad sperandum, sint etiam plerunq. inuerecundi: Ecclesiasticus orator cum illis ita agat, ut ostendat, hoc illis tantum metuendum esse, ne a se ipsis ledantur, ne se ipsos ignorent, ne nimium seipsi fallant, ne temere iudicent, honores huius seculi, opes, quibus tantopere delectantur, suspectas habeant: illam timiditatem, quæ, refrigerante calore, illis inest, conuertant ad humilitatem amplectendam: confidant in Domino, in quo, qui confidit, nunquam confusus est: prudentiam suam, qua didicerunt fallaces esse hominum spes, et incertas cogitationes, non tantifaciant, ut promissiones Dei, eiusq. liberalitatem, eadem mensura, qua pollicitationes mundi, qui cum sit hypocrita, semper decipit, metiantur: si qui, eos magnificare non videntur, non admodum curent: vereantur Deum, cuius oculis patent omnia: misericordiam, ad quam, naturæ quadam infirmitate, sunt inclinati, exerceant: prosint consilio: auctoritate, qua possunt, doceant, quæ usus illos docuit: uicinatorum filios, filios suos putent, hortentur, reprehendant, subueniant: si uero diuites sunt, quominus opibus egent, breui ex hac uita migraturi, eo libentius eas communicent egentibus: cum naturæ beneficio, tyrannide impuræ uoluptatis sint liberati, dent operam, ut honorum, et diuitiarum cupiditate se liberent: et ut in rebus humanis,

fluxis, et caducis, prudentia, et longo usu edocti, nihil audeant affirmare, addant quin potius semper, fortasse: ita etiam cum detractores, aut maledicos audiunt, inculcent, fortasse non ita se res habet: et cum in rebus agendis, moderationem quandam praeferant, eandem moderationem adhibeant in expetendis honoribus, in optanda hac uita. Ad hunc locum pertinent ea quae S. scribit Apostolus ad Timotheum: Senes sobrij sint, pudici, modesti, sani in fide, in dilectione, in patientia: anus in habitu sancto, non criminatrices, non multo uino seruientes, ut prudentiam doceant. Cauebit Ecclesiasticus orator, ne senes increpet; hortetur eos potius ut patres, iuuenes ut fratres; anus ut matres; adolescentulas ut sorores in omni castitate: commoret parum interesse, etate quis an moribus sit iuuenis: delicato, et uoluptuario sene nihil excogitari posse infelicius.

Quo modo commonendi sint iuuenes, et media etate
consistentes. CAP. XXIX.

ADIVERSES uero sermonem conuertens Ecclesiasticus orator, quoniam facile sperant, et quia sunt rerum ignari, et quia abundant sanguine; ostendat quam incerti sint exitus rerum, et quam periculosum sit, de diuina misericordia nimium confidere: Cum uero plerumque ad liberalitatem sint propensi, cum nesciant, quanto labore parentur opes; ostendat prodigalitatem esse multorum criminum originem: et eum, qui, subtrahit aliquid patri suo, aut matri, grauissime peccare. Cum uero etiam ad magnanimitatem inclinati uideantur; magnanimitatem christianam affirmet in animi perturbationibus sedandis, et in remittendis iniurijs, quae maxima uictoria existimanda est, esse positam: et moneat, quando naturae beneficio non sunt suspiciosi; caueant, ne decipiantur facile, ne uoluptate capiantur; ne, pessimus consultor mundus, eos id mini-

me cogitantes; in aciem sathane, relicta acie Christi, prauis consuetudinibus attrahat: ad misericordiam proni, misereantur animarum suarum; et caueant pericula, quibus eorum lubrica aetas est exposita: uerecundie amatores, uereantur uiros bonos, sed in primis Deum. Sed cum maxime iuuenum animi perturbentur, explanet, nihil esse miserius, quam domesticis seruire tyrannis; seditiosam, la-chrymabilem; eamque domesticam esse tyrannidem, si regina ratio, ministris, atque ancillis, nimirum cupiditati, et iracundie turpissime seruiat: quo loco uerba B. Petri in medium afferre poterit; Obsecro uos abstinere a carnalibus desiderijs, quae militant aduersus animam. Porro cum inconstantie multa signa dare consueuerint iuuenes; doceat Ecclesiasticus orator; inconstantie matrem esse leuitatem, cum facile credant, uerba illa B. Iohannis recitentur: Charissimi nolite omni spiritui credere. non inferant iniuriam, quia odiosi sunt iniuriosi, et iniuriarum finis est calamitas: cum sint laudis cupidissimi, quia haberi uolunt qui non sunt, mendacium maxime fonti omnis ueritatis displicere ostendet; et dedecus etiam mentientibus afferre; modum adhibeant in omnibus: longissimam uitam esse ueluti momentum temporis, et ueluti florem, qui mane uirescit, uespere decidit: non esse differendam paenitentiam: sibi ipsi et propriae saluti consulendum: adolescentiae calorem, et impetum sanctis exercitationibus, et pijs operibus temperent: alicui disciplinae se tradant: aliquem uirum bonum, cuius exemplo, et consilio, prudentiores, et meliores efficiantur; deligant: adolescentiam periculorum, et insidiarum plenam aetatem, ualde suspectam habeant. Ad uiros, media aetate consistentes, ita sermo accommodandus est, ut quo magis in illis uiget ingenium, iudicium, et memoria; eo magis diuinis muneribus ad aliorum usum, et ad animarum salutem, utantur: in ea, ad quam nati sunt, et cui a primis annis se dediderunt, arte, se exerceant sine fuco et ostentatione,

senum

senum consuetudine, prudentiam augeant: uita moderatione, et grani-
bibus colloquijs iuniores erudiant.

Quod disciplina distinguuntur magistri a discipulis: religiosi, et clerici a laicis:
et quod magistri sint sacerdotes, qui Christum sequuntur, et eius pra-
cepta docent. CAP. XXX.

DISTINGVUNTUR auditores, ut paulo ante monuimus,
disciplina; ut alij dicantur magistri, alij uero discipuli: et
inter magistros, alij sint rerum diuinarum, alij humana-
rum. quae distinctio non solum ad mares, uerum etiam ad feminas
pertinet: hoc uno excepto, quod feminis non licet sacras literas do-
cere: quo loco erunt admonendae quaedam uiduae curiose, per urbem
cursitantes, ut moderationem retineant, orent, familiam suam bene
administrent, concionibus intersint, missas audiant, operibus pijs se
dedant, silentio modestiam prae se ferant christianam. Porro magi-
strum optimum fuisse Iesum Christum D. N. Ecclesiasticus orator
sepe ostendat: docuit enim utilia, breui tempore, facile docuit, omnia
fecit quae docuit: quibus de rebus erit fortasse utilius oratori Ecclesia-
stico, pluribus uerbis disserere in synodis, cum iussu episcopi sermonem
interdum habet, aut in congregationibus, quae in diebus, discendi,
et se mutuo consolandi causa institutae sunt. Si ad populum interdum
explicans euangelium, hunc locum tractauerit; ita illum tractabit,
ut se non bonum magistrum prius esse fateatur, atque ut hortetur po-
pulum ad orandum Deum, ut boni magistri ad erudiendam plebem
Dei mittantur: uerum magistrum dicat esse Christum; sanctos Apo-
stolos, et eos qui illis successerunt, episcopos, eius fuisse hypodidascalos,
aut, ut usitato uerbo utamur, repetitores: pessimum magistrum esse
sathanam, quandoquidem suggerit res inutiles, et perniciosas, docere
omni tempore; specie etiam uirtutis sanctos fallere; docere discipulos
suos

suos fingere; aliter docere, aliter uiuere. Sacerdotes interdum al-
loquens orator Ecclesiasticus, ostendet eos esse ministros Dei, ut iam
sepe dictum est, illis multa dicta esse a prophetis, quæ tanquam si
diuina uoce prolata essent, sunt præferenda; quemadmodum illa
Malachie: O sacerdotes si nolueritis audire, et si nolueritis ponere
super cor, ut detis gloriam nomini meo, ait dominus exercituum,
mittam in uos egestatem, et maledicam benedictionibus uestris, et
maledicam illis, quoniam non posuistis super cor: ecce ego projiciam
uobis brachium, et dispergam super uultum uestrum, stercus solenni-
tatum uestrarum, et assumet uos secum, et quæ sequuntur. quo loco
obseruare debet, ne locos huiusmodi tractans, sacerdotibus auctorita-
tem minuat, et populum contra illos irriuet: prima persona utatur
cum de sacerdotibus ad populum dicit: uerbi causa, illa Malachie
tractans, dicat: nobis dicta sunt illa uerba, quæ sine lachrymis uix
commemorari possunt, ideoq. afferuntur in medium ut pro nobis,
dilectissimi fratres, oretis: sed raro admodum coram populo ad sa-
cerdotes conuertendus est sermo. in synodis potius, et in congregatio-
nibus quæ ab episcopis haberi solent, hic locus est explicandus, et co-
piose illa uerba Beati Chrysostomi explananda: Multi sacerdotes, pau-
ci sacerdotes, cathedra non efficit sacerdotem, sed sacerdos cathedram:
et in primis illa Saluatoris nostri: Vos estis sal terræ, uos estis lux mun-
di; et pluribus uerbis ostendendum est, in sacerdotibus requiri bonita-
tem, sobrietatem, castitatem, scientiam, idque multis sententijs poterit
confirmare: necessariam bonitatem demonstrabit, testimonio Dauidis
dicentis: Sacerdotes tui induantur iustitiam; et Esaiæ qui scripsit: Mun-
damini qui feris uasa domini: confirmabit necessariam esse sobrieta-
tem, illis Dei uerbis ad Aaron, et filios eius: Vinum, et omne quod
inebriare potest, non bibetis; tu, et filij tui quando intrabitis in taberna-
culum testimonij: ad quam uirtutem S. Apostolus Paulus Timo-
theum

theum hortatur illis uerbis: Sobrius esto: utetur etiam eiusdem Apostoli uerbis ad ostendendum castitatem in sacerdote requiri; qui eundem filium suum charissimum monuit, ut in omnibus seipsum castum custodiret; addet requiri in sacerdotibus bonos mores, eiusdem S. Pauli uerba proferens: Nemini dantes ullam offensionem ne uituperetur ministerium nostrum, sed in omnibus exhibeamus nos sicut Dei ministros: utile etiam erit saepe dicere, ualde necessariam esse scientiam; et uerba illa prophetae commemorare: Labia sacerdotis custodient scientiam, et legem requirent ex ore eius, quia angelus domini exercituum est; et incutere sacerdotibus timorem illis uerbis: Quia tu scientiā repulisti, et ego repellam te, ne sacerdotio fungaris mihi. quae omnia a Deo paucis uerbis propheta petiisse uisus est, cum dixit: Bonitatem, disciplinam, et scientiam doce me. Atque sacerdotes in primis ad auaritiam fugiendam adhortandi sunt, cum uerbis prophetarum, et praesertim illis Michee: Principes eius in muneribus iudicabant, et sacerdotes eius in mercede docebant, et prophetae eius in pecunia diuinabant, propter hoc sion quasi ager arabitur, et Hierusalem quasi aceruus lapidum erit, et mons templi excelsa sylvarum; tum etiam exemplis sanctorum hominum in primis sacerdotum, ut Gregorij Pont. max. Sancti Martini episcopi, Sancti Dominici, et quamplurimorum aliorum, quos sacrarum historiarum libri suppediābunt.

Qua ratione excitandi sint auditores de sacerdotibus, et concionatoribus interdum non bene sentientes. CAP. XXXI.

AD POPULUM uero cum necessario de sacerdotio dicendum est, uerba illa D. N. Iesu Christi, in medium sunt asserenda: Quae dicunt, seruate, et facite; quae faciunt nolite facere: non contemnendos Dei ministros, sed eorum calamitatem potius lugendam, qui se tanto munere indignos ostendunt, et iustissimam

iustissimam Dei iram in se concitans. excitandi uero sunt auditores uerbi Dei, discipuli apostolorum, concionatorum, et sacerdotum, quos audiunt, ut, quæ audiunt, mandent memorie, audiant cum fructu; non numerentur inter illos, de quibus scriptum est: semper discētes, numquam ad scientiam peruenientes. Ad discipulos, quos sanctissimi uiri, Christi disciplina imbuti, B. Augustinus, Hieronymus, Franciscus, Dominicus, et Benedictus instituerunt, et sanctissimis suis regulis etiam mortui instituunt, sermonem habere non solent clerici. mutuo enim inter se religiosi uiri, et in doctrina scholastica, et in omni literarum genere uersati se docent.

Qua ratione discipula sanctorum patrum, hoc est moniales, commouenda sint. CAP. XXXII.

AD DISCIPULAS eorum, quos nominaui, sanctorum, hoc est moniales, quidam, iussu episcopi, sermonem habere consueuerunt: cum quibus ita agere debent, ut interdum ad metum, ad gaudium, reliquasq. sanctas affectiones, ut utile iudicauerint, excitent. Dicant, monachas in monasteria se abdidisse, non solum ut relictis parentibus, propinquis, et omnibus rebus secularibus, Dei præcepta ad salutem necessaria commodius obseruarent; sed etiam euangelica consilia, quæ sunt, paupertas uoluntaria, castitas perpetua, et obedientia integra, quæ ipse Deo uouerunt, exequerentur. quare oportere ut, quemadmodum sanctus scriptum reliquit Basilius, qui balneum intrant, omnibus uestibus se spoliant; sic quæ, colendæ pietatis causa, monasteria ingrediuntur, statim omne pecuniarum, et cæterarum rerum secularium desiderium, omnes carnales cupiditates exuant, et propria se uoluntate abdicent. Ad illas accommodari possunt illa uerba: Cum uotum uoueris domino Deo tuo, non tardabis reddere, quia requireret illud dominus Deus tuus: et si moratus fueris,

O repu-

reputabitur tibi in peccatum; et illa, Audi filia; et uide, et inclina aurem tuam, et obliuiscere domum patris tui, quia concupiuit rex speciem tuam; et quæ a B. Apostolo scripta sunt: Despondi enim uos uni uiro, uirginem castam exhibere Christo. Atque ad excitandam in illis sanctam quandam leuitiam, declaranda sunt illa uerba: O quam bonum, et quam iucundum est habitare fratres in unum; eas ueluti sorores unum in locum esse coactas, ut earum una sit uoluntas, una sit religio, una sit charitas, omnia denique sint communia, et ita habitent in domo domini omnibus diebus uitæ suæ: eis licere in choro Deum alloqui, et in terris degentes, cælestem uitam ducere: Monasteria, si in ipsis sit pax, et concordia, esse instar Paradisi; sin discordia in eis disseminata sit; esse instar inferni: nullam esse nobilitatem, quæ cum nobilitate sponsarum Christi possit conferri: nullam beatitudinem in hac uita reperiri, eius tantum imaginem in monasterijs apparere. Commemoranda etiam sunt commoda quæ sentiunt; incommoda quibus carent; non distrahi uarietate negotiorum, non perturbari domesticis calamitatibus; non uictum querere, non discordias coniugum, dolores parturientium, molestias filiorum perpeti; cum Deo, non cum improbis hominibus, ut in hoc seculo uiuentibus accidit, sermonem habere.

Quo modo humanarum scientiarum magistri excitandi sunt. CAP. XXXIII.

MAGISTROS humanarum scientiarum ac artium excitabit orator ad ea, quæ ipsi didicerunt, alijs impertienda: communicanda esse diuina munera; tanta magis crescere artes, et scientias, quanto magis communicantur; quam facillime, et breuissime fieri possit, quam profitentur artem, eam doceant; et in primis operam dent, ut reliquæ omnes artes, ueluti ancillæ, seruiant muniū reginæ Theologiæ; ne, tanquam mercatores, doceant libentius diuites,

diuites, quam pauperes, neminem excludant, nobilissimum eleemosynæ genus esse docere. quo loco perterrefaciendi sunt rhetores seculi, ne incautos adolescentes erudiant ad decipiendum, ad excitandas seditiones; multo magis philosophi; ne de mundi eternitate, de immortalitate animæ, ex sententia Auerrois nimium multa, et nimis subtiliter doceant; quod impudentis hominis ac etiam impij esse, quispiam posset suspicari: quod prohibuerunt sancta concilia, non audent, ostentationis causa, ad perniciem ingeniorum profiteri. Iurisperitos autem, medicos, et qui in alijs nobilibus artibus uersantur, excitet Ecclesiasticus orator, ut cum timore Dei, artem exerceant suam. Medicis incutiat timorem diuini iudicij, si eorum negligentia, agroti sine sanctis sacramentis Ecclesiæ, ex hac uita decedant: Iurisperitos ad horribile iudicium uocet, si eorum culpa, lis protracta, orbe inimicitiæ, uiduæ, aut pupilli oppressi fuerint.

De moribus amicorum, et de uarijs eorum generibus. CAP. XXXIIII.

ACCEDAMVS ad tertiam distinctionem, quæ erat, ut electione auditores distinguerentur. quidam enim dicuntur amici, quidam, etsi inimici non sunt, quia se mutuo non norunt, et nulla cõiunctione inter se iuncti sunt, eò non appellantur nomine. Amicos interdum dicat omnes christianos, quia communia sunt, calum, et terra; cõmunis pretiosissimus sanguis Christi, communia sacramenta, cõmunes preces Ecclesiæ; sed tamen magis proprie appellandos amicos, qui in aliqua societate, sub eodem uexillo, ijsdem pijs operibus intenti uiuunt, expectantes beatam spem: cuiusmodi sunt illi, qui habentur, et nominantur fratres, alio nomine socij; quorum multe sunt societates, prout Spiritus sanctus alios excitat ad erudiendos pueros in doctrina christiana, alios ad orationem, et ad frequentanda sanctissima sacramenta, alios ad propria corpora castiganda, alios ad consolandos eos,

de quibus ultimum est sumendum supplicium. Hæc sancta amicitiarum genera, et plura alia, quæ non utilitate, aut uoluptate, sed pietate, et uitæ sanctitate omnia metiuntur, quibus otium fugiitur, et auctori omnium bonorum Deo honor exhibetur, quam maxime poterit, Ecclesiasticus orator laudet; atque hos piorum uirorum, atque etiam faminarum conuentus excitet ad perseverantiam. cum ad illas sermonem habet; dicat, uiam esse hanc uitam admodum difficilem, et periculosa; illud uere dici posse, *Ve soli: nos omnes egere aliorum auxilio, quo facilius iter faciamus, labyrinthum huius mundi inextricabilem transeamus, perueniamus ad cælestem illam patriam: has ueras esse amicitias, quas amor Dei, quas studium pietatis conciliauit, has esse stabiles, et perpetuas: cauendum ne subdolos ille, et perniciosus uenator animarum nostrarum sathanas discordias in sanctis societatibus interdum disseminet: precibus flagrandum esse auxilium; frequenti usu sacramentorum illius conatus frangendos; hanc legem instituendam, ut alterum quisq. ferat, ut nihil dicatur, nisi implorato Spiritus sancti auxilio, si qua oritur dissensio, ad archiepiscopum, aut etiam, si opus est, ad episcopum deferatur.*

Qua ratione commouendi sint milites.

A. P. XXXV.

Cum autem in hac uita uariæ oriuntur perturbationes, uariæq. pericula immineant, quibus sit, ut optatissima pace frui non possimus, et idcirco bellum sit maxime necessarium: eliguntur quidam ad defendendam religionem, et patriam, aut quia inier cæteros excellent, seipsi offerunt, qui in disciplina militari uersari dicuntur. Cum autem, ut Aristoteles scriptum reliquit, in urbibus sint supremi, mediocres, et infimi; milites inter supremos, et Reipublicæ defensores sunt collocandi. Quamobrem si interdum, ut tempore belli, orator Ecclesiasticus sermonem habeat; dicat sæpe, ad multos

per-

pertinere, defendere religionem Christi, pugnare pro sanctæ matri Ecclesiæ defensione, pro honore Dei, et pro ouibus, pretiosissimo Christi sanguine redemptis, si sit opus, moriendum esse: ad milites christianos maxime spectare, iustitiam tueri, miseris hominibus subuenire: ualde ignominiosum in militia esse, nihil aliud habere propositum, quàm ditari, quam intemperantia seipsum sædare, quam, ubi quis uictoriam reportauerit, a seipso, hoc est a cupiditatibus suis uinci. quo loco proponet illa uerba sumpta ex libro regum: Esto uir fortis, et pugnemus pro legibus Dei nostri, et pro populo nostro. quæ uerba explicans, Pugnent, dicat, omnes pro Christo, pro sanctissimis sacramentis, pro sanctis monasterijs, pro uirtutibus, pro libertate, pro pace, sumant alacriter arma contra acerrimum christiani nominis hostem, contra discipulum sathanæ, contra impurissimum omnium flagitiorum ac scelerum hortatorem, crudelitatis ministrum: non posse non uincere, qui sic pugnat, cum mori pro religione, ac etiam captiuum duci, maxima propriarum affectionum et cupiditatum uictoria sit existimanda: quæ ubi dixerit, moderata quadam oratione addere poterit, se uehementer optare, ut omnes christiani milites, Ioannem Baptistam præcursores domini, magistrum sequantur, eiusq. uerba in animo imprimant suo. cum enim ad sanctissimum illum uirum accessissent milites, eumq. ita interrogassent: Quid faciemus, et nos? legimus eum respondisse: Neminem concutiat, neque calumniam alicui inferatis, et contenti estote stipendijs uestris. Nam ita se res habet: qui abutuntur imperatoria potestate, aut militari, ad grauandum, ledendum, aut opprimendum aliquem commilitonum suorum, aut etiam uictorum, cum uitæ eorum parcendum esse existimatur, qui calumnias inferunt, ut pecuniam extorqueant, ij certe nobilissimam disciplinam dedecorant, et potius sathanæ milites, quam Christi putandi sunt. quod tamen argumentum attingendum, non pluribus uerbis explicandum

candum dixerim, nisi fortasse inter christianos, eosdemq. catholicos, geratur bellum; quo tempore, hac quæ diximus, commodius, et uberius explicari poterunt.

Quo modo mercatores debeant commoueri. CAP. XXXVI.

SUNT qui hoc uitæ genus sibi eligunt, ut mercaturam exerceant; qui si aliunde uiuere possunt; sapientium uirorum iudicio non sunt laudandi, nisi ad finem laudabilem, ad collocationem filiarum suarum, ad eleemosynarum distributionem, ad subueniendum patriæ, quidquid labore comparât, conferendum statuunt. Non putarem mercaturam uituperandam; affert enim multas commoditates uitæ hominum; reddit etiam homines industrios; et ignauiam, atque inertiam morbum ciuitatum remouet; sed tamen sordida mercatura, et quæ calamitate inopum crescit, uituperanda est. recitabit interdum illa uerba Ecclesiastici: *Negocians difficile eruitur a peccato: omnem fraudem, mendacium, et dissimulationem e mercatorum animis amouere studeat. Dicat ueram mercaturam esse lucrari animas Christo; esse sœnerari Deo, quandoquidem diuitiarum omnium largitor centuplum reddit; et etiam uitam eternam donat.*

Occulto Dei iudicio inter se differre principes, subditos, nobiles, ignobiles, diuites, pauperes. CAP. XXXVII.

QUARTA restat distinctio auditorum explicanda sumpta a fortuna, quam, licet imperitum uulgus cæcam, instabilem, et temerariam dicat; nos tamen hæc omnia nomina reiicientes, quidquid fortunæ tribuitur, occultum, et sapiens Dei iudicium nominamus: quo fit, ut alij reges sint, alij subditi; alij potentes, alij infirmi; alij nobiles, ignobiles alij; alij diuites, alij paupere-

pauperes, ut iubeant sepe ij quibus satius esset parere; præsint qui potestate abutuntur; iaceant ignoti, qui magnis uirtutibus sunt præditi; sint multarum diuitiarum heredes homines cupidissimi, usum diuitiarum ignorantes; ad administrationem familie succedant ij, qui tutoribus egerent; quidam habitent ruri; qui ad danda consilia, et ad regendos alios essent aptissimi. Qua de re agens, splendidis uerbis demonstrabit, Deum paterno imperio regere hunc mundum; in eius sapientia, et paterna gubernatione acquiescendum: omnes dici posse reges, si seipso nouerint regere; omnes potentes, quia diuina gratia adiuti, possunt in sanctis uirtutibus proficere: omnes nobiles, quia ad imaginem, et similitudinem Dei effecti, fratres Christi, eius pretiosissimo sanguine redempti, ad cælestem hereditatem sunt uocati; omnes diuites, quia participes diuitiarum, et thesaurorum suorum fecit nos Christus cæli, et terræ rex, et bonorum omnium dominus.

Qua ratione clericis agendum sit cum principibus, et subditis. CAP. XXXVIII.

AD MODVM raro, et fortasse nunquam clerici, quibus scribimus, coram regibus, et principibus sermonem habebunt. Si quando uero id illis accideret, eos monemus, ut turpissimum adulationis uitium uitent: coram, Regem non laudent, neque principes; id enim non decet ministros Christi; nec etiam in magna populi frequentia audebunt ipsi eos reprehendere, non quidem ullo metu, aut ulla spe, sed ne mouere seditionem uideantur, et populi auram aucupari. Si inciderit locus, explicans aliquod euangelium, aut epistolam B. Pauli, regias uirtutes proponat, religionem, iustitiam, clementiam, fortitudinem, temperantiam, paterno amore subditos complecti, regium esse; populorum commoda spectare non sua, homines imaginem Dei gerentes, in terris, exemplo, et auctoritate, premio,

premio, et pœna regere; subditos ad ueras uirtutes, ad caelestem patriam dirigere, seipsum in magna potestate uincere, esse uirtutem heroicam quam regibus necessariam sapientes uiri putarunt. Quæ cum breuiter, et dilucide, temperato quodam genere dicendi uens, dixerit; populi bene instituti esse, pluribus uerbis docebit, amare regem, aut principes suos, eorum consilia semper in meliorem partem interpretari, legibus obtemperare, consilio, opibus, quantum necesse est, alacriter eos iuuare.

Quo modo commouendi sint rerum publicarum administratores. CAP. XXXIX.

INTER auditores uerbi Dei, plerumque in rebus publicis ad sunt multi, qui rem publicam administrant; cum quibus multo liberius agendum est, cum ipsi non semper præsentent reipublicæ, ut perniciosum sit ipsos in ullam suspicionem improbitatis adducere. Excitandi sunt hi ad politicas uirtutes, sed maxime ad ueritatem amandam, ad ineptas, et malitiosas quasdam blanditias uitandas: et ad eos sermonem conuertens orator sæpe, ut fecit B. Chrysostomus, cum ad Antiochenos concionaretur, differat de uitando iuramento; cum in rebus publicis. sæpius ad conciliandam sibi omnium, etiam improborum, beneuolentiam, mendaciarum, et periuriarum ciues in hominum animos illabantur. Excitandi sunt etiam maxime ad anteponenda publica commoda suis; matrem esse communem rem publicam, alumnæ pacis, sanctæ religionis conseruatricem; diuinitus tot, et tam magna beneficia illis esse concessa, non ut priuati sibi propria facerent; sed ut libertate, et honesto otio illi fruerentur: uehemens illud studium ad parandas opes, quod a quibusdam adhibetur, adhibeatur ad religionem sanctam tuendam, ad sancientas, et seruandas leges, ad iustitiam colendam, ad salutaria consilia proponenda. Verum ad nobiles conuertens

uertens orationē, quando hisolent esse magnanimi,et plerunque admodum ambitiosi, ad humilitatem maxime sunt excitandi,et ualde deterrendi, ne in illud magnum incidant dedecus, quod est a parentum gloria degenerare; humilitati in primis studeant; nullam esse nobilitatem, quæ cum Christi nobilitate sit conferenda. Ignobiles, ad ueram nobilitatem, quæ in obseruatione religionis, et in uirtutibus est collocata, sunt accendendi. Doceat tamen orator, ut ignobiles nunquam nobilibus se pares putent; quandoquidem cum clari sint orti parentibus, et antiquis sepe diuitijs abundent, illis etiam concessum uidetur, ut a ceteris, eis quidam tribuantur honores.

Quo modo commouendi sint patresfamilias. CAP. XL.

PORRO autem cum maior auditorum pars, hac ratione distingui possit, ut alij sint famuli, alij domini, quos rectius patresfamilias dixerimus; ad hos sepiissime ita conuertendus est sermo. meminerint ideo se constitutos esse patresfamilias a domino, ut familiam suam informent, hortentur, corripiant, et consolentur; idq. ab illis requiri, ut uniuersæ familiæ suæ se uirtutum exemplar præbeant; huius muneris exacturum dominum rationem. quò loco commodissime poterit dicere ad eos, qui hac diuinitus concessa potestate abutuntur: noli esse sicut leo in domo tua, eueruens domesticos tuos, et opprimens tibi subiectos: mundum esse tanquam amplissimam quandam familiam Christi; Christum præscripsisse legem charitatis, pietatis, humilitatis; iurgia, conuitia, et uerba iniuriosa, quibus uti solent serui suarum cupiditatum, huius seculi domini, esse in maxime detestanda: B. Paulum Apostolum audiendum, qui scripsit ad Ephesios, Et uos domini eadem facite illis, quemadmodum uobis ipsis fieri optaretis, si serui essetis, et pauperes; scientes quia eorum, et uester dominus est in cælis. quæ uerba oratorio modo

P explicans

explicans Ecclesiasticus orator, sic populum, sic patres familias alloquatur: Existimate, fratres, uos seruorum uestrorum esse conseruos, qui communem dominum habetis in cælo; qui eundem cælis, et terra rectorem agnoscitis Deum; eundem illorum, et uestrum patrem experimini; eundem etiam horribili illo die iudicij iudicem habituri. Qua mensura mensifueritis, metietur uobis, docuit communis omnium dominus. His uerbis ostendet, immoderatis laboribus non esse grauandos famulos, res necessarias ad uictum et uestitum illis providendas, eis soluendam mercedem, studendum, ut meliores efficiantur; indulgentia, nimia familiaritate, et communicatione secretorum, non eos esse ad licentiam, quod quidam faciunt, erudiendos. Hoc loco peruersa quorundam dominorum consuetudo acriter erit reprehendenda, quod famulis suis, ueluti mancipijs, utantur, et ueluti tyranni miserrime cuiusdam domus seruos suos adhibeant sibi administratos ad multa scælera patranda, corruptores suorum filiorum, eos efficiant. Quamobrem obiurgandi sunt sæpe, ne huiusmodi homines alant, ne multitudinem famulorum inutilium, quæ familias perturbet, delectentur, opes suas in alios usus conferant, alant potius seruos Christi, pauperibus subueniant, sciant in multas calamitates incidisse, et perpetua infamia multas familias fuisse notatas, ob hanc unam causam, quod nulla in eis erat disciplina; pater familias turpiter iracundie, aut cupiditati seruiebat; et famuli dominabantur. hinc homicidia, hinc stupra, hinc adulteria, hinc multas calamitates exortas esse commemorabit.

Quibus uerbis excitari debeant famuli. CAP. XLI.

VB hoc argumentum tractauerit, ad famulos orationem conuertens, explicabit pluribus ea uerba B. Pauli: Serui obedite per omnia dominis carnalibus, non ad oculum seruientes,

seruientes, quasi hominibus placentes, sed in simplicitate cordis, timentes Deum, quodcumq. facitis ex animo, operamini sicut domino, et non hominibus, scientes quod a domino accipietis retributionem hereditatis. quae uerba necessario sunt saepe explicanda, cum plerique non seruiant in domino, sed ad oculum, et ut placeant; quod maxime in aulis principum solet accidere. quo loco, sunt excitandi qui seruiunt, ut seruiant in domino, eatenus pareant dominis suis, quatenus quod iubent, cum lege domini consentit, aut saltem diuinae legi non aduersatur. reprehendendi sunt huius seculi mores, quod famuli, quod familiares, ut placeant dominis, illis adulantur, malum dicunt bonum, et bonum malum; quidquid dicunt, et faciunt, id omne ad propria commoda referunt, ut in animos dominorum illabantur, inde ditentur, honores consequantur, et, ut uno uerbo dicam, inde dominantur; et cum maxime blandiri uideantur, eos, quibus proprii commodi causa seruiunt, odio habent, eos clam uituperant, et in odium hominum adducunt. Hos sathana ministros, infideles seruos, aut potius domesticos inimicos, pestem uitae ciuili nominabit, duplices, inconstantes: et dicet, simulationem diu latere non posse; et, quod magis ad rem pertinet, sumpturum dominum paenas de ijs, qui iniusti, et ingrati fuerint in eos, quibus in ipso seruire debuerunt, expectantes etiam ab ipso non tam in hoc seculo, quam in futuro, remunerationem.

Quo modo impellendi sint ruri habitantes. CAP. XLII.

QUONIAM potissimum scribimus seminariariorum clericis, quorum multi ruri habitabant; dicamus de praecipuis rusticorum hominum moribus, et, qua ratione ad eos habendus sit sermo. Inuidet plerunque, qui ruri habitant, in ciuitate degentibus: qua in re utile erit, incommoda in urbe degentium, inuidias, calumnias, molestiasq. quae in rerum urbanarum administra-

tionibus sentiuntur, commemorare: uoluptatem, quæ ex agricultura percipitur, eiusq. nobilitatem ante oculos ponere, quam, ut inquit D. Augustinus, Adam etiam in paradiso exercuisse, non labore serui-
 li, sed honesta animi uoluptate, credendum est: agriculturam esse quendam librum, in quo Dei sapientiam, et potentiam legere, et contemplari possumus; quandoquidem iactis in agrum seminibus, plantatisq. surculis, translatis arbusculis, insitis malleolis facile per-
 cipi potest; quia neque qui plantat, neque qui rigat est aliquid, sed qui incrementum dat Deus: omnia præterea quæ ruri eueniunt, fru-
 gum copiam, sterilitatem, siccitatem, ad Dei providentiam referenda esse, orator demonstrabit. Iustitiam Dei inculcabit; quidquid aduersæ contingit, accidere propter peccata: eos, qui Ecclesiam decimis frau-
 dant, corrumpere patrimonium suum; benignissimum patrem Deum non deesse illis, qui labore, industria sua, sibi, filiisq. suis uictum querunt. Similitudines sumptæ ab agris, ab arboribus, et in uniuersum ab agricultura, ad persuadendum, magnam uim habent: ut a
 fructibus cognoscitur arbor, ita hominem declarari operibus cuiusmo-
 di sit: quemadmodum tritico coniunctum est lolium; ita bonitatem malitiam plerunq. esse permixtam, et inter bonos, multos malos exi-
 stere. Ad terrorem commouendi sunt sæpe rustici, uerbis propheta-
 rum, uerbis etiam D. N. Iesu Christi, et sanctorum Apostolorum, peccatoribus mortem perpetuam comminantibus: idq. faciendum est, quoniam plerique inter eos solent esse mendaces, dies festos raro, ut debent, obseruant, murmurationibus, et uerbis obscænis delectantur, facile in suis opinionibus persistunt, facile irascuntur, facile aliena subripiunt, licet multo plures reperiuntur ruri, magis a dolo, et fraude, a quibusdam etiam horribilibus uitijs alieni, sua sorte contenti iucun-
 diorem uitam ducentes. Ecclesiam etiam sapius, et maiorem cum de-
 uotione frequentantes, quam in ciuitatibus: quibus interdum, ma-

gnum et diuinum beneficium quo fruuntur, est explicandum, ut intelligant, uere esse diuitem, qui nihil appetit; semper esse pauperem, qui aliquid semper cupit. Vtile admodum erit, societates corporis D. N. Iesu Christi, B. Virginis, atque etiam congregationes, que appellari solent, charitatis, illis proponere, eosq. hortari ad sanctissimum sacramentum Eucharistie, saltem in omnibus solennitatibus sumendum; ad pueros paterna quadam charitate, communi quodam decreto ad Ecclesiam ducendos, reprehendendos, castigandos etiam, ac si unius patris, omnes essent filij.

De usu Exemplorum. CAP. XLIII.

Cum exempla plurimum moueant animos auditorum; Ecclesiasticus orator, pro ætatis, et status diuersitate, exempla cum sanctorum, tum etiam sanctarum mulierum sæpe adhibebit. qua in re maximam copiam suppeditare poterit, uir doctissima, et pietate insignis, Aloysius Lipomanius, qui fuit Veronæ episcopus: ut si de contemnenda morte, habendus sit sermo, martyrum exempla, Stephani, Laurentij, et aliorum quamplurimorum, in medium sunt afferenda, qui alacriter mortem oppetierunt: illa diaconi uerba repetenda: Quo sine filio properas pater? et præclarissima quedam uerba matris Machabeorum, quæ B. Gregorius Nazianzenus scripsit in quadam oratione: Euge filij mei, euge milites strenui, euge in corporibus fere incorporei, euge tutores legis, can. eq. senectutis meæ, atque ciuitatis, quæ uos aluit, et ad eam uirtutis magnitudinem euexit; ad huc paululum, et uicimus, morantur carnifices, hoc unum perhorresco, paululum adhuc; et ego inter mulieres beata, et uos inter adolescentes, beati: at fortasse matris uos desiderium angit, nequaquam uos deseram, non tam liberos meos odi: et paulo post martyrium, facit matrem loquentem, et Deo gratias agentem, quod
partus

partus suos, martyrio decorauerit. quæ uerba sine lachrymis proferri non possunt. Si ad remittendas iniurias excitandi erunt auditores; exemplo S. Stephani uti poterit, qui orauit pro lapidantibus se, optimum magistrum imitatus, qui dum crucifigeretur, non maledixit. orauit potius patrem, ut ignosceret eis, quia nesciebant quid facerent. Ad christianam liberalitatem, si necesse fuerit commouere sacerdotes; S. Nicolai episcopi, Ioannis Alexandrini, qui dictus est elemosynarius, exempla afferri poterunt. Sed non minimum ad commouendum ualeat, ut alio loco diximus, si domesticis illarum ciuitatum, aut locorum, ubi sermo habetur, exemplis utamur: ut Mediolani S. Ambrosii, animi constantia, et robur in suo munere obeundo, eiusdem temperantia, ceteræq. uirtutes proponi poterunt: ita etiam alibi aliorum, qui in aliqua ciuitate insignes sanctitate fuerunt episcopi. In afferendis autem exemplis, cauendum est, ne sanctorum hominum peccata, et errores sæpe commemoremus, ut Dauidis adulterium, et homicidium, Salomonis incontinentiam, ne auditores, inde licentiæ occasionem sumant, et erudiantur ad excusandas excusationes in peccatis, et existiment licere sibi impune errare. Possunt tamen adhiberi, sed raro, ad declarandam humanam infirmitatem, atque ad excitandam spem, in hominum animis, peccatorum conscientia deiectis. Poro cum sententiarum magnus sit usus in Ecclesiastica Rhetorica; dicamus, quid sit sententia, et quatenus sententiarum usus commendet orationem, et a quibus ea maxime debeant, usurpari.

De usu sententiarum.

CAP. XLIIII.

SENTENTIA est oratio aliquid enuncians, de re uniuersali, quæ sit optanda, aut fugienda: ut, bonum est, ex uirtute uiuere; nolle mortales iracundiam seruare immortalem. Duplex

plex autem est sententia; una quæ simplex dicitur; altera quæ habet rationem adiunctam, et illam quidem aut implicitam, aut explicitam: si habet explicitam, appellatur proprio nomine, pars enthymematis: si implicitam, sententia enthymematica, his uerbis, usum esse memini Aristotelem. simplex sententia est illa: bona est religio christiana. pars enthymematis est: non est gaudendum ob mortem inimici, quia poterat conuertere ad dominum; ratio cur non sit gaudendum, est; quia fortasse melior effectus, Deo seruire potuisset. Quam plurimæ autem sententiæ quæ sunt in libro, qui inscribitur Ecclesiasticus, dici possunt, partes enthymematis: ne dixeris, peccaui, et quid mihi accidit triste? subiungit rationem, alijssimus est enim patiens redditor: explicata est ratio, quamobrem nemo debeat sperare, se posse effugere iustitiam Dei, ergo non est peccandum. Enthymematica sententia est: ne contendas cum uiro locuplete, ac si diceret, prouocatus homo diues, litigat, ac perturbat proximum; ergo noli contendere cum uiro locuplete. Sacræ literæ abundant sententijs, quæ suo loco collocandæ sunt, nec inculcandæ, ut ostentationis suspicio uiuatur, et ne copia, satietatem pariat animis, ut plerunq. solent, firmis etiam corporibus, cibi nimium delicati, et ualde nutrientes, satietatem asferre; explicandæ sunt potius, et exponendæ quædam sententiæ, aliæ quæ ad rem pertinere non uidentur, in aliud tempus reijciendæ. Præclarissimæ reperiuntur in prouerbijs, et in Ecclesiaste Salomonis, in libro sapientiæ, atque etiam in Ecclesiastico; in psalmis Davidis magna inest sententiarum copia; sed nullæ sunt grauiores, nullæ quæ maiorem uim habeant ad persuadendum, quam eæ quas D. N. Iesus Christus protulit, quæ maxima semper cum ueneratione, ac præfatione, sunt populis proponendæ. E multis autem quæ in sacris libris continentur, hæc excerpendæ sunt, ac tractandæ: Attende tibi: Memorare nouissima tua: Alia te, ne quæsieris: Deum time, et præcepta

præcepta eius serua, hoc est enim omnis homo. Ex ijs uero quæ D. N. Iesus Christus protulit, hæ tractari sapissime consueuerunt: Non possumus duobus dominis seruire, Deo, et mammonæ: Qui amat animam suam, perdet eam: Qui diligit me, sermones meos seruabit: Qui uult uenire post, abneget semetipsum, tollat crucem suam, et sequatur me. Quarum sententiarum usus, et tractatio, si iudicium adhibeatur, in omnibus fere concionibus potest, maximo cum audientium fructu, accomodari. Senum esse proprium proferre sententias, scribit is, quem nominaui, Aristoteles: quod cum ita sit, presbyterorum erit, eas proferre, quamuis non sint senes, modo in illis insit canities mentis, et morum grauitas. Hortarer tamen clericos, ne præceptum grauissimi philosophi contemnerent, copiosius potius tractarent, quæ sibi dicenda proposuerunt, quam in consarcinandis plurimis sententijs, quod non est difficile, nec admodum utile, laborarent.

De usu Enthymematum, et epilogus huius secundi libri. CAP. XLV.

DEVS enthymematum, cum de usu exemplorum, et sententiarum dixerimus, breuiter est dicendum. Conficiuntur igitur enthymemata, ut alio loco diximus, ex propositionibus ueris, ac etiam indicijs non longe petitis, neque obscuris, sed ex proximis, et apertis, ut facilius in rudium animis imprimantur; quemadmodum fecisse sanctos patres, facile est obseruare. Cum autem quædam adhibeantur ad confirmandum, quædam ad refellendum; ex eisdem locis sumuntur, multo tamen crebrius, ubi catholice uiuitur, enthymemata adhibeantur ad confirmandum, quam ad refellendum. Cum autem orator confutat peruersas uulgi opiniones, uerbi causa, uoluptatem esse summum bonum: diuites esse beatos: uoluptatibus esse indulgendum: mortem esse maximum malum: simulandum;

landum, dissimulandum; spectacula, et omnia oblectationum genera querenda: aut prauam aliquam opinionem, quæ inuaserit, studet euellere; abundare facile poterit propositionibus, tum sumptis a sacris literis, a traditionibus, ab Ecclesiæ auctoritate, et sanctorum patrum, et ab alijs, de quibus diximus, tum a locis communibus, in primis a definitione, ab antecedentibus, a consequentibus, et a causis, de quibus etiam egimus. Nos cum de materia Ecclesiastici oratoris, et de varijs, probationibus, deque ratione commouendorum animorum dixerimus; iam ad tertiam huius operis partem, quæ de elocutione ecclesiastica erit, accedamus, monentes clericos, ne habentes concionem ad populum, temere disputationes instituunt contra hereticos, eorum argumenta non commemorent, ne forte in uanitatis suspicionem incidant, et simplicium mentibus, scrupulos iniiciant. In uniuersum dicant, miseros esse hereticos; relictæ acie Christi, transfugisse ad aciem sathane; non posse quenquam habere Deum patrem, qui Ecclesiam noluerit habere matrem; scelestam esse nouitatem, bene fundatam uetustatem non esse subruendam; martyrum sanguine, et doctissimorum, sanctissimorumq. hominum uigilijs stabilitam Ecclesiam sequendam; sanctis concilijs, et tot seculorum incorruptis iudicijs confirmata Ecclesiæ sanctæ dogmata tenenda; transfugas esse hereticos; discipulos sathane; perturbatores pacis, inimicos Dei, corruptores morum, seditionis magistros, et rerum publicarum euersores; seditiosos, perniciosæ libertatis, uel potius licentiæ auctores. Nec etiam est necesse, hereticorum nomina, in catholicorum hominum cœtu commemorare, sed uilius duxerim, ut perniciosas eorum opiniones a doctissimis hominibus, multis iam seculis confutatas, et exploras, silentio reijcerent; tempusq. rem pretiosissimam, in explicatione diuinæ legis, in gratiarum actione, in hortatione ad penitentiam, et ad beatam uitam consequendam, ponerent.

D E

RHETORICA ECCLESIASTICA; AD CLERICOS

Liber Tertius.



In quibus potissimum elocutio ecclesiastica constituta sit. CAP. I.



RETAMVS. definitionem Ecclesiasticæ Rhetoricæ, quam ab initio huius operis attulimus, ut intelligantur, quæ nobis supersunt tractanda. Dicimus esse artem, apte dicendi, de rebus ad gloriam Dei, et ad salutem animarum spectantibus, probando, mouendo, et conciliando, ut ille, qui dicit, persuaदेat. Quæ autem essent res ad honorem Dei, et ad salutem animarum pertinentes, et quod eæ tribus generibus comprehendantur, item, quæ ratione, et à quibus locis argumenta ducantur, tum ad docendum, tum ad commouendum, explicauimus. Consequens est, ut de elocutione Ecclesiastica dicamus, quam Ecclesiasticæ eloquentiæ, cuius præcepta tradimus, præcipuam partem, hoc est, formam, appellare possumus. nam, uti probationibus, commune est huic artium dialecticæ, cum philosophia, et cum Theologia: apte autem dicere ad populum, quod est eloquentiæ christianæ proprium, hoc est orationis ecclesiasticæ munus, hac uirtute, orator est oratore præstantior. In his eloquentiam ecclesiasticam constitutam dixerimus, ut, quicumq. ea sint prædici, adhibitis ad Deum precibus, inuocatoq. sancto Spiritu, qui linguas infantium facit disertas, et aperientis os suum, implet illud; apte, hoc est, considerate, emendate, perspicue, apposite, memoriier, et cum dignitate possint dicere.

Quod

Quod utile sit, cognoscere, quid sit inepte dicere, ut facilius cognoscatur, quis in Ecclesia apte dicat. CAP. II.

VT FACILIS, id quod proposuimus, intelligatur; utile erit, in medium asserre quasdam ineptias, in quas nonnulli, ut docti homines obseruauerunt, interdum incidere solent; quod minime facimus, ut nos sapere uideamur; sed ut clericis, quibus scribimus, eloquentiæ Ecclesiasticæ regulas facilius imprimamus. Quæ ad dicendum inconsiderate assurgit, non implorato diuino auxilio; non ineptus, sed potius stultus, atque impudens est iudicandus: qui autem loci, temporis, propriæ personæ, auditorum, apud quos dicunt, rationem, aut nullam, aut minimam habent, proprio nomine inepti sunt appellandi: quorum in numero sunt ponendi illi, qui, sanctissimis diebus Natalis, et Paschatis, longissimis fabellis, interdum etiam somnijs, auditorum animos oblectare student; qui, longitudine sermonis, et crebris digressionibus, auditores tædio afficiunt, et quasi sequenti die essent morituri, omnia quæ legerunt, ut doctissimi uiri habeantur, unica oratione uolunt promere: qui explosas iandiu philosophorum opiniones, de fato, contra Dei prouidentiam, de sequendis uoluptatibus, in medium asserunt, eas, quod minime necesse est, ut refellant; et interdum, quasi cum doctissimis hominibus disputent, crebris argumentis, et concisis sententijs, ne superuacanea dicere uideantur, utuntur; et cum breues esse laborent, obscuri fiunt; et quod uix tolerabile esse uidetur, antiquas, et confutatas hæreses commemorantes, cum maxime uiuent, usitata, et superuacanea dicere, parum fructuosa, atque etiam perniciosa dicunt. Monemus nos clericos, ut præceptum S. Francisci, ostentationis inimici acerrimis sequamur: qui, sui ordinis concionatores ita instituit, ut uirtutes, et uitia, gloriam, et penam, cum breuitate sermonis,

audientibus proponant. quæ uerba uitam non solum in clericorum, sed etiam in omnium; qui in hac nobilissima arte uersantur, animis imprimantur.

Quo modo frigida efficiatur oratio. CAP. III.

FRIGIDITAS in oratione, ineptiæ filia, clericis uitanda est, quæ ex his causis oritur; cum audens homines nomina confingere; figurarum uarietate confundere, et miscere orationem: quod accidere interdum consuevit hominibus, linguam hebræam, et grecam ostentantibus; qui interdum sine ulla necessitate, eandem rem tribus nominibus explicare conantes, nihil minus assequuntur, quam quod sibi proposuerunt: eorum enim frigescit oratio. Frigidam efficiunt orationem superuacanea epitheta; ut si quis dicat, benigna mansuetudine commotum; et prudenti solertia. frigida erat oratio illius, qui nunquam B. Paulum nominabat, quin Tharsensem diceret; nunquam Dauidem, quin serenissimum adiungeret: sic a natura formati sumus, ut nobis superuacanea, molestiam afferant: animi sensa ita explicanda sunt, ut facile intelligantur; et oratio est adhibenda, tanquam instrumentum, diuinitus nobis datum, ad instruendos alios. Verum quoniam sæpe frigidam, et exanguem orationem efficit languida, et pene mortua quorundam actio; de actione dicamus aliquid.

De actione, qua, qui caret, uix ad dicendum aptus esse potest. CAP. IIII.

ACTIONIS magna uis est; ut reperti quidam sint, qui sine doctrina, sine etiam delectu uerborum, sola actione, maiorem in dicendo laudem sint consecuti, quam doctissimi uiri, uerborum etiam copia abundantes. Quare orator ille summus interrogatus, quid primum, quid secundum, quid tertium arbitraretur

tur in oratore; respondisse fertur: Pronunciatio. Est autem pronuntiatio, in uoce, et in gestu posita, et uocis moderatione perficitur, ne ab oratione discordet. aliud enim uocis genus, nempe acutum, et concitatum requiritur ad exprimendum zelum Dei, aliud, abiectum scilicet, et demissum ad recreandum, timore, et conscientia peccatorum præteritorum animum. sancto gaudio perfusus, leni quadam uoce, et remissa utitur; dolore commotus, uehementi quodam, et graui sono, proprium exprimit dolorem. Oculi dicuntur principes in pronuntiatione; quorum intentione, et remissione, coniectu, et hilaritate affectiones exprimuntur: ita ut eleganter doctus uir, actionem appellauerit sermonem corporis, eadem analogia utens, qua usus est ille, qui picturam poesim tacentem, et poesim picturam loquentem nominauit. Cauendum est, ne oris species mutetur; nam qui id faciunt cum maxime student commouere, nihil aliud assequuntur, quam quod risum mouent. Brachium proiectum, est telum orationis, quo interdum anime feriuntur. Supplosio pedis aliquando habet magnam uim, cum de rebus maximis agitur. Hæc omnia sunt quasi illecebre, quibus auditorum animi capiuntur, quæ etsi non sunt multo studio conquirendæ christiano, a nobis tamen commemorantur, ut tacite clerici admoneantur, ne eadem uoce semper utantur; uocem accommodent, et gestum rebus, quas tractant: immoderatis uociferationibus, et longis apostrophis frigidam orationem non efficiant; perpetua quadam agitatione, quod quidam faciunt, iedium, ac molestiam non afferant. Qua in re utile illis futurum iudicamus, si, ubi primum, exercitationis causa dicere incipiant, habeant a quibus corrigantur, a quibus in hac præcipua concionis parte erudiantur. nam, qui sine magistro, et moderatore se conferunt ad dicendum, plerunque oratores parum uehementes, et potius frigidi euadunt. Quoniam uero nonnulli sunt ita a natura formati, uultu adeo incompósito,

uoce adeo agresti, et lingua adeo impediti, ut prorsus ad dicendum inepti uideantur: quorum quosdam naturæ impedimenta, ac etiam uitia superasse, testantur historie; eos hortamur, ne, nisi proprio officio coacti sint, munus dicendi suscipiant; si interdum dicant, quo magis egent illis adiumentis, quæ ad dicendum sunt necessaria, eo feruentius, ab eloquentiæ, et bonorum omnium largitore Deo, summis precibus petant, ut adiuuet infirmitatem, infundat sanctum spiritum suum, ut cum auditorum fructu loquantur.

Quod sine Dei auxilio, de Deo, nemo potest recte dicere. CAP. V.

PRINCIPUM igitur elocutionis, et totius eloquentiæ ecclesiasticæ, sumendum est a diuini auxilij imploratione. quis enim audeat de Deo, sine Deo dicere? quis de rebus diuinis sine ope diuina tractabit? Quamobrem sine meditatione, nisi precibus ad Deum adhibitis, Ecclesiasticus orator non audeat ad dicendum assurgere, ne interdum, diuino auxilio destitutus, præclarissimum munus dedecoret, hortarer etiam, ut nisi sumpto sanctissimo sacramento Eucharistiæ, et cælesti pane recreatus, angelicum hoc munus non susciperet; atque Deum oraret, ut aperiat ei ostium sermonis, ad loquendum misteria Christi, quod nisi aperiatur, infructuosa futura sit eius oratio. Precibus adiungendum est studium, adiungenda est diligentia, et assidua lectio sacrorum librorum; sine qua, qui nobilissimum dicendi munus sibi assumunt, accidunt sepe, ut in uarios errores, et in confusionem incidant: consilio etiam doctorum hominum uti debet, cum potest, ut ea dicat, quæ sunt dicenda; alia in aliud tempus rejiciat.

Quid sit emendate loqui. CAP. VI.

CAPUT elocutionis est, ut emendate loquatur orator; solæcismis ac barbarismis auditorum aures non offendat; quod quidem
per

per se nihil esset, si interdum risum non moueret, et muneris existimationem non minueret. Quare necessarium est ei, qui dicit ad populum, dare operam, ut emendate loquatur; et in ea, in qua natus est lingua, se exercens, molestas quasdam uoces mutet, aut corrigat. Caveat tamen ne propriæ linguae oblitus, nimium studium in aliena, mutatis uocibus, et accentibus ponat. solet enim plerumque accidere, ut in eo, affectatio appareat. Ipse noui homines, magnam eloquentiæ famam consecutos, qui uoces, quas ab incunabulis didicerunt, non repudiarunt, et magni oratores habiti sunt. Copia rerum, uerborum copiam gignit; recte dicendi, sapere est principium, et fons; nihil inani uerborum strepitu infructuosius, cum præsertim de gloria Dei, et de salute animarum agitur. Quare cauendum est clericis, ne nimiam in loquendo diligentiam sectantes, in uanitatis suspicionem incidant; et dum sermonis elegantiam studiose sectantur, obscuriores fiant. nam præclare B. Augustinus inquit: Malo ut me reprehendant grammatici, quam non intelligant populi; eligens magis in barbarismis, damnantibus grammaticis, intelligi, quam in mea disertitudine, auditores deferere.

De perspicuitate orationis Ecclesiastica. CAP. VII.

ORATIONIS uirtus est perspicue dicere: quoniam nisi orator ita dicat, ut ab auditoribus intelligatur, sine dubio, nihil unquam poterit persuadere. Perspicuitas autem in nominum, et uerborum proprietate consistit. quo magis igitur, proprijs utetur Ecclesiasticus orator, eo magis suspicionem ostentationis effugiet. Propria uerba dicuntur ea, quæ communi loquendi usu, recepta sunt, et rem significant, ut magister, philosophus, theologus, reprehendere, dicere, laudare. Non est autem proprijs uerbis utendum, cum præsertim prolata, sine uerecundia audiri nequeant, aut etiam horrorem incutiant. sunt quædam corporis partes, quæ proprijs nomini-
bus

bus explicandæ non sunt, sed adhibita circumlocutione: insignium etiam, et nefandorum peccatorum nomina supprimenda sunt, et raro admodum proferenda.

Quod Ecclesiasticus orator interdum uti debeat translatis ad rem magis exprimendam.

CAP. VIII.

TRANSLATA uerba sunt ea, quæ a propria significatione, ad aliam non propriam, per similitudinem transferuntur; ut sophistæ appellati sunt uenatores adolescentium, diuinum in primis; gratia dicitur fons uitæ; charitas anima uirtutum. Orator ecclesiasticus cum propositam tantum habeat gloriam Dei, et salutem animarum, translatis eatenus utetur, quatenus id quod sibi proposuit, in auditorum animis possit imprimere. Agnum immaculatum appellabit Christum, ut magis excitet ad mansuetudinem; martyres athletas, ut uictorias martyrum ante oculos ponat; et ad pugnam cum domesticis inimicis hortetur; christianos appellabit milites, ut eos magis ad minime formidandam mortem excitet; orationem clauem cæli; charitatem ignem amoris nominabit. Multæ autem sunt in translationis usu, adhibendæ oratori cautiones. primum ne a remotis sumantur, ut si quis audacter dicat Christum serenissimum, quia rex, quia eo nomine reges appellantur; deinde, ne ab ulla re turpi proficiantur; ut si quis Deum patrem, carnificem Christi nominet; iussit quidem, ut propter peccata hominum moreretur, ut illa morte, diuinæ iustitiæ esset satisfactum, et cæli ianua aperiretur fidelibus, non ideo tamen appellari debuit carnifex. Atque, ut paucis dicam, translationes faciles, a rebus pulchris desumptæ, et iudicio, quod succum prudentiæ sapientes homines appellarunt, adhibito, illuminant orationem. quibus translationibus, sanctissimorum patrum libri abundant, præsertim græcorum, qui in metaphoris, et similitudinibus

excogi-

excogitandis, mirabiliter excelluerunt: differt autem metaphora a similitudine, hoc tantum, quod metaphora est breuior, et idem exprimit sine coniunctione, ut, diabolus est leo, metaphora est, similitudo, tanquam leo rugiens. At animaduertendum est, ne clerici, frequentibus uerbis translatis frigidam efficiant orationem; et uientes illis, non ueluti condimentis, sed tanquam cibis, satietatem, aut potius nauseam pariant. quod quibusdam coniigisse, nostra tempestate, prudentes uiri obseruarunt.

De uerbis similiter cadentibus, et diminutiuis. CAP. IX.

VERBA similiter cadentia, iucundam interdum efficiunt orationem; sed raro clericis usurpanda sunt, ne in affectionis suspensionem incidant. Pulchrum huius figure exemplum est apud B. Bernardum: Mundus clamat, deficiam; caro clamat, inficiam; demon clamat, decipiam; Christus clamat, reficiam. Interdum in diminutiuis ad augendam orationem, interdum ad minuendam, inest quedam uis; ut, quid est, quod literulas quasdam tanti faciamus, ut alijs nos esse anteponendos putemus? et, quid homunculi indignamur? Homonyma, quæ equiuoca nuncupantur, sophistarum sunt, et christiano oratori sunt fugienda, cum obscuritatis, et errorum mater sit ambiguitas. Synonyma, hoc est, idem significantia, poeta adhibent: quare non sunt certe laudandi nonnulli, qui copia synonymorum, opinionem eloquentiæ aucupati sunt, et ea ratione in aures uulgi illabi studuerunt. Vetus nomina, etsi admirabilem magis efficiunt orationem, parce tamen adhibenda sunt, ne affectata; dicenti opinionem minuant.

De Metonymia, et synecdoche. CAP. X.

METONYMIA utuntur Ecclesiastici oratores; qua continens,
 R pro

pro eo quod eo loco continetur, ponitur; ut si *cælum* pro *cælicis* dicamus, *terram* pro *terrestribus*; cuius est insigne exemplum propheta: *Terra, terra, terra*, audi uerbum domini. *V*eniunt etiam interdum *synecdoche*; ea præsertim, quæ, ex ijs, quæ rebus accidunt, res significantur, ut illud *Esaiæ*: *Et constabunt gladios suos in uomeres, et lanceas suas in falces*; hoc enim paci consequens est. *Alia schematum, et troporum genera quamplurima, ab oratoribus usurpari consueverunt, quibus splendescit, et illuminatur oratio: de his omnium dicere, quoniam ad grammaticorum peritiâ pertinent, neque etiam latine cum scribamus, facile esset communi, quæ omnes utimur lingua, figuras, et ornamenta in medium ponere.* *Moneo huius libri lectorem, ut grammaticam artem ualde utilem, ac etiam oratori necessariam non contemnat; præcepta, quæ a pueritia didicit, ad usum reuocet; Grammatica utatur tanquam famula, ad animi sensa exprimenda; bonos grammaticos legat; imitatione, et exercitatione, stylum, qui est optimus dicendi effectus, et magister, alat.* *De numeris etiam, longum et superuacaneum arbitror agere: Christi nuntius, diuine uoluntatis interpret, in minimis non est occupandus; præterquam quod in hoc satis bonum, et magnificandum est aurium iudicium; quibus est consulendum, ne eodem semper sono feriantur; et ne nimium numerosa oratione uidentes oratores, canere potius cantilenas, quam ad populum dicere uideantur: in quos, illa uerba accommodari possunt: si loqueris, cantas; si cantas, male cantas.*

De figuris, siue formis sententiarum. CAP. XI.

Cum duo sint figurarum, seu formarum, genera, uerborum, nimirum, et sententiarum; cumque de figuris uerborum, quantum subiecta materia postulare uidebatur, egerimus; reliquum est, ut de figuris sententiarum, in quibus magna eloquentie

Ecclesia-

Ecclesiastica pars, nempe, apposite dicendi ratio, constituta est, aliquid dicamus; quod eo minus alienum uideatur, quod ea omnium linguarum generibus sunt communes. Est autem apposite dicere; cum ad docendum, tenues, et subtile genus dicendi adhibetur; ad laudandum, equabile, et temperatum; ad commouendum, flectendumq. uehemens, et incensum. Ille autem docens aliquid aut credendum, aut sperandum, aut timendum, aut uitandum, aut agendum, apposite dicere putandus erit; qui ab initio id, de quo sibi dicendum sit, proponet; deinde quod propositum fuit, explanabit, definitione utetur, diuisione, rerum distinctione, breuem nonnumquam rationem subijciat; ad ea quae proposita erunt, reuertetur, exemplo, et similitudine, rem declarabit, et illustrabit, breuiter interdum digredietur, unde deflexit oratio, se redire significabit; concludet interdum singulis argumentis, nonnumquam pluribus explicatis; quae explicauerit, cum ijs quae sequuntur, coniunget; frequentioribus membris, et casis utetur. Laudans uero christianas uirtutes, fidem, spem, charitatem, uirginitatem, martyrium; uituperans contraria; apposite dixerit, si maiestate, splendore, grauitate sententiarum, uerborumq. uarijs luminibus, quae pulchritudinem, et uenustatem asserunt, utatur. Efficiet ut oratio ipsa, rerum, quas exornandas suscepit, imago sit, eas exprimat, et imitetur, ut illustris sit explanatio, resq. pene sub aspectum subijciat; mores imitetur, illustribus utatur translatis; utatur etiam augendi, minuendique causa superlationibus; ijs, quae sensu, et uita carent, sensum, et motum adiungat; multa saepe in unum colligat, ei coaceruet, quae rem attingunt, cum ipsa re coniungat; cum locus fert, inserat anthiteta, periphrasi utatur interdum, paronomasia, et aliquo acute dicto, uarijs aliquando sententiarum figuris orationem illuminet; utatur interrogatione, percuntatione, auersione, dubitatione, correctione, praeteritione; cum ijs, quae leporem, et uenustatem addunt

orationi, dissoluta geminatione uerborum, paulum immutato uerbo utatur, atque deflexo, eiusdem uerbi repetitione, conuersione, gradatione, amplificationibus, digressionibus, rerum, et personarum descriptionibus: uerba sint lecta, suauia, grandia, sonora; suppellectile et copia propriorum, et translatorum, delectetur. Qui uero flectere animos, eosq. commouere sibi proposuit, ut de propria salute cogitent; ut ipse apposite dicat, necesse est, miris, uarijsq. modis auditores afficiat; monentis, hortantis, irascentis, accusantis, obiurgantis, conquerentis personam induat; demonstret hominum uitia, et peccata, excuset, purget eos, qui lesi uideantur, laudet, promittat, deprecetur, oret, scelera sceleris hominibus exprobet, exhorrescat, aliquid iubeat, increpet, insultet impijs; lamentetur, minitetur, terreat, significet propemodum esse desperandum, auditorum arbitrio permittat omnia, tanquam rebus deploratis, miretur, contestetur; speret tamen, consoletur, gratuletur bonis, letetur, eos confirmet, et imitandos ceteris proponat, proferat uocem liberam, exclamet, optet, personam induat, communicet cum auditore, interroget, que premant, et urgeant, dissimulet, sententiam suam reticeat. Singulas figuras, siue formas sententiarum describere, non esset difficile, sed longum, ac etiam fortasse superuacaneum; cum usq. potius, et exemplis, quam preceptis, et descriptionibus, possint disci singularum, unum, duo, aut ad summum tria exempla proponemus, atque ex his aliqua his temporibus accommodata, ut facilius earum natura percipiat, et ut singula a clericis, cum locus postulabit, ad usum libentius reuocentur.

Exemplum propositionis. CAP. XII.

SANCTUS Ioannes Chrysostomus, quem, aureum flumen christianæ eloquentiæ, recte appellauerimus, cum doceret populum,

pulum, orandum esse, ita proposuit: cuiusvis boni caput esse orationem, eamq. et salutem nobis asferre, et uitam aeternam, nemo ignorat; hac tamen de re, pro uiribus dicere necessarium est, quo id consequamur, ut, et qui in orationibus, cultuq. Dei, uiuere sumt soliti; studium uehementius, et maiorem assiduitatem, ea in re adhibeant; qui se- gnes, ignauiq. uixerant, et animam suerunt ab orationis ope deser- tum, praeteriti temporis detrimentum intelligant, tum in reliquum uitae tempus, ne committant, ut salute priuentur.

Exemplum diuisionis. CAP. XIII.

SANCTVS Gregorius Nazianzenus, quem Demosthenem christianum dixerimus, ostendens episcopalis muneris dif- ficultatem, ita diuisione est usus: difficile est, eiusmodi ora- tionem inuenire, quae omnes conciliare, et scientiae lumine collustrare possit; huius rei ea causa est, quod cum in tribus his rebus, periculum ueretur, mente, sermone, atque auditu; uix aliter fieri potest, quin, si minus ad omnia, ad horum unum impingamus: aut enim mens, superno splendore minime perfusa est; aut sermo languet; aut denique auris, quia nequaquam purgata est, doctrinam excipere nequit; quorum si unum acciderit, non minus, quam si omnia concurrant, ueritas claudicet, necesse est.

Exemplum distinctionis. CAP. XIII.

SANCTVS Ambrosius cum doceret, Christum sequendum, hanc distinctionem adhibuit: si uulnus curare desideras, me- dicus est; si febribus aestuas, fons est; si grauaris iniquitate, iustitia est; si auxilio indiges, uirtus est; si mortem times, uita est; si cibum queris, alimentum est. Qua ratione debeat proponere Ec- clesiasticus orator, et qualis debeat esse propositio, dicemus paulo post:

item

uam de diuisione, et distinctione, quas non solum formas sententiarum, sed etiam instrumenta dispositionis esse, facile est animaduertere.

Quo modo Ecclesiasticus orator possit ad propositum rationem subijcere; et unde deflexit oratio, redire. CAP. XV.

SANCTVS Gregorius Nazianzenus in laudem Heronis, docens, cur Heros fuerit athleta minime fictus, subiicit rationem: hic est ueritatis athleta minime fictus, et trinitatis ad sanguinem usque propugnator, atque eorum, qui ipsum, iniuria inferende causa, persequabantur, patiendi alacritate expugnator: nihil est enim quod persecutoris uim perinde frangat, ut patiens alacritas, et promptus animus. Sæpe poterit uti hac forma Ecclesiasticus orator: cupitis scire quamobrem in uarias calamitates incidatis, melioris spei filij decedant; qui supersunt, uos tristitia afficiant, uarijs morbis affligamini, caritate annonæ, et alijs incommodis exerceat, aut puniat potius uos Deus? quia eius mandata non custoditis, quia iniusti estis in uos, et in alios. Is, quem paulo ante nominauimus, S. episcopus Gregorius Nazianzenus in Apologetico, cum officium sacerdotum exposuisset, in hominum reconciliatione, et salute uersari, salutis mysteria, omnia Christi, ortum, facta miracula, passionem, resurrectionem, exornandi causa collegit, tum ad propositum rediens: Ac nos, inquit, huius medicine ministri, operisq. participes sumus, quicumq. superiori loco sedemus. Sic orator Ecclesiasticus utatur hac forma dicendi, ita dictante Spiritu sancto, ne illud quidem quod dixeram, cogitans, digressus sum, utinam aliquo cum uestro fructu, nunc redeamus unde deflexit oratio: quod quidem facere commode poterit semel, aut bis in concione.

Exemplum

Exemplum conclusionis. CAP. XVI.

DIVVS Basilii in oratione ad diuites, expositam rationem concludens: Quid igitur, inquit, tempus expectas, cum ne mentis quidem tue compos es futurus? ita Ecclesiasticus orator: Estō huius, et omnium meorum sermonum, conscionum, et hortationum mearum conclusio; ut sitis uos populus Dei, hereditas Christi, gaudium meum, et corona mea, humana contemnentes, huius exilii obliui, ad cælestem patriam aspiretis. quæ dicendi formam rui maxime adhiberi posse uidetur, atque etiam crebro.

Transitionis, et Repetitionis exemplum. CAP. XVII.

SANCTVS Chrysostomus cum orationem ostendisset, peccata expiandi uim habere; sic ad aliud argumentum transit: Nec uero peccata solum purgat oratio, sed pericula etiam grauissima depellit; deinde exemplis id confirmat, et pluribus explicatis, sic ad oracula Christi, orationem transfert: quæ iam commemorauimus, satis sint ad uim, et potestatem, sanctarum precum ostendendam; melius uero fortasse est ad sacras literas accedentem, ex oraculis Christi intelligere, quas diuitias, preces ijs concilient, qui in ijs omnem ætatem ponunt. Agens orator Ecclesiasticus de curiositate, quam omni filiam nominamus, ubi ostenderit curiosos non solum tempas conterere, rem pretiosissimam, sed discordias serere; subiunget, sibi etiam odium comparare solitos, et cum maxime soleant esse delatores, in uariis plerunq. calamitates incidere. Repetitionis hoc est exemplum: Christiani, membra Christi auersamur, et fugimus; christiani, aciem Christi deserimus; christiani iterum, quantum in nobis est, Christum peccatis nostris crucifigimus. Eiusdem figure hoc etiam est exemplum: Qua ratione redimi possunt peccata? elemosyna; qua ratione saneramus

aneramur Deo? eleemosyna; quod est aurum ignitum, quo locupletes fieri possumus? eleemosyna: quare, eleemosynis propriæ nostræ salutis consulamus, et dominum inuitemus, ut misereatur nostri.

De figuris, quæ in temperato dicendi genere adhibentur; ac primum de illustri explanatione, et sub aspectum subiectione. CAP. XVIII.

DECLARENTUR aliquot ex ijs figuris, quæ in temperato dicendi genere adhiberi consueverunt. Illustis explanationis, atque etiam rerum sub aspectum subiectionis præclarum est exemplum apud B. Basilium, cum diuiti auaro, terrorem extremi incuit iudicij: Nunquam ne, inquit, ex ista temulentia, sobrius es futurus? non sanam mentem recipies? ad te tandem redibis? non Christi iudicium ante oculos pones? quam defensionem afferes cum ij, qui a te sint iniurijs, et contumelijs uiolati, te circumfissent, et ad iustum iudicem, clamoribus incessent? quid facies? quos patronos mercede conduces? quos testes adhibebis? quo pacto eum iudicem qui decipi nequeat, in errorem impelles? nullus ibi orator, nullum uerborum lenocinium, quod ueritatem iudici possit eripere, adulatorem non sequuntur, non pecuniæ, non dignitatis amplitudo, desertus ab amicis, ab adiutoribus, a patronis, defensionis erepta facultas, probis, et ignominia affectus, arripieris, mæstus, tristis, demissus, destitutus, sine ulla uel musitandi libertate; quocumq. enim oculos conuerteris, perspicue malorum imagines tibi obuersabuntur, hinc orborum lachrymæ, hinc uiduæ gemitus, ex parte altera, pauperes a te, pugnis percussi, serui lacerati, irritati uicini, et ad iracundiam inflammati omnia in te irruent, triste agmen circumstabit facinorum tuorum, atque scelerum. D. Ambrosius de S. Tecla uirgine, sic scripsit: Cernere erat lingentem pedes bestiam, cubitare humis, muto testificantem sono, quod sacrum uirginis corpus uiolare non posset: ergo adorabat prædā suam

suam bestia, et propria oblita naturæ, naturam induerat, quam homines amiserant; uideres quadam naturæ transfusione homines feritate indutos, seuitiam imperare bestie, bestiam exosculantem pedes uirginis, docere quid homines facere deberent: tantum habet uirginitas admirationis, ut eam etiam leones mirentur: non in pastos cibis flexit, non citatos impetus rapuit, non stimulos ira exasperauit, non usus decepit assuetos, non feros natura possedit; docuerunt religionem, dum adorant martyrem; docuerunt etiam castitatem, dum uirgini nihil aliud nisi plantas exosculantur; demersis in terram oculis, tanquam uerecundantibus, ne mas aliquis, uel bestia uirginem nudam uideret. Hæc figura sententiarum, maxime adhibenda est ad docendum aliquid, frequenter in genere demonstratiuo. Ita sub aspectum ponere poterit Ecclesiasticus orator reipub. christianæ calamitatem, cum docuerit, uitandum amorem huius mundi. Considerate fratres, intuemini imaginem orbis terræ; maior pars, impia Mahumeti tyrannide oppressa est; in ijs, qui Christum agnoscunt Deum, quot monstra opinionum? quot portenta heresum? quam uarij et pestiferi errores, multorum mentes infecerunt? nos qui sanctam matrem Ecclesiam sequimur, et in fide non erramus, nostram fidem operibus non confirmamus: uix fides, uix sinceritas, uix pudor apud nos reperitur.

Quo modo fiat tragica rerum expositio. CAP. XIX.

ILLUSTRIS etiam explicationis est, lamentabile aliquid, et acerbum; tragice exponere; tum misericordiæ commouendæ causa, tum horroris, huiusmodi exemplum est apud B. Basilium, in oratione de martyre Gordio: Tota urbe tumultus erat, summaque rerum omnium perturbatio, a uiris sanctissimis atque integerrimis prædæ abigebantur, pecuniæ diripiebantur, hominum, Christi aman-

tium corpora lacerabantur, per mediam urbem matronæ trahebantur: non pueritiæ misericordia erat, non uerecundia senectutis, innoxij, et infantes homines supplicia facinororum sustinebant, ad recipiendos iustos carceres angusti, domus opulentæ, et copiose deserebantur; profugorum, et miserorum exulum plenæ solitudines. Interdum calamitosi his temporibus, ubi ad preces Deo fundendas populus excitatur, adhibenda est hæc tragica expositio, uerbi causa, de amissa Nicosia nuncius est acceptus, ita narret: Assur immanissimus Turcarum tyrannus, uirga furoris, et baculus iræ domini, ita eo permittente, percussit nos, regnat, et indies crescit impietas, triumphat dira crudelitas, regnum nobilissimum in tyranni potestatem redactum est; opulentissima urbs, regni caput, Archiepiscopatus sedes capta est, sanctissima templa uastata; qui reipub. Venetæ nomine regebant, primarij etiam illius regni uiri miserabiliter obtruncati, uiolatæ uirgines: igne, et flamma decor extinctus ciuitatis, cæsi innumerales homines, multi etiam captiui, ut haberent, unde christiani nominis hostes insultarent, Bizantium sunt perducti. Quibus rebus ante oculos positis, hortari poterit ad preces, atque etiam ad orandum pro illis, qui pro Christo fortiter occubuerunt.

De uita, et morum imitatione. CAP. XX.

BEATVS Basilus in extrema oratione in diuites, eorum mores imitando exprimit, dum cogitationem eorum, et sermonem proponit, qui mortuos nefarie compilant, nec ijs propter auaritiam iusta persoluunt. Si diuitiarum, inquit, es cupidus, nihil alijs facias reliqui fortunarum tuarum, omnia tua facis, omnia deporta, ne pecuniam tuam alienis relinquant, fortasse enim te domestici tui ne ornamentis quidem extremis decorabunt, subite leuiq. sepulturi tradent, se ad heredum tuorum beneuolentiam, gratiamq. adiungent, et ad-

et aduersum te sapientiæ nomen etiam usurpabunt; ineptiæ est, inquit, moriuos exornare, et eum qui nihil iam sentiat, magnifice, splendideq. efferre; annon satius est præclaro amictu atque pretioso superstites ornari, quam una cum cadauere, ad puiredinem dare tanti pretij uestem? quisnam fructus est monumenti eximij, splendideq. sepulturæ sumptus inutilis, cum sit ijs quæ supersunt, ad necessarium cultum uitæ utendum; hæc illi dicent, et acerbitem tuam, atque importunitatem ulciscuntur, gratiam cum illis, ad quos hereditas uenerit, ineuntes. Quamobrem ipse præoccupat, teipsum manda sepulturæ; præclarum sepulturæ ornamentum est pietas; decede rebus tuis omnibus amictus, diuitias, proprium ornatum tuum, tecum fac habeas. D. Chrysostomus in primam ad Corinth. epistolam, de dominico corpore, christianum hominem secum ita loqui iubet: Cum id propositum uideris, dic ipse tecum: huius gratia corporis iam terra non sum, iam non sum cinis; non captiuus, sed liber; hoc ob corpus cæli adipiscendi, eorumq. bonorum, quæ in cælo reposita sunt, spem habeo, diuinam, et immortalem uitam spero; angelorum locum, Christi societatem, hoc cruci affixum corpus, et flagellis casum mors ferre non potuit, hoc corpus in crucem sublatum conspiciat sol radios auertit, huius corporis religione tum uelum scissum, saxa perrupta, commota terra est; hoc illud cruentum corpus est, et lancea percussum, unde orbi terrarum salutare fontes sanguinis, et aquæ perfluxerunt. Hac figura utetur orator Ecclesiasticus: Ulciscere iniurias illatas, occide inimicum tuum, filios tuos heredes huius intestini odij relinque, imminue patrimonium tuum, dita prætorios ministros, te ultorem iniuriarum accerim omnes prædicent; considerabis deinde num recte feceris. Magnam uim habet hac forma dicendi, ad dissuadendum aliquid, et ad prauam aliquam consuetudinem remouendam.

Metaphora, et Allegoria exemplum. CAP. XXI.

SANCTVS Cyprianus in sermone de zelo, et liuore ita metaphora usus est: Porro autem dominus prudentes esse nos iussit, et cauta sollicitudine uigilare praecepit, ne aduersarius uigilans semper, et semper insidians, quando in pectus obrepat, de scimillis conflet incendia, de paruis maxima exaggeret, et dum remissis, et incautis, leniore aura, et flatu molliore blanditur, procellis, et turbini-
 bus excitatis, ruinas fidei, et salutis ac uitae naufragia molitur. Basilius de laude ieiunij, pulchram adhibet metaphoram: Ieiunij reuerere canitiem, equale est humanae naturae. Idem S. Basilius in quadam oratione, praeclarissima allegoria, ita usus est: unusquisque nostrum priusquam in ultimum discrimen, et perniciem adducatur, oneris partem quamplurimam deponat, priusquam scapha fluctibus obruatur, mercium iacturam faciat, quas nullo iure collegerit, et imitetur nautas. illi enim si quid rerum necessariarum in nauibus uehant, ac tempestas grauior, et periculosior excitetur, quae nauim pondere oppressam, se minitetur obruturam, quam celerrime possunt, magnam eijciunt partem, ac nihil parcendo, merces in mare exhauriunt, quo nauis subleuetur, et integris, saluisque corporibus, periculum euadant; hoc nos multo magis quam illos, et consulere oportet, et facere. Admodum raro ad populum putarem oratori Ecclesiastico, conficiendam allegoriam, ne obscura reddatur oratio. Quomodo autem sint explicandae, et adhibendae allegoriae, paulo post cum de ratione explicandarum sacrarum literarum tractabimus, dicemus.

Imaginis exemplum. CAP. XXII.

IMAGINIS exemplum est apud Esaiam: Quasi parturiens dolebunt: et apud Hieremiam, Quia inuenti sunt in populo meo
 impij

impij insidiantes quasi aucupes, laqueos ponentes et pedicas, ad capiendos uiros. Ita Ecclesiasticus orator, ruri inquietos rusticos, appellabit crabrones, usurarios sanguisugas; utetur frequentibus imaginibus ad rem imprimendam.

Exempla similitudinum, qua ornatam efficiunt
orationem. CAP. XXI.

SIMILITUDINES non solum ad probandum aliquid, sed etiam ad delectandos animos adhibentur, idcirco inter figuras sententiarum, similitudo collocatur. Basilius in auaros inuehens, ita facit auarum loquentem: Cui uero iniuriam facio, si mea contineam? cedo quenam tua sunt? unde sumpta in uitam intulisti? ut si quis in theatro spectaculum occuparit, deinde adeuntes prohibeat, iudicans proprium, quod ad usum communiter pateat uniuersis; tales sunt diuites, cum res communes praecupparint, sibi ut proprias arrogent. Chrysostomus, in primam ad Corinth. Epi. de dominico corpore sine indignitate fumendo, ita scribit: Hoc mysterium; hic terra tibi facit caelum; patefacito caeli ualuas, atque introspecte, uel potius non caeli, sed caeli caelorum, tum quod dico uidebis. nam quod ibi clarissimum est, et amplissimum, hoc in terra positum demonstrabo; ut enim in regia, quod omnium honestissimum est, et splendidissimum, non parietes sunt, non aurea laquearia, sed in praecelso folio positum regis corpus, ita in caelis corpus est regis nostri, at hoc idem in terra potes intueri; etenim non angelos tibi, nec archangelos, non caelos, sed ipsum Dominum ostendo. uiden quod omnium rerum praestantissimum est, ut in terris cernas? nec cernas solum sed attingas, non solum attingas, sed comedas, et eo sumpto, domum reuertaris? absterge igitur animum, compara mentem tuam, ad susceptionem horum mysteriorum: nam si regius in regijs ornamentis puer, in purpura, et diademate tibi gestandus

stans esset, nonne omnia uilia ac terrestria abiiceret? iam uero non regium filium hominis, sed ipsum Dei filium unigenitum sumens, obsecro nonne exhorrescis, nonne omnium humanarum rerum amorem abiicis? et his ornamentis solum gloriaris? etiam terram aspicias, pecuniam adamas? aurum admiraris? quis tibi reliquus est ignoscendi locus? quæ defensio? Ad docendum, magnam uim habet usus similitudinum, in quibus tamen delectus habendus est, ne alicuius rei turpis, similitudo adducatur, et ne copia similitudinum poeticum quid Ecclesiasticus orator redoleat.

Exemplum Hyperboles. CAP. XXIIII.

HYPERBOLE usus est D. Augustinus in auaros inuehens: Terra suis limitibus terminatur, aqua suis sinibus limitatur, aer suo sine concluditur, cælum suis terminis arctatur, sola auaritia terminum nescit. O auare si terra tibi cuncta datur, mare queris; sed si terra, et mare, aerem petis; sed si terram, mare, et aerem possideres, adhuc cælum ambis, et ipsum penetrare affectas; et si cælum penetraueris, adhuc non quieueris, donec te Deo æquaueris, uel fueris superior altissimo. Hyperbole ad commouendum, et detestandum adhiberi solet, sed raro, ut diximus, adhibeatur, ne ineptus iudicetur orator.

Quo modo sensus, et mens rebus tribuantur, quæ
ijs careant. CAP. XXV.

BEATVS Basilus in eos inuehens diuites, qui dicunt, petentibus copias suas non posse sufficere, ita inquit: Lingua iuras, te manus redarguit, tacita enim manus mendacium tuum prædicat, annuli gemma circumfulgens. idem in oratione prima de ieiunio: Quid enim uirum fortissimum Sampson inuictum effecit?
nonne

nonne ieiunium cuius ope matris aluo conceptus est? ieiunium eum in utero tulit, educauit, ad etatem uirilem prouexit, et corroborauit. et in eadem oratione: Det aliquas ueter inducias; det, et fœdus nobiscum in dies quinque feriat, qui semper efflagiat, nec ullū modum facit, qui hodie accipit, cras obliuiscitur; cum satur est, tum de continentia philosophatur, obliuiscitur decreta, cum dissilarit. Eadem ratione dicet orator Ecclesiasticus: Superuacaneæ uestes, sumptuosa conuiuia testantur uos non egere, uos non diligere pauperes, qui eis sua subtrahitis, ut crapulemini. Illustrius etiam hæc forma dicendi adhibeatur. Urbs Bizantium, quas uoces emitteret, si loqui posset? ita uos iuuenes alloqueretur: ite, pugnate alacriter, nobilissimam ciuitatem ad uexillum Christi restituite: ueniant nunc Chrysostomi, qui me squallidam, et plane mortuam reficiant, ac nutriant: interficiatur scælestissimus saihana minister, qui me miseram tot iam annos opprimit. Quæ dicendi forma ad impellendos homines ad bellum, plurimum ualebit.

Qua ratione coacernare possit Ecclesiasticus orator. CAP. XXVI.

MULTA in unum coaceruauit Gregorius Nazianzenus in oratione de laudibus Heronis, ad eum orationem conueriens, cum dixit: Quocirca at pro fide, et pietate bellum suscipis, ita tibi inuicem ab impietate bellum infertur, atque præter alias multas dimicationes, quas, dum priuatos, et principes erudis, publice atque priuatim, quouis deniq. tempore, et loco doces, admones, arguis, increpas, uirtutis causa suscepisti, ab impio, et uesano magistratu correptus, uirgis laceraris. Ita coaceruabit Ecclesiasticus orator: Miserum, iusto Dei iudicio, concitatum est in rempub. christianam bellum, uexant acrius quam unquam antea, domestici, et acerrimi inimici, saihanas, mundus; et origo communium miserrum caro, affligit immanissimus turca; eius tyrannidi, noua quotidie regna

regna subiiciuntur; discordia utinam nostra, et peccata, iram Dei in nos magis non prouocent: quid igitur faciemus? lugeamus, doleamus, peccata nostra confiteamur, ad misericordiam Dei confugiamus.

Quo modo coniungantur ea, quæ rem attingunt, cum ipsa re. CAP. XXVII.

BEATVS Basilivs de intemperantibus fæminis loquens, ait, Intemperantes fæminæ, diuiniq. timoris oblita ignem æternum contemnentes, eo die, quo eas oportebat ob recordationem resurrectionis Domini, quietas sedere, et illum diem in mentem ac memoriã reuocare, quo cæli patefient, quo de cælis se nobis iudex in conspectum dabit, tubarum Dei clangor, suscitatio a mortuis, iustum iudicem futurum, et æqua pro cuiusque factis præmia, pro eo ut hæc animis et ratione expendant, corda sua, prauis cogitationibus purgent, præterita peccata, et scelera lachrymis deleant, seque in occursum Christi, ad magnum diem eius Aduentus comparent; excusso Christi seruitij iugo e capite, abiectis honestatis, et modestiæ integumentis, contempto Deo, spretis angelis, marium aspectu per singularem impudentiam, recepto, comis reiectis, et expansis, tunicas trahentes, et una pedibus ludentes, intemperantibus, et proteruis oculis, effuso cachinno, ad salutationis insaniam stimulatæ, iuuenum libidinem omnium, et lasciuiam ad se allicientes, institutis choreis, in ijs quæ ante urbem sunt, martyrum monumentis, religiosissima loca, fecerunt turpitudinis, et flagitiorum suorum officinam. Qui locus poterit accommodari in solennitate Natalis Domini nostri Iesu Christi, quo tempore, deprauata quædam irrepsit consuetudo; ut iocis, choreis, sumptuosis conuiujs, consanguinei, et affines se mutuo inuitantes, illos dies consumant. In his ciuitatibus, aut oppidis, ubi luxui homines sunt dediti, dicere poterit Ecclesiasticus orator. Quid agunt

agunt quidam ex uobis, ingurgitant non concoquunt, eis pituita molesta est, oriuntur febres, immaturo tempore senescunt, decidit memoria, libidine cruciantur, minuunt patrimonium, miseri in hac uita ad mortem perpetuam festinant. Valet hac forma dicendi imprimis ad docendum aliquid, ut suadeat, aut dissuadeat orator.

Antithetorum, et Periphrasis exempla. CAP. XXVIII.

S ALEXANDER Episcopus, et martyr Cyprianus in libro de patientia, de Christo loquens, pulchris anthi:etis usus est, his uerbis: *Vi insulantium sputa patienter exciperet, qui sputo suo, cæci oculos paulo ante formasset; et cuius in nomine nunc a seruis suis zabolus cum angelis suis flagellatur, flagella ipse pateretur; coronaretur spinis, qui martyres floribus coronat æternis; palmis in faciem uerberaretur, qui palmas ueras uincetibus tribuit; spoliaretur ueste terrena, qui indumento immortalitatis cæteros uestit; cibaretur felle, qui cibum cælestem dedit; aceto potaretur, qui poculum salutare propinauit. B. Ambrosius de uirginibus scribens, eleganter hanc figuram adhibuit: Non est, inquit, Christus circumferaneus; Christus enim est pax, in foro lites, Christus charitas est, in foro obrectatio. Anthi:etis uti poterit orator, docens spiritalis uitæ commoda, et sanctas oblectationes: uoluptates corporis debilitant corpus, gaudia spiritus uim animi augent; illæ pœnitentiam, hæ lætitiā, illæ infamiā, hæ laudem coram Deo, et hominibus, pariunt. Hac figura oratores utentes, maxime rem ante oculos ponunt. Periphrasim hanc adhibuit S. Gregorius Nazianzenus de laudibus Heronis: Enimvero, quando te ui par erat, ad nos recepisti; atque ille, qui eos a quibus glorificatur, glorificat; et eos a quibus irritatur, irritat; qui eorum, a quibus timetur, uoluntatem explet, et mortuis rursus uitam inspirat, qui ut Lazarum quadriduo postquam e uita migrauerat, sic te post quadriennium ad*

uitam reuocauit; qui iuxta *Ezechielis*, prophetarum omnium admirandi excelsiq. uisionem, ossa cum ossibus, et iuncturam cum iuncturis connectit, quando, inquam, ille cupientibus nobis, cupientem te reddidit, fac in ijsdem uitæ studijs, et sermonis libertate perseueres, ne alioquin in eam opinionem homines adducas, ut te afflictionibus fractum, atque deiectum fuisse, philosophiamq. per ignauiam prodidisse arbitrentur. Hoc loco, pro nomine Dei, periphrasi grauius et splendidissima usus est. ille idem, in laudem *Athanasii*, et periphrasi usus est, et descriptio nomine: *Lucernam* illam luci præeuntem, uocem sermoni, mediatorem mediatori, mediatorem, inquam, noui, et ueteris testamenti, *Ioannem* illum egregium. Ad *Nazianzeni* imitationem, poterit *Ecclesiasticus* orator uti hac periphrasi: Ille, qui eos, quos solet euehere, maxime decipit; qui, qui uicia uirtutis specie plerunq. extollit; qui eos, a quibus magis diligitur, sepius fallit; probitatis, et innocentie irrisor, a quo nemo tandem interdum non est deceptus, dissimulationis, adulationis magister, honorum, et diuitiarum admirator, impurarum uoluptatum minister, et callidus sophista, et bonorum etiam ingeniorum corruptor, ille est, quem amatis: quid creditis mundum esse? mundus est is, quem uobis descripsi.

Paronomasia, et interrogationis exempla. CAP. XXIX.

B *ERTVS* *Basilius* in eo explicando, *Destruam horrea mea* paronomasia usus est: *Habes*, inquit, horrea, uentres pauperum. *Chrysostomus* in epistolam ad *Timotheum*, fac, inquit, tibi debitorem Deum, et quiduis pete; primum fanerare, deinde repete, ut cum usuris recipias, tende manus tuas non solum in cælum, sed etiam in pauperum manus. si eo manus porrexeris, uerticem cæli tanges; nam qui ibi sedet, eleemosynam accipit, si manus infructuosas sustuleris, nihil fructus capies. S. P. *Ambrosius* de uirginibus, de

B. Virgine

B. Virgine Maria loquens, ita scripsit: Neque enim comites sœminas desiderabat, quæ bonas comites cogitationes habeat. Hac Paronomasia aptissime utetur Ecclesiasticus orator, ad consolandos pauperes: Quid creditis; multi pauperes sunt diuites, diuites gratia, diuites humilitate, diuites patientia; multi autem diuites sunt magis pauperes, quam ij, qui sunt pauperes humilitate, misericordia, christianis uirtutibus. Interrogationis exempla innumerabilia sunt apud sanctos patres; ex quibus, hoc uno erimus contenti, quod S. Ambrosius in lib. de uirginibus, de B. Virgine, uerba faciens, imitandum proponit. Quando, inquit, ista uel uultu lesit parentes? quando dissensit a propinquis? quando fastidiuit humilem? quando derisit debilem? quando uitauit inopem? eos solos cætus uirorum inuisere, quos misericordia non erubesceret, neque præteriret uerecundia: nihil toruum in oculis, nihil in uerbis procax, nihil in actu inuerecundum; non gestus fractior, non incessus solutior, non uox petulantior, ut ipsa corporis species, simulachrũ fuerit mentis, figura probitatis. Hæc figura in quocunque dicendi genere, commode adhiberi potest; sed in primis confert ad perspicuitatem orationis, et ad docendum. Sic ea uti licebit: Cogitatis, fratres, interdum uos esse homines ad imaginem, et similitudinem Dei factos? cogitatis, sanguine D. N. Iesu Christi uos esse redemptos? cogitatis quid pro uobis in sanctissimo Baptismatis sacramento, sponsores uestri polliciti sint? certe rerum omnium, quas commemorauimus, uos obliuisci, quispiam posset existimare, cum sic uiuatis, ut nec dignitatem hominis, nec beneficia quæ a Deo accepistis, recordari uideamini.

Percunclationis, Auerfionis, et Dubitationis exempla. CAP. XXX.

PERCUNCLATIONIS exemplum est illud Gregorij Nazianzeni in Cæsarij, cum imperatore congressuri, landibus:

Num dubitatis ne quid Casario accidat, huiusmodi animi alacritate, parum dignum? at bono estote animo, uictor enim discedet, iuuante Christo mundi uictore. Percunctatio adhibenda est, cum res dubia uidetur incidere, et accommodari potest ad populum, in hunc modum. Num putatis aliquem esse, qui crucem suam non ferat? mihi credite, et reges, et principes, et omnium generum homines, ferunt crucem suam, maiorem illi, quos feliciores putatis. Auerfionem idem Nazianzenus usus est, cum ad Casarium ita orationem conuertit: Habes a me Casari funebre munus, habes orationum mearum primitias, habes a me, ornamentum omnium ornamentorum. Sic auerfione utatur Ecclesiasticus orator, excitans populum ad christianas uirtutes: Accepistis, fratres, a me quae sit uoluntas Dei; accepistis quid sanctum Euangelium doceat: reliquum est, ut ne frustra uos sermoni meo interfuisse uideamini, operibus ostendatis. Dubitationem adhibuit Basilii in temulentos: Quomodo in his rebus me geram? si et oratio inutilis est, et silentium, difficultates multas, et incommoda habet? diligentiam, et curam omitemus? at periculum habet negligentia; an in ebrios aliquid loquar? at mortuis auribus insonamus. Ita oratorio quodam modo adhiberi potest figura, quae dicitur dubitatio, et ualet ad docendum, atque ad delectandum. Surdis canam fabulas, necne, uehementer dubito, quod quidem mihi maxime molestum esset. et alio modo, eadem figura utens dicere poterit: Interdum dubito, ne nimis obscura uideatur uobis oratio mea, cum re, uos non percipere quae dico, ostendatis.

Correctionis, Præteritionis, et paulum immutati

uerbi, exempla. CAP. XXXI.

CORRECTIONIS exemplum extat apud B. Basilium, in oratione prima de ieiunio. Quid facilius, inquit, et leuius uentri

ueneri est, tenuitate uictus, noctem traducere, an ciborum copia oppressum iacere? uel potius ne iacere quidem, sed crebrose uersare cum gemens disrumpitur? nisi forte dicas, gubernatores, oppressam onere nauem facilius seruare, quam leuiorem, atque expeditam. Hac dicendi forma ad reprehendendū uti poterit Ecclesiasticus orator: Multi ita se diligunt, aut potius se non diligunt, ut adulationibus delectentur, et monitores suos odio habeant. Præteritio illa dicitur, quæ est apud Nazianzenum in apologetico. Ac tot tamq. graues sunt, tum in reliquis animorum morbis, tum in doctrina etiam ipsa, peruerse, peruersiq. spiritus notæ, et impressiones, tātumq. ei negotium incumbit, cui hæc moderandarum, regendarumq. animarum cura commissa est. plura etiam, ne modum excedat oratio, prætermittimus. Venustatem, et pulchritudinem orationi affert, paulum immutatum uerbum, atque deflexum, ut est apud eundem Gregorium Nazianzenum, qui in Iulianum impium religionis Christianæ desertorem inuehens, eum uerius ait, Iulianum appellari. Si commodè cadat, hæc figura uti poterit orator, sed admodum raro, ne acumen ostentare uideatur; ut Veronæ non incommode dicere poterit, Veronam dictam esse, ut esset uere una in Christo, in sancta Ecclesia, et omnes amorē inter se essent coniuncti. qua figura uti poterit orator, dum ad sedandas discordias, et ad remittendas iniurias populum excitabit.

Gradationis, Digressionis, et Descriptionis
exempla. CAP. XXXII.

GRADATIO præclarissima est apud Apostolū. Gloriamur in tribulationibus, scientes quod tribulatio patientiam operatur, patientia probationem, probatio uero spem, spes autem non confundit. In temperato dicendi genere, digressiones magnam copiam, et uenustatem afferunt orationi, ut obseruauimus apud Nazianzenum

zianzenum in oratione, quam habuit de amandis pauperibus: cum
 dixisset, eos non præcipuo quodam miserationis affectu, permouere
 debere, qui sacro morbo labefactati, atque infecti sunt, et ad car-
 nes usque ad ossa, et medullas exesi, consumpti, atque ab hoc flagitio-
 so, et infido corpore proditi: ibi, corporis mentione facta, locum
 digrediendi nactus, cui, inquit, quomodo coniunctus sim, haud
 equidem scio; et quo pacto simul, et imago Dei sim, et cum cæno
 uoluter; quod, et cum incolumi ualitudine est, bello me infectatur;
 et cum bello premitur, excruciat, mæroreque afficit, quod, et ut con-
 seruum amo, charumque habeo, et ut inimicum, infectumque detestor,
 quod, et ut uinculum fugio, et ut eiusdem hereditatis particeps re-
 uereor; si macerare, et debilitare contendam, iam non habeo, quo
 socio, et administro, ad res præclarissimas obeundas utar, nimirum
 haud ignorans cuius rei causa procreatus sum, quodque mihi facien-
 dum est, ut per actiones ad Deum ascendam, sin contra ut cum
 adiutore, et ministro, mitius, indulgentiusque agere mediter, nulla
 iam ratio occurrit, qua, rebellantis impetum fugiam, et omnino a
 Deo excidam necesse est, corporis compedibus degrauatus in terram
 detrahentibus; hostis est blandus, et facilis, insidiosus amicus. prob
 Deum immortalem quæ isthæc coniunctio est? quæ inimiciarum,
 dissidijque ratio? quod uereor, amplector, quod amo, perhorresco, ante-
 quam bellum geri ceptum sit, in gratiam cum eo redeo; antequam sit
 pax constituta, ab eo dissideo. quæ præclarissima disgressionem absoluta,
 ita ad propositum redit: Sed de his, qui uolet, differat, nosque etiam
 aliquando commodius differemus; nunc autem, et quæ sequuntur.
 Dicemus etiam aliqua de digressionibus, ubi de propositione, quæ est
 præcipua dispositionis pars, præcepta quædam trademus. Descriptio-
 nes autem multe reperiuntur apud sanctos patres: nam Gregorius
 Nazianzenus in Casarij funere, terræ motum describit, Nicææ
 factum:

factum. In laudibus Athanasii, uitam, moresq. exprimit Gregorij cuiusdam Cappadoci; ac paulo infra, monasteriorum Aegypti iniecta mentione, in exilio Athanasii, eorum discrimina, religionem, sanctimoniam, utilitatem ad homines permanentem, cum descripsisset, cum ad propositum reuertens, cum his, inquit, consuetudinem habens magnus ille uir. Idem in Apologetico, pastoriam uitam iucunde, et uenuste depingit. et Basilii in laudem quadraginta martyrum, qui, frigore occubuerunt, is cruciatus quantus sit, declarat, sumptis rationibus a philosophis. Descriptiones maxime pertinent ad genus demonstratiuum; ualent etiam interdum ad docendum, et ad commouendum. Sterilitatem, si opus erit, poterit Ecclesiasticus orator describere, excitans ad eleemosynam, et ad penitentiam. Ideo tamen, descriptione utatur, non ut sibi ea in re placere uideatur, sed ut res potius ante oculos ponat.

De figuris quæ in uehementi dicendi genere adhibenda sunt, ac primum quomodo orator monere, et obsecrare debeat auditores. CAP. XXXIII.

AFFERAMVS in medium etiam exempla formarum, quæ in uehementi, atque incenso dicendi genere adhiberi possunt, ut clerici cum in hoc genere uersabuntur, habeant quæ imitentur. Ac primum monendi exemplum est illud Apostoli: Fratres nolite pueri effici sensibus, sed malitia paruuli estote. et illud: Non ut confundam uos hæc dico, sed ut filios charissimos moneo; nam etsi decem millia pedagogorum habeatis, sed non multos patres. S. Leo Pontifex hac dicendi forma uitur in quodam sermone, his uerbis: Agnosce, o christiane, dignitatem tuam, et diuinæ consors factus naturæ, noli in ueterem uilitatem, degeneri conuersatione redire: memento cuius capitis, et cuius corporis sis membrum: reminiscere quod erutus de potestate tenebrarum, translatus es in Dei lumen, et signum. ita Ecclesia-

Ecclesiasticus orator, ubi euangelij partem, aut epistolæ explicauerit, monebit auditores; se eorum peccata commemorasse, ut cum illis communem calamitatem lugeret; ut illa commemoratio, ille luctus interior, pœnitentiam salutarem pareret. Obsecrans personam sumpsit Apostolus, cum scribens ad Ephesios, dixit: Obsecro uos ego uinctus in Domino, ut digne ambuletis in uocatione, in qua uocati estis. Ad cuius loci imitationem orator Ecclesiasticus, postquam docuerit, quid Christianis agendum sit, ita obsecrans personam induat: Obsecro uos, charissimi filij, quos D. N. Iesus Christus meæ fidei credidit, quos uita chariores habeo, quibus iter uere beatitudinis ostendere imprimis studeo, obsecro, inquam, uos, ut uobis ipsi attendatis, cogitetis qui sitis, sub cuius uexillo militetis.

Qua ratione execrantis, et contemnentis personam induere possit orator. CAP. XXXIIII.

EXECRATUR Cyprianus fidei desertores, cum ait: Pereant, qui perire uoluerunt, extra ecclesiam soli remaneant, qui ab ecclesia recesserunt, soli cum Episcopis non sint, qui contra episcopos rebellauerunt, coniurationis suæ pœnas subeant. Qua forma dicendi raro utetur Ecclesiasticus orator; poterit tamen uti interdum inuehens in publicos usurarios, aut adulteros; uerbi causa, post longum sermonem, ita execrari: Eijciantur qui occidunt homines usuris, qui contaminant sanctum matrimonium, qui opprimunt pupillum, et uiduam. Contemnit omnia Apostolus scribens ad Philippenses præter eminentem scientiam Iesu Christi, propter quem omnia, inquit, detrimentum feci, et arbitror stercora esse: ut Christum lucrificiam. Ita etiam orator, ubi uitia acriter reprehenderit, excitans ad rerum humanarum contemptum, interdum dicat, se omnia contemnere, ut animas lucretur Christo, his uerbis utens: Me miserum, si uos omnes

omnes me laudaueritis, si peccata uestra difsimulauero, si mea indulgentia; deteriores euaseritis, laudationes uestras, omnia commoda; omnes honore, nihil facio; ut uos Christo lucrifaciam.

Detestationis, Exprobrationis, Imprecationis, Incepcionis, et Insultationis exempla. CAP. XXXV.

DE TESTATVR Dominus per Amos prophetam superbos, illis uerbis: Iurauit Dominus Deus in anima sua, dicit dominus exercituum; detestor ego superbiam Iacob, et domus eius odi, et tradam ciuitatem cum habitatoribus suis. Eadem forma uideatur Ecclesiasticus orator, detestans peruersos christiane reipub. mores, praesertim illorum uitiorum, quibus magis populus, cui praest, est deditus. Exprobrat Apostolus: O insensati Galatae, quis uos fascinauit? et sic per increpationem: haecine popule stulte, haecine reddis Domino, quate, tot, et tam magnis afflicti beneficijs? Horribilis imprecatio est apud Hieremiam, ubi ait: Propterea da filios eorum, et deduc eos in manus gladij, fiant uxores eorum absque liberis; et uiduae, et uiri eorum interficiantur morte; iuuenes eorum confodiantur gladio in praelio. Haec figura, a zelo profisciscatur oportet, aliqui auctoritatem oratori adimeret. S. Gregorius Nazianz. in oratione de moderatione seruanda, increpat eos, qui pastoris munus sibi uellent assumere, illis uerbis: Quid pastoris munus, tibi ouis arrogas? quid pes caput fieri contendis? quid exercitum ducere aggredieris, in militem ordinem ascriptus? et B. Basilius ita inuidos increpat: Quid dolore afficeris, qui nulla sis lacepsus iniuria? quid oppugnas eum, cui res secunda sunt, cum is nihil de tuis rebus, commodisq. detraxerit? sic orator, Quid miseri de patria exules nunquam cogitatis? sic uiuatis tanquam nunquam in aliam uitam migraturi? Dei filij adoptiui, fratres Christi, participes aeternae beatitudinis uos ipsi non

agnoscitis? cogitationes et curas uestras ponitis in rebus abiectis atque terrenis? Extat illa in impios insultatio *Esaie*: *Vbi nunc sunt sapientes tui? annuntient tibi, et incident, quid cogitauit Dominus exercituum super Aegyptum. Sic licebit insultare: Vbi sunt qui corrumpunt hoc oppidum? ubi reperiuntur inimicitiarum, et calamitatum huius oppidi, aut ciuitatis ministri? iam sunt mortui, aut miserrime uiuunt, nolite peruersos illorum mores imitari, ne eiusdem calamitatis, et miseria participes efficiamini. Quae figura adhibenda est maxime, cum aliquid esse uitandum, Ecclesiasticus ostendet orator.*

Qualiter gloriari, lamentari, et minari possit orator. CAP. XXXVI.

Gloriandi exemplum est apud *Nazianz.* in secunda oratione aduersus *Iulianum*; qui, cum uetorum prophetarum gloriationem pluribus uerbis exposuisset: sed quid, inquit, haec colligo? ad praesentem rerum nostrarum statum, orationem conuertamus: non iam sacrosanctis adibus nostris, oculos flagitiosos injicient, non iam altaria, a purissimo, et inuento sacrificio nomen habentia, scelesto sanguine foedabunt. Hac maxime figura, orationem suam illustrare poterit Ecclesiasticus orator, illis diebus; quibus auditores sanctissimum Eucharistiae sacramentum sumere consueuerunt; sic poterit gloriari: Exeat nunc perennis animarum nostrarum hostis, exeat audissimus perditionis nostrae sathanas; et cum Christo, cuius sanctissimum corpus hodie sumpsimus, cui per fidem maxime iuncti sumus, congregiatur; uincemus, charissimi filij, quia imperator noster Christus semper regnat; semper uincit. Hac figura commode adhiberi potest, cum sermo habetur in quibusdam societatibus, et licebit interdum uti illis uerbis: Gloriamur in Domino, fratres, ab eo enim accepimus, ut non admiremur ea, quae tanti faciunt alij, et in unum coacti, portemus crucem nostram alacriter, sed portemus
semper

semper in Domino: Sæpe uitur lamentationibus Ecclesiasticus orator, quæ ualēt plurimum ad ostendendā eius charitatem, et pietatem, in populum: commodè autem hoc modo, adhiberi potest hæc figura: Me miserum, quid laboribus, uigilijs, prædicationibus meis, quid meis precibus ad Deum, quid mea in hunc populum paterna pietate sum consecutus, cum me hortante, me rogante, me obsecrante, peruersa hæc saltandi consuetudo, hæc perniciofa demonum ars, quæ animæ irretiuntur, non tollitur. quæ dicendi ratio ad alia uitia, et ad alia peccata accommodabitur, et eo magis, quo grauiora erunt. Mirarum exempla plurima reperiuntur in libris prophetarum; ut illud Esaiæ: Vah qui consurgitis mane ad ebrietatem sectandam; et ad potandum usque ad uesperam, ut uino æstuetis. Mirantis personam commodè assumet orator, si minetur res quæ imminēt, aut quarum memoria molestissima sit populo; uerbi causa: nisi respiciamus, nisi ad penitentiam conuertamur, sumpturum penas Dominum de peccatis nostris, maxime timendum est, ita eius exigente iustitia, terræ motu, fluuiorum inundatione, bello, fame, ac peste puniturum populum. Viatur hac figura in cætu hominum, eo maxime tempore, quo processiones fiunt, et in Iubileis, quæ a Christi Vicario, populis concedi solent,

Qua ratione terrere, mirari, et optare possit orator. CAP. XXXVII.

T^{ERREBIT} orator, si incommoda belli, penuriæ, pestis, et maxime diuinæ indignationis effectus, ante oculos ponat. quæ figura maxime adhibenda est in oppidis, et præsertim ruri; uerbi causa: Non colligetis messes, fratres, filij uestri immatura morte uobis præripiuntur, uarijs calamitatibus opprimemini, quia Deum non agnoscitis, quia eum blasphematis, quia decimas fraudatis. Miratur interdum Ecclesiasticus orator, inde occasione su-

mens, agendi gratias Deo, uerbi causa, cum ecclesiam alicuius oppidi, admodum nobilem, et magnifice constructam intuetur, cum aliquod praeclarum, et nobile institutum imitatione dignum, in oppidis reperit, cum dextera excelsi mutatione facta animaduertit. Quae figura raro adhibetur, et magna cum cautione, ne dum miratur, tacite laudare, aut adulari uideatur. Haec forma dicendi, uiri possunt fortasse episcopi commode, dum diocesim suam uisitant. Optationis exemplum est illud Esaiae: Utinam attendisses mandata mea, facta fuisset sicut flumen pax tua, et iustitia tua sicut gurgites maris. Ecclesiasticus autem orator, cum aut ex munere suo, aut ad nobilissimum concionandi munus missus fuerit, optantis personam saepe induet, cum enim paterna charitate complectatur eos, apud quos dicit, quae patres optant filiis suis, hoc est quae eorum uita, et eorum commodis sunt necessaria, ea pro animarum salute, et pro uita spiritualis incremento, ipse debet optare: et ideo, proprio nomine appellans uillam, aut oppidum, aut ciuitatem, in qua sermonem habebit, ubi quae agenda sunt christiano, docuerit, explicans euangelium aut epistolam, poterit dicere: Utinam scaperes, utinam intelligeres, utinam nouissima praeuideres, utinam tibi attenderes, utinam Dei uoces audires. et unam, aut harum duas quas dicimus optationes, poterit pluribus uerbis explicare.

De libera uoce, et de exclamatione. CAP. XXXVIII.

LIBERAM uocem protulit Gregorius Nazianz. in laudibus Cæsarij, cum dixit: Meum munus est oratio, quam etiam fortasse posteritas exceptura est, nunquam intermorientem, nec eum, qui ex hac uita migrauit, prorsus abire sinentem, uerum in auribus animisque hominum, quem ornandum suscepit, semper conseruantem, eiusque qui desideratur, imaginem expressus, quam in
tabula

tabula proponentem. liberam interdum uocem proferre poterit Ecclesiasticus orator, raro tamen admodum; uerbi causa: Quid potui facere, fratres, et non feci? nunquam per multum tempus a uobis discessi; uobis sanctissima sacramenta ministraui, uerbum Dei explicauim; pauperibus, quantum potui, opem tuli; paterno uos omnes amore dilexi; pro quibus rebus, quas gratias mihi habetis, fratres? nihil profuit mea diligentia, obsui potius quibusdam, qui me monentem ferre non possunt, et ueluti phrenetici, animarum suarum medicum auersantur. Sed adhibenda est maxima cautio, ne hac figura nimium delectari uideatur Ecclesiasticus orator. Exclamatione usus est Nazianz. in Apologetico, cum dixit: Ad peccatam, huiusq. medicos; et depulsores, frontem aperte perfricamus, nudo capite, ut est in proverbio, in flagitium omne prorumpentes; o insignem stuporem, aut si quo alio nomine aptiore, huiusmodi affectus appellari potest; quosq. ut præclare de nobis meritos; amore prosequi decebat, eos ut hostes ulciscimur. Idem in laudibus Heronis: Tandem a uersano, et impio magistratu correptus, o nobilem calamitatem; o sacra tua uulnera, uirgis quidem, egregio tuo corpore laceraris, sed uia tamen, ut non tuo supplicio, sed alterius cuiusdam supplicij, interesse uidereris. Exclamabit interdum Ecclesiasticus orator, O tempora, o mores, o prauas consuetudines, o peruersa hominum ingenia, o miserum seculum, o calamitosam rempub. christianam. Adhibebit tamen modum in exclamationibus, illasq. post reprehensiones uitiorum, præsertim publicorum, collocabit; uerbi causa, si oppida, aut ciuitates cum episcopis suis contendant, si non pareant sanctæ matri Ecclesiæ. si aliquo publico peccato sint contaminatæ; sed suo loco adhibeantur. nam importunæ exclamationes, ut alio loco diximus, auctoritatem adimunt dicenti.

De Communicatione, Interrogatione, quæ premat, et
de Ironia. CAP. XXXIX.

COMMUNICATIONIS exemplum est in actis Apost. ubi legimus, Sit ne magis hominibus obtemperandum, quam Deo, ipsi iudicate. Gregor. Nazianz. in oratione de moderatione seruanda in disputando: Vultis igitur, inquit, ipsi contentioni huiusce causam proferre, an mihi potius medici munere fungenti, eam exponendam, et emendam relinquitis? Eleganter etiam Ecclesiasticus orator uti poterit figura communicationis, hoc modo: Laudandi sunt filij, qui parentes deserunt? laudandi patres, qui prouocant filios suos ad iracundiam? laudandæ uxores superbae, quæ tyrannidem exercent in viros? laudandi uiui, qui fugiunt uxores suas tanquam pestem? uos ipsi iudicate: hæc flens dico, hæc dicendi moderatione uitor, ne uos confundam. Hac figura interdum maxime commouentur auditores, ita ut eos pudeat peccatorum suorum, et ad penitentiam conuertantur. Interrogatio quæ premat, et urgeat, est apud Basilium in oratione de diuitibus: An non te tres omnino cubiti manent? nonne ad custodiam infelicitis corporis, lapidis exigui pondus satis erit? quamobrem laboras? quamobrem leges, et iura uiolas? Ita orator poterit commode interrogare: Num christiani dicuntur, qui iniurias remittere indignum putant? num qui uiuunt, sunt primitiue ecclesie christianis similes? num imitamini uos aia uorum, et proauorum uestrorum religionem, frugalitatem, et moderationem? si nobilitatis, si bonorum externorum heredes fuistis, estote etiam religionis, et liberalitatis christianæ. Quæ figura ut affert gratiam orationi, si interdum adhibeatur, ita si sæpe usurpetur, fastidium parit. Oratio qua aliud profertur, aliud significatur, ironia a grecis appellatur, quæ præclara est apud Nazianz. de Iuliano, initio prioris orationis.

orationis: Atque hæc sapiens, inquit, noster imperator, et legislator; et in eadem oratione, eundem appellat uirum omnium prudentissimum, et optimum reipublice antistitem. Sic autem hanc adhibebit dicendi formam orator: *Hi sunt fideles Christi, hic est populus Dei, hi auditores optimorum concionatorum.* Quæ ironia, ut facile est animaduertere, ualde mouet. Hæc de uarijs dicendi formis, et ornamentis satis dicta sint. Consequens est, ut reliqua quæ ad decorum Ecclesiasticæ orationis pertinent, in medium asseramus.

Quod decorum orationis in hoc est situm, ut oratio sit affecta, et morata. CAP. XI.

DE CORRECTIONE Ecclesiasticæ orationis in hoc est positum, ut oratio sit affecta, et morata. Affectum dicimus quasi sanguinem orationis; mores quasi animam. Erit autem affecta oratio, si Ecclesiasticus orator, inuehens in aliquod uicium, aut in aliquam prauam consuetudinem, neminem unquam nominauerit, neque etiam indicauerit; sed dilectione, et amore Dei, se commotum ea dicere ostenderit, suis quamque rem coloribus pinxerit: ut si zelo Dei commotus est; instantibus uerbis utatur, et uocibus, quibus utuntur irati. eis autem maxime conueniunt ficta nomina, ut Dormitantium appellat B. Hieronymus hereticum Vigilantium. Morata autem illa censenda est oratio in ecclesia Dei, quæ ad probationem utitur argumentis, et signis. Quare fit ut maximam apud omnes uim habere uideantur illorum patrum, qui Capucini dicuntur; hortationes ad paupertatem amandam, ad sobrietatem, ad contemptum mundi; cum oratione enim non discrepat uita. Quod si quis corpore firmo, uultu præferens hilaritatem, mollioribus indutus uestimentis, eadem tractet argumenta, multo difficilius persuadebit. Quamobrem ad moratam orationem, atque ad comparandam

parandam auctoritatem in dicendo, quam fiduciam loquendi, siue potestatem, siue spiritum, siue ostensionem spiritus licebit nominare, hac necessaria videntur: ut orator Ecclesiasticus, uita sanctimoniam ostendat, se a Spiritu sancto edoctum, sanctis moribus ornatum, atque imprimis ad illud munus dicendi uocatum, et missum esse: quomodo enim cum fructu, predicare possunt nisi mittantur? Ionam, Moysen, Esaiam, Hieremiam, Samuelem, antequam missi essent, ne uerbum quidem ausos fuisse proferre, legimus; Ioannem, antequam mitteretur, latuisse; Christum dominum fuisse a patre missum; sanctos Apostolos, antequam audissent illa uerba; Euntes docete, silentium seruasse, nemo ignorat. Quare ostendet se, aut munere suo, aut iussu episcopi, dicendi munus sumpsisse. Morata autem oratione utentes, illa figura utuntur saepe per interrogationem; ut, Quis hoc ignorat, escam omnium malorum esse uoluptatem? haereticos esse superbos? Deum paterno imperio regere hunc mundum? bonis nihil deesse? habet hac magnam uim, ne insipientes, et stupidi esse uideantur, qui audiunt. Verum ad affectam orationem pertinet, interdum grandi, interdum temperato, interdum summisso genere orationis uti; quod fecisse sanctos patres, iam ostendimus, in quorum obseruatione, et imitatione, non minus quam in praeceptis rhetorum, decorum consistit.

Quod in libris sanctorum patrum clerici uersari debent, ut decorum sit eorum oratio. CAP. XLI.

IT A Q U E clericis legendus est studiose, et diligenter, adhibitis commentarijs doctorum hominum, et bonis magistris, B. Paulus, Ecclesiasticorum oratorum praestantissimus, qui raptus ad tertium caelum, caelestem loquendi formam didicit, quam in suis epistolis expressit: legendi sunt sancti doctores, cum graecum, tum latini: legenda

legenda sanctorum hominum, Nazianzeni, Basilij, Chrysostomi, Nisseni, Augustini, Ambrosii, Hieronimi, Gregorij pontif. max. Leonis, Bernardi scripta, et ex his pulchriores sententiae excerpenda, et memoria mandanda. in illis enim omnes loci continentur, quibus ad aeternam salutem populus christianus instrui possit. legantur orationes Nazianzeni, in primis illae duae, altera de amore erga pauperes, elegantissima oratio, altera, quam habuit de plaga grandinis, in qua, Dei providentiam pulcherrimis, et ualde accommodatis ad docendum populum argumentis, comprobauit. B. Basilij illa: Attende tibi, et aliae, contra Iram, Auaritiam, Superbiam, Luxuriam, de gratijs Deo agendis, prae manibus habeantur. nam mirabilem copiam ad dicendum suggerunt: Homiliae S. Chrysostomi ad Antiochenum populum, saepe uoluedae sunt. afferunt enim copiam magnam: ac loci quidam ex commentarijs, praesertim in Euangelistas, in epistolas beati Pauli, atque etiam in psalmos colligendi. B. Augustini scripta, clerici caute admodum legant: ita enim acumine ingenij praestitit, et de rebus difficilibus tam subtiliter disputauit, ut non mediocri ingenio praediti uiri, eius libros legentes, in errores aliquando lapsi sint; sed eius libros pulcherrimos de doctrina christiana, et egregios, quos habuit sermones, dum episcopus ad populum concionaretur, saepe, et diligenter legant. Ad imitationem S. Ambrosii quidam docti homines clericos hortandos esse non existimant, quamuis libros de officijs maxime probent, et memoria commendandos censeant, quod in illis sanctissimi hominis scriptis, perspicuitatem desiderent: mihi uero omnia S. Ambrosii scripta ualde probantur. B. Hieronymum, ut Nazianzeni discipulum, possumus agnoscere: ita copia sententiarum, uerborum splendore, et uarijs figuris eius illustrata est oratio. Verum fortasse ad imitationem nullius, maiore cum fructu, quisquam se conferet, quam ad B. Chrysostomi, et B.

Gregorij pontificis maximi, quorum libri sententijs abundant, et sunt morata oratione conscripti. in sermonibus S. Leonis magna inest grauitas, et dicendi maiestas. in S. Bernardi libris inest admirabilis quedam suauitas, ita ut cum sancta animi uoluptate semper legantur. Sed hi, et multi alij sanctorum hominum libri, hac adhibita cautione legendi sunt, ut quae ex illis collecta fuerint, non proferantur, nisi questionibus, aliquorum, qui in doctrina scholastica sint uersati, ex quibus S. Thomam Aquinatem, sanctae Ecclesiae filium dilectum, et charissimum discipulum, deinde etiam doctorem egregium deligendum putauerim, examinata fuerint. Ex his autem quos nominaui, illum sibi quisque imitandum suscipiat, cuius scriptis magis delectatur. Imitatione, et consuetudine insignium oratorum, nonnullos oratores euasisse legimus apud ueteres. nostra etiam aetate obseruauimus, multos, imitatione eorum, qui in dicendo praestiterunt, ad laudem peruenisse; obseruauimus etiam quosdam imitatos esse uitia eorum, quos admirabantur, qui nec eorum copiam, nec uim dicendi, nec clamores, et secundas significationes circumstantis coronae sunt affecuti. Animaduertant igitur clerici, quos imitandos deligant; in ueterum libris uersentur. caueant ne copia sermonum, qui scripti sunt, obruantur. cogitent, et scribant etiam saepe, quae dicturi sint: animaduertant ne semper recitent, ne uerborum aucupes, aut potius serui efficiantur; locos commendent memoriae; eos deinde tractent. Suauitatem Isonis, subtilitatem Lysiae, uim Demosthenis, sonitum Aeschini, copiam Platonis admirata est Graecia; et omnes magni oratores habiti sunt. in Crasso praelara dicendi copia, in Casare lenitas admirabilis, in Hortensio eximius orationis ornatus, in Catone senatoria quedam maiestas, et omnes in suo genere principes oratores: quorum laudes Cicero sibi uisus est adequasse, aut etiam superasse. sed hac de re, hoc tempore non est ferendum iudicium.

uim Nazianzeni, Nysseni subilitatem, Chrysostomi copiam, Basilij grauitatem imitandam sibi proponant clerici. e latinis in Tertulliano, antiquissimo scriptore, magna uis; in S. Cypriano lactea quedam dicendi ubertas; in beato Hieronymo mirabilis quidam sonitus; in S. Augustino, magnum acumen in refellendis falsis opinionibus, et in ueris sententijs comprobandis; in S. Leone grauitas; in S. Gregorio pontif. max. fructuosissima quedam sententiarum copia cum suauitate coniuncta; in S. Bernardo dulcis, et deuota oratio ex eorum sermonibus cognoscitur. Latini grecos sunt imitati, ingenium in primis unusquisq. sequens suum: eandem rationem secuti sunt, qui omnibus seculis uixerunt. Fulgentij sermones, presso illo scribendi genere, quo Tertullianus est delectatus, esse scriptos: Innocentio placuisse illud S. Basilij temperatum dicendi genus, quidam non indocti homines obseruauerunt. B. Laurentium Iustinianum, qui primus urbis Venete fuit Patriarcha; imitatione S. Bernardi, plurimum nonnulli arbitrantur fuisse delectatum. Clericis, hoc tempore sacros libros, et sanctos Doctores legendos, imitandos, et sequendos proponimus. eos enim honore, et imitatione censemus dignissimos, sed in primis optamus, ut eorum mores, et uite sanctitatem sibi imitandam suscipiant; eorumq. exemplo non solum doctiores, sed multo etiam, meliores quotidie fieri studeant. His autem ita expositis, dicamus, quas leges sibi prescribere debeat Ecclesiasticus orator, ut in suis orationibus decorum seruet.

Quae leges prescribende sint, ut decorum seruetur. CAP. XLII.

HAC sibi primum legem prescribat Ecclesiasticus orator, ut nihil unquam falsum doceat, nec etiam, si speret inde animas ad penitentiam se posse conuertere. non enim Deus eget nostris mendacijs: deinde ne auditoribus aduleatur, quo nihil

potest esse turpius, nec in oratore christiano miserabilius. Quare uarietas titulorum, quibus quidam concionatores illabi inanimos auditorum student, appellantes populum nomine patrie, et patriam uarijs epithetis ornantes, uitanda est; non ita tamen etiã ut non adhibenda sit. nam suo loco adhibita, ad commouendos animos non nihil ualet: nobilissimam ciuitatem, inclytam, nobilissimos auditores, magnificos, generosos quidam nominant, et sepiissime utuntur his nominibus; apius, mea quidem sententia, appellarent fratres, et sorores in Christo, animas benedictas a Deo, animas christianas, populum Dei. Quo loco monemus clericos, si interdum laudant; laudent ut reprehendant, ut excitent ad gratias agendas, et ut corrigant; quemadmodum fecit B. Paulus scribens ad Corinth. his uerbis: Laudo uos, in hoc non laudo: ita nos dicere possumus; laudo nos hereticorum esse inimicos acerrimos, laudo fidei christianæ sinceritatem, quam conseruatis; sed non laudo quod operibus fidem non confirmetis, quod tãto studio iniurias ulciscamini. Nunquam de predestinatione loquatur, quin aliqua de libero hominis arbitriõ attingat; nunquam de peruersis quorundam sacerdotum moribus, quin de sacerdotij auctoritate prius multa dixerit; nunquam matrimonium ita laudet, ut uirginitatem ei non anteponat. Hanc etiam sibi prescribat legem, ne seipse iactet, aut sua, quod nonnulli faciunt, qui res pulcherrimas, non antea auditas. se dicturos pollicentur; qui recitant se alijs in locis dixisse, et admirationem concitasse; et ut maximi uiri habeantur, aliorum catholicorum opiniones confutant. quare nihil aliud assequuntur; quam quod inuidiam, odiumq. hominum incurrunt. Caueat ne in sacerdotes, in ordinem episcoporum, in principes, multo minus in Pontificem maximum Christi Vicarium dicere audeat; nam hoc est seditiosi ingenij, et hominis auram popularem aucupantis; quo morbo laborauerunt heretici, qui iurgijs, et conuiujs sacerdotes in-

sectantes.

sectantes, incautas animas decipere studuerunt. sed hoc in primis diligenter caueat, ne sibi ipsi placeat, ne longitudine sermonis, superuacaneis uerbis tempus conterat. nam alimenta, quæ non abundant, auidius sumuntur.

Quid sit Homilia. CAP. XLIII.

L Ocrs postulas ut dicamus quid sit Homilia: ea autem est colloquium: eo nomine appellati sunt sermones episcoporum ac sacerdotum ad populum; quia ut inter patrem, et filium, ita inter sacerdotem, et populum haberi debet sermo: et in illis sermonibus quedam simplicitas, et familiaritas a charitate profecta, debet apparere. quæ familiaritas cognoscitur, cum sic uidentur scriptæ homiliæ, ac si in magna quadam domo, paterfamilias ad familiam admonendam assurgeret; nec ij, a quibus habebantur, longa utebantur oratione; cum mos diuidendi sermones in duas aut tres partes, apud ueteres, quod sciamus, non fuerit receptus.

Quod in dicendo, adhibendum sit iudicium. CAP. XLIIII.

HÆC autem omnia, et multo plura quæ dici possent, facile assequetur orator, si iudicium, quod condimentum orationis, et actionum omnium humanarum est, in dicendo adhibuerit; et illa uerba S. Hieronymi, qui ecclesiæ fuit doctor grauissimus, in animo suo impresserit, atque ad se pertinere maxime existimauerit. Doctor ille grauissimus, concionatorem quendam laudans, hac utitur laudatione minime uulgari, sed egregia admodum: Nec ad instar, inquit, imperiti medici, uno collyrio omnes uultu curare, sed per singulas ecclesias, uulneribus medetur illatis. Quare iudicij regulas, quas uir sanctitate, et doctrina eximia insignis tradidit, S. Antoninus Archiepiscopus Florentinus, obseruet orator.

Diligenter

Diligenter inquirat mores, et præcipua uitia illius ciuitatis, oppidi, aut loci, ubi sermones habiturus est. ut enim inter homines reperiuntur alij, qui magis sint procliuēs ad libidinem, alij qui ad auaritiā, quidam qui ad uindictā; ita etiam quædam ciuitates ad ulciscendas iniurias magis, quam ad luxum, quædam potius ad luxum, quam ad homicidia patranda sunt procliuēs; et idcirco non idem ubique collyrium semper est adhibendū, non sunt recitandæ conciones ex scripto, neque eadem ad uerbum, postero anno repetendæ: diuersitas temporum, si studium, et iudicium adhibeatur; noui aliquid subministrat. De oratione ecclesiastica, deque eius natura, et qua ratione orator ecclesiasticus possit dicere; item, qua ratione se ipsum disponere debeat ad dicendum, iam exposuimus ut potuimus. reliquum est ut de ordine, siue dispositione orationis dicamus.

Quo ordine disponendus sit sermo, siue concio. CAP. XLV.

O RDO est dispositio, et conuenientia partium, pulchritudo rerum omnium, ac ueluti anima, sine quo nihil pulchrum dici potest. pulcherrimus dicitur mundus, quia eius partes mirabili nexu cōiunctæ, pulchrum animal homo, quoniam mirabiliter eius partes dispositæ sunt: pulchra etiam ea dicitur oratio, pulcher sermo, qui, ueluti corpus, multis inter se apte coherentibus partibus constat. quamobrem amandus est, et querendus in omni uita, atque in omni actione, hic laudabilium omnium rerum pater, memoriæ magister, ordo, christiano præsertim oratori: qui nihil aliud sibi proponit, nisi ordinem charitatis in animis hominum imprimere. non multum enim prodesset ijs, qui in alijs omnibus ad orationem spectantibus, excellerent, si hac una dispositionis uirtute carerent. Illa distinctio, quam afferre soliti sunt quidam rhetores, partium orationis, in proemium, narrationem, probationem, confirmationem, consuta-

confutationem, amplificationem, epilogum, non est admittenda. cum narratio non semper sit necessaria, nisi in genere demonstratiuo; confirmatio, et confutatio, probationi subiecta sit, ac in ea contineatur; et cum is, qui comparatione utitur, aut amplificat, quodammodo uideatur probare. præterea exordium, et peroratio non sunt semper concionis partes necessariae, cum admonitionis, et intelligentiae causa adhibeantur, quod non semper necessario faciendum est, præsertim in re nota et facili. Duae igitur constituendae sunt ad minimum, orationis ecclesiasticae partes, propositio, siue, ut alio uerbo, idem exprimente, utar, propositum; et probatio, hoc est argumentum, siue comprobatio. Quoniam tamen interdum exordium Ecclesiasticus orator, dicamus cuiusmodi ui possit exordijs; ita tamen ut statuamus, saepe non esse necessarium exordiri, cum res qua de agimus, sit nota, et aduersarius nullus sit; multo magis quia ad audiendum, paratos se esse auditores ostendunt. Nec semper epilogo est opus, cum, probationibus interdum auditores satis sint ad id, quod est propositum, incensi atque inflammati, et nulla sit necessaria repetitio: cum credibile sit in auditorum animis illas sententias esse impressas. de his tamen quatuor partibus agendum iudicamus; ac primum de exordio.

Quid sit exordium, et quibus de causis sit institutum; item qualia debent esse exordia. CAP. XLVI.

EXORDIUM siue prooemium in soluta oratione, idem est, quod in poesi praefatio. cum autem interdum apud seculi oratores, ut apud Isocratem in laudibus Helenae, prooemium non cohaereat illis, quae tractanda sunt; id christiano maxime cauendum est, cui de ostentatione ingenij, et doctrinae coram Deo, ratio erit reddenda. Exordia esse instituta, ut auditores dociles, attenti,

attenti, et beneuoli reddantur, omnes scripserunt. consequetur Ecclesiasticus orator, ut dociles auditores fiant, si ordine se dicturum, et argutas quæstiones omisurum, interdum pollicebitur. Attentos facile efficiet, si dixerit se de salute animarum, sermonem habiturum; et non quod homines, quorum proprium est labi, et decipi, docuerint, sed quod ipse Deus, aut Dei serui, diuino spiritu afflati, literis consignarunt, explicaturum. Beneuolos reddet, si neque inanis gloriæ cupiditate, nec auaritiæ, sed zelo Dei, et studio salutis auditorum, munus dicendi eum sumpsisse, auditores intelligent. Verecunda debent esse præmia, grauias, et breuias; interdum ex abrupto exordium est. Sumuntur, ut in uniuersum dicam, exordiorum argumenta a re ipsa, a tempore, a loco, ab opinione populi, ab inopinato, a similitudine, a sententia scripturæ, seu ab historia, a typo, siue a figura ueteris testamenti, ab eius persona, qui dicit, item ab auditorum. quorum omnium exempla, e patrum, et doctorum Ecclesiæ scriptis, sumi possunt: nos præcipuas quasdam exordiorum formas proponemus.

De Verecundo Exordio. CAP. XLVII.

VERECONDUM Exordium, quod maxime clericos decet, et modestia christiana conditum est apud S. Gregorium Nazianzenum in quadam oratione: Fratres, inquit, orationem nostram accipite, quamuis minimam, et a dignitate procul remotam; sed tamen D. Deus iusto iudicio misericordiam expendere solet. Huiusmodi exordium legimus etiam in oratione eiusdem, in plagam grandinis, quo uir ille admirabilis, rogat patrem qui aderat, ut ea doceat, quæ ad consolandos homines pertinent. Simili exordio, præsentē Episcopo, aut maioribus natu sacerdotibus, cum laude uti poterit Ecclesiasticus orator. Vi uerecunda autem sint exordia, hæc

hec requiruntur, ut de seipso nunquam, aut raro, et, si necessitas cogat, parcissime se laudans, loquatur. nam cum semper in proprio cuiusque ore, laus sordescat, in ore christiani oratoris, omnem adimit fidem: item ut in principio orationis, humilitatem præ se ferat. quam obrem dicet uocatum se a Deo, missum ad illud munus, non sponte tantam provinciam suscepisse. In uituperatione sui ipsius inest plerumque affectata quedam humilitas, quæ omnino est fugienda: et quamuis S. Bernardus ita de seipso in exordio cuiusdam sermonis locutus sit. *Ut autem a propheticiis uerbis incipiam, uah mihi, non quidem sicut propheta, quia tacui, sed quia locutus sum: heu quot uana, quot falsa, quot turpia per hoc spurcissimum os uomuisse me recolo, in quo reuoluere diuina uerba præsumo? uehementer timeo ne iam iam audiam ad me dictum, Quare tu enarras iustitias meas, et assumis testamentum meum in uanum? non tamen ego crebro huiusmodi exordijs uiendum duxerim.*

De graui, et breui exordio. CAP. XLVIII.

GRÆUE debet esse proæmium, præclara aliqua sententia illustratum, proprijs uerbis, et minime otiosis exprimens id quod dicendum est ita, ut nihil aliud studere uideatur orator, nisi ut populus intelligat, qua de re sermonem sit habiturus; quale est illud apud Tertullianum, cum de habitu muliebri loqueretur, aut scriberet. Si tanta, inquit, in terris moraretur fides, quanta merces eius expectatur in cælis, nulla omnino uestrum, sorores dilectissimæ, ex quo Deum uiuum cognouisset, de sua, hoc est de famina conditione didicisset, letiorem habitum, ne dicam, gloriosiore appetisset. Breuia sint Ecclesiastici oratoris exordia, quia cum de auditorum salute agatur, satis parati sunt ad audiendum; et cum nihil sit dilucida breuitate iucundius, efficiet ea breuitate, ut ab omni

Y uanitatis

uanitatis suspicione alienus iudicetur. quale est illud apud S. Chrysostomum de tremendo iudicii die: *Unusquisq. uestrum, fratres charissimi, suam ingressus conscientiam, et peccata sua reputans diligenter, a semet ipso penas exigit, ne aliquando cum orbe terrarum condemnentur. Longum tamen, et pulcherrimum exordium legimus S. Gregorii Nazianzeni in priore oratione, quam scripsit in Iulianum apostatam, in quo maxime attentionem sibi comparat: Audite hoc omnes gentes, auribus percipite, omnes qui habitatis terram. quod, quia ea oratio scripta potius quam habita iudicatur, laudabile est, praesertim cum eo spectet, ut auditores ad agendas Deo gratias hortetur, atque impellat. Aptissimum est illud S. Cypriani exordium, in sermone quem habuit de mortalitate, quam dominus ad purgandum, et corrigendum populum, cui ille praerat, ueluti instrumentum adhibuit. Beneuolos, attentos, et dociles facit auditores, eos modeste illis uerbis laudans. Et si apud plurimos uestrum, fratres dilectissimi, mens solida est, et firma fides, et anima deuota, quae ad praesentis mortalitatis copiam non mouetur, sed, tanquam petra fortis, et stabilis, turbidos impetus mundi, et uiolentos seculi fluctus frangit potius ipsa, nec frangitur, nec probationibus conuincitur, sed probatur; tamen quia animaduerto in plebe quosdam, uel infirmitate animi, uel fidei paucitate, uel dulcedine secularis uitae, uel sexus mollietate, uel, quod maius est, ueritatis errore, minus stare fortiter, nec pectoris sui diuinum atque inuictum robur exercere; dissimulanda res non fuit nec tacenda, quo minus, quantum mediocritas nostra potest, uigore pleno, et sermone de dominica lectione concepto, delicata mentis ignauia comprimatur; et qui homo Dei, et Christi esse non cepit, Deo, et Christo dignus habeatur. Modesta illa laude beneuolentiam; distinctione auditorum, mortalitatem illam iniquo animo, diuersis ex causis ferentium, docilitatem; cum dissimulandam non esse illam rem dicit, attentionem sibi conciliat.*

De Exordio ex abrupto. CAP. XLIX.

INTERDUM ex abrupto est exordiendum, ut fecit S. Ioannes Chrysostomus in sermone de decollatione S. Ioannis Baptista, hoc modo: Heu me quid agam? unde sermonis exordium sumā? quid dicam? non enim ego tantum in stupore mentis factus sum, sed et omnes qui audierunt euangelij uocem, et mirantur mecum uel Ioannis constantiam, uel Herodis leuitatem, uel impiarum mulierum feruidam dementiam: quid enim audiuiimus? Herodes, inquit, apprehensum Ioannem posuit in custodia; quamobrem? propter Herodiadem uxorem fratris sui.

De propositione, et quatenus oratori Ecclesiastico liceat digredi. CAP. L.

POST exordium, uel loco exordij, utatur Ecclesiasticus orator propositione, in qua hæc sunt necessaria: ut sit una, aut ad unum redigatur, ut sit catholica, ut sit popularis. nam cum nihil perspicuitati doctrine tam contrarium sit, quam rerum confusio, ita ut cum multa eodem tempore docere quis sibi proposuit, confundat potius auditorum animos, et ingenia obruat, quam doceat; prudenter sanctissimi, et doctissimi illi patres, qui catechismum conscripserunt, parochos monent, ut, quoties usu uenerit, ut aliquem interpretentur Euangelij, uel quemuis alium diuinæ scripturæ locum, intelligant eius loci, quicumq. is fuerit, sententiā referri posse aut ad aliquem articulum explicandum, aut ad aliquod sacramentum, aut ad præceptum, aut ad petendum aliquid a Deo, ex præscripto D. N. Iesu Christi. siue igitur proponat Euangelium, siue B. Pauli epistolam, siue psalmum, redigat totam concionem ad unum. Veluti, explicans euangelium in solennitate omnium sanctorum, proponat

Y 2 sibi

sibi docere, quæ sit beatitudo hominis, et explicet primum quid non sit beatitudo, deinde quæ sit huius nostræ peregrinationis beatitudo, tum singulas, quas ibi Dominus noster enumerat, poterit explicare. B. Chrysostomus singulas suas homilias ad singulas propositiones sæpe redigit, de uitando iuramento, de humilitate, quod ars quæstuosissima sit eleemosyna, de fugiendo luxu, Deum laudandum fide formata, est enim dignus omnilaude: ita etiam Nazianzenus in plagam grandinis, de pace, in sanctum baptisma, in pascha, de amore in pauperes. eandem rationem sequutus B. Basilius homilias suas ad propositiones rededit: Attende tibi, in auaros, in luxuriosos, de gratijs Deo agendis. quam rationem latini adhibuerunt, in primis. S. Cyprianus scribens de bono patientiæ, de lapsis. S. Ambrosius de bono moris. S. Bernardus de gradibus humilitatis, in sanctas solennitates; S. Zeno, de pudicitie laudibus, de auaritiæ detestando flagitio; pulchros scripsit sermones. Quatenus autem oratori Ecclesiastico liceat digredi, non facile est præscribere. uideat quid proposuerit, meminerit illud quod in primis eo die docere in animum sibi induxit. Ita digredietur, ut redeat semper, unde deflexit oratio. quanquam S. Chrysostomus in homilijs de uitando iuramento, et alijs etiam in locis, interdum ita digressus est, ut illud quod antea proposuerat, in aliud tempus reiecerit, quod, Spiritu sancto ita dictante, sanctissimum uirum fecisse, credendum est. Et quoniam quorundam morem non probamus, qui de instituendis pueris in doctrina christiana, aut de multis peruersis consuetudinibus remouendis, semel tantum, aut bis, aut ter in anno tractant, quasi eosdem auditores singulis diebus sint habituri, et unico sermone, ægris animis medicinam se asferre posse confidunt; cum possit usu euenire, ut qui illa admonitione magis egebant, eo die absuerint; aut presentibus, unius medicina sermonis perfectam nondum sanitatem attulerit; præcepta

præcepta utilia, ut sancti patres fecerunt, sæpe iteranda, et crebro eadem de re, pro utilitate audientium, adhibendæ sunt hortationes, et reprehensiones, etsi locus euangelij, aut epistolæ, quam recitat ecclesia, postulare non uideatur. Itaque quamuis suo loco de magnis peccatis, in quæ plerunque homines incidunt, et quæ in capite de uitandis, uirtute comprehensa sunt, sermonem habebit orator, eosdem tamen locos, digrediendi causa, sæpe tractabit. Hi autem erunt loci ad digrediendum ualde accommodati: digredietur orator contra peruersum morem spectaculorum, contra choros sathanae, contra libidinum magistras, horum temporum insulas comædias; computatione pulcherrima S. Chrysostomi utetur, eorum, qui a spectaculis redeunt, cum his qui e carceribus, siue e domo luctus recedunt. commode autem digredietur ijs diebus, quibus caro ita insultat, ut pleriq. homines insanire uideantur: Belli tempore, de iustissima ira Dei, de falsæ pacis incommodis: in caritate annonæ, quod propter publica peccata, res aduersæ eueniant, digredietur. in primis autem omni tempore, cum tot tamq. magna peccata, a lingua profisciscantur, digredietur, membrum illud nobilissimum, quod diuinius homini est datum, ut Deum oraret, eiusq. maiestatem debitis laudibus efferret, esse custodiendum; linguam esse, ut B. Iacobi uerbis utamur, inquietum malum, et uenenum mortiferum; esse ueluti ignem, qui inter omnia elementa maxime destruit; lingua destructas esse domos, ciuitates, et regna. Contra blasphemos digrediens, dicet eos esse monstra hominum, portenta ciuitatum, ciues inferni, quos ostendet, canibus, iudeis, hereticis esse peiores; quandoquidem canes dominis suis parcut, iudei crucifixerunt quem non cognouerunt, heretici ab ecclesia dissentiunt, quia impudenter, prauas suas opiniones, communis matris ecclesiæ, decretis, meliores existimant: blasphemum, cæli, et terræ domino non parcut, Christum quem credunt esse

esse Deum, quos nouerunt esse sanctos; quantum in ipsis est, lacerant; atque ut maiorem terrorem inferat orator Ecclesiasticus digrediens, recitabit, quam seuero iudicio Dominus blasphemos punire consueuerit, et commemorabit illa uerba Domini ad Moysen, quibus iussit ut blasphemum lapidarentur: Educ blasphemum extra castra, et ponent omnes quia audierunt manus super caput eius, et lapidabit eum populus uniuersus: et eo loco dicat, maximum scelus esse, ferre blasphemos, quantum in se est, e ciuitatibus, aut oppidis non expellere eam pestem; et per increpationem atque exclamationem dicet; tabernas, ubi aleis luditur, et nomen Dei blasphematur, esse templa sathanae, quandoquidem in his sathanas regnat; honorem, et gloriam, quantum in ipsis est, infelices, et perditae animae, Deo adimunt. Poterit etiam sepe per digressionem commemorare; maximum esse peccatum periurium, in quod sepiissime homines incidunt: periuros esse perturbatores humanae societatis, iustitiae corruptores, iurgiorum et inimicitarum ministros, sacerdotes sathanae. Necesse est etiam, calamitosi his temporibus, quibus ij qui habentur boni uiri, a detractionis uicio non sunt liberi, reprehendere maxime detractores: detractorem esse serpentis similem, insidiosum animal, quia silentio mordet, tortuose incedit, et terram comedit: hos esse detractoris mores; neminem ut uiuperet, quem, detractorem suam resciturum dubitet. quo fit ut ueneno detractorem, potentius adhuc uenenum adulationis, et magis mortiferum, plerumq. misceat, et eidem, cui absenti detraxit, praesentii aduletur: serpentinam linguam detractorem assuetam merito appellabit, quippe quae a laudatione interdum exordiens, aut charitatis specie detrahit imagini Dei, fratri suo, fratri Christi, ei fortasse, qui caelestis hereditatis particeps est futurus: dicet detractores minime audiendos, ut monuit sapiens in prouerbijs illis uerbis: Labia detrahentium sint procul a te, quod praceptum in Ecclesiastico

cleſiaſtico eſt etiam traditum, illis uerbis: *Sepe aures tuas ſpinis, et noli audire hominem nequam: dicit detractoribus minime credendum; nihil, ut uerbis S. Hieronymi utamur, tam inquietare animum, et mentem leuem, et mobilem facere, quam totum quod dicitur, credere, et obreſſatorum uerba, temerario mentis aſſenſu ſequi; magnam quietem animi, magnamq. morum grauitatem eſſe, non temere de quoquam aliquid ſiniſtri audire: falſos amicos adulatorem, lactantes incautas animas, eaſq. decipientes, homines ex ſtultis inſanos facientes, maledictos fuiſſe a Deo, illis uerbis. Vah qui dicitis bonum malum; et illa uerba propheta poterit accommodare: Popule meus, qui te beatum dicunt, ipſi te ſeducunt; inculcet, lac eſſe cibum puerorum, non hominum; puerile eſſe, cantilena ſuarum laudum; et adulationibus delectari, aut potius decipi. Verum cum maledicorum plena ſint omnia, ita ut nec ſubditi principibus, nec diſcipuli magiſtris, nec ſacerdotes epiſcopis, nec filij parentibus; parentes etiam, quod ualde miſerabile eſt, filijs deſinant maledicere; digrediat ſepe, etiam ſi locus poſtulare id minime uidebitur: ponderet illa uerba Apoſtoli: Maledici regnum Dei non poſſidebunt: addat crudelis ac impij hominis eſſe, male agentibus maledicere, cum potius eorum miſeria commoueri, et pro ipſis orare oporteret: nec diabolo eſſe maledicendum, quia eſt creatura Dei, quia natura eſt bonus, et uoluntate malus, multo minus fratribus, coheredibus eiſdem cœleſtis hereditatis; multo abſurdius, et horribilius filijs, quibus incredibiliter nocent parentum maledictiones. moneat digrediens, abſtinendum a conuiſio, quia immoderati, ac impij animi eſt inditium, quia uarias calamitates parit, quia qui pergit dicere quæ uult, ut ſapiens dicebat, audit quæ non uult. Et quia auctôr mendacij ſathanas, ut contra auctorem ueritatis, et lucis Chriſtum, eiſq. imitatores, acrius pugnet, mendacium in animis populorum ſeminat; mendaces*

daces esse filios diaboli declarabit, desertores milites Christi, infames homines, et humana societatis perturbatores; grauissimum mendacium illud esse, quo errores in religione disseminantur; graua etiam illa, quibus iustitia contaminatur, et alicui damnum infertur: ab alijs etiam generibus mendacij docebit esse abstinendum, quia mentiri non licet, sine peccato, et qui mentiri assuescit, propriae existimationis est inimicus. Contra periuros saepe Ecclesiasticus orator digrediens, poterit dicere, cum falsis testibus multa iudicia corrumpantur; impium, et scelestum esse, adhibere falsitatis testem, auctorem omnis ueritatis Deum: et dicet, periuros grauius peccare, illis qui crucifixerunt Christum, quod Christum obnoxium culpe, ea ratione uideantur existimare, et peierando, peius de Deo uideantur sentire, quam auctor mendacij sathanas. Acribus uerbis saepe reprehendet seminatores discordiarum, peccatum esse grauissimum, ualde offendere, concordiae, et pacis auctorem Deum, quod idem expressit Dominus per Salomonem, illis uerbis: Sex sunt quae odit Dominus, et septimum detestatur anima eius: oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currendum in malum, proferentem mendacia, testem fallacem, et eum qui seminat inter fratres discordias. Studebit sedare omnes contentiones, et lites, imitatores demonum esse litigatores; saepe etiam digrediendo dicet, ingenui animi esse, contentiones fugere, contendere esse ignominiosum; seruum domini non oportere litigare, sed mansuetum esse, multas miseras e litibus profectas; multas familias, paruis ab initio litigijjs corruisse. digrediendum acriter est saepe, contra iactantes seipsos, et sua, huiusmodi homines, stulte nimium, seipsos, et opera sua, idola sibi constituere, et de seipsis cantare, gallinae similes esse, quae ubi ouum emisit, clamat, donec significet factum ouum, quod ei statim adimi-

admitur, ita eis qui se iactant, a sathana, bona quæ fecerint, subripi. In huiusmodi digressionibus uersans Ecclesiasticus orator, populorum utilitati consulens, pluribus uerbis sepe poterit tractare magis communes locos; christiane religioni ualde accomodatos; uitam christianorum non initio, sed sine iudicari: Iudam unum e duodecim Apostolis, recte uitæ rationem cœpisse, tragice, et miserrime ultimum uitæ actum, laqueo, et desperatione conclusisse. diuersa ratione S. Paulum ecclesiæ inimicum aliquot annos uixisse, deinde uas electionis euasisse, uiuentem cœlos penetrasse, et martyrij gloria morientem coronatum fuisse? christiano neminem nocere posse, si ipse nolit: christianos solos diuites, solos sapientes, solos reges, solos eterne beatitudinis heredes constitutos: hanc esse ueram philosophiam dicet, hanc perfectam sapientiam, sugere omnia, uel minima etiam, peccata, prodesse omnibus; hanc uitam esse exilium; solam, ut S. Hieronymus scripsit, esse apud Deum libertatem, non seruire peccatis; summam apud eundem Deum esse nobilitatem, clarum esse uirtutibus: exilium huius uitæ, æquo animo esse ferendum, donec nos euocauerit Dominus; calamitates exulum considerandas, de cœlesti patria cogitandum; eleemosynas præmittendas multorum generum; largiendum pauperibus, quantum facultas fert; remittendas iniurias; docendos, consolandos, qui doctrina, et consolatione egent, subueniendum, ut uno uerbo dicam, aliorum calamitatibus. Ad quas, et multas alias digressiones faciendas, magnam oratori Ecclesiastico copiam suppeditabunt libri de uirtutibus, et uitij, quos sancti theologi nobis reliquerunt, sed in primis præclarus ille, quem hac de re scripsit Gulielmus Peraldus episcopus Lugdunensis. Monemus nos clericos, ut de his quæ diximus, et de alijs, nunquam, nisi pijs precibus, consulto sancto Spiritu, ita digrediantur, ut unde digressi sint, non reuertantur.

De catholica, et populari propositione. CAP. LI.

CATHOLICA propositio est sanctæ matris ecclesiæ, quæ est magistra, et interpres omnis ueritatis, enuntiatio; eaque uetustate, et consensu patrum dignoscitur. quoniam uero non omnis catholica propositio, ad intelligentiam populi potest accommodari, ut quæ de angelis subtiliter, et uere disputantur, aut de reuelationibus, quæ in Apocalypsi traditæ sunt; necesse est ut sit etiam popularis: popularem autem intelligo, non quæ facile auditoribus probetur, sed quæ populorum infirmitati aut moribus sit accommodata; quod preclare etiam, ut docet S. Gregorius pontifex in euangelio, mystica descriptione ostenditur, cum dicitur: Ascendit Iesus in nauiculam Petri, et rogauit, ut reduceret pusillum, et ita sedens predicabat turbis; non enim in terra, aut ab ea longe distans predicabat; ut ea ratione doceret neque terrena, neque cælestia, sed ea tantum, quæ ad populorum salutem pertinent, et ad eorum captum accommodata sunt, in medium esse afferenda. Quamobrem huiusmodi propositiones tractandæ sunt, quibus religio conseruetur, crescat fides, spes excitetur, charitas nutriatur, leges custodiantur, domus, ciuitates, regna pace fruatur, ut sunt illæ: Nemini iniurias inferendas; melius affici, quam afficere iniuria; nihil christiano esse felicius, si seipse norit, et conuenienter nomini christiano uiuat; Deum paterno imperio administrare hunc mundum: et huiusmodi. sed maxime caueat, ne unquam ea proponat, quæ seditionem possim mouere, diuitum auaritiâ reprehendens, pauperes reprehendat etiam, qui diuitibus solent inuidere, et occasionem nobilium uirtutum comparandarum non agnoscunt. est enim paupertas sobrietatis mater, nutritrix temperantiæ, et omnium uirtutum custos, si ea recte uti nouerint homines. Proponit sancta mater ecclesia euangelia, proponit epistolas;

sibi

sibi quisq. eorum alterum, aut aliquem psalmum, aut partem catechismi potest sumere interpretandam. Laudamus nos eos, qui sanctæ matris ecclesiæ præscriptum sequentes, euangelia sibi explicanda proponunt, et cum eis epistolæ interpretationem, coniungunt. Verum ut in hac etiam interpretationis parte, clericorum studiis consulamus, de arte, siue ratione, explicandi sacras literas, hoc loco breuiter agendum uidetur.

De ratione explicandarum sacrarum literarum; quatenus oratori
Ecclesiastico sit necesse. CAP. LII.

PORRO cum finitimus admodum sit Ecclesiastico oratori sacrarum literarum interpret, et sæpe interpretis munere in ecclesia fungi sit necesse; de arte interpretandi euangelia, et uniuersam sacram scripturam, iam dicendum uidetur. Hæc de re, quæ sane in ecclesia Dei, est maximi momenti, præcepta tradiderunt sancti Hieronymus: et Augustinus: proximis annis, copiose scripsit uir admodum doctus, qui de formandis concionibus librum utilem conscripsit; nuper uero auctor bibliothecæ sanctæ uir eruditus F. Sixtus Senensis, ordinis prædicatorum idem argumentum tractauit; nos breuiter, ac perspicue colligemus quæ clericis utilia fore iudicamus. hoc in primis explicationi sacrarum literarum necessarium est, ut uarios sensus, uaria expositionum genera interpret teneat; deinde ex illis interdum unum, interdum plura adhibeat. sunt autem quatuor sensus, siue expositiones, quas describimus, ut facilius intelligantur, et in clericorum animis imprimantur: Historicus sensus, siue literalis; tropologicus, siue moralis; allegoricus, et anagogicus. Sic definimus sensum historicum, rei gestæ narrationem, ac uerborum seriem, communem, et uisitata uoce, siue propria, siue metaphorica, rem ipsam repræsentantem: propria uoce explicantur, animalia, leo, homo meta-

phorica, agni et leonis nomine Christus significatur. Tropologicam definimus, siue moralem expositionem, quæ ad uitæ emendationem, mysticos sensus accomodat: allegoricam, quæ rerum gestarum narrationem, umbram futurarum prætulisse demonstrat: anagogicam, quæ, ad sacratiora cælestium figurarum præcepta, animus euehitur. Vno elemento aquæ, quatuor, quos enumerauimus, sensus, expressos declaremus. historico sensu, aqua elementum unum et quatuor significat, quo sensu interpretanda sunt illa uerba: Congregentur aqua in locum unum: sensu morali, aqua tribulationes indicantur, ut expressit uir diuino numine afflatus, cum in psalmo dixit: Transiimus per ignem, et aquam, et eduxisti nos in refrigerium. Allegorice, sanctissimum baptismi sacramentum, aquæ uocabulo significatur, quod admirabilis ille propheta ostendit, illis uerbis, quæ ueluti a Deo prolata essent, protulit: Effundam super uos aquam mundam, et mundabimini ab omnibus inquinamentis uestris. Anagogice, aqua æternam beatitudinem exprimit, ut fecit Hieremias propheta: Me dereliquerunt fontem aquæ uiuæ, et foderunt cisternas dissipatas. Et quia omnium magister, et dominus Iesus Christus, tria priora expositionum genera adhibuit; eius exemplis contenti, alia perquirere superuacaneum putamus. Quartæ expositionis, nimirum anagogicæ, a S. Paulo Apostolo exemplum petemus. exposuit D. N. legem Moysi, de dando repudio, historico sensu, cum dixit Iudeis: Moyses propter duritiam cordis uestri, permisit uobis, dimittere uxores uestras; a principio autem non fuit sic: dico autem uobis, quicumq. dimiserit uxorem, nisi fornicationis causa, et alteram duxerit, mæchatur; et qui dimissam duxerit, mæchatur. Tropologicum sensum adhibuit idem Saluator, cum historiam Niniitarum, et aduentum reginæ Austri ad Salomonem narrans, ea ratione, perditissimos Iudeorum mores redarguit, atque eorum incredulitatem: Viri Niniitæ
surgent

surgent in iudicio cum generatione hac, et condemnabunt eam, quia in predicatione Iona egerunt penitentiam, et ecce plusquam Iona hic. Regina Austri surget in iudicio cum generatione hac, et condemnabit eam, quia uenit a finibus terrae audire sapientiam Salomonis, et ecce plus quam Salomon hic. Allegorica expositionis exemplum dedit, cum Iudaeos alloquens de Ioanne Baptista, dixit: Helias quidem uenturus est, et restituet omnia; dico autem uobis, quia Helias iam uenit; et non cognouerunt eum, sed fecerunt in eum quaecunque uoluerunt, significans his uerbis, Heliam in ueteri testamento fuisse typum, et umbram uitae Ioannis, qui ab exordio noui testamenti uenit in spiritu, et uirtute Heliae. Anagogica expositione usum B. Paulum in epistola ad Haebreos possumus obseruare, cum terram illam Palaestinarum, patribus repromissam, accommodat ad promissionem diuinae gloriae; terram illam tantopere a patriarchis desideratam, et tot peregrinationibus quaesitam, non esse presentem, uisibilem, terrenam illam regionem Chananeorum, sed futuram, inuisibilem, atque caelestem patriam, meliora habentem fundamenta, cuius Deus est artifex, et ciuitatem Dei uiuentis, Hierusalem caelestem, multis angelorum millibus ornatam.

Qua ratione, sacrarum literarum sensus sint adhibendi. CAP. LIII.

CAUEANT clerici, ne litterae perpetuo asideant, et solis syllabis ac dictionibus incumbant. nam qui hoc faciunt, frigidi, sine spiritu, exangues, aut potius exanimis interpretes sacrarum literarum, se ostendunt; sed multo magis caueant, quod adolescentes, ingenij quodam impetu, facere consueuerunt, ne sententias salutare, et praecleara documenta, quae in littera continentur, omittentes, allegorias ipsi potius in medium proferant, et cogitationes suas interdum uendunt. quod quidem facillimum putauerunt sancti

sancti Hieronymus, et Augustinus. ita enim Hieronymus in præfatione in Abdiam; Cum essem paruulus, inquit, ut paruulus loquebar, ut paruulus sapiebam, ut paruulus cogitabam; postquam factus sum uir, quæ paruuli erant, deposui; cumque laudari, quæ ipse scripserat per allegoriam in ipsum prophetam audiret; scripsit hæc uerba: Ille prædicabat, ego erubescbam: et S. Augustinus fatetur se, cum prius per allegoriam facili labore scripsisset in Genesim, paulo post in eodem libro, literalem expositionem tentasse. Historicum igitur expositionis genus admodum necessarium in primis Ecclesiasticus orator aggrediatur, quia si negligatur, periculum est, ne incidat in uarios errores; et, quemadmodum B. scribit Augustinus, quis nisi impudentissime nitatur aliquid in Allegoria positum interpretari, nisi habeat manifestissima testimonia, quorum lumine manifestentur obscura? Quamobrem historica expositio ueluti basis omnium interpretationum, substernenda est; pure, aperte, et apposite, exponendæ sunt propositæ scripturæ, siue euangelia, siue beati Pauli epistolæ, et dilucida breuitate sunt exponendæ: et cauendum est clericis, ne ignorance historici sensus literam detorqueant durius: ac ea relictæ, ad remotas aliquas allegorias confugiant; sed, ut Chrysostomus fecit, allegoricis, et anagogicis inuolucris ita abstineant, ut paucis admodum in locis, cum necessitas flagitat, eis utantur; breuiter, si fieri potest, res maximas soluant, ut fecit S. Chrysostomus, cum locum illum admodum difficilem explicaret: Non est uolentis, neque currentis, sed Dei miserentis. uir admirabilis, unico uerbo tantum, maximam, et difficilem questionem soluit, et sic est interpretatus: non est uolentis, neque currentis tantum, sed Dei miserentis, idque fecit ut infirmitatem humanam patefaceret, et Dei misericordiam, ut par est, declararet. Sin autem accidat, ut in aliquam questionem minime dissimulandam Ecclesiasticus orator incidat, non prius est aggredien-

aggreſſiendi, quam oſtenderit, ſe ſtudioſe illam diſſuadi occaſionem non inueniſſe, nec inuentam ſumpſiſſe, ſed coactum perfidia hereticorum, aut alia aliqua de cauſa, illam tractare. Ea uero quæ hiſtorico ſenſu orator Eccleſiaſtico declarauerit, interdum ad mores reſormandos accommodabit. Verbi cauſa in hiſtoria Loth dicere poterit, quam deſteſtanda ſit ebrietas, cum in omnibus ætatibus, tum maxime in ſenectute, et quod uix unquam illud uitium reperiatur, quin multa alia habeat ſibi coniuncta. Item ex hiſtoria Petri, qui fleuit amare, perſpici poteſt, quam grate ſint ac ſalutares pœnitentium lachrymæ, quas S. Bernardus delicias angelorum nominauit, et alius ſanctus uir dixiſſe balneum, quo, animæ ſordibus peccatorum abluuntur, et ſponſæ Chriſti euadunt. In allegorijs explicandis, hoc eſt obſeruandum, neceſſitatis, et utilitatis cauſa fuiſſe inuentas. neceſſitas tribus de cauſis oritur: cum niſi ad allegoriam confugiamus, uerba falſitatem uidentur præſeſſere: cum in ſenſu grammatico ſi uerba ſumantur, pariunt abſurditatem: tertio cum ſenſus grammaticus pugnare cum chriſtiana doctrina uidetur. quamobrem quidquid in ueteri, et nouo teſtamento eiufmodi occurrerit, allegorice ſcriptum iudicabit. In expoſitione allegorica, diligentiam adhibebit; etiam ſi uerba, quæ ſcripta ſunt, nullam aut minimam, in hiſtorico ſenſu ſumpta, utilitatem uideantur afferre. quomodo enim ea, quæ in ueteri teſtamento ſcripta ſunt de circuncifione, de ſacrificandis pecudibus, de comedendo agno, in hac lucem euangelica, in qua, Dei benignitate uiuimus, Eccleſiaſticus orator interpretabitur, niſi ad allegorias, illi adhibitis regulis, quas paulo ante dixi, confugiat? Abraham duas uxores, et duos filios habuiſſe, quo cum fructu poterit audientibus exponere, niſi ad Chriſtum habentem duo teſtamenta, et duos populos, ut S. Apoſtolus interpretatus eſt, allegorice ea referat? Hortamur clericos, ne, quouis loco, allegorias in medium proferre

proferre audeant; id enim est temerarium, nec solum temerarium, uerum etiam admodum inutile; et interdum etiam perniciosum. quam occasionem religionis nostræ accusandæ, et deridendæ, Porphyrius, christiani nominis acerrimus hostis, sumpsit. Quare ita texenda est allegoria, ut sententiam exprimat, alio in loco proprijs uerbis, idemq. significantibus expressam. Ac cum ad populum sermo habetur, allegoriæ ad locos communes, de Dei prouidentia, de amandis uirtutibus, de fugiendis uitijs, et ad huiusmodi populares propositiones, sunt accommodandæ, breuiter tamen, et acute, atque ad excitandos animos segnes, et tædio affectos, in sermone graui, et longo, sunt adhibendæ. Sed hæreant hæc semper in animo, ut uel propter necessitatem, uel propter utilitatem, et ad uitæ institutionem, et ad mores corrigendos, adhibeantur, non ad dogmata confirmanda, nisi postquam illa dogmata, antea fuerint comprobata.

De typo, siue figura ueteris testamenti. CAP. LIIII.

VALDE similis est allegoriæ typus, ita ut quidam alterum ab altero uix separare potuerint; est tamen aliqua differentia. nam typus siue figura est, cum aliquid ex ueteri testamento assumitur, quod significauerit, aut adumbrauerit aliquid gestum aut gerendum in Ecclesia: et fere omnes typi siue figure adumbrant aut Christum uenturum, eiusq. passionem, resurrectionem, et reliqua mysteria; aut Ecclesiam, uariosq. eius status, et mutationes, aut Euangelium, eius progressiones, et incrementa. Allegoria diuersum quiddam est, ut diximus, siue enim ex ueteri, siue ex nouo testamento sumatur, exprimit aliud diuersum ab eo, quod uocibus significatur, quod ad institutionem maxime pertinet. Animaduertat Ecclesiasticus orator ex eodem loco, diuersa ratione, posse sumi typum et allegoriam: uerbi causa, pugna illa Dauidis cum Golia, est typus uictoria

uictorie Christi; quam retulit de satana; sin autem referatur ad nos, dici potest allegoria, ut, quemadmodum Dauid pugnavit cum gigante, ita pugnemus nos cum inimicis domesticis, satana, mundo, carne, a quibus acriter oppugnamur. Typi pulcherrimi sunt multi: typus Ioseph, qui fuit uenditus a fratribus, qui fuit figura Christi: typus Iona, qui tribus diebus fuit in ventre ceti, qui exprimit mortem et resurrectionem Christi; item typus serpentis anei, et Sampsonis. in quorum tractatione Ecclesiasticus orator uersabitur. Ipse memini, egregium quendam concionatorem, cum Iosephi historiam narraret, et ostendere niteretur, illum fuisse typum Christi, lachrymas audientium excussisse. Poterunt clerici colligere, et commendare memorie illustriores typos, eosque in suis sermonibus inserere: hortarer tamen, ut omnes eodem die non commemorarent: eam enim commemorationem, satietatem peperisse, uiri iudicio prestantes obseruarunt. In solennitatibus fortasse aptissime possunt accommodari. Sunt qui conciones suas exordiantur ab aliquo typo, quem, ut monuimus, alio nomine possumus appellare figuram ueteris testamenti; quam consuetudinem quis ausit uituperare? Varietati consulendum ducimus, ut libentius auditores accedant; et cauendum ne in explicatione figurarum, tantum temporis consumatur, ut ad instituendam uitam, et ad corrigendos mores, debita cohortationes adhiberi non possint.

De tribus alijs parum usitatis expositionum generibus, elementario, physico, atque prophetico. CAP. LV.

SUNT alia expositionum genera parum usitata, elementarium, physicum, atque propheticum. cauendum Ecclesiastico oratori esse existimo, ne in cœtu hominum, longas disputationes de numeris, et elementorum significationibus instituat. res enim plena est obscuritatis, infructuosa, et a communi usu loquendi ab-

horrens. res etiam diuinās ac saluāres ad ordinem cælorum, atque ad corpora naturalia, siue ad metalla referre, est hominis abutentis ingenio, et philosophiæ cognitione, et salutem animarum minime cogitantis. Prophetam uero profiteri, et munus, quod Dei proprium est, predicendi ea quæ futura sunt, assumere, inutile, temerarium, atque etiam periculosum est oratori Ecclesiastico. Quid de Hieronymo Sauonarola, qui in hoc exponendi genere, auctorum nostrorum memoria, uersatus est, p̄j, et docti uiri senserint, non est necesse scribere: hac in re, uirum illum alioqui doctum, minime esse imitatione dignum ausim affirmare.

De uarijs historici sensus partibus. CAP. LVI.

DEFINIENDO: quatuor sensus sacrarum literarum; de uarijs literalis expositionis partibus dicamus. Ratio quæ historicam intelligentiam docet, multas partes complectitur; quarum prima uiam aperit, ad inuestigandos tropos, phrasas, proprietates, locutiones, figuras, et huiusmodi, quibus diuina litera maxime abundat. qua in re cupimus clericos ab adolescentia diligentiam ponere. alia docet particulares descriptiones, ac tabulas, prouinciarum, regnorum, marium, montium, fluiuiorum, sylvarum, urbium, oppidorum, aliorumq. locorum, de quibus in sacris literis fit mentio. qua in re caueat Ecclesiasticus orator ne nimius sit, et ne plerumque sine ullo fructu ostendet memoriam. Non ignobilis etiam pars historice expositionis est ea, quæ ad tollenda quedam obscura, orta ex uaria dierum, mensum, annorum ratione, explicat omnes series, successiones, et diuersiones temporum; secularum, annorum, olympiadum, hebdomadarum, atatum, et generationum, quæ in diuina scriptura continentur in quo, modus est adhibendus, ne res indubitas in dubium reuocare uideantur; coninet etiam cognitio-

cognitionem historiarum, proprietatum, ac uirium præcipuarum, omnium rerum naturalium, hoc est cælorum, elementorum, animalium, ac plantarum, quæ passim in sacris literis describuntur, quæ omnia sciri sunt pulcherrima, et iucunditatem audientibus pariunt, si iudicium adhibeatur. tradit etiam quasdam regulas, quæ uiam aperiunt ad intelligendas considerationes quasdam geometricas, astronomicas, arithmeticas, et musicas; a qua interpretandi ratione, monemus clericos ut abstineant, ne obscuritate animos audientium sibi alienent. Altera inuentionis pars ostendit spirituales ac sublimiores diuinæ scripturæ sensus, allegoricum, anagogicum, et tropologicum, adhibitis ad hoc nonnullis regulis, de quibus, superius satis dictum est. *U*t summam dicam, hoc tantum a clericis mandetur memorie, et obseruetur, ut primum iaciatur doctrinæ fundamentum, ut quid sibi uelint uerba sacræ scripturæ, explicetur, deinde ad mores, animi auditorum excitentur: quod *B.* Paulum in omnibus suis epistolis, et sanctos patres, *B.* imprimis Chrysostomum, et *S.* Leonem pontificem fecisse, licet obseruare. alia genera, nisi necessitatis, aut magnæ utilitatis causa non adhibeantur.

De diuisione, quæ ueluti instrumentum propositioni

seruit. CAP. LVII.

PROPOSITIONI seruit diuisione, cuius sunt diuersæ species; distinctio uocis, diuisione generis eiusdem per oppositas differentias; ut, cum dicimus, christianorum, quosdam esse catholicos, quosdam non catholicos. alia est diuisione, quæ magis proprie dici potest enumeratio: ut est illa apud Salomonem in principio Ecclesiastæ. *H*is utitur orator ad disponendam orationem; sed cauendum est, ne ita instrumentum diuidendi delectetur orator, ut confusum pariat potius, quam ut memorie consulat. concionem

suam in partes, non in frustra diuidat; non imitetur malos coquos, qui discerpunt potius, quam diuidunt carnes. tria, aut quatuor ad summum capita proponat. Euangelium quod propositum est, aut B. Pauli epistolam, aut introitus, aut quidquid ei suggererit Spiritus sanctus, diuidat in tres partes: uerbi gratia, Beati qui timent dominum; dicat quid sit beatitudo, quid timor domini, quod decipiuntur homines non querentes hanc beatitudinem in euangelio. Siquis diligit me, sermonem meum seruabit; diuidat sermonem in tres partes, et dicat; quod dilectio Dei est perfectio hominis christiani, quid sit dilectio Dei, miseros esse qui non diligunt Deum, cuius rei est iudicium, quod non seruant sermones eius. Propositionem quidam in tres partes diuidendam arbitrantur, eo quod ter conualescant, ac respirent, et quasi noua proponentes populis, loqui incipiant. quam consuetudinem quis uituperet? aut non probet potius, cum tot iam annos sit recepta, et eam adhibeant praestantes uiri, qui in nobilissimo concionandi munere, magna cum laude sunt uersati. si clerici morem ueterum sanctorum patrum, qui unico filio orationum, homilias suas texuerunt, sequetur, eos nemo poterit reprehendere. Certe homilijs, et sermonibus, qui habentur inter Missarum solennia, ueterum ratio uidetur magis accommodata. Respirandi consuetudo, concionatoribus, qui e superiori loco dicunt ad populum, facile est permittenda. audiat in hoc unusquisque quid sibi loquatur Spiritus sanctus. Obseruari magnos uiros, uno filo uerborum, et connexione sententiarum, pulcherrimas, et admodum longas conciones ad populum habuisse. si accidat, quod fortasse, ita disponente Domino, accidere poterit, ut e clericis ad quos scribimus, aliqui creentur episcopi, eos hortarer, ne samam concionatoris aucupari uiderentur, et paternam illam dicendi formam, quam expresserunt sancti patres, retinerent; ita orationem texerent suam, ut continuato sermone, quidquid eo die esset propositum

positum, grauius, proprio fungentes officio, omisis multis concitationibus, ad populum dicerent; ad erudiendas animas sue fidei commissas, bonos concionatores deligerent, ipsi etiam docerent, sed in primis in tradendis salutaribus praeceptis ad uitam aeternam pertinentibus, in corrigendis peruersis moribus, in excitandis animis ad pietatem, et ad remittendas iniurias, atque ad frequentem usum sacramentorum, paterna quadam charitate, et dilucida breuitate, uersarentur.

De Epilogo. CAP. LVIII.

EPILOGVS siue peroratio est terminus orationis, cuius quaedam afferri possunt praecepta, ut cum aliqua commotione terminetur oratio. Quamobrem aut summa totius sermonis, aut praecipua capita repetenda sunt, ut in auditorum animis imprimantur, aliquid de aeterna uita, de beatitudine, de aeternis supplicijs dicendum. interdum adhibenda est deprecatio nomine populi, interdum cum lachrymis conuertendus est sermo ad Deum, quod tamen non saepe, nec longa oratione faciendum est. nihil enim citius arescit lachryma, et multi dum commouere studuerunt, nihil aliud affectui sunt, nisi quod risum mouerunt. In peroratione, paucis mutatis, accommodari possent his temporibus, illa uerba Nazianzeni, ut diuinam misericordiam interdum implorantes, dicamus: Peccauimus, iniquitatem fecimus, impie egimus, quoniam mandatorum tuorum memoriam abieciimus, et res peruersas cogitauimus; quoniam, ut Christi filij tui uocationi, et euangelio conueniebat, ut sanctis illis cruciatibus, et animi deiectioni, qua nostra causa, seipsum exinanivit, non respondimus; quoniam probro fuimus dilecto tuo; sacerdotes, et populus te deseruimus, simul inutiles facti sumus, non est qui iudicium, et iustitiam faciat, non est usque ad unum, miserationes

tuas, clementiam tuam, et uiscera misericordiae Dei nostri, uitijs nostris, et consiliorum nostrorum nequitia, et perversitate preclusimus. tu bonus, et nos inique egimus; tu terribilis es, et quis resistet tibi? terrore tuo, montes contremiscunt, et magnitudini brachij tui quis resistet? si caelum clauseris, quis aperiet? et paulo post in eadem oratione addit idem summus auctor quaedam uerba; epilogis ualde accommodata. Verum quiesce domine, remitte domine, propitius esto domine, ne nos propter iniquitates nostras perdas, nec supplicij nostris alios erudias, cum liceat nobis aliorum populorum calamitatibus emendari, nimirum gentium quae te non nouerunt, et regnorum, quae imperio tuo parere recusauerunt: at nos populus tuus domine, et uirga hereditatis tuae, castiga nos in mansuetudine, et non in ira tua, ne paucissimos nos facias, et contemptissimos omnium, qui habitant terram. Quo epilogo, hoc praesertim tempore; quo, crudelissimo bello, populus christianus affligitur, uti saepe poterit Ecclesiasticus orator.

Pauca quaedam de memoria, et de dignitate Ecclesiastici oratoris. CAP. LIX.

IAM uero memoriam admodum necessariam oratori Ecclesiastico dixerimus: et quamuis magnum illud donum naturae, immo potius Deo acceptum referendum est, conseruatur tamen, et augetur exercitatione, ac meditatione; et incredibiliter ordine crescit. stylum esse optimum artificem dicendi cum nemo ignoret; utilissimum erit, si quae dicturus est Ecclesiasticus orator ante conscribat: caueat tamen ne uerborum suorum se seruum constituat, et ne ex scripto recitans, interdum hereat: quod etsi magnis etiam oratoribus nonnunquam legimus contigisse, est tamen ualde fugiendum, quia minueret oratori Ecclesiastico dignitatem, quae eatenus est

magni-

magni facienda, quatenus sine ea uix potest animas Christo lucrari. multum etiam confert ad dicendum oratoris dignitas, quæ in uultus, uocis, habitus moderatione consistit. Et quia iam de actione quædam attigimus, cum de ineptiis loqueremur, nihil de ea præterea dicemus. Monemus tantum, hoc loco, clericos, ut decentibus uestibus utantur, nimiam elegantiam, sordes etiam fugiant. cum autem celebrabunt, et personam Christi agentes, sacrificium offerent pro peccatis suis, et populorum; preciosioribus, et elegantioribus, quam possint, indumentis utantur: et, ut decet Apostolicos uiros, grauitatem in dicendo adhibeant; nec populo, multo minus sibi, soli autem Deo, placere studeant, qui Ecclesiasticæ Rhetoricæ, et omnium laudabilium artium finis debet esse propositus.

L A V S D E O.

SYNOPSIS
RHETORICAE ECCLESIASTICAE
AB EODEM EPISCOPO

Contexta.



SYNOPSIS
RHETORICAE ECCLESIASTICAE
AB EODEM EPISCOPO
Contextu.



AMPLISSIMO CARDINALI

CAROLO BORRHOMÆO,

ARCHIEPISCOPO MEDIOLANI,

Augustinus Valerius Veronæ Episcopus. S. P. D.



OST multos viros; iudicio, et uaria rerum cognitione præstantes, qui præcepta bene dicendi tradiderunt, uoluiſti, Cardinalis ampliſſime, quadam præcepta colligi, aut accomodari potius ad uſum clericorum, qui in eccleſia ſancta Dei, ad populum aliquando ſermonem habituri ſunt; ut, et ne præceptorum copia obruerentur, et artem Rhetoricam diſcentes, meliores efficerentur; et ea à primis annis diſcerent, quæ cum fructu populos poſſent docere. Iam eſt edita Rhetorica eccleſiaſtica ſub tuo nomine, opus certe non facile, et non minimi laboris, quod ſane feliciter abſolui potuiſſet. indicati ſunt aliqui loci, qui fortasſe tractabuntur fructuoſius à uiris doctis, et in ſacrarum litterarum ſtudio uerſatis, in quorum manus ille liber inciderit. Parui ego, et homines literato otio magis, quam ipſe, abundantes, excitauit ad facultatem Eccleſiæ Dei admodum utilem locupletandam, atque exornandam. Cum autem Mediolanum ueniſſem; ut me poſt multas Episcopalis muneris occupationes recrearem, et tuo exemplo tuiſq. ſermonibus (ut ab hinc iam trienium mihi contigit) ad animas mihi créditas paſcendas, redirem inſtructior atq. ardentior; in quadam tabella etiam totam hanc, quam delineauit, et, ut potui, expreſſi artem Rhetoricam Eccleſiaſticam inſcriptam, ante oculos occupatorum hominum, qui totum librum commode legere non poſſunt, eſſe ponendam iudicaſti; ut breuiſſimo temporis ſpatio, in magnis etiam occupationibus ea percurri poſſet. Hæc ratio

diuidendi maxime Platoni placuit, qui in quoddam dialogo, miris laudibus effert ea ingenia, quæ nobilissimo hoc docendi instrumento sciunt uti: facile enim res ipsas distinguunt, omnem confusionem adimunt, uel minimas rerum differentias percipiunt, facilius quidquid mente conceperint, in aliorum animis imprimunt, memoriae, quæ est custos omnium scientiarum atq. artium, hac ratione ita consulunt, ut soli sapere, soli alios docere posse uideantur. Coniuncta est etiam (ut optime nosti, quandoquidem huiusmodi artium, et disciplinarum distinctionibus maxime delectaris) præclarissima huic methodo, mirabilis quædam uoluptas, ut animus res, quasi uiua quædam pictura expressas, magis cernere quam discere uideatur, et similiudinem Dei, ad quam effecti sumus, hac ratione exprimentes, quatenus humana infirmitas patitur; ut uno intuitu ille omnia cognoscit, sic nos. uno aspectu, singulas artes, et scientias possimus animo perustrare. Eos qui recte diuidendi ratione utuntur, Deo quam simillimos dixit idem Plato, quia distinctionem illam mirabilem, in qua mundi pulchritudo consistit, imitari maxime uidentur: quam laudem, et si uirum illum nimis amplificasse, est existimandum, eam tamen clericis, acque etiam omnibus, qui in omni studiorum genere, præsertim in sacris litteris uersantur, querendam esse non minimo studio iudicari. Accipe igitur, Cardinalis amplissime, Rhetoricæ Ecclesiasticæ synopsis; et quando fortasse totum opus Rhetoricæ, ob maximas tuas occupationes legere non poteris, in hac, ueluti in quadam tabella, delineamenta artis, et omnes articulos, quibus constat, acie mentis, qua præstas, inspicere.

PLATO
X

P L A T O duplicem Rhetoricam cognouit, Philosophicam, qua homines ad bonum Philosophis cognitum, hoc est ad morales uirtutes excitarentur; et adulatoriam, uilem, et abiectam, qua lenocinijs quibusdam populi allicerentur, et deciperentur. Nos uerò non adulatoriam, neque Philosophicam, sed Ecclesiasticam Rhetoricam tradidimus, quam nunc uelut in Tabella ante oculos ponimus. Ea nihil continet, quod CHRISTI sponsa, et ueritatis magistra Ecclesia non probet.

Definiatur autem sic) Rhetorica Ecclesiastica est ars inueniendi, tractandi, et eloquendi omnia, quae ad salutem animarum pertinent.

Hæc Ecclesiasticus Orator consequetur.

(Docendo. Mouendo. Conciliando.

- (Quatuor causas q sunt.
- 1. Efficiens. efficiens autem causa concionum, et bonarum rerum omnium est Spiritus sanctus. qui precibus inuocandus est. Proximæ causæ efficientes sunt labor, et exercitatio, et huiusmodi.
 - 2. Forma. Ut aptè et congruenter dicatur ad populum. De eisdem rebus tractat Dialecticus, et Orator: diuerso tamen modo: ita Scholasticus, et Ecclesiasticus Orator.
 - 3. Finis, qui est persuadendo lucrari animas. CHRYSTO. Difert autem finis ab officio, quòd Orator etsi propositum sibi finis non semper allequitur, non ideo tamen bonus Orator non est existimandus; dummodo aptè dicat ad persuadendum.

Qui docet considerare debet.

(Remota; quæ continet omnia, quæ scripta sunt; ita ut quicquid ex Philosophis, Poetis, Historicis, Oratoribus, ex omni scriptorum genere excerpti potest ad utilitatem Populi, id totum ecclesiastico Oratori, tanquam suum, ab alijs usurpatum, subiiciatur.

(Materia, de qua agit Orator, duplex est.

(Proxima; quæ tribus dicendi generibus continetur; et de hac mox infra A.

(Et instrumenta: quibus uiciter ad docendum. De quibus infra B.

(Duodecim Articuli fidei,
 Traditiones Apostolorum,
 et Apostolicorum hominum,
 Scriptura sacra.
 Sancta concilia generalia.
 Sancti Doctores, cum inter se
 omnes consensunt.)

Non est cre-
 dendum Sa-
 thanæ, nec
 eius discipu-
 lis, hereticis,
 nec cuius.

1. Credenda quæ sunt.

(Deliberati-
 no, quod ad
 quinque ca-
 pita redigi
 potest.)

2. Speranda
 fidelibus, a sã-
 cta Ecclesia
 minime rece-
 dentibus.

(Venia peccatorum.
 Cœlestis Patria.)

3. Timenda.

(Mors animæ quæ fit per peccatum.
 Vltimum, et horribile Dei iudicium.
 Infernus.)

A. Materia tri-
 bus generi-
 bus compræ-
 henditur.

Demonstra-
 tino. De quo
 infra C.

4. Agenda de quibus infra E.

(Iudiciali. De
 hoc infra D.

(Pecca-
 tum.

(Originale, quod à nobis in ipsa nostri con-
 ceptione contractum est; quod, et si uitari
 non potest, iugendum tamen est; atq.
 sanctissimo baptismatis sacramento tol-
 lendum.)

(Actua-
 le.

(Mortale. De quo infra F.

Veniale; quod facile veniam obti-
 net; quia inimicum Deo homi-
 nem non reddit. Ut mentis e-
 uagatio, risus immoderatus,
 et huiusmodi; quæ quotidiana
 dicuntur.

§ Vita-
 da.

(Occa-
 sio pec-
 cati.

Improborum hominum consuetudo.
 Curiositas, impudentiæ soror, uanitatis
 mater.
 Theatra.
 Publica spectacula.
 Frequentia conuiuia.

F. Mor-

...liberis...
...de...
...de...
...de...

Bona, quæ habent, non accepta Deo
referunt, enq. iactant tamquā sua.
Bona, quæ non habent, sibi arrogāt;
quæ in genere collocantur hypo-
critæ.

1. Superbia; quæ est inordinatus appetitus propriæ excellētiæ, uictorum omnium mater; in quam incidunt homines, cum

Minima bona, quæ illis diuinitus concessa sunt, ita augent, ut maxima cupiant existimari.
Mala, quibus ad humilitatem erudiri possent, exculant.

2. Avaritia; quæ est inordinatus appetitus habendi, quæ peste, qui sunt in corde, obnoxii

Sunt etiam fordidī, qui ut didici, qui ut dimitis contumulent.
Honesti; quæ ar-
tutes, ac recte facta secuntur.
Impure, quæ qui indulgent.
Discordiam.
Murmurationem.
Multorum malorum genera.

3. Luxuria; quæ est inordinatus appetitus impure, et libidinosæ voluptatis. Voluptates aut aliæ sunt,

Minima lucra consecrantur.
Sordibus uestibus utantur.
Sibi ipsi cibum adimunt, et res necessarias.

4. Inuidia; quæ est tristitia ex bono alterius, parit.

Lumen mentis amittunt.
Inconsiderati,
Inconstantes,
Precipites,
Amantes seipso,
Mortē, et futurū,
Iudiciū horrētes
Plerumq. in perversa Epi-
curi sententiā incidunt.

5. Gula; quæ homo inordinate appetit cibum, et potum. Quo loco aduertendū est hoc uitium non in ciborum copia, sed in nimia eorum cupiditate consistere, eius comites sunt

Paupertas.
Infamia.
Ignominia.

6. Ira; quæ est inordinata cupiditas puniendi eos, a quibus se quis læsum arbitrat, hæc autem est.

Indicium stultitiæ.
Inimicitia consilij.
Mater poenitentia.
Multarum perturbationum, et calamitatum adiutrix.

7. Accidia; quæ est remissi animi languor ab bene agēdū, ac tristitia præsertim de re spirituali. Quo uitio qui laborant solent esse.

Malitiosi.
Pusillanimes.
Vani.
Inconstantes.
Obliuiosi.
Facile desperant.

F.
Mortale peccatum, quod mortē assert animæ peccati septem species habet, quæ sunt:

In Spiritum sanctum, quæ ex malitia proficiuntur, sic autem dicta sunt, quia post acceptam Spiritus sancti gratiam committuntur, ea autem sunt.

Præsumere de diuina misericordia.
Desperare de diuina bonitate.
Agnitam ueritatem impugnare.
Fraternæ charitati inuidere. (re.)
Obstinato animo in peccatis perseverare.
Ob peccata gaudere.

In cælum clamantia, quæ præteritis insignem improbitatē habent, maxime Deum ad iram prouocant, ea autem sunt.

Homicidium uoluntarium.
Peccatum contra naturam,
Pauperum, Viduarum, et Pupillorum oppressio.
Merces operariorum defraudata.

Sunt etiā uitanda peccata, quæ appellantur,

Aliena. Ideo sic dicta, quia cum ab alijs fiant, nobis etiam nocent quod aliqua ratione illis communicemus. Id autem his modis potissimum contingit.

1. Consilio, quando quis alicuius sceleris committendi est uel auctor, uel consultor, uel minister. Vt qui hortantur homines ad singulare certamen, ad ultiscendās injurias, qui etiam excitant alios ad libidinem, ut lenones &c.
2. Consensu. Quo in genere peccant innumeri, et eorum plurimi, qui bonitatis, et sanctimonie famam auerunt, putantes, quia ipsi in peccata non incidunt, cum tamen alij consentiant, non peccare. Unde illæ uoces. si peccat sua res agitur, nihil ad me, ipse uiderit, quæ non sufficiunt, nisi, quantum in se est, peccanti non aduersentur.
3. Iussione. Vt David cum iussit, Vtiam interfici.
4. Irritatione, quando quis dictis, aut factis, aut quauis alia ratione sciens alium ad iracundiam prouocat.
5. Adulatione. Quod ueritum latissime patet in rebus publicis, in opulentis Ciuitatibus, præsertim in aulis Principum, et utinam inter Sacerdotes etiam et Clericos non reperiretur.
6. Reticeantia. Quando quis reprehendere debet, et tacet; non obseruat enim illud, Clama ne cesses; annuncia populo meo scelera eorum.
7. Coniuentia. Qua ratione peccant sæpe parentes, qui filiorum suorum uitia non castigant.
8. Participatione, quando quis ad perpetranda quæuis peccata socium alicui se præbet. Ad quod pertinet illud. Si uidebas firem, currebas cum eo, et cum adulteris portionem tuam ponebas.
9. Defensione prauis alicuius facti. Quo in genere solent ij maxime peccare, qui in foro aliorum causas iniustas, uel lucri, uel auaritiæ causâ tuentur.

Naturalis; quæ est recta regula, a qua res omnes agendæ regulam accipiunt.

Vel diuina
Positiua.

1. Vetus idest Moysis; quæ est quidæ diuina, sed umbram continet ueritatis. Fuit data propter transgressionē, et demonstrat peccatum; cuius sacramenta significant, sed non continent gratiam.

2. Noua, hoc est Euangelica; quæ cōtinet ueritatem, et gratiam; quā sanctissimis Sacramentis confert, quæ ueluti pharma ad humanas infirmitates sanandas, et instrumenta diuinæ gratiæ a Domino nostro Iesu Christo instituta maxime sunt a uobis ueneranda. Ostendet pluribus Verbis Orator, quemadmodū homo nascitur, crescit, alitur, ualetudinē recuperat, postremo eius uires debilitatæ reficiuntur; ita animā Baptismo renasci, Christinate crescere, sancta Eucharistia tanquā pane quotidiano alī, sacramēto poenitentiae sanari, extrema unctione recreari, ipsiq. faciliorem in caelestem patriam aditum patefieri; ad

quæ remedia adhibenda necessarium esse sacramentum ordinis; ut ad fomitem carnalis concupiscentiæ debilitādum, et ad propagandū populum Dei, institutum est ab eodem Domino Iesu Christo sanctum Matrimonium. De his agens, hortabitur sepe Auditores ad sanctissimæ Poenitentiae, et Eucharistiæ frequentem usum. Colliget etiam ex sanctis Patribus, Theologis in primis Scholasticis, quæ scripserunt de Sacramentorum

(Numero, Differentijs, Effectibus.

Agenda. Est autem agendum.

1. Quicquid lex præcipit. Est autē lex

1. Et consuetudines, legi Dei nō aduersantes, uolūt.

3. Et quicquid priuati p sua quisq. uocatione, p̄stare debet.

Vel Humana
Canonica, cui parendum, quia cū diuina consentit.
Ciuilis, cui parendum, quatenus a diuina non discrepat.

Prīmū Deū.

(Ex toto corde.
Ex tota anima.
Ex tota mente.

Cum autem omnium præceptorum finis sit Amor, doceat ecclesiasticus orator amandū.

Deinde homines secundum ordinem charitatis.

(Primum propriam animam.
Tum animam aliorum.
Tertio corpus proprium.
Quarto proximorum corpus.
Postremo bona externa, quæ ut dona Dei amanda sunt.

C. De-

1. Lauda
tione ser
uorū dei.
omnis au
tem laus
ducitur
a uirtuti
bus, qua
rum pre
cipue sūt.

C.
Demō
strati
uū est
quod
confi
sit in

2. Vitu
peratio
maiorū .
quoniam
uero con
trariorū
est eadē
discipli
na, in ui
tuperatio
ne ijdē
loei, qui
etiam in
laudatio
ne adhi
bentur.

1. Religio, quæ est cultus, quem Deo tribuimus, fide, spe, et charitate, est Christi imitatio, et recta Amoris regula.
2. Pietas, quæ est obsequium, quod exhibetur primum Deo, deinde illis, quos Deus ubiq; uenerandos proposuit, ut Sacerdotibus, Parentibus, Regibus, Principibus natu maioribus, præceptoribus.
3. Fides, quæ est habitus, quo firmiter assentimur reuelatis a Deo, porta salutis, Religionis fundamentum.
4. Spes quæ est certa expectatio futuræ Beatitudinis, incunda uitæ spiritualis socias, et optima in rebus aduersis consiliaria.
5. Charitas quæ est uia Dei ad homines, et uia hominum ad Deum, causa, et mater omnium uirtutum, quæ si desit, frustra habentur cetera, si adsit, habentur omnia; ita ut qui ea nobilissima uirtute sit ornatus, in maxima paupertate sit diues, et omnibus commodis abundet, quia in Deo manet, et Deus in eo.
6. Oratio, fidei, et spei nutrix, et charitatis comes, quæ est eleuatio mentis in Deum, colloquium cum Deo, clauis, qua aperitur cælum, telum, quo Sathanæ insidij resistimus, Deo acceptissima uirtus.
7. Deuotio, quæ est prompta uoluntas seruendi Deo, gratissimum Deo sacrificium uoluntatis nostræ, religionis filia, bonarum omnium actio nam alitrix, in aduersis suauissima uitæ socias.
8. Prudentia, quæ est cognitio rerum uitandarum, et appetendarum, industriæ mater, salutarium illorum præceptorum magistra; Nosce te ipsum, Ne quid nimis, Auream dilige mediocritatem.
9. Iustitia, quæ est cōstans, et perpetua uoluntas tribuēdi unicuique quod suū est, Sanctis uenerationē, Sacerdotibus, et parentibus obedientiā, et obseruantiam, Regibus debitum honorē, omnibus mutuum amorem.
10. Elecmosyna, quæ est pars iustitiæ, Christiana liberalitas, quæ, ut aqua ignē, ita extinguit peccatū, et sine qua nemo potest placere Deo.
11. Fortitudo, firmitas animi contra molestias sæculi, aut alio modo cōsiderata, laborū susceptio, et malorum permissio, et habitus, quo præditus qui est, nil nisi turpia timet, tolerat fortiter aduersa, et prospera, est uoluntatis robur, uirtutum tutela, uitiorum expultrix, et periculorum sapiens expugnatricis.
12. Martyrium, quod est delictorum finis, periculi terminus, dux salutis, et uerus patientiæ magister.
13. Temperantia, quæ est rationis in libidinem, atq; alios non rectos animi impetus firma, et moderata dominatio, et amor sese integrum, et incorruptum Deo seruans, a qua temperatus dicitur.
14. Ieiunium, optima custodia corporis, tuta habitatio, fortis uirorum monumentum, egregius in bello fortitudinis, in pace quietis magister.
15. Pudicitia, flos morum, honor corporum, decor sensuum, integritas sanguinis, fides generis, fundamentum castitatis.
16. Castitas, quæ est munimen sanctimonix, et sinceritatis indicium.
17. Virginitas, flos ecclesiastici gemitus, decus, et ornamentū gratiæ spiritualis, lara in doles laudis, et honoris opus integrū, et incorruptū, Dei imago resplicēda ad sanctimoniam Dñi, illustrior portio gregis Christi.
18. Perseuerantia, quæ est nobilissima Christianorum uirtus, summi regis filia, constantis nutrix, foror patientiæ, interioris pacis custos, sine qua in cælestem patriam nemo ingreditur.
19. Humilitas, quæ est elementū omnis uirtutis, sine qua nemo in Christiana Philosophia potest proficere. Hæc est ars cognoscendi, et spernēdi semetipsū, et res humanas, inanē gloriā fugiendi, alios sibi preferendi, qui est fidelissima sapiētie socias, quā sequitur magnanimitas Christiana, quæ est posita in remittendis iniurijs, et in fugiendis honoribus.

Caveat, ne in turpem adulationis suspensionem incidat, ne ne dulce uenenum exhibens noceat.
Raro uiuentes laudat. Duni enim uiuimus incertus est pugna exitus, ac domesticis, et acerbis inimicis oppugnamur. quo fit, ut ignoretur laude ne, an uituperatione quis dignus sit.

Orator ecclesiasticus.

- (Laudat in funere, et laudes ducit a tempore)
1. Quod praecepsit ortum illius, qui laudatur, in quo considerantur.
- (Patria. Parentes. Maiores. Oracula.
- (Virtutes, Doctrina, Munera, Publica, Priuata, Res, gestae, Amicitiae,
2. Quo uixit in quo consideratur.
- (Si quid supra spem, aut expectationem fecerit. Si quid solus, aut cum paucis, aut primus egerit. Ea, quae in ultimo actu uitae egerit.
3. Quod mortem est consecutum, in quo consideratur.
- (Honores post mortem tributi. Dolor Ciuitatis. Luctus. Squallor.

In hoc Demonstratio genere maxime amplificationes adhibentur.

- (Non ob eam causam, ut Isocrates pollicebatur, qui ad Oratorem dicebat pertinere maxima efficere minima dicendo.)
- (Sed ut res cognoscatur esse tanti momenti, quanti est re uera.)
- Amplificationes dicuntur cum argumenta ipsa tum Verbis, tum rebus ad Auditores magis afficiendos amplissime dilatantur; quae ex eisdem locis, unde etiam laudationes ipsae sumi possunt.

D. Iudiciale genus est, quod constat.

1. Accusatione. Raro accusant Clerici, quia humanam infirmitatem agnoscetes, et Dei misericordiam ante oculos habentes, correctionem morum, non seueram iustitiam propositam habent. Permittitur tamen in sacris Concilijs Sacerdotibus accusare, cum de honore Dei, et de populorum salute agitur. In iudicio autem haec sunt obseruanda. ut
- (Qui accusat, zelo Dei accuset nulla utilitatis, aut inanis gloria cupiditate adductus. Ex quibus colligitur haereticos Clericis maxime esse accusandos.)
- (Is, apud quem accusatur, iudicij habeat auctoritatem.
2. Defensione, in qua frequentius Clerici uersantur, ut oppressos subleuent, innocentes defendant. Defendere autem debent.
- (Religionem Christianam. Sedis Apostolicae auctoritatem. Honorem, et famam suam. Eos, qui fidei suae committi sunt, Innocentes.)
- (Vel multa pietatis, et christianae pietatis indicia de derit. Vel semel peccauerit.
- (Deprecationibus utatur interdum. Cum is, de cuius salute agitur.

1. Exemplum. Cum ex aliqua re particulari re particularem probamus. Ut impietatem Superbiz, Avaritiz, Libidinis, utiorum, et calumitatem omnium altricem esse; Mahumetanae impietatis exemplo.

Debet autem exemplum esse

(Verum,
Graue,
Illustre.

B.
Instrumenta,
quibus Orator,
utitur ad faciendam
fidem sunt.

(Summi
i aut
te a

2. Enthymema, quod est Syllogismus imperfectus. Syllogismus enim tribus partibus constat, Propositione, Assumptione, et Completione. Ex quibus si una prætermittatur; et in animo relinquatur, sit Enthymema. Ut si quis præbet eleemosynam esse laudandam, quia est virtus Christiana, omittit propositionem, quæ est, omne virtutis esse laudandam. Enthymema autem sumitur a

1. Si
gnis.

1. Christo, quem omnium virtutum exemplar dicimus. Aut enim. Exemplum dedi vobis, ut quemadmodum ego feci, ita et vos faciatis.
2. Sanctis, Apostolis, Martyribus, Cōfessoribus, ceterisque omnibus, et præsertim tempore, cum illorum Sanctorum, quorum exempla sumimus, solennitates celebrantur; atque id maximum vim solet habere, si eorum, qui eisdem Civitatibus, ubi sermo habetur, præfuerunt, et quorum memoria gratissima colitur, in medium proferantur facta, aut sententiz, ut Mediolani a. Ambrosij, Veronæ a. Zenonis. Maioribus. Sic Iudith civis suos gravissima obfusione circumventos, atque animo deiectos, exemplo veterum Patrum, ad constantiam adhibenda, et fidem in Deo habendam, confirmat. Nonnunquam, raro tamen ab Ethnicis, et alienis. Ut Saluator noster Reginam Saba, et Niniuitas adducit, et illud inculcat sæpe. Nonne Ethnicis hoc faciunt?
(Beluis, et rebus sensus expertibus. Habet magnam vim locus ille Isaiæ. Cognovit bos possessorem suum, et asinus præsepe Domini sui, Israel autem me non cognovit, et populus non intellexit.

(Certis; quæ appellantur etiam indicia. Ut si-
gnum certum infidelitatis est, ecclesie sacramenta contemnere.

Ex his con-
ficiuntur ar-
gumenta, quibus utitur Ora-
tor ad faciendam fidem, aut

A locis proprijs, qui a causa, de qua agitur, assumuntur; qui tribus generibus, de quibus iam dictum est, continentur.

(Incertis; Ut signa charitatis, libet singulos salutare, beneficijs multos afficere, et huiusmodi.

A locis extra causam assumptis, quæ artificiosi vocantur. De quibus infra G.

2. Verisimilibus. Verisimile autem est, quod non simpliciter, nec absolute, fieri solet. Ut verisimile est virum bonum bonis et catholicis parentibus ortum, hæreticos fugere.

Aut a locis communibus, quæ sunt argumentorum sedes, et elementa. De his mox infra H.

Loci

1. **Definitio**, quæ est Oratio explicans quid res sit; hoc loco usus est B. Basilus contra avaros. Quis est, inquit, avarus? qui eo, quod sufficit, non est contentus. Quis est prædator? qui quæ singulorum sunt, auferit. Tu autem non es avarus? non es prædator? qui, quæ singulorum sunt, tibi propria facis?
2. **Distributio partium**, quæ est rei per partes explicatio, sive totius in sua materia diuisio. Eleganter Hieronimus Propheta ex hoc loco probat in solo Deo gloriandum. Non gloriatur, inquit, sapiens in sapientia sua, et non gloriatur fortis in fortitudine sua, et non gloriatur diues in diuitiis suis, sed in hoc gloriatur, qui gloriatur, scire, et nosse, quia ego sum Dominus.
3. **Ethymologia**, quæ uerborum originem inquirat, ut B. Hieronymus ad Nepotianum. Propterea, inquit, Clerici uocantur, uel quia de forte sunt Domini, uel quia ipse Dominus fors ideo pars Clericorum est, qui autem uel ipse Domini pars est, uel Dominum partem habet, talem se præbere debet, ut ipse possideat Dominum, et possideatur a Domino.
4. **Coniugata**, quæ sunt ex uerbis generis eiusdem, ideo quæ orta ab uno uarie commutantur. ut sanctitas, sancte, sanctus. Hoc pacto. Si Christiani sumus, Christiane uiuamus, Christum imitemur.
5. **Genus**. Quod de pluribus differentibus specie dicitur. Ut omnis uirtus est laudanda, ergo iustitia. Huc pertinet locus ille Iohannis. Qui facit peccatum, et iniquitatem facit.
6. **Species**, quæ est generi subiecta. Ut adulterii, et homicidii a Deo homines se parat, quæ est maxima putanda miseria, ergo peccata miseros homines efficiunt.
7. **Similitudo**, quæ est diuersarum rerum inter se collatarum, similis quædam affectio. Ut ægra corpora quanto magis nutris, tanto magis lædis, teste Hippocrate; ita deteriores efficiuntur, qui impura conscientia sanctissimum Eucharistiæ sacramentum audient assumere.
8. **Dissimilitudo**; Ut hæreticorum est ab Ecclesia sancta recedere, noua dogmata configere, Doctores scholasticos contemnere; nos catholici Ecclesiam sequi magistram, uetustatis castissimos limites non transire, sed scholasticos Doctores uenerari debemus.
9. **Contraria**; De quibus infra I.
10. **Adiuncta**; quæ cum re sunt coniuncta; ut, locus, tempus, uestitus et quæ Theologi circumstantias uocant. B. Basilus hunc locum adhibuit in Serm. de Ieiunio. Ieiunantis color grauitatis plenus est, non in impudentem ruborem efflorescens, sed pallore modesto ornatus, placidus et lenis oculus, sedatus incesus, uultus animi secum loquentis index, nulla intemperantis risus insolentia, moderatio lingue, et cordis puritas.
11. **Antecedentia**, quæ consequentibus necessario cohererent; ut Christus resurrexit, et nos resurgemus. Est enim resurrectio nostra.
12. **Consequentia** quæ rem necessario consequuntur. Ut prudens est, ergo res dubias non affirmat. Insignis est locus apud Matthæum; Vbi Dominus a consequentibus probat, pauperes spiritu, hoc est humiles esse beatos, quia ipsorum est regnum celorum, et sic de ceteris, quas ibi proponit huius peregrinationis, Beatitudinibus.
13. **Repugnantia**, quæ neque certa lege, neque ordine inter se differunt, quæ ratione a contrariis, ac dissimilibus discernuntur, ut qui diligit Deum, non odit quemquam. Si fato omnia fierent, tolleretur liberum hominis arbitrium, laus, poena, uirtus, uitium, gloria, inania essent nomina.
14. **Causa**. Quæ est illa, cuius ui sequitur effectus. De qua infra K.
15. **Effecta**. Quæ ex causis oriuntur; quorum, ut causarum, quatuor sunt genera, quæ causis cognitis facile intelliguntur. Hoc loco Saluator noster ostendit se esse bonum Pastorem; cum dicit. Ego sum Pastor bonus, bonus pastor animam suam dat pro ouibus suis.
16. **Comparatio**. De hac infra L.

H.

Loci communes sunt communes quedam notæ, quarum admonitio, quid quæque res ualeat ad persuadendum potest inueniri. Hi autem præcipui sunt

I.

Contraria,
quæ sunt ei-
iusmodi, ut
simul in e-
dem re in ef-
se nequeant;
quattuor ha-
bent species.

1. Aduersa. Vt Superbiam matrem omnium peccatorum scimus, Humilitatem igitur fundamentum omnium uirtutum amemus.
2. Priuantia, quæ sunt habitus, et eius priuatio; Vt uita, mors, lux, tenebræ. Argumenti a priuantibus talis est formula. Misericordes dixit Dominus misericordiam consecuturos; Qui igitur hac uirtute carebunt, nullam misericordiam consequentur.
3. Relatiua, a quibus sic argumentum ducitur. Optabile cum sit beneficium accipere, multo optabilius conferre.
4. Contradictoria; quæ sunt affirmatio, et negatio eiusdem rei de eodem subiecto; quorum alterum affirmat quid, alterum negat. Vt Christum diligit, qui eius præceptis parat, qui non parat, non diligit.

K.

Causarum ge-
nera sunt quat-
tuor.

1. Materia; ex qua res uel naturalis, uel artificiosa conficitur; ut materia hominis est corpus. Ex hoc loco argumentatur Propheta ad ostendendam Idolorum uanitatem. Simulachra, inquit, gentium argentum, et aurum.
2. Forma, propter quam res est. Vt anima est forma hominis. Ab hac sic ducitur argumentum. Anima præditi immortalis, cur nostras omnes cogitationes, et spes in rebus caducis, et terrenis collocamus?
3. Efficiens, a qua aliquid est; ut homo a Deo, et ab alio homine. Hinc argumentum duxit Propheta, ad probandum Deum humana curare. Qui plantauit, inquit, aurem non audiet? et qui finxit oculum, non considerat?
4. Finis, cuius gratia aliquid est; ut homo factus est ad æternam Beatitudinem; stulti igitur, qui in uoluptate, in delicijs, in honoribus Beatitudinem collocant.

L.

Comparatio
quæ est cum
argumentum
ducitur, aut
a

- Maiori ad minus. Vt illud B. Hieronymi ad Heliodorum. Filius hominis non habet ubi caput reclinet, et tu amplas porticus, et ingentia testorum spacia metiris?
- Minori ad maius. Vt illud; diebus Dominicis laici sumunt sacramentum Eucharistiæ, cur non Presbyteri, Diaconi, et Subdiaconi, aut etiam sæpius?
- Pari, ut quemadmodum Pastores consulunt salutem suam gregis, Reges suorum populorum, medici morbo affectis corporibus; ita Pastores animarum, prodesse debent ijs, quibus præsent.

1. Sacras lites (Auctoritas) quoniam quicquid in eis continetur id uerissimum est, et ueluti ex ore Dei prolatum.
2. Traditiones Christi, et Apostolorum, ut sanctissimi ritus, et caerimonie, quae in sacramentis adhibentur, et huiusmodi; quae quoniam scriptae non sunt, sed de aure (ut aiunt) in aurem ad hoc usque tempus perueniunt, uiuaz uocis oracula rectissime dici possunt. Quorum quanta sit auctoritas Cyprianus ostendit, cum dicit. Ut par est Spiritui sancto, et Christo auctoritas, ita in suis institutis aequa est auctoritas, et potestas. Nec minus est, quod dicente Spiritu sancto Apostoli tradiderunt, quam quod ipse tradidit.
3. Auctoritatem Ecclesiae, quam Christus sibi sponsam unicam delegit, cum eaq. omnibus diebus usque ad consummationem saeculi se assuturum promisit, ut admoneremur ei in omnibus esse parendum; et quicquid illa tamquam fidei dogma tenet, uerissimum esse, nec quicquam falsum, quod aut credit, aut docet esse credendum.
4. Auctoritatem Sedis Apostolicae, quae satis est firmum argumentum ad faciendam fidem; quia summus Pontifex est Christi Vicarius, ac legitimus successor Petri, eandem, quam Saluator noster tribuit Petro, non solum auctoritatem, sed etiam fidei firmitatem habens.
5. Auctoritatem Conciliorum; quae in Spiritu sancto congregata fuerunt, quibus tanta fides est adhibenda, quanta Euangelistis; nimirum quia idem magister est Spiritus sanctus, et idem auctor Christus.
6. Auctoritatem sanctorum Patrum, qui ope Spiritus sancti ita ad ueram scripturae sacrae intelligentiam penetrarunt, ut in ijs, quae ad fidem pertinent, non modo non errauerint, sed mirabilis etiam omnium consensus extiterit.
7. Sententias Philosophorum, quorum magna est auctoritas, cum praesertim de remittendis iniurijs, de contemptu mundi, de minime formidanda morte agitur.
8. Historias grauissimorum hominum; qui si in eandem sententiam conueniunt, ex eorum auctoritate firmum argumentum, atque etiam fidei dogma promi potest. Verbi gratia B. Petrum Romae et collocasse sedem, et pro Christo martyrij gloria coronatum esse omnes graues historiae tradunt. Unde certa argumentatione concludi potest, Romanum Pontificem Petro in Pontificatu succedere.

G.
Locī in arti-
ficioſi ad hęc
oſcō capita
redigi poſ-
ſunt.

Vt quis Auditorum (Si quod praedicabit, operibus implere studebit.
animos commoueat, (Si non nisi zelo Dei, et studio salutis animarum dicendi munus
debet ipse commotus esse (suscipiet.
se quod consequetur. (Si praestantissima charitatis uirtute accensus fuerit.

Cum uero commotio sit quaedam mentis incitatio, sine qua, in-
grata et exanguis sit oratio, dabit operam Ecclesiasticus Ora-
tor, ut quemadmodum sanguis per totum corpus diffunditur,
ita in omnibus orationis partibus quaedam in sint, quae ad com-
moitendos, et afficiendos animos auditorum naleant; affectio-
nes autem mediae sunt inter uirtutes, et uitia; quoniam

(Si in caelum ferantur,
uirtutes pariunt;
(Si in terra depresso iaceant, pariunt uitia &c.

Omnia affe- (Rectus
ctionis fons bonarū.
est Amor. (Peruersus
malarum.

Auditores
sunt exci-
tandi.

(Omnes ad amorem Dei.
Quidam boni viri ad amorem sui ipsius.
PARENTES ad amorem filiorum.
FILIJ ad amorem parentum.
CONIUGATI ad mutuum amorem.
OMNES ad amorem patriæ.
(Omnes ad amorem verum amicorum.
(Omnes ad amorem rerum externarum, qua-
tenus nobis seruiunt ad gloriam Dei.

Recta Amoris Regula est Religio Christiana; quoniam

(Si ea, quæ amanda proponit, amentur a nobis, inde oritur omnis perfectio Christiana.

(Si ea, quæ amanda proponit, minus amentur a nobis, inde nascuntur.

Sanctum gaudium.	Quas affectiones Ecclesia
Desiderium uitæ æternæ.	sticus Orator in auditorij
Salutaris penitentiâ.	animis debet excitare argu
Timor Dei.	mentis ex ijs locis sumptis,
Requiescent in Deum.	qui in Ecclesiastica Rhetorica
Zelus honoris Dei.	transiunt.

(1. Disciplina . De qua paulo post, M.
2. Electione. Infra N.
3. Occulto Dei iudicio. De hoc infra, O.

<p>Cupiditas. Turpis uoluptas. Desperatio. Audacia. Odium. Indignatio, Inuidia.</p>	<p>Q: as affectiones studere debet Ecclesiasticus Ora- tor ab auditorum animis amouere argumentis funi- ptis ex ijs locis, qui in Rhetorica Ecclesiastica tra- duntur.</p>
-------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------

Quoniã
uero ad
cõmouen
dos ani
mos mul
tum con
fert co
gnoscere
auditorũ
genera, id
circo sciẽ
dũ, ut ge
nera ho
minũ, sic
auditorũ
quattuor
modis di
stigni pos
se aut

(4. Natura, ut alij
sunt ma-
res, et for-
minæ, q-
uel sunt

Ut iunctos matrimonio non contemnant.
 Suum periculū cōsiderent. Videant ne cadant.
 Otium unde uoluptas, et malū omne exiit, su
 Orent sine intermissione. (giant.
 Pijis operibus studeant.
 Episcopos, et Parochos suos adiument.

(Cœli-
bes.

(Ad taciturnitatē. quia qui custodit os suum, eu
stodit ab angustijs animam suam.
§ Ad humilitatem. quia Dominus respicit humi
litate[m] ancille sue.
§ Ad castitatem animi et corporis. quia mulier
innupta et uirgo, cogitat que Domini sunt,
ut sit sancta corpore, et spiritu. (cidant.
(Ad modestiā, ne in laqueos mali Daemonis in-

4. Natura, ut alij
fint ma-
res, et for-
minæ, q
uel sunt

Accipiant uxores cum timore Dei. (siam
Diligant uxores suas, ut Christus dilexit Ecce
Instituant uxores suas. (interrogari.
Si aliquid scire cupiant uxores suæ, patientur
Increpent quādo opus est, modeste tamen uxores
Habitent cum uxoribus suis. (res suas,

(Cōiu-
gio iū
cti.

(Quibus ostenden-	(Fidelitatem, Amore san-
dum est uxore de-	ctum, Castum timorem,
bere viro suo.	(Sobrietatem, Obedien-
	tiam, Reuerentiam.

Quæ excitant, et in primis videtur ad

Mares autem

1. **Parentes.**
Qui monedi sunt,
ut filios suos.
 Tueantur, et nutriant,
 A peccatis, quantum in se est, reprimant,
 In bonis operibus instituant,
 Corripiant, quando opus est, et puniant,
 Erudiant in ijs quæ ad Religionem Christianam pertinent.
 Præcipuo amore parentes suos diligant.
 Obédiant in omnibus, quæ ad administrationem familiæ, reiq. familiaris pertinent.
 Hortationes, obiurgationes, castigationes etiam, ut salutaria medicamenta, et maxima indicia amoris, suscipiant,
 Parentes suos omnibus honoribus prosequantur.
 Succurrant parentibus suis.
 Parentum uitam sustentent.
 Tristitia non afficiant parentes suos.
 Caveant ne se ipsi fallant,
 Caveant ne temere iudicent,
 Huius sæculi opes suspectas habeant,
 Timiditatem, quæ refrigerent calore, illis inest, conuertant ad humilitatem.
 Confidant in Domino.
 Prudentiam suam non tanti faciant.
 Si quid de se sentiant, aut loquantur homines, non admodum curent.
 Vereantur Deum, cuius oculis patent omnia.
 Misericordiam, opibus, si diuites sunt, consilio, auctoritate, doctrina exerceant.
 Vicinorum filios, filios suos putent, eos hortentur, et reprehendant.
 Ut honorum, et diuitiarum cupiditate se liberent.
 Detractores, et maledicos non ferant.
 Sibi longam uitam minime polliceantur.
 Caveant ne uoluptatibus capiantur,
 Vereantur Deum, et viros bonos.
 Abstineant a carnalibus desiderijs,
 Ne facile credant.
 Ne iniuriam inferant.
 Modum adhibeant in omnibus.
 Adolescentiæ calorem, et impetum sanctis exercitationibus, et pijs operibus temperent.
 Alicui se disciplinæ tradant.
 Aliquem uirum bonum, cuius exemplo et consilio prudentiores, & meliores efficiantur, deligant.
2. **Filij, qui excitandi sunt, ut**
 3. **Senes, qui monendi sunt, ut**
 4. **Iuuenes, qui admonedi sunt, ut**
 5. **Media ætate confecti, qui adhortandi sunt, ut**
- Quo magis in illis uiget ingenium, iudicium, et memoria,
 eo magis diuinis muneribus ad aliorum usum, et ad animarum salutem utantur.
 In ea, ad quam nati sunt, et cui a primis annis se dederunt,
 arte, se exerceant, sine fauce, et ostentatione.
 Senum consuetudine prudentiam augeant.
 Vitæ moderatione, et grauius colloquijs iuniores erudiant.

M. Disci-

M.
Discipli-
na ita di-
stinguun-
tur Au-
ditores,
ut alij
sunt

- | | | | |
|--------------------------------|---------------------------------------------------------------------------------------------|-----------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1. Magi-
stri, et hi
aut | Rerum diui-
narum, ut Sa-
cerdotes, qui
bus ostenden-
dum est in eis
requiri | (Bonitatem.
Sobrietatem,
Castitatem,
Bonos mores
Scientiam,
Studium li-
terarum.) | Facilius, ac breuius, quam fieri possit,
quam artem proficentur, doceant.
Non doceant libentius diuites, quam
pauperes.
Neminem excludant.
Rhetores ne incautos adolescentes eru-
diant ad decipiendum, et ad exci-
tandas seditiones.
Philosophi, ne de mundi æternitate,
de immortalitate animæ nimis mul-
ta, et nimis subtiliter doceant.
Quod prohibuerunt sancta Concilia,
nemo audeat ostentationis causa ad
perniciem ingeniorum profiteri. |
| | Rerum humanarum, qui ad-
hortandi sunt, ut | | |

- | | | |
|-------------------------------|-----------------------------------------------------------------------------------------------------------------------|------------------------------------------------------------------------------------------------------------------------------------------------------------------------|
| 2. Disci-
puli. Vt
sunt | Auditores cõ-
cionatorum,
qui excitandi
sunt, ut | (Quæ audierunt memoriz mandent.
Audiant cum fructu.
Non numerentur inter illos, de quibus scripti est: sem-
per discētes, nunquam ad scientiam peruenientes.) |
| | Viri Religiosi; quos sanctissimi viri Augustinus, Hieronymus, Fran-
ciscus, Dominicus, et Benedictus instituerunt. | |
- | | |
|----------------------------------------------------------------|-----------------------------------------------------------------------------------------------------------------------------------------------------------|
| Moniales discipulæ
sactorum Patrū,
quæ excitandæ
sunt | (Ad metum; nisi quod uouerunt præterierint,
Ad gaudium; commemoratione bonorum, qui-
bus in monasterijs perfruuntur, et malorum;
quibus carent.) |
|----------------------------------------------------------------|-----------------------------------------------------------------------------------------------------------------------------------------------------------|

N.
Electio-
ne distin-
guunt Au-
ditores;
quia ho-
mines si-
bi delin-
guunt.

- | | | | |
|-----------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------|
| 1. Amicos
quorū mul-
tæ sunt so-
cietates, p-
ut Spiritus
sanctus ex-
citat alios
ad | (Erudiendos pueros in doctrina
Christiana.
Orationem.
Frequentanda sacramenta.
Propria corpora castiganda.
Consolandos eos, de quibus ul-
timum est sumendum sup-
plicium.) | (Quæ so-
cietates
excitan-
dæ sunt
ad | (Perseuerantiam.

Vt se unus-
quisq. ferat.

Ad hanc
legem ex-
citandam

Vt nihil di-
cas, nisi im-
plorato Spi-
ritus sancti
auxilio.) |
| | 2. Discipuli
nam mili-
tarem; ad
hos perti-
net | (Defendere Religionem Christi.
Pugnare pro defensione sanctæ
matris Ecclesiæ.
Pugnare pro honore Dei.
Pugnare pro ouibus Christi, pre-
cioso sanguine redemptis.) | (His ostenden-
dum, ignomi-
nosum in mi-
litia esse, ni-
hil aliud ha-
bere propo-
situm, quam |
- | | |
|--------------------------------------------------------------------|---------------------------------------------|
| 3. Aliquam artem, ut mercaturam;
Ex quorum animis amouendæ sunt | (Frondes.
Mendacia.
Dissimulationes.) |
|--------------------------------------------------------------------|---------------------------------------------|

O. Distin-

Distin-
guitur e-
tiam Au-
ditores
oculto
Dei indi-
cio, quo
fit, ut a-
lij sint

Reges, qui
bus propo-
natur Re-
giz uirtu-
tes, ut

Rerum publicarum
administratores,
qui excitati sunt

Sub-
diti, q
de
bent

Amare Regem, et Prin-
cipem suum.
Principum consilia in melio-
rem partem interpretari.
Legibus obtemperare.
Consilio, opibus, quando opus
est, Principes adiuuare.

Nobiles, qui excitandi sunt ad Hu-
militatem.

Ignobiles, qui ad ueram nobilita-
tem, quæ in obseruatione Religio-
nis, et in uirtutibus est collocata,
sunt accendendi.

Domini, siue Patresfamilias, qui
excitati sunt, ut

Serui qui
admonen-
di, ut

Ruri habitantes, qui ad-
monendi sunt, ut

Exempla Sanctorum, et Sanctarum, ut si de contemnenda morte agatur, Marty-
rum exempla, Stephani, Laurentij, et aliorum in medium sunt afferenda.

Sententia, quæ est oratio
aliquid enuncians de
re uniuersali, uel opta-
da, uel fugienda, aut
est

Enthymemata, quæ consiciuntur ex indicijis non longe petitis, sed proximis, et
apertis, et ubi catholice uiuitur, multo crebrius ad confirmandum, quam ad
refellendum adhibentur.

Religio,
Iustitia,
Clemetia,
Fortitudo,
Temperantia.

Ad comitatem.
Ad amandam uirtutem.
Ad malitiosas quasdam ineptias fugiendas.
Ad anteponenda suis publica commoda.

Ut uehementem il-
lud studium
Sancienda, et seruandas
quod adhi-
bent ad parã
das opes, ad
habeant ad

Familiam suam informant, corripiant, et
consolentur.
Familie suæ se uirtutis exemplar præbeant.
Cum seruis benigne se gerant.
Immoderatis laboribus seruos non aggra-
uent.

Res necessarias ad uictum, et uestitum ser-
uis provideant.
Seruis mercedem soluant.
Studeant, ut serui meliores efficiantur.
Indulgentia, nimia familiaritate, et com-
munione secretorum, seruos ad liberta-
tem non erudiant.
Multitudine seruorum inutilium, qui fami-
liam perturbent, non delectentur.

Seruiant in Domino.
Eatenus pareant Dominis suis, quatenus, quod iubent, cum lege Do-
mini consentit, aut non aduersatur.

Omnia, quæ ruri accidunt, frugum copiam, sterili-
tatem, siccitatem, ad Dei providentiam referant,
in ipsa diuinam bonitatem contemplantur.
Ne furentur.
Decimis non fraudent; quoniam id est corrumpere
patrimonium suum.

Implicitam, et uocatur sententia
Enthymematica, ut ne contendas
cum uiro locuplete, ne forte co-
tra te instituat litem tibi.
Explicita, et appellatur pars En-
thymematicis; ut non est gauden-
dum ob mortem inimici, quia po-
terat conuerti ad Dominum.

Ad com-
mouen-
dum plu-
rimu ual-
ent

Cōciliatur uero auditor res eloquutione, q̄ in hoc consistit, ut Ecclesiasticus Orator ad populum dicat

- (Ne in aliquā inceptā incidat, quod fiet, si in dicendo rationē non habebit)
- (Confidat)
- (Ne frigidam orationem efficiat, quod fit)
- Emenda (Solæcismos)
- (In propria)
- Perſpicue. perspicuitas autē orationis cōsistit interdum
- (In translationibus. Translatæ uerba dicuntur, quæ a propria significatione ad aliam non propriam transferuntur. Ut gratia dicitur fons uitæ. In quorū usu hæ cautiones sunt adhibendæ,)
- (Apposite P. Ordinate, Q. Memoriter. R. Cum dignitate. S.)
- (Loci; ut qui aliqua fabella auditorum animos oblectare student.)
- (Temporis, ut qui longitudine sermonis, et longis digressionibus auditores tædio afficiunt.)
- (Propriæ personæ, ut illi, qui obliiti muneris sui, subtilibus disputationibus populum non docent, sed in sui admirationem cōantur trahere.)
- (Auditorum; ut illi, qui explosas iamdiu Philosophorum opiniones, de Fato, contra Dei prouidentiam, de sequendis uoluptatibus in medium afferunt, eas (quod minimè est necesse) ut resellant.)
- (Cum)
- (Nomina confingere.)
- (Varietate linguarum Græcæ, Latinæ, Hebræicæ orationem confundere.)
- (Superuacaneis uerbis, et Epithetis uti)
- (Cum dicentis actio, quæ est tamquam corporis Sermo, rebus, de quibus agitur, nō est accommodata. Actio autem posita est)
- (In uocis moderatione, ne ab oratione discordet.)
- (In gestu oculorum, oris, manuum, pedum, et totius corporis.)
- (Quod consequetur, si in ea, in qua natus est, lingua se exercens, molestas quasdam uoces mutauerit, aut potius correxerit.)
- (Nominum. Sunt tamen quædam corporis partes, quæ proprijs nominibus explicandæ non sunt, et insignia quædam peccata, sed adhibita circumlocutione.)
- (Verborum. Propria uero uerba dicuntur, quæ communi loquendi usū recepta sunt, ut Philosophus, Theologus, docere, discere, et huiusmodi.)
- (Ne a remotis sumantur. Ut si quis Christum, Serenissimū diceret; quia REX.)
- (Ne ab ulla re turpi profiscantur; Ut si quis Deum patrē, carnificem Christi nominaret; quia iussit, ut propter peccata hominū moreretur.)
- (Infra,)

Ab initio id, de quo sibi dicen-
dum est, proponat.

Quod propositum fuerit, expla-
net.

Utatur definitione, diuisione, re-
rum distinctione.

Quomodo autem debeat
proponere Ecclesiasticus Orator, qualis de-
beat esse propositio,
Item de Diuisione, et
distinctione paulo post
dicemus.

Breuem nonnunquam rationem subiiciat, hoc modo. Cupi-
tis scire, quamobrem in uariis calamitates incidatis? me-
lioris spei filij decedant? qui supersunt uos tristitia affi-
ciant? uarijs morbis affligamini? charitate annorum, et a-
lijs incommodis exerceat uos, aut puniat potius Deus?
quia eius mandata non custoditis, quia iniusti estis in uos,
et in alios.

Ad ea, quae proposita erunt, reuertatur hac ratione. Ita di-
cunt Spiritus sancto, ne illud quidem, quod dixeram cogi-
tans, digressus sum; utinam cum aliquo uestro fructu.
Nunc redeamus, unde deflexit oratio.

Concludet interdum in hunc modum. Vellem fratres cha-
rissimi, ut tandem aliquando tot sermonum, tot concio-
num, tot hortationum mearum conclusio existeret; Effe-
ctis uos populus Dei, haereditas Christi, gaudium meum,
et corona mea, humana contemneretis, huius exilij obliui
ad caelestem patriam aspiraretis.

Ex conclusione transibit alio. Ut agens de Curio sitate,
quam Octij filia nominamus, ubi ostenderit Curiosos non
solum tempus contertere sed etiam discordias ferere; sub-
iunget, sibi etiam odium comparare solitos; et, cum maxi-
me soleant esse delatores; in uarias plerumque calamita-
tes incidere.

Adhibebit interdum repetitionem hoc modo. Christiani,
Christi membra fugimus, Christiani iniustas ulciscimur,
Christiani aciem Christi deserimus.

Adhibebit uocabula propria, quae rem plane significant.

Cum in temperato dicendi Genere
Cum in grandi, ac sublimi orationis Genere

Verfatur, utatur ijs dicendi
formis, de quibus mox in
fra, T. V.

In tota Oratione decorum seruet. De quo paulo post, X.

Cum in ten-
nui, ac subti-
li genere ora-
tionis uersa-
tur.

P. Apposite di-
cet Orator, si
formas, ac fi-
guras est uer-
borum, tum
sententiarum,
rebus, de qui-
bus agit, ac-
commodaue-
rit, ita ut

1. Illustri explanatione, et sub aspectum subiectione, hoc modo. Considerate fratres, intuemini imaginem orbis terræ, maior pars, impia Mahumeti tyrannidi oppressa est. In ijs, qui Christum agnoscunt Deum, quot monstra opinionum, quot portentosa hæresum, quam varij, et pestiferi errores, multorum mentes infecerunt? Nos, qui sanctam matrem Ecclesiam sequimur, et in fide non erramus, nostram fidem operibus non confirmamus, nec fides, nec sinceritas apud nos reperitur.
2. Tragica rerum expositione. Vt de amissa Insula Cypro ita exponet. Affur immanissimus Turcarum Tyrannus, virga furoris, et baculus iræ Domini, ita, eo permittente, percussit nos, regnat, et in dies crescit impietas, triumphat dira crudelitas, Regnum nobilissimum in Tyranni potestatem redactum est, sanctissima Tempia vastata, qui Reip. Venetæ nomine regebant, primarij etiam Regni ipsius viri miserabiliter obtruncati, violatæ uirgines, igne et flamma decor extinctus Cimitaris, cæsi innumerabiles homines, multi etiam captivi ut haberent, unde Christiani hominis hostes insultarent, Byzantium sunt perducti.
3. Morum, et uitæ imitatione. Vt ulciscere illatas injurias, occide inimicum tuum, filios tuos hæredes huius intestini odij relinque, imminue patrimonium tuum, dita prætorios ministros, et ultorem omnium iniuriarum accerimur omnes prædicent, considerabis deinde eum recte feceris.
4. Rebus, quæ sensu, et uita carent, sensum et motum adiungat; ut, superuacua neq. nectis, sumptuosa conuiuia, testantur uos non egere, uos non diligere pauperes, quippe qui eis sua subtrahitis, ut erapulemini.
5. Quæ rem attingunt, cum ea coniungat; ut quid agunt quidam ex uobis? inurgitant, non concoquant, eis pituita molesta est, oriuntur febres, immaturo tempore senescunt, decidit memoria, libidine tunciantur, minuunt patrimonium, miseri in hac uita ad mortem perpetuam festinant.
6. Utatur Anthiteticis, ut docens spiritualis uitæ commoda, et sanctis oblationes, dicat, voluptates corporis debilitant corpus; gaudia spiritus uim animi augent; illæ penitentiam, hæc lætitiā, illæ infamiam, hæc laudem coram Deo, et hominibus parant.
7. Periphrasi, hoc modo. Ille, qui eos, quos solet euchere, maxime decipit, qui nitia, uirtutis specie plerumq. extollit, qui eos, a quibus magis diligitur, sapius fallit, probitatis, et innocentie irrisor, a quo nemo tandem interdum non est deceptus, dissimulationis, adulationis magister, honorum et diuitiarum admirator, imperarum uoluptatum minister, et callidus Sophista, et bonorum etiam ingeniorum corruptor, ille est, quem amatis, quem creditis mundum esse? Mundus est is, quem uobis descripsi.
8. Paronomasia. Hac usus est B. Basilus in eo explicando, destruat horrea mea; habes, inquit, horrea ventres pauperum. Ecce illa B. Ambrosius de B. Virgine. Neq. enim, inquit, comites feminas desiderabat, quæ bonas comites cogitationes habebat.
9. Interrogatione. Vt cogitatis interdum fratres, Vos esse homines ad imaginem Dei factos? cogitatis sanguine domini nostri Iesu Christi uos esse redemptos? cogitatis quid pro uobis in sanctissimo baptismatis sacramento sponsores uestri polliciti sunt? certe rerum omnium, quas commemorauimus, uos oblitus quispiam posset iudicare, cum sic uiuatis, ut neq. dignitatem honoris, nec beneuolentiam, quæ a Deo accipitis, recordari uideamini.
10. Percussatione. Vt num putatis aliquem esse, qui crucem suam non ferat? mihi

I.
Cum in
tempera-
to gene-
re oratio
nis uersa
tur Eccle-
siasticus
Orator,
utata.

- mihi credite, et Reges, et Principes, et omnium generum homines fecerunt crucem suam; maiorem illi, quos feliciores putatis.
11. Auerfione hoc modo ad auditores. Accepistis a me, fratres, quæ sit uoluntas Dei, quid sanctum Euangelium doceat; Reliquum est, ut ne frustra uos sermone meo interfuisse uideamini, operibus ostendatis.
12. Dubitatione. Ut surdis canam fabulam nec ne, uehementer dubito; quod quidem mihi maxime molestum esset.
13. Correctione. Ut multi ita se diligunt, aut potius se non diligunt, ut adulationibus delectentur, monitores odio habeant.
14. Paululum immutato verbo. Ut Veroux non in eodem modo dicere poterit; Veronam dictam esse, ut esset uere una in Christo, in sancta Ecclesia, et omnes amore inter se essent coniuncti.
15. Descriptione. Describere autem poterit pestem ad commouendum diuites, ad subueniendum pauperibusque, ita etiam sterilitatem excitans ad elemosynam, et ad penitentiam.

Moneat V. C. Vbi Euangelij, aut Epistolæ partem explicauerit, tamquam potestatem habens, monebit Auditores, se eorum peccata commemorasse, ut cum illis communem calamitatem lugeret, et luctus ille interior penitentiam salutarem pareret. Et dicat, non ut confundam uos hæc dico, sed ut filios charissimos moneo.

Obsecreret. Ve obsecro uos, charissimi filij, quos D. N. Iesus Christus meæ fidei credidit, quos uita chariores habeo; quibus iter ueræ Beatitudinis ostendere in primis studeo; obsecro inquam uos, ut uobis ipsi attendatis, cogitetis, qui sitis, sub cuius uexillo militetis.

Execretur. Ut exterminentur, qui occidunt homines, qui contaminant sanctum matrimonium, qui opprimunt pupillum, et uiduam.

Contemnat. Ut ubi uitia acriter reprehenderit, dicat interdum se omnia temnere, ut animas lucretur Christo his uerbis. Me miserum si uos omnes me laudaueritis, si peccata uestra dissimulaui, si meæ indulgentiæ deteriores euaseritis, laudationes uestras, omnia commoda, omnes honores nihili facio, ut uos Christo lucrificiam.

Detestetur peruersos Christianæ Reip. mores, præsertim illa uitia, quibus populus, cui præest, est deditus.

Horrorem incutiat; et nominare poterit nomen Oppidi, et Ciuitatis, in qua sermone monem habebit, et horrorem incutere, dicens; euerfarum eos dominum, nisi resipiscant.

Insulset impijs, hoc modo. Quid miseri de patria exules nunquam cogitatis? sic uiuitis tamquam nunquam ad aliam uitam migraturi? Dei filij adoptiui; fratres Christi, participes æternæ Beatitudinis uos ipsi non agnoscitis? cogitationes, et curas uestras omnes ponitis in rebus abiectis, atque terrenis.

Incipet hoc modo. Vbi sunt, qui corrumpunt hoc Oppidum? Vbi reperiuntur inimicitiarum, et calamitatum huius Ciuitatis ministri? iam mortui sunt, aut miserrime uiuunt; nolite peruersos illorum mores imitari, ne eiusdem calamitatis miseriæ participes efficiamini.

Glorie-

V.
In grandi, ac sublimi orationis genere debet Ecclesiasticus Orator

uarijmo
dis audi-
tores affi-
cere, ita
ut inter-
dum.

Glorietur eo die, quo Auditores sanctissimum Eucharistiae sacramentum sumpserunt; dicat. Exeat nunc perennis animarum nostrarum hostis, exeat amidissimus perditionis nostrae Sathanas, et cum Christo, cuius sanctissimum corpus sumpsimus, cui per fidem maxime iuncti sumus, congregiatur. Vincemus, charissimi filij, quia Imperator noster Christus semper regnat, semper uiuic. Lamentetur hoc modo. Quid me miserum laboribus, uigilijs, praedicationibus, quid meis precibus ad Deum, quid mea paterna pietate sum consecutus? cum me hortante, me rogante, me obsecrante, peruersa haec saluandi consuetudo; haec perniciofa demonum ars, qua animae irretiuntur, non tollitur.

Minetur res, quae imminet, quarum memoria molestissima est. Ut nisi respiciamus, nisi ad penitentiam conuertamur, sumpturum Dominum penas de peccatis nostris, affirmo uobis, ita eius exigente iustitia, terramotu, fluuioium inundatione, bello, fame, peste puniturum populum.

Terreat. Ut si incommoda belli, penuriae, pestis, et maxime diuiniae indignationis effectus ante oculos ponat. V. C. Non colligitis messes, Fratres; Filij uestri uobis immatura morte praeripiuntur, uarijs calamitatibus opprimimini; quia Deum non agnoscitis, quia cum blasphematis, quia decimas fraudatis.

Exclamet interdum; O tempora, o mores, o prauas consuetudines, o peruersa hominum ingenia, o miserum saeculum, o calamitosam Rempublicam Christianam. Adhibebit tamen modum in exclamationibus, illasque post reprehensionem uitiorum, praefertim publicorum collocabit.

Optet interdum sic. Utinam sciperes, utinam intelligeres, utinam nouissima prouideres, utinam tibi attenderes, utinam Dei uoces audires.

Interrogatione utatur, quae premat, et urgeat. Ut num Christiani dicuntur, qui iniurias remittere indignum putant? Num qui uiuunt sunt primitiui Ecclesiae Christianis similes? Num imitami uos auiorum, et auiorum uestrorum religionem, frugalitatem, et modestiam? si nobilitatis, si bonorum externorum haeredes fuistis, estote etiam religionis, et liberalitatis Christianae.

Communicet cum Auditore sententiam suam hoc modo. Laudandi sunt filij, qui parentes deserunt, laudandi Patres, qui prouocant filios suos ad iracundiam, laudandae uxores superbiae, quae tyrannidem exercent in uiros, laudandi uiri, qui fugiunt uxores suas tamquam pestem, uos ipsi indicate. haec flens dico, hac dicendi moderatione utar, ne uos confundam.

Ironice loquatur, raro tamen; nam ab omni fuci suspitione abesse debet. Hoc modo. Hi sunt fideles Christi, hic est populus Dei, hi auditores optimorum concionatorum.

Liberam uocem proferat, raro tamen. Verbi causa. Quid potui facere, fratres, et non feci? nunquam per multum tempus a uobis discessi? Vobis, quantum potui, opem tuli, paterno uos amore dilexi: pro quibus rebus, quas gratias mihi habetis, fratres? nihil profuit mea diligentia, obfuit potius quibusdam qui me monitorem ferre non possunt, et ueluti Phrenetici, animarum suarum medicum auersantur.

Si neminem nominauerit, nec indicauerit, sed dilectio
ne Dei, et amore proximi se commotum ostenderit.
Affecta (affectum di-
cimus) quasi sa-
guinem oratio-
nis) erit autem af-
fectus, cum aliquid agendum est, et popu-
lus ad eo adueniunt uideatur.
Si usus (Submisso genere orationis, cum docet.
Temperato, cum laudat.
Sublimi, cum aliquid agendum est, et popu-
lus ad eo adueniunt uideatur.)
In hac necessa-
rium est, ut (In sacris litteris uersatum.
A Spiritu sancto edoctum.
Orator Ec-
clesiasticus (Sanctis moribus ornatum.
Ad dicendi munus uocatum,
ostendat se

Legendus B. Paulus, qui celestem loquendi formam in suis
Epistolis expressit.
Observatio-
ne (Græco- (Nazianzeni, Basilij,
rum (Chrysostomi, Nyseni,
Legenda scri-
pta sancto-
rum Patrum (Latino (Augustini, Ambrosij,
Hieronymi, Gregorij Pontificis,
Leonis, Bernardi.
Imitatione,
ideo Cle-
ricis in pri-
mis (Colligendi pulcherrimi quidam
loci ex commentarijs in
(Psalms.
Euangelistas.
Epistolas Pauli.

Vt Ecclesia-
sticus Orator
decorum ser-
uet, has leges
sibi prescri-
bat.
Vt nunquam falsum dicat, etiam si speret posse Auditores ad penitentiam
conuerti.
Ne aduleatur Auditoribus.
Vt si interdum laudat, uituperet etiam.
Vt nunquam de predestinatione loquatur, quin subdat liberum esse homi-
nis arbitrium.
Nunquam de peruersis quorundam Sacerdotum moribus dicat, quin de Sa-
cerdotij auctoritate prius multa dixerit.
Nunquam matrimonium ita laudet, ut uirginitatem ei non præferat.
Ne se ipse iactet, aut sua prædicet.
Ne in Sacerdotes, in ordinem Episcoporum, in Principes, multo minus in
Pontificem Maximum dicere audeat.
Si iudicium, quod condimentum Orationis, et actionum omnium humana-
rum est, in dicendo adhibuerit.
Si ea uerba, quæ S. Hieronymus de quodam Concionatore dixit, ad se per-
tinerè maxime existimauerit. Ne ad illius (inquam) imperiti medici, uno
collyrio omnes uult curare, sed per singulas Ecclesias uulceribus medetur
illatis. Orator enim Ecclesiasticus debet diligenter inquirere mores, et
præcipua uitia illius Cibitels ubi sermones habiturus est, et ad ea ser-
mones suos accommodare.

Q. Ordo

(Primo loco exordii, quod debet esse. Verendum. Graue, Breue, Interdum ex abrupto.) Est autem institutum ex ordine, ut Auditores efficiantur.

Ordo est dispositio, et conuenientia partium, pulchritudo rerum, ac ueluti anima; sine quo nihil pulchre dici potest. Vt autem ordinate dicat, Oportet, ut cum opus est, uti his oibus orationis partibus, collocetur.

Secundo dispositio, hanc autem debet esse.

Digredi sepe debet Eccelesiasticus Orator. Hi autem precipui digressio num loci esse poterunt.

Dociles; quod consequetur Orator, si ordine se dicatur, et argutas questionibus omisurum pollicebitur.

Attenti, quod efficiet, si dixerit se de salute animarum sermonem habiturum; et non quod ipse Deus, aut Dei seruus diuino spiritui afflatus litteris consignauerunt in medium allaturum.

Beneuoli; quod prestabit, si neque inanis gloriæ cupiditate, neque auaritiæ, sed zelo Dei, et studio salutis animarum, munus dicendi se suscepisse affirmabit.

Vna, hoc est ad unam propositionem reducta; ut explicetur Euangelium in solennitate omnium Sanctorum, proponat sibi dicere; quæ sit beatitudo; et explicet primum quid non sit Beatitudo; deinde quæ sit huius nostre Peregrinationis beatitudo, tum singulas, quas ibi Domini nostri enumerat poterit explicare. Catholica; quæ est sanctæ matris Ecclesiæ enunciatio, eaq. ueritate, et consensu Patrum dignoscitur.

Popularis, hoc est ad populorum captum accommodata.

Contra peruersos mores spectulorum.

Contra choros Sathanæ, libidinum magistros, horum temporum insulas Comœdias.

Belli tempore de iustissima ira Dei, de falsæ pacis incommodis. In charitate annonæ propter peccata dicat res aduersas euenire. De peccatis linguæ digrediat sepe; linguam esse iniquitum malum, et uenenum mortiferum, esse ueluti ignem, qui inter omnia elementa maxime destruit, linguæ destructas esse domos, et ciuitates.

Blasphemos dicat esse monstra hominum, portenta Ciuitatum, ciues Inferni, canibus Iudæis, Hæreticis periores.

Periuros esse perturbatores humanæ societatis, iustitiæ corruptores, iurgiorum, et inimicitiarum ministros, Sacerdotes Sathanæ.

Detractores reprehendet, serpentinam linguam detractiōni assuetam merito appellabit.

Detractoribus minime credendum esse; et uerbis S. Hieronymi utens, dicat, nihil tam inquietare animam, et mentem leuē, et mobilem facere, quam facile detractoribus credere.

Dicit adulatores esse falsos amicos, pestem humanæ societatis, uenenum

venenum dulce incantis hominibus propinare consuevisse : lac esse cibum puerorum ; puerile esse cantilena suarum laudum , et adulationibus decipi .

Dicat mendaces esse filios Diaboli, desertores milites Christi, infames homines.

Reprehendet feminatores zizaniarum, et dicet Dominum detestatum esse huiusmodi homines, ut Salomon scribit.

Addet litigatores esse imitatores Dæmonum, et odiosos homi-
nibus.

laetantes sua; esse Gallinæ similes; quæ ubi ouum emisit, clamat, donec significet esse factum; quod ei statim adimitur; ita subripere Sathanas solitum bona, quæ fecerimus.

Vitam Christianorum non initio, sed fine iudicari exemplo Iudæ, et sancti Pauli.

Perfectam sapientiam esse fugere vel minima peccata.

Hanc uitam esse exilium.

Magnam apud Deum libertatem esse, non servire peccatis.

Symmetram nobilitatem clarum esse virtutibus.

De celesti patria cogitandum 220b

Eleemosynas praeiudicandas multorum generum.

Remittendas iniriás.

Docendos, et consolandos, qui doctrina, et consolatione egent.

Denique ad has, et huiusmodi Digressiones faciendas, magnam

Ecclesiastico Oratori copiam suppeditabant libri de virtutibus, et vitijs; præsertim ille, quem scripsit Gulielmus Peraldus Episcopus Lugdunensis.

Tertio loco Diviso, quæ veluti instrumentum propositioni servit. De qua paulo post, Z.

Quarto, Confirmatio . De qua pauca dicuntur .

Quinto lo- Aut summa totius sermonis, aut præcipua capita sunt repetenda.
co Epilo- Aut aliquid de Beatitudine, de æternis supplicijs est dicendum.
gum in- Aut cum lachrymis ad Deum sermo est convertendus, quod ta-
quo in- quæ men non sepe, nec longa oratione faciendum est. nihil enim
quæ in- citius crescit lachryma.

Alia, quæ magis propriè dici potest Enumeratio, ut est illa apud Salomonem in principio Ecclesiastes.

L

Divisio. Cu
 ius diversæ
 sunt species.

Alia est distinctio vocis, quæ divisio est
 generis eiusdem per oppositas differen
 tias, Ut cum dicimus Christianorum.

Quosdam esse Catholicos.
Quosdam non Catholicos.

1. **Litteralis**, qui historicus etiam dicitur, quoniam tamen factorum explicat.

2. **Moralis**, qui ad uitae emendationem mysticos sensus accommodat.

3. **Allegoricus**, qui rerum gestarum narrationem, sicut rorum umbram praetulisse demonstrat.

4. **Anagogicus**, qui ad sacratiora celestium figurarum praecepta perducit.

Historicam intelligentiam docet.

Ad investigandos reconditos, penitusque abstrusos diuinarum litterarum mysticos sensus, uiam demonstrat.

Primum iaciatur doctrinae fundamentum; quid sibi uelint uerba sacrae scripturae, explicatur.

Deinde, ut mores animi auditoris excitentur, quod sanctos Patres fecisse, licet animaduertere.

5. **Necessitas**, quae oritur, cum uerba uidentur.

6. **Allegoria**, quae uerba uidentur.

7. **Veilitas**, cum uerba per se sumpta nullam utilitatem uidentur asferre, ut historia Iacob, qui deceptus a focero Laban, Liam in matrimonium accepit, existimans se potius Rachele, pro qua longo tempore seruierat. Licet igitur Liam interpretari Philosophiam de moribus, Rachelem, Philosophiam contemplantem, hoc est Theologiam, quam nemo recte percipit, nisi qui bonis moribus sit praeditus.

8. **Falsitatem** per se ferre. Ut illud, Superaspidem, et basiliscum ambulabis, et concubabis leonem, et draconem, quod per allegoriam referendum est, ad uictoriam, quam retulit Christus de mundo, diabolo, peccato, et morte.

9. **In sensu Grammatico** sumpta absurditatem parere, ut cum Deo penitentia, ignorantia, furor tribuitur.

10. **Pugnare** cum sancta doctrina, uel bonis moribus, ut cum oculis eliciendum praecipit Dominus, fugiendos propinquos, et huiusmodi.

11. **Elementarium**.

12. **Propheticum**, a quo debet Orator abstinere.

- R. Memoria Ecclesiastici Oratoris (Conferuatur, et augeatur exercitatione. Incredibiliter ordine crescit. Stylo adiunatur.)
- S. Dignitas uero Ecclesiastici Oratoris consistit in moderatione (Vultus. Vocis. Habitus.)

FINIS.

P. Galestinus Protonotarius Apostolicus pro Illustris. Cardinale Borromaeo, & pro Reuerendo P. Inquirente.

14

PRAELECTIONES TRES

AB AVGVSTINO VALERIO,

EPISCOPO VERONAE,

*quibus omnis rhetorica ecclesiastica explicanda
ratio traditur.*



GRAVECTIONES TREB

AN AVGVSTINO VALERIO,

EPISCOPO VERONAE,

quodam eximio et doctissimo viro
ratio innotuit.



FINIS

ACOLYTHIS CATHEDRALIS

Ecclesiæ, et Clericis tum Seminarij, tū totius
diœcæsis Veronensis,

Ioannes Baptista Possuinus iunior.

S. P. D.



HETORICA Ecclesiastica, quam Augustinus Valerius, cōmunis omnium nostrum Episcopus et pater, iubente CAROLO CARDINALE BORROMEO scripsit, tandem aliquando maximo Dei beneficio in lucem uenit. Faxit Deus opt. max. bonarum rerum omnium et egregij huius operis primus ac præcipuus auctor, fratres carissimi, ut paternum hoc pastoris nostri munus, grato ut debemus, animo excipiamus: et pulcherrima quæ non modo publicis et priuatis adhortationibus, sed et scriptis etiam nobis tradit præcepta, quanta possumus diligentia, ad usum reuocemus: et summam eius erga nos omnes beneuolentiam agnoscamus; qui (ut omnes probe nostis) post delatam sibi episcopalis oneris dignitatem, maxima animi sollicitudine in id semper incubuit, ut nobis omnibus, qui in ipsis adhuc Ecclesiæ sanctæ (ut ita dicā) foribus sumus, studiisq. nostris, meliori qua posset ratione consuleret: quod ut aliquo pacto consequeretur, nullis parcens laboribus, inter tot, tantasq. muneris sui occupationes, non exiguū hoc de dicendi ratione opus conscripsit: neque modo conscripsit, sed quo filiorum suorum utilitati copiosius satisfaceret; auctor interpretis personam induens, tribus pulcherrimis, atque admodum fructuosis ad uos habitis prælectionibus seipsum exposuit; quas quod audire non potuerim, cum nondum Veronæ essem, uehementer doleo: uenerunt tamen superioribus diebus, antequam uniuersum hoc opus esset impressum, ad manus meas; quas etsi ipsemet qui eas habuit, minime conscripserit, fuerunt tamen eo prælegente, auditorum scriptis diligenter exceptæ; eas maxima sane cū utilitate et animi mei uoluptate perlegi: in qui-

bus, præter Latinæ linguæ elegantiam (cum præsertim ex tempore loqueretur) sententiarum gravitatem, et variam doctrinæ suppellectilem admiratus cum insignes ex iis utilitates percipi posse animaduertissem; episcopum, (qui nos omnes paterno quodam amore complectitur) pluribus uerbis rogavi, ut (nequid hac in re desiderari posse uideretur) eas edi permitteret; ex quibus et libri huius utilitatem eximiam, atque necessitatem, et auctoris scopum ac methodum; quos etiam eius interpretes, et auditores mores deceant, aliaque quamplurima scitu dignissima, facile percipiamus: quod magno equidem labore ab eodem impetraui. Accipite igitur (fratres amantissimi) fructuosissima hæc totius huius diuinæ potius quam humanæ facultatis prolegomena, uobis a patre uestro et eiusdem operis auctore accurate explicata; eaq. frequenter et studiose perlegite; iis ut, aliquando librum hunc interpretaturi (spero autem, fore non paucos e tanta clericorum copia, qui id breui possint pro dignitate præstare) uestra cum laude, et audientium fructu uti possitis. Valete.

PRAELECTIO PRIMA.



INDE magna oritur perturbatio, et confusio, charissimi filij, quod non intelligant homines, ad quid potissimum sint nati, et quo eorum studia sint referenda: inde etiam fit, ut eam sacerdotum copiam non habeamus, quam optaremus; et qua maxime hac Ecclesia indigeret; idcirco non desino pro mea paterna erga vos charitate, ac pro meo officio, vos saepe hortari, ut vos ipsi cognoscatis finem uestrorum studiorum, et ueststrarum actionum; cogitatis saepe vos Ecclesia sumptibus ali, ut ad nobilissimum sacerdotij gradum ascendatis, ut ministri Dei, mediatores inter populum et Deum sitis, atque etiam (quod vehementer opto) coadiutores mei in animarum, quas Dominus noster IESVS CHRISTVS fidei meae tradidit cura; quod ut consequi possitis, in iis studiis vobis assuescendum est, ista aetate, qua maxime sacerdotes decent, nimirum ut oretis, sanctis orationibus delectemini, quando celebrare per aetatem vobis non liceat, sanctissimo sacrificio Missae singulis diebus maxima deuotione et attentione intersitis; et cum nondum ad illam aetatem perueneritis, neque illum gradum in Ecclesia teneatis, ut sitis idonei ad docendum, adolescentiam uestram cognitione literarum, doctrina in primis Ecclesiastica ornetis. et quoniam (charissimi filij) quamuis doctrinarum, et omnium bonorum magister sit spiritus sanctus, ad excitandam tamen humilitatem nostram, requirit saepe Dominus non solum preces, qua quidem multum conferunt, et uita innocentiam, sed etiam studium, et diligentiam, quibus disciplina comparantur, hac in re nolite vobis deesse; ego certe quantum in me fuit, nunquam desui: non desunt etiam fratres mei Canonici qui adsunt, qui cohortationibus multis, vos ad studia et ad omnes uirtutes solent impellere cum autem usu ueniat, ut Sacerdos quod ipse didicerit, ad gloriam Dei communicet cum ceteris, eos hortando, aut docendo, aut consolando; idcirco in ea parte Theologiae, quam eius succum possumus dicere, qua summis quibusdam continetur, nos uersari oportere intelligo; in qua ut facilius, et maiore cum fructu possitis proficere, et scholasticam doctrinam, quam expultricem errorum, et catholicae ueritatis fidelissimam ministram nominamus (quantum ad uestrum officium pertinebit)

nebit) teneatis, in sumus etiam ut in logicis uersaremini. uerum cum nō sacerdotes modo, sed etiam parochi (ut spero) futuri sitis, quorum precipuum est munus docere populum; hoc etiam in docendi munere estis erudiendi; precepta huius artis, quam Ecclesiasticam Rhetoricam nominamus, uobis tradenda sunt. qua in re non mihi esse recusandum laborem presandi aliquid ad utilitatem studiorum uestrorum indicari; cum nehelementer cupiam (ut saepe iam dixi) nos esse optimos et doctissimos, ueros angelos Dei, ueros internuntios populi ad Deum, et dignos bonorum sacerdotum, qui ante nos in hac Ecclesia fuerunt, successores. Quid igitur agam, ut uestris studiis consulam? proponam haec capita explicanda, et munere magistri multis iam annis intermisso fungar; non magna quaedam, sed tamen utilia, et uestris studiis (ut opinor) accommodata persequar. Explicabo primum quid sibi uelit illa inscriptio, Ecclesiastica Rhetorica ad clericos: secundo loco, quis fuerit scopus in hoc opere; tertio de utilitate; quinto quis fuerit auctor operis; sexto de interprete; septimo de legitimo auditore; octauo qua ratione haec precepta sint ad usum reuocanda indicabo: qua autem proposui, explicabo breuius et dilucidius quam potero, et tribus tantum pralectionibus; aliis enim, et grauioribus occupationibus impediō. Itaque primum caput aggrediamur, quod pertinet ad inscriptionem. Quia homo ab aliis animalibus, ratione, et sermone differt; ut sermone quo differt ab aliis animalibus, aliis etiam hominibus excelleret, eosque inuaret; Rhetoricam artem inuentam legimus, quam docti homines descripserunt, artem bene dicendi, esse collocandam in genere artium sermocinalium, et earum, qua proprium semper finem non consequuntur. non enim semper persuadet orator, et quamuis non persuadeat, boni oratoris nomen non amittit. esse inquam Rhetoricam artem sermocinalem, comperietis in illa tabella, quam uobis proponimus, et quam uobis memoria commendandam putamus. continet enim omnes scientias, et omnes artes, et qua ratione inter se quasi quadā affinitate coniunctae quaedam sint, qua ratione etiam distinguantur; hanc nemo uestrum non commendat memoria. afferet enim hac distinctio artium et scientiarum uobis non minimas utilitates, in omni uita; et ad doctrinae existimationem, qua si cum humilitate coniuncta sit, non est negligenda, non minimum conferet. Rhetoricam distinxit Plato magnus sane philoso-

philosophus; alteram in Phaedro nominauit philosophicam, cuius præceptis, mortales ad bonum perducerentur, eamque miris laudibus effert; alteram in Gorgia dixit uilem, abiectam, et adulatoriam, qua, lenociniis quibusdam, populi allicerentur, ac deciperentur; quo loco idẽ Plato quatuor enumerat artes, duas ad animum, et duas ad corpus pertinentes. Præceptorum copiam, quibus animus conseruatur, appellat artem siue facultatem legalem quamuis proprie scientia appellari possit; iudiciariam uero, appellat facultatem, qua animus corrigitur. idem scribit, corpus conseruari arte gymnastica, qua constat exercitationibus moderatis, et opportunis; medicina sanari, cuius tria sunt instrumenta (ut omnes sciunt) diæta, pharmacia, et chirurgia, tutius autẽ instrumentum est diæta, hoc est ratio uictus. Hac distinctione posita, uir admirabili ingenio præditus facit quatuor artes adulatorias, abiectas, et uiles; quatuor (quas nominauit) simulantes, et affectantes. Sophisticam, affectantem, legalem, affectant enim sophista; et aucupantur famam sapientiæ cum ab ea longissime absint, et quos ueniantur adolescentes (ut idem ait Plato) diuites in primis, maxime solent, corrumpere; nominat oratoriam affectantem iudiciariam; patres enim patriæ haberi uoluerunt oratores, et cum sæpe propria gloriæ studerent, seditiones maximas concitauerunt, et respublicas euerterunt, quam rem non est necesse pluribus exemplis confirmare: nominat fucatoriam quandam artem simulantem gymnasticam, qua nonnulli seipsos, et alios decipientes, coloribus et fucis quibusdam, imbecillitatem corporis, aut etiam morbos tegunt, et robustiores se esse iactant, quam sint, quod imprimis faminarum uitium est, quæ ridiculo, et miserabili quodam conatu pulchriores student haberi, quam sint, propriam faciem plerumque sedantes, et sibi ipsis, et ualitudini parum consulentes. quarta erat ars nilis, abiecta, et adulatoria, quæ simulabat medicinam; ars coquinaria, palato tanquam regi seruiens, et corpora plerumque debilitans et corrumpens. qua distinctione, Socrates, Rhetoricam facultatem, analogiam et proportionem quandam habere cum coquinaria per irrisum dicit; quanquam (ut uere dicamus) ridentem dicere uerum. quid netuis? Cicero, qui maximam in dicendo laudem est consecutus, ita hac de re iudicauit, Socratem in irridendis oratoribus, oratorem summũ apparuisse. Nos hac missa facientes, Rhetoricam non adulatoriam, uilem, et abiectam qua, seditiones concitantur, nec philosophicam tantum

tum, qua ad bonum philosophis cognitum, homines perducerentur, hoc est ad morales virtutes, sed Ecclesiasticam, qua ad beatam et aeternam vitam populus erudiretur, qua, regnum Dei augetur, sanctissima sathana tyrannis minueretur, et sancta Ecclesia ornaretur, tradimus. Illud nomen, ecclesiastica, additum est, ut intelligatur, nihil contineri in hac arte, quod magistra veritatis Ecclesia non probet, non doceat, quod in sanctis literis, aut in sanctis doctoribus non reperiatur, aut saltem per similitudinem quandam, ad interpretationem sacrorum librorum, aut ad sententias patrum non possit referri. neque meo iudicio quonquam debebit offendere, quod nomine Rhetorice utamur, cum iam ostenderitis et Platonem, Rhetoricam philosophicam cognovisse, et cum iam explicaverimus, quid eo nomine intelligamus. Aristoteles de syllogismo primum, deinde de variis speciebus syllogismorum, disseruit in logicis: ita nobis liceat huius nobilissimae artis Rhetorica, qua Ecclesiastica dicitur, separatim de syllogismo demonstrativo, qui scientiam pareret, libros duos conscripsit. et quemadmodum nomen Rhetorica non improprie (ut ostendimus) usurpauimus; usi etiam sumus alio nomine minime usitato; loco enim concionatoris, siue doctoris, usi sumus saepe hoc nomine oratoris Ecclesiastici; tum quia nobis non fuit propositum, concionatoribus, uiris in multiplici doctrina uersatis, qui iam multis exercitationibus et laboribus, Ecclesiae Dei profuerunt, et magnam laudem sunt consecuti, precepta tradere; tum maxime, quia accomodauimus pauca hac precepta, quae tradimus, breuibus etiam sermonibus, qui habentur inter missarum solemnias, aut etiam qui habentur in societatibus ad excitandos homines ad pietatem: in quibus tantum qui uersatur, concionatoris praestantissimo nomine, minime dignos putauimus. Ita autem oratorem Ecclesiasticum describimus, non uirum bonum tantum (quemadmodum definiuit Quintilianus) dicendi peritum; sed uirum non solum bonum, et dicendi facultate instructum; uerum etiam sanctis quibusdam moribus uenerabilem, auctoritate, a CHRISTI Vicario, siue ab eius ministris episcopis, sibi concessa, non seipsum sed CHRISTVM praedicantem; et oves CHRISTI, salutari uerbo pascentem; non suam, sed Dei gloriam quarentem; quales, ut uos singuli euadatis, uehementer studeo et opto. Secundum caput erat propositum, ut declaremus scopum huius operis. hic autem est; ut dicendi facultate instructis, mecum saluti huius Veronensis populi; consulatis

salatis. nultis ut apertius quid mihi in hoc opère proposuim est, explicem
 vobis comemoro, quæ sanctissimus Archiepiscopus Braccarensis, in quo-
 dam libello, qui inscribitur Stimulus pastorum, obseruauit: de Ioan-
 ne Baptista scriptum est quod esset uox, in ea significatione qua apud
 Terentium in illa comædia, quæ inscribitur Adelphis, illa uerba uir-
 pantur, quantus quantus es, totus sapientia es. in quo etiam sensu legi-
 mus in fabulis philomelam dictam totam uocem, quam cum uidiſſet lu-
 pus, quia eam magnum quid esse, ex uoce putauerat, ita dixisse fer-
 tur, tu tota uox es, nihil præterea. scopus igitur huius operis (charissi-
 mi filij) non est alius, nisi ut philomela Dei sitis, nihil præterea; uo-
 ces Dei sitis, organa diuinæ bonitatis; et tuba Christi. Et quamuis
 etiam sine his præceptis in nobilissimo concionandi munere, uersari fa-
 cile possitis, a spiritu sancto, qui est uerus magister, edocti, et dicendi
 exercitatione adiuui: utilia tamen uobis fore hæc præcepta putauimus.
 quidquid enim scriptum est in hoc opère, et obseruatione sanctissimo-
 rum hominum et grauissimorum scriptorum, collectum est. Interro-
 gatus B. Dominicus, quæ ratione, pulcherrimas res, quas dicebat, exco-
 gitasset; et ita dicere, ut audientes in admirationem traheret, respon-
 disse fertur; ea se in charitatis libello reperiſſe. Verissimum est (quis
 neget?) optimam magistratam esse charitatem; energiam quandam, et
 quasi uitam orationi asserre. sed tamen (ut B. scribit Bernardus) ut lu-
 cere tantum, est uanum; uita ardere tantum, uideri potest parum, et
 ideo cum charitate coniungendam esse scientiam, et præceptorum co-
 gnitionem, quispiam iure existimauerit. Ad reprimendam hominum
 superbiam, et ad erudiendos nos ad humilitatem, iussit Dominus, ut
 artes et scientiæ labore compararentur. quãobrem labor suscipiendus
 est a uobis alacriter, uobisque est enitendum, ut hæc quæ collegimus præ-
 cepta, ita ad usum renocetis, ut me nunquam meæ industriæ paniteat.
 B. Iob de se ipso loquens dixit; Si fructus terræ absque pecunia comedi;
 quæ uerba explicans sanctissimus Pontifex Gregorius interpretatur, ni-
 hil esse aliud; fructus terræ sine pecunia comedere, quam Ecclesiæ emo-
 lumenta percipere, et prædicationis officium non præstare. Multi fue-
 runt uiri, ingenio et doctrina excellentes, qui, præcepta ad dicendum
 tradiderunt, quorum copia ne obrueremini, et ne uariis exemplis, quæ
 uestra saluti et populorum, nullam, aut minimam utilitatem asser-

rent, uestra studia retardarentur, scriptum est hoc opus. Vos autem moneo, ut caput huius artis, quam Ecclesiasticam Rhetoricam nominamus non patetis (ut Cicero suae Rhetoricae esse putauit) celare artem, sed prestare quae docueritis. Quo loco imprimatis uelim in animis uestris tres pulcherrimas sententias; primam Gregorij Nazianz. quem, nihil, si eius in dicendo nimis consideremus, prohibet, nos appellare christianum Demosthenem; oportet prius mundari, et sic alios mundare; oportet lumen fieri, et sic alios illuminare; sapientem prius fieri, et sic alios facere sapientes; ad Deum accedere; et sic alios ad Deum adducere, sanctificari, et ita sanctificare, manus habere rectas, et sic cadentibus porrigere manum. altera est sententia B. Augustini, quae date operam, ut nunquam in uos possit conuenire; exaudi te ipsum, durissime, immanissime, surdissime doctor; quid mihi lingua aurea, et cor ferreum? cum multo facilius sit loqui, quam prestare quae loquimur. ita se res habet, magis mouent facta quam uerba. et maiore in honore illi habentur, quos cum uidemus, admiramur, quam cum audimus. pulchra etiam sententia est. B. Gregorij; cuius (inquit) uita despicitur, restat ut eius praedicatio contemnatur. Hac ideo a nobis dicta sunt, ut intelligeretis, scopum nostrum fuisse; clericis tantum praecpta tradere, et illis quidem bonis; eorum studiis prodesse, nobis propositum fuisse, ut Ecclesia, et populo christiano consuleremus. Et haec hodierno die satis dicta sint, fortasse etiam plura, quam oportuit, ut a uobis possent memoriae commendari; sed quia tribus praelectionibus omnia, quae proposuimus capita, sunt explicanda, ideo tam multa diximus.

PRAELECTIO BECVNDA.

TERTIVM erat caput, charissimi filij, ut de methodo, qua hoc opus est scriptum, et de diuisione etiam librorum, diceremus aliquid. ita igitur se res habet; omnis pulchritudo, ab ordine proficiscitur; ita ut ordo a Platone appellatus sit anima rerum, et appellari etiam possit anima artium et scientiarum. Declaro, quid sit methodus, nos diligenter attendite; ea enim quae, multo tempore, et non minimo etiam labore collegeram, breuiter, et dilucide (ut spero) nobis, ante oculos ponam, quae, si diligentiam adhibueritis, maximam nobis utilitatem affe-

afferent, non solum ad intelligentiam huius operis, sed ad uariam et multiplicem rerum cognitionem. Itaque methodus sic describatur, quemadmodum descripta fuit a Philopono Aristotelis interprete, uia brevis docendi, cum ratione instituta; ille autem docendi rationem optimam tenet, et uiri (ut ita dicam) methodicus nominari potest, qui adhibet modum docendi, qui adhibet instrumenta accommodata tractandis theorematibus; et qui in scientiis et artibus disponendis, ordinem quendam uniuersalem seruat. Modus docendi, in hoc in primis est positus, ut habeatur ratio rerum et personarum; diuerso enim modo, res traduntur; ut disciplina mathematica, formam solam considerant: naturalis scientia considerat omnes causas, sed in primis materiã, philosophia de moribus, atque etiam artes, maxime per causam finalem traduntur. Quod si quis disciplinas mathematicas docens, ommissa forma, alias causas inuestigaret, ita moralem philosophiam tractans, per alias potius causas, quam per finalem doceret; is non adhiberet modum docendi; is methodum ignoraret. Cum autem diuersa sint genera hominum; et alii moueantur exemplis; alij subtilibus argumentis conuincantur; si quis ad populum (ut nonnulli faciunt) sermonem habens; exquisito, et auscultatorio illo docendi genere uteretur, is sanè careret methodo. Instrumenta autem docendi artes et scientias, sunt quatuor, quod quidem hac ratione comprobari potest: nam aut docemus essentiam rei, aut probamus proprietatem aliquam inesse rei; essentia autem et natura rei explicatur definitione; definitio autem cum ex genere, et differentia constet; genus inuenitur resolutione; differentia diuisione; quamobrem diuisionem et resolutionem, docti uiri dixerunt, seruire definitioni; demonstratione uerò ostenditur, aliquam proprietatem inesse subiecto. Rem illustremus exemplis, è morali philosophia sumptis, ut fiat notior. Virtutem moralem dicimus habitum in mediocritate constitutum; hæc est essentia uirtutis; huius definitionis genus, est habitus; quod quidem genus instrumento resolutionis inuenitur, hoc modo; qui ex uirtute agit, non agit temerè, nec est uarius: uerbi causa, qui uirtute iustitiæ est ornatus, non temerè, exercet iustitiam, neque interdum est iniustus, ex habitu igitur agit. præterea cum prudentia, iustitia, temperantia, et fortitudo, sint uirtutes, et ueluti species; in quo ille consentiunt, illud erit genus; hoc autem est habitus. diui-

sione uerò reperitur differentia, hoc modo: cum habituum animi, alij sint intellectui, alij actui: et actiuorum; alij sint in excessu, alij in defectu, alij in mediocritate positi; uirtus ceritè est habitus, non in excessu, neque in defectu, sunt enim uitia, ut auaritia; et prodigalitas, sed in mediocritate positus, ut liberalitas: sic autem ostenditur hæc proprietas; uerbi causa, uirtutem expetendam esse, quia est bona; quia est amabilis; quod sic ostenditur: omne bonum est expetendum; uirtus est bona, ergo est expetenda. hoc ipsum quod dixi, aliis exemplis illustrare, esset superuacuum; facile esset quàm plurimis. Porro ordo non solum in distinctione rerum, et auditorum, et in questionibus tractandis, sed etiam in disponenda tota arte, et scientia, uersatur. Est autem ordo, dispositio partium inter se, et est quedam relatio; hæc autem est, aut simplicium partium ad magis compositas, aut compositarum ad simplices, aut redactio partium ad unum. Vnde tres oriuntur ordines, resolutiuus, compositiuus, et definitiuus, resolutiuus est aptus ad inueniendum; compositiuus ad docendum, definitiuus ad memoriam. Compositiuo usus est Aristoteles in logicis: tractat enim de summis rerum generibus, hoc est de decem predicamentis, deinde de propositione, tertio de syllogismo, deque eius speciebus, demonstratino, dialectico, et sophistico. eodem usus est in philosophia naturali, incipiens a principiis, et progrediens ad corpora simplicia, deinde ad magis composita, huncq. eundem ordinem licet animaduertere, in tractatione sacra theologie, quam uiri ingenij acumine, et multiplici doctrina præstantes, adhibita methodo, tradiderunt: primus omnium latinorum, Ioannem Damascenum scriptorè grecum imitatus, is qui magister sententiarum est appellatus: agit enim primum de Deo, deque eius attributis, deinde de creaturis, tum de homine, deq. CHRISTO, propter nos homines, et propter nostram salutem, homine facto: ultimo loco de uirtute, deque sacramentis disseris. hunc ordinem compositiuum, natura ordinem etiam, docti homines appellarunt. Resolutiuo usus fuisse Aristoteles, si artem logicam aggressus esset explicare a syllogismo; et si in philosophia naturali, de animalibus, primum egisset, et ultimo loco explicasset principia; aptior est multò hic ordo ad inueniendum, quàm ad docendam. Definitiuus ordo, est cum statim à principio operis proponitur definitio; et nihil aliud tractatur, nisi explicatio ipsius definitionis, quem ordinem adhibuit Galenus in arte medi-

medicinali, et nos conati sumus adhibere, in hac ecclesiastica arte tradenda. Sic enim definimus Rhetoricam ecclesiasticam, esse artem inueniendi, disponendi, et eloquendi, omnia quæ ad salutem animarum pertinent, docendo, mouendo, et conciliando, ut persuadeamus, regnū Dei angeamus, et minuamus tyrannidem sathane. Quorsum hæc dicitis charissimi filij? A nobis ideo hæc, multo iam tempore intermissa, et pene oblita, repetenda iudicauimus; ut ostenderemus hoc, quod uobis proponimus, opus, non prorsus carere methodo. adhibitus est modus docendi, habitatio rerum, de quibus agitur, crassa quadam minerva, ad uestrum captum, præcepta tradita sunt: sunt etiam comprobata exemplis, ex sanctis patribus sumptis, populariter scriptis, hoc est, quibus populus possit instrui. Instrumenta quatuor, de quibus diximus, in toto opere adhibuimus: Diuisione sæpe usi sumus, cum legem distinximus, cum de uariis uirtutibus, et peccatorum generibus, egimus, inuenientes locos communes. instrumento resolutionis adiuti plurimum sumus: definitionibus abundat opus. quid essent singula uirtutes, et peccata, aperuimus: demonstrationibus ab effectis, interdum usi sumus; nam demonstrationes a causa, asserre non fuit necesse, cum præcepta Rhetorica tradamus; uerbi causa, cum probauimus, neminem laedi, nisi a semetipso, quia peccatum tantum est malum; cum ostendimus, humiles esse sapientes, quia seipsi cognoscunt. in tradenda autem tota ecclesiastica hac arte in uniuersum, libuit ordinem definitiuum adhibere, accommodatum ad memoriam; ut iudicarem, tenenda quidem, et memoria mandanda esse præcepta, sed exercitatione, ad usum reuocanda; in iis præceptis discendis, multum temporis minime ponendum, plura esse boni sacerdotis officia præcipuum docere, quod sit non tam præceptis, quam sancta quadam simplicitate, et uita eximpro. Distinximus autem opus in tres libros, grauissimum philosophum, et natura scribam Aristotelem imitati: primo enim, qua ratione auditores docerentur: secundo, qua ratione commouerentur: tertio, qua conciliarentur, aperuimus: ita (ut summus ille uir fecit) nos etiam conati sumus, hoc opus distinguere. Integram autem totius operis diuisionem, in quadam tabella constituemus, ad usum studiorum uestrorum; ut cum præcepta uobis explicabantur, ea non omnino uobis noua uideantur. De utilitate huius operis, dicamus aliquid, ut magis ad diligenter legendos

gendos hos libros excitementi. Astende tibi, et doctrina; infla in illis; hoc enim faciens, et te ipsum saluum facies, et eos, qui te audiunt, scripsit B. Paulus ad Timotheum. Saluum igitur cum faciat seipsum, et alios, qui in ecclesiastico dicendi munere, rite uersatur; facile perspicitur huius artis utilitas, qua praecepta ad bene dicendam, continentur. D. Gregorius, tanto facilius et citius, remitti unicuique peccata, scripsit, quanto diligentius quis, populis munus predicationis praestiterit. Quod de episcopo, sanctissimus episcopus Braccarensis (quem paulo ante nominauimus) scripsit, liceat mihi accommodare etiam ad parochos. Quid est aliud (charissimi filij) aut quid aliud potius esse deberet parochus, quam sol sua parecia? homo totus ignitus, animarum salutis intentus, exemplo semper, uerbo saepissime predicans? ut sitis igitur lucerna ardentes, Ioannes Baptista praecursoris domini imitatores, ecclesiastica Rhetorica cognitio non minimum proderit. quam magnum sis lucrum, uel unam tantum animam lucrari Christo eiusdem saluatoris testimonio confirmari potest; qui de peccatore penitentiam agente, dixit; letitia exultare choros Angelorum, et beatas omnes animas, qua uisione Dei perfruuntur: non unam, aut duas, quod est magnum, ut duximus, sed innumerabiles animas, ciuitates integras, et prouincias, ecclesiastici oratores ad Deum conuerterunt, erroribus multis purgauerunt, ad sanctam religionem traxerunt, legibus, et sanctis institutis seditones et perturbationes uarias sedantes stabilierunt. quod quam acceptum sit Deo, et quam utile, ei qui hoc potest praestare, quini facile intelligis. De utilitate hac satis dicta sint. Plura dixissem, si fuisset necesse; sed quoniam (ut animaduerto) ad hanc facultatem percipiendam, satis uestra sponte, estis incensi; reliqua capita explicemus. Laudantur auctores librorum; ut inde, eorum auditores excitentur, ad eos studiose legendos: idcirco interpretes Aristotelis, cum miris laudibus efferunt, et non immerito summum philosophum, naturae miraculum, et eiusdem ueluti fidelissimum scribam nominant, ut inde homines ad eius studium alliciant: sic fecerunt Platonis, sic Ciceronis, sic etiam scolasticorum, hoc est, magistri sententiarum, B. Thomae interpretes. De huius ecclesiastica Rhetorica auctore, quid dicam? cum reuera, quis fuerit eius auctor, non sit facile statuere, ut paucis, quomodo se res habet, aperiam: nec meum est hoc opus, nec non menia.

Carolus

Carolus Cardinalis Borromaeus, de quo, quia non adest, haec paucula mihi liceat dicere, uir certe, excellenti pietate in Deum praeclusus, et ad praeclarissimum candorem ecclesiae restituendum, his temporibus, a deo ecclesiae datus, is uir, qui nunquam aliud cogitat, quam nobilissimam illam Mediolanensem Ecclesiam ornare, et alios Episcopos, quos omnes, fraterno quodam amore complectitur, ad idem studium, non cessat excitare; ita ut Italicorum Episcoporum stimulus nominari merito possit; is, inquam, animo concepit hanc Rhetoricam Ecclesiasticam, a principio, ut ingenue fatear, me etiam aliquantulum repugnante, et eius sententia contradicente: delineauit opus, laborauit etiam, quantum occupationes meae multiplices concesserunt, aliquot menses. Doctissimus uir, et praestanti iudicio praeclusus, frater Hieronymus Vielmius ord. praed. Episcopus Emonensis, quo etiam doctore, dum Roma, magna sua cum laude, publice sacram Theologiam profiteretur, sum usus, delineato a nobis operi, magnam utilitatem, pro sua multiplici doctrina, et magna in me beneuolentia, afferet: aliqui etiam e patribus societatis Iesu, quam societatem filij, si quis florem ecclesiae, iudicij, et bonarum literarum sanctam quandam academiam nominet, non errabit, inuabunt hoc opus; et homines in sacrarum literarum studio, et sanctorum patrum lectione uersantes, ea praestabunt, in expoliendo hoc opere, quae ipse, uarijs occupationibus distractus, magno etiam labore, praestare minime possem. Curabit etiam Cardinalis amplissimus, Ecclesiastica Rhetorica, ut ita dicam, pater, ut eruditi homines, et in Ecclesiastica eloquentia uersati, quos fouet, quos etiam alit, aliquid laboris, et industriae, ad perficiendum hoc opus conserant. filij, hoc opus cum erit perfectum, si Cardinalis Borromaei opus esse existimabitis; putate eius auctorem esse spiritum sanctum; spiritu enim sancto, ut multa sunt indicia, uir ille Deo ducitur: si meum putabitis, quia illud delineauerim; ex patris nostri industria, et labore, aliquot fructus percipietis: quem enim magis non doceant paterna praecepta, quam aliorum? et quis domestica disciplina non delectetur magis? et haec hodierno die sufficiant.

PRAELECTIO TERTIA.

DICAMUS de interprete ecclesiastica Rhetorica; quod non facimus, ut illum, qui interpretaturus est hos libros, doceamus; non eget

eget enim ipse (ut opinor) meis praeceptis; sed quia spero, fore aliquando, ut vobis futuri sint aliqui, qui hanc eandem ecclesiasticam Rhetoricam, iis, qui succedent acolythis, in uestra schola, et iis qui seminarium admittentur, sint explicaturi. Qui ad munus docendi, deligitur, raro admodum accidit, ut ei desit satis bonum ingenium; et in primis etiam artibus, et in ea potissimum, quam explicaturus est, non sit uersatus: si quis enim, adiumento ingenij caret, quid est, cur alios uelit docere? Regium est (filij) docere. uidetur enim, aliqua ratione, qui docet, dominari, impellere, et trahere animos, quocumque uult. quo loco facere non possum, quin deplem peruersam quorundam opinionem, qui genus hominum admodum utile, contemnunt, atque etiam in inuidiam adducunt; quasi uero cum non turpe, immo honorificum sit discere, non magis honorificum sit docere. sed profecto id accidit, ut qui in docendi munere uersati sint, male audierint, et contemptui haberi ceperint, quia sordide nobilissimam docendi artem exercuerunt: quo magis aliqui pueros docent, etiam in primis grammaticae elementa, eo magis amandi, atque in honore habendi essent, quia misericordiam, nobilissimum uirtutem maxime exercent: sed praeclarum, immo potius sanctum officium docendi, innocenter et sancte exercendum est. Nos autem quid requiramus in interprete ecclesiasticae Rhetoricae, diligenter attendite: Iudicium requirimus, cognitionem in primis, Rhetoricae, Dialecticae, et primarum artium, studium sanctorum patrum, diligentiam, modestiam in disputando, atque etiam humilitatem. Iudicium, doctus uir appellauit succum prudentiae, quod in hoc maxime consistit, ut interpretes non omnia, eundem in locum congerat, ea tantum seligat, quae ad interpretationem loci, qui explicandum suscepit, pertinent; alia in aliud tempus omittat, ut praestanti iudicio uir. Horatius praecepit in sua Poetica. Iudicij sane magna est penuria, hac tempestate, quod quidem, magna ex parte, a superbia proficisci, iure quispiam posset existimare. dum enim non haberi doctissimi uiri; magistri horum temporum timent, inculcant saepe quaestiones difficillimas: nihil aut parum, ad uerba, quae sibi explicanda proposuerunt, pertinentes; ita ut commodissime dici possit, non erat hic locus. Iudicij largitor est, ut caterorum bonorum, dominus: a natura, semina iudicij insunt, in praeclaris quibusdam ingenijs, quaetamen exercitatione, et consuetudine doctorum hominum excoluntur.

Auscul-

Auscultatorio, et exquisito docendi genere non utatur interpret ecclesiastica Rhetorica; breuitati, et perspicuitati studeat; non uir magnus, sed perspicuus interpret haberi cupiat, ingenijs uestris consulat, non famam doctrina aucupetur. Optamus uehementer, ut in pulcherrimis illis libris, quos Aristoteles scripsit ad Theodectem, sit uersatus: ad illius enim grauissimi uiri imitationem, hoc opus studuimus disponere. ex commentariis, qui scripti sunt in eos libros, multa sumere poterit, quae uestris studiis maxime conferent. Grammaticam nutricem omnium artium et scientiarum, non immerito alio loco, appellauimus; et saepe huius aetatis deprauatam consuetudinem deplorauimus, quod quidam sine lacte huius nutricis ueluti infantes ad nobilissimas artes se conferant; quod in publicis etiam gymnasiis accidere facile quispian poterit obseruare. Placebit igitur, ut in explicanda hac Rhetorica ecclesiastica, non solum congrue, sed latine etiam, et (si fieri poterit) elegantia quadam ecclesiastica, interpret sententia explicet. cum autem magna sit affinitas inter Rhetoricam, et Dialecticam; mihi ualde probatur, ut is qui munus Ecclesiastica Rhetorica explicanda suscepit; in dialecticis sit uersatus, hanc imprimis ob causam, ut de uariis argumentorum generibus, de enthymemate, de exemplis, deque locis communibus possit ita differere, ut facile, ea quae dixerit, in animis uestris imprimantur. Optamus ut in sanctorum patrum libris sit uersatus huius Rhetoricae interpret, ad hunc usum, ut praecepta quae tradita sunt in hoc opere, exemplis magis illustrentur, et non solum ut uestris studiis magis possit prodesse, sed etiam ut profit operi (quod etsi non est editum, quia non est perfectum, uobis tamen ita postulantibus, explicari promittimus) illud augeat, atque etiam exornet, et idcirco modestiam et humilitatem in eo etiam requirebamus, quamobrem? dicitis. ob hanc causam, non minus modestiam, quam doctrinam, in Ecclesiastica huius Rhetorica interprete optamus, ne nos erudiamini ad ostentationem; et ne argutiis quibusdam ea, quae diuinitus uobis tradita sunt, iudicii semina, ista uestra aetate corrumpantur. Hanc ob causam S. Greg. Nazianz. in libro de moderatione adhibenda in disputando, tradit quasdam regulas admodum utiles, quibus ad modestiam et humilitatem possitis erudiri, ita enim summus ille uir scribit: non modestum tantum et humilem cum appellamus, qui de seipso parce, et cum paucis loquitur, et infimos humaniter complectitur; sed qui locum dicen-

di libenter illis, ad quos pertinet, relinquit, et se futeat nescire, quod non optime tenet: et paulo post, inquit, se malle esse ignarum, quam cariosum, et stupidum, quam audacem in pronuntiando: quæ verba utinam considerarent illi, qui tanta cum voluptate de omnibus rebus altercantur: utinam etiam considerarent ea, quæ idem vir gravissimus, in primo libro de Theologia scripsit: non esse cuiusvis, neque quovis loco, neque quovis tempore, de rebus divinis differere: quod quidem ante hunc Theologorum eloquentissimum virum, animadvertit etiam Plato, qui in septimo de republica libro prohibuit adolescentes, in utranque partem, artibus quibusdam disputationibus contendere, idque duplici de causa, ne ad ostentationem erudirentur, et ne iudicium corrumpere: quæ cautio, multò magis in sacra Theologia est adhibenda; adolescentibus imprimis, atque etiam illis, qui in scholastica doctrina versantur, nunquam (ut in bene institutis monasteriis, et congregationibus, fieri consuevit) disputationes instituuntur, nisi presentibus iis, qui norint, et possint, disputantes in officio continere, et eorum argumenta solvere. Quamobrem modestum imprimis esse, hoc est, alienum ab omni arrogantia, et ostentatione de seipso, raro et parce loquentem, in disputationibus, gloriam minime captantem, cupimus esse Ecclesiastica Rhetorica interpretem: non tam enim disputationibus, quam dilucida, et brevè quadam explicatione, præcepta Ecclesiastica Rhetoricæ in adolescentium animis sunt imprimenda. Requiro etiam humilitatem; tum quia humilitas est soror sapientiæ; tum maxime ne indignum putet, viro, illis, quæ dixi, adiumentis instructo, librum adhuc minime editum, et nondum perfectum interpretari: quod tamen faciet, si gloriam Dei, et uestrorum studiorum utilitatem (ut pius hominem decet) spectabit. Iam vero septimum sequitur caput, quod erat, ut de legitimo auditore Ecclesiastica Rhetorica diceremus: uel mediocri etiam ingenium sufficit, ut quis hac in arte possit proficere; eius enim præcipuus auctor est Spiritus sanctus, qui ut effugit fictos, et non habitat in anima subdita peccatis, ita bonitatem amat. Bonitatem igitur, quam puritatem nobis liceat nominare, in auditore huius operis requirimus: hoc animo ad audienda hæc præcepta, nos consecratis, ut animas perducatis ad Christum: faciatis primum, quæ aliis facienda proponitis: ideo hæc præcepta edificatis, et mandetis memoria, ut matri uestre, ut Ecclesiæ Veronensi serviasis, ut Episcopum, et patrem

patrem uestrum, aliquando uestra opera adiunetis. quo loco facere non possum, quin seruientia quadam ingenia (ut modestissimo uerbo utar) quae me saepe tristitia afficiunt, alloquar, quae nulla doctrina satiari ista aetate possunt, quae magistros etiam doctos interdum fastidiunt, et Veronensis diœcesis finibus minime contenta, uaganturnimum, et quid cogitant, saepe nesciunt: ingrati et desertores filii, se stulte a matris amplexibus, conantes diuellere; quasi uero multi iuueniri possint patres; et alio in loco facile sit reperire cibum, quo eorum animi pascantur, lacte materno suauiore. Ita se res habet, mihi credite: nec omnibus, Roma parati sunt magni honores; nec sunt etiam expetendi; sequuntur etiam interdum qui eos fugiunt. Quamobrem mundum uestrum putetis Veronam, et Veronensem diœcesim: ideo enim in hac diœcesi nati estis, ideo, tot, et tam magnis laboribus erudimini, ut matrem uestram consolemini, ut patrem uestrum magnis laboribus subleuetis. Diligentia (charissimi filii) est necessaria. Quare commodissime accidit, ut opinor, ut hoc opus non sit editum, ut singulis diebus, eius partem uobis describere, sit necesse: hoc conferet plurimum ad excitandam, atque etiam alendam diligentiam uestram, et fiet fortasse, ut scribendo hac praecepta, memoria uestra magis hæreant. hoc certe est uerissimum, antequam ars imprimendorum librorum esset in usu, non tantus fortasse fuit numerus eorum, qui docti appellari uoluerint; sed ij, qui eo tempore, litteris se tradiderunt, fuerunt longe doctissimi: ita ut, qui proximis annis nixerunt, et magno in honore sunt habiti, cum illis doctrina, minime conferri posse uideantur. Diligentia uestra apparebit in hoc, si non semel hoc opus descripseritis. Quod si demosthenem legimus, ut populum Atheniensem, in quam uellet sententiam, traheret: octies conciones Thucididis descripsisse, quanto magis seruus Dei, minister Ecclesiae, ut animas lucretur CHRISTO, easq. ad caelestem patriam perducatur, Ecclesiasticam Rhetoricam, artem maxime utilem describere, et eius praecepta in animo suo in primere debet? Diligentia etiam laudem assequimini; si uobis singuli, commentarios, memoria causa conscietis; in quos, quae singulis diebus audieritis, congeratis. ut legere, et non intelligere; negligere est; ita audire, et non commendare memoria, et non renocare ad usum quod audieritis, contemere tempus est. scitis, in quo diligentia uestra potissimum sit posita? in hoc, ut saepe interrogetis magistrum uestrum, a dhibita magna modestia;

interrogetis etiam doctos viros, qui in hac Ecclesia non defunt: pulchra enim, et apposite facta interrogatio, et opportuna dubitatio, est inditium diligentia, et ornat uestram aetatem. requiro imprimis humilitatem: non enim uobis quosdam, qui multum proficerent, si se iam profecisse non arbitrantur. ex iis etiam, quibus nos successistis, quibus non deest ingenium, et mediocris etiam cognitio, boni sacerdotum; atque etiam parochi euasissent, si sibi ipsi non defuissent, si nonuissent illud, atque etiam obseruassent: festina lente: itaque inscribatur ante fores huius gymnasii. Puri diligentes, atque humiles tantum ingrediantur. Vltimo loco erat propositum, ut diceremus, qua ratione, Ecclesiastica Rhetorica precepta ad usum essent reuocanda; quod si explicarem, ut res ipsa postulat, quarta etiam pralectio esset necessaria; sed, ut dixi, aliis grauioribus occupationibus impediatur. Non est difficile, precepta uniuscuiusque artis discere, atque etiam memoria mandare; difficile est, illa ad usum reuocare. Precepta Rhetorica, precepta Dialectica, theoremata etiam artis medica, breui tempore, facile percipi possent; ut autem ad usum reuocentur, uix una sufficit aetas. Quamobrem B. Augustinus scriptum reliquit; acria ac seruentia ingenia, exercitatione potius, et imitatione eloquentissimi morum hominum, quam Rhetorum preceptis, ad laudem peruenire consueuissent. quod si quis idem indicauerit; non ideo tamen concludet, non utilem esse, praeclaris ingeniis cognitionem etiam preceptorum, qua ex ea ipsa obseruatione, qua adiunantur, proficiuntur. Hunc in modum reuocabitis ad usum ea precepta, qua de credendis tradita sunt: uerbi causa, explicantes illa uerba saluatoris, dicta Maria Magdalena: Fides tua te saluam fecit; de utilitate credendi, dicetis; fidem non sufficere, ostendetis, operibus esse comprobendam: credendum Deo, quia nunquam fallit, quia est optimus, quia est potentissimus, quia est sapientissimus. poteritis etiam sumere definitionem fidei, qua est posita, ubi de uirtutibus agitur; et inde sumenda propositiones, sumenda etiam argumenta ad dicendum. ita etiam explicantes illam propositionem: Si quis diligit me sermonem meum seruabit; uitam christianam esse regulam amoris ostendetis: omnes calamitates nasci, quia utimur fruendis, et fruimur utendis, ut S. dicebat Augustinus, quia non diligimus, qua diligenda, quia in diligendo peruertimus ordinem: exhibitionem operis, esse indicium amoris: sermones Dei, esse precepta Dei: adhibebitis autem locos,

qui

qui in secundo libro explicati sunt, ad excitandum amorem pertinentes :
deinde utemini illis formis dicendi , de quibus in tertio egimus, monebi-
tis, hortabimini, increpabitis, comminabimini : niterini omni studio,
et diligentia, ut ab amore seculi, populum pertrahatis ad amorem Dei.
Ad uſum reuocabitis præcepta : si in conscribendis sermonibus, quos co-
rum me habere consueuistis, interdum diligentiam adhibueritis : si hanc
legem uobis præscripseritis : nihil uos dicturos, quod cum præceptis huius
artis non consentiat : quod assequemini, si in margine locos citabitis, si an-
tequam in publicum prodeatis, inter uos conferetis quod dicturi estis : ro-
gantes fratres, ut uos corrigant : admittere autem reprehensiones, est præ-
clari ingenij, et bonorum morum inditium. Vobis etiam contigit acoly-
this, ut Patrem Alexium Figliuccium, quem habetis conscientiarum uestra-
rum moderatorem, eundem habituri sitis iudicem et correctorem uestro-
rum sermonum, uirum bonum, et Ecclesiastica eloquentia ornatum, quem
quotidie auditis. Sed quia nimium, hodierno die, sermonem potraxi,
ut absoluerem quæ proposueram : aut, ut capita quæ proposui, attingerem :
finem facio, et uehementer hortor fratres meos Canonicos, qui adsunt, ut
cum ipse uos præsentia iuuare, non saepe, ut optarem, possim : ipsi uos iu-
uent sua præsentia, et suis cohortationibus excitent : quod eos facturos,
pro sua in uos charitate, et pro amore, quo affecti sunt erga hanc com-
munem matrem uestram, et sponsam meam, Veronensem Ecclesiam,
confido.

F I N I S.

C 3

INDEX.

A

A Aron peccauit 14.
A Accidra uitanda 12. Vicioru origo 14
 Actonius ius. 124. Sermo corporis 123.
 de ipsa uide ibidem.
 Accusationis genus 28.
 Adiutorum locus 41.
 Aduersorum locus 40.
 Adulterii uituperatio 94.
 Adulatio quid 13. Ea maxime peccari 13.
 Vbi regnet. 13.
 Affectiones utiliter datz. 69.
 Agricultura quid 178.
 Aloysius Lipomanus. 117.
 Allegoriz exemplum. 140. quid differt a
 typo. 184.
 Allegoricus sensus. 180. Cur inuentus 183
 Ambrosii locum 33. 77. 133. 147. Eius
 sententia de Beata Virgine. 96. Confor-
 matio 136. locus a repugnantibus. 43.
 Amicitiz uerz. 108.
 Amici hortandi ad amorem. 67.
 Amicorum mores. 107.
 Amor malus. 63. 64. Fons affectionu. 62.
 Sui ipsius. 64. Patriz 66. 67.
 Amor diuitiarum. 65.
 Amor proximi. 63.
 Amos prophetz locus. 153.
 Amplificationis utilitas. 27. Vfus 25.
 Amplificatio de Summo Pontifice. 25. Pul-
 chritudo. 25. 26.
 Anagogicus sensus. 180. Eius exépla. 180.
 181.
 Animas lucrandi modus a s. Dominico ad-
 hibitus. 5.
 Anselmus. 74.
 Antecedentia. 49.
 Atinethorum exempla. 145.
 S. Antonius. 175.
 Apostoli magistri. 102. ius Adhibenda fi-
 des. 7.
 Apposite dicere quid 181.
 Apposite dictionis præcepta. 131. 132.
 Argumentum quid. 31. Quo utatur ora-
 tor ecclesiasticus. 31. 32. Aliquis. 32. Ab

audoritate sacrarum litterarum. 48.
 Archæ Noe Symbolum ecclesiæ. 52.
 Aristotelis locus reicitur. 24.
 Aristotelis sententia. 57.
 Auaritia cur uitanda. 10.
 Auari. 79.
 Auctoritas sanctorum Patrum. 45.
 Auerfonis exempla. 147.
 Auerrois sententia. 107.
 Augustini locus de miseria uitæ. 64. senten-
 tia. 127. Hyperbole. 142. Sententia. 182.

B

B Aruc. 85.
 Basilii locus a diffinitione 36. Ab ad-
 inctis. 41. 42. Ius ieiunij. 32. 142. a
 contrariis. 40. de gaudio. 84. simili-
 tudo. 105. 141. conformatio. 335. 136.
 137. 138. allegoria. 140.
 Ba filii locus. 153. 158.
 Beati qui. 3.
 Beatitudines octo. 3.
 Beatitudo ubi sit posita. 4.
 Blasphemia summum peccatum. 27.
 Blasphemi. 173. eorum pæna. 174.

C

C Arulus Quintus 23.
 Castitas quid. 21.
 Catholica præpositio. 77.
 Causarum genera. 5.
 Causa efficiens concionum. 5.
 Causas inuultas descendere pessimum. 14.
 Causarum argumenta. 44. 45.
 Charitatis exemplum D. Dominici. 5.
 Charitas quid. 19. eius laus. 19. animæ uti-
 tutum. 76.
 Christus sequendus. 133.
 Chrysostomi locus II. 87. 170. 173. 182.
 Vituperatio mulieris. Argumentum a si-
 mili. 39. Conformatio 135. 139. Simili-
 tudo. 141. Exordium. 171.
 Clemens Alexandrinus. 56.
 Coaceruationis exemplum. 43.

- C**elestinus Papa. 13.
 Concilii generalibus summa fides adhibenda. 8. 54. 55.
 Concilium Tridentinum. 55.
 Communicationis exemplum. 158.
 Comparationis locus. 47.
 Coniugata. 38.
 Coniugum amor. 66.
 Coniuratores. 14.
 Conclusionis exemplum. 135.
 Conscientia quid. 74.
 Consolatio quid. 86.
 Consolationis exempla in aduersis. 86. 87.
 Consequentium locus. 22.
 Contemptus causa irae. 71.
 Contrariorum locus. 40.
 Contradictoria. 41.
 Credenda quae sunt. 7. 8.
 Curiositas oculi filia. 135.
 Cypriani locus. 17. 79. De traditionibus. 37.
 Metaphora. 140. Antitheta. 45. Sententia. 170.
- D**
- D**aniel. 77.
 Danid homicidâ. Penitentis exemplar. 75. eius testimonio sepe utendû. 50.
 Decimæ. 116.
 Decorum ecclesiæ orationis. 159.
 Decorum leges. 163. 164.
 Definitio Rhetoricæ ecclesiasticæ. 13.
 Definitio quid. 35.
 Definitionis locus. 35.
 Deliberatiui generis præcepta. 6. 7.
 Demonstratiui generis præcepta. 18. 19.
 Loci communes. 28.
 Descriptionis exempla. 150.
 Descriptioes esse demonstratiui generis. 151.
 Detractio inuidiæ forum. 11.
 Peius quam corpus occidere. 11. Maximum peccatum. 27.
 Detestationis exemplum. 153.
 Detractores. 174.
 Deuotio quid. 20.
 Digressionis exemplum. 150.
 Digressionis præcepta, & loci. 173. 174.
175. 176. 177.
 Disputationes de fide cauendæ oratori. 7.
 Dispositionis ordo, & præcepta. 166.
 Discordes. 176.
 Dissimilia. 39.
 Diuisionis exemplum. 133.
 Diuisionis usus. 187.
 S. Dominicus. 5.
 Doctoribus credendum. 8.
 Dubitationis exemplum. 148.
- E**
- E**brietatis exemplum. 183.
 Ecclesia eloquentis magistra. 2.
 Ecclesia quid. 52. Constare mihi. 52. Errare non posse. 52. 53. Illius legibus parendum, ut Christo. 53.
 Eleemosina quid. 20. 79. Misericordix filia. 79.
 Elementarius sensus sacrarum litterarum inutilis. 185. 186.
 Eloquentia præcipua pars Rhetoricæ. 122.
 Eloquentiæ principium. 126.
 Emendate loqui quid. 126.
 Enthimemata uide. 87.
 Enthimema quid. 31.
 Enthimematum usus. 120. 127.
 Epimenidis locus apud Apostolum. 57.
 Episcopi columnæ ecclesiæ. 54.
 Episcoporum residentia. 55.
 Episcopi Apostolorum repetitores. 102.
 Epiphanius locus. 57.
 Epilogus quid et eius præcepta. 189. 190.
 Esaiæ locus. 24. 39.
 Esaias quintus euangelista. 49.
 Echy malogiæ locus. 37.
 Euangelium. 51.
 Eucharistia sepe sumenda. 49.
 Exclamatio. 156. quando adhibenda. 157.
 eius exempla ibidem.
 Exercitationis exempla. 152.
 Exemplum quid. 32.
 Exempli loca. 32. 33. 34. maximâ uim habent ad persuadendû. 33. a quo maxime petenda. 33.
 Exempla ethnicorum raro sumenda. 34.

Exemplorum usus. 117.
 Exercitatio. 51.
 Exordium quid, & eius præcepta. 167. 168.
 Vnde sumatur. 168.
 Exordia uereconda. 168. graui, et breui.
 169. 170. Ex abrupto. 171.
 Expositionum genera. 185.
 Extasis. 68.
 Ezechiel. 86.

F

F Ama pluris faciendâ, quam uita. 11.
 Fatum tollitur. 74.
 Fides quid. 19.
 Filii ament parentes. 66.
 Filii quomodo monendi. 97. 98.
 Figure, et allegorie differentia. 184.
 Figuras, & ipsas lege. 185.
 Finis oratoris ecclesiastici. 3.
 Felicitas quid. 3.
 Forma Rhet. ecclesiæ. 5.
 Fortitudo quid. 20.
 Fortuna reiciitur. 110.

G

G Audium quid. 83. quomodo excitetur. 83. 84. 85.
 Gaudendum in aduersis. 84.
 Genesis loci. 38.
 Gradationis exemplum. 149.
 B. Gregorii sententia de conciliis. 8.
 B. Gregorii sententia. 10. 55. 93. 168.
 Gregorii Nazien. locus. 19. 74. 78. 81.
 87. 88. 117. 145. 151. 143. 147.
 148. 156. 157. 158. 168. 170. 189.
 Gregorius Nazianzen. Domosthenes christianus. 22. 23.
 Gulielmus peraldus. 177.
 Gula quid. 11.

H

H Areticorum argumenta non commemoranda. 121.
 Hæretici vituperantur. 121. Vbi, & quomodo accusandi. 29.

Heli sacerdos punitus. 14.
 Hieremix exemplum. 34.
 Hieremix locus. 46. 51. 77. 153.
 Hieremix lamentationes. 51.
 Hieronymi locus. 37. 42. 47. de traditionibus. 51.
 Hieronymus Saurarola. 186.
 Historici sensus partes. 186.
 Homilia quid. 165.
 Honeſta quid. 6.
 Hospitalitatis exemplum. 95.
 Humilitas quid.
 Hyperboles exemplum. 142.

I

I Aſtantes. 176.
 Ieiunium comes temperantiæ. 10.
 Ieiunantis laus. 42.
 Ieiunium quid. 77. quomodo excitandum. 77. laus eius, & exemplum. 77. 78.
 Ieiunii laus ex Basilio. 142.
 Imaginis exemplum. 141.
 Imitationis vitæ, & morum exemplum. 138.
 Imprecationis, increpationis, insultationis exempla. 153.
 Imitari quos debeamus. 160. 161. 162.
 Impudentia quid. 83.
 Indulgentia qui peccent. 14.
 Indulgentiæ quid ſint. 53. 85. illarum dispensator. 53. illarum particeps quis. 53.
 Indignatio quid, & in quos cadat. 70.
 Incepte dicere. 123.
 Interrogationis exemplum. 157. 158.
 Inuidia filia superbiæ. 11. Cur uitanda. 11.
 Iob uxor peccauit. 13.
 Ioseph. 86.
 Iouannes elemosynarius. 118.
 Ira quid. 12. 71. Cur uitanda. 12. Quando cõcitanda. 71. Quid ſit ex Aristotele. 71.
 Ira christiano homine digna. 71.
 Iracundus. 41.
 Ironia exemplum. 158.
 Iudiciale genus. 6.
 Iudicium indicendo. 165.
 Iudicialis generis usus. 28.
 Iudicii extremi descriptio. 81.

Iudich.

INDEX.

S

Sacerdotes ministri Dei. 113. de quibus plura ibidem & 104.
 Sacrarū literarū explicatio. 179. carū sensus quadruplex. 179. auctoritas. 48.
 Sacrarum literarum exempla. 33.
 Sacramentum quid 16. eius effectus. 16. usus et utilitas. 17.
 Sapientia christiana. 9.
 Sathanas. 12. 81.
 Scholasticorum auctoritas. 56.
 Seneca. 58.
 Senum proprium. 120. quomodo comouendi. 99. 100.
 Sensum genera quattuor. 179.
 Sensus literals. 179. summe necessarius. 182. eius partes. 186.
 Sententia quid. 118.
 Sententia duplex. 119. carum usus. 118. 119. 120.
 Serui quomodo mouendi. 114. 115.
 Sexus genius 92.
 Signorum duo genera. 32.
 Syllogismus. 31.
 Siluester Pont. 58.
 Similitudinis ab agris 16.
 Similiter cadentia rara. 129.
 Similitudinum exempla. 143.
 Sixtus Senensis. 179.
 Speranda quæ. 8.
 Spes quid. 19. 88. quomodo excitetur. 88. 89. et quando. 89.
 Spiritus sanctus causa efficiens concionis. 5. ipse precandus. 16.
 Stoici reiciuntur. 62.
 S. Stephani exemplum. 18.
 Sunamitis. 95.
 Superbia quid. 10.
 Superbiæ conformatio. 10.
 Synonima. 129.

T

Temperantia quid. 20. eius filix. 21.
 Tertulliani locus. 29. 30. 94. 95. 169.
 Theologia regina scientiarum. 116.
 D. Thomas. 56.

Timendus Deus cur. 80. ad timorem qui commouendi. 82.
Timere Deum quid. 80.
 Timor quid. 80. quomodo excitetur. 80. 81.
 Timere quæ debeamus. 92.
 Traditionibus fides adhibenda. 7. Spiritus Sancti oracula. 7.
 Traditionum auctoritas. 5. quæ accepimus ex illis. 50. 51.
 Traditionibus multa accepimus cum. 54.
 Tragica expositio. 137.
 Transitus exemplum. 135.
 Translata. 128.
 Tribulatio. 87.
 Tribulationes cur veniant. 87. 88.
 Tridentinum concilium. 55.
 Tropologicus sensus. 180.
 Typus quid. 184. quid ab allegoria differt ibid. quid adumbrat. ibid.

V

Verba propria. 127. uetusta. 129.
 Verbi immutatio. 149.
 Veniale peccatum uitandum. 15. 160.
 Verecundia quid. 83. quomodo commouetur. 83.
 Verisimile quid. 32.
 Victoria summa. 13.
 Vidua. 96.
 Virginitas quid ex Cipriano. 21.
 Virgo maria semel peperit. 57.
 Virgines hortandæ ad quid. 96.
 Vita nostra quid. 77.
 Vitare quæ debeamus. 9.
 Vituperationis loci & exempla. 16. 17.
 Utile quid ex Ambrosio. 6.
 Utilitas Rhetoricæ. 2.
 Vxor loth. 33.
 Vxores obediunt. 94.
 Vxores diligendæ. 93.

Z

Zacharie locus. 73.
 Zelus quid. 68.
 Zelus David. 71.
 Zelus concitandus. 72.

F I N I S.

INDEX.

Oratio quid. 20.
Oratio fidei & speiatrix. 20.
Orator Ecclesiasticus, ut debeat docere. 5.
Oratoris officium. 3. eiusdem uis. 2. eiusdem
varia nomina. 2. eiusdem argumenta. 3. 3.
Oratores seculi minime eloquentes. 1.
Oratorem Ecclesiasticum docere mouere
delectare. 59.
Orator ad quid primum moncat. 62.
Oratio frigida. 124.
Oratio morata. 159.
Orationis partes. 166. 167.
Originale peccatum. 10.
Ordinis sacramentum. 16.
Ordo rerum pulchritudo. 166.
Opera necessaria. 18.

P

Parentes quomodo peccent. 14. ut de-
beant filios amare. 65.
Paranomasie exempla. 146.
Participatione quomodo peccatur. 14.
Patres sanctos errare non posse. 55.
Patres quomodo mouendi. 97. 98. 113. 114.
Patris uerus amor. 67.
Pauli locus. 46. 57.
Pupertas quid. 178.
Peccare quid. 74.
Peccatum quasi coluber. 74.
Peccator crudelis. 74.
Peccati similitudo. 73.
Peccatum originale. 10.
Peccata aliena quæ. 12. quomodo illis in-
quinemur. 12.
Peccata in Spiritum sanctum. 14.
Peccata in cælum clamantia. 15.
Peccata uenialia uitanda. 15.
Peccatorum mala. 9. 10.
Peccator non conseqitur indulgentias. 53.
Peccatum malum. 72.
Periphrasis exempla. 145.
Percussationis exemplum. 148.
Periurium. 174. 176.
Perspicuitas orationis. 127.
Perseuerantia. 22.
Philosophi fures cur. 56.
Philosophorum auctoritas. 56. quomodo

est utendum. 57.
Philosophorum opinio beatitudinis. 4.
Philosophia uera. 177.
Pictura Poëma tacens. 135.
Pituita. 32. impia etia. 69.
Plato. 57.
Poenitentia. 125. 73.
Poenitentia omnes recipit exemplo. 72.
Poenitentiam aperire cælum exemplis o-
stenditur. 73.
Poenitentia medicina. 72. eius necessitas. 72.
Pontifici parandum. 91.
Pontificis amplificatio. 25.
Pontifex errare non potest. 44. Christi V2.
carius ibidem. sine ipso. Ecclesiam regi
non posse. 54.
Porphyrius. 184.
Præteritionis exemplum. 149.
Præceptores quomodo peccent. 14.
Præceptores parenti loco numerantur. 14.
Prodigalitas. 100.
Prophetam profiteri temerarium. 186.
Propria uerba. 127.
Propositio popularis. 178.
Propositionis exemplum. 132. eius præce-
pta. 171. 172.
Pudicitia quid. 21. 94.
Purgatoriu. 79. sepe commemoradū. 49.
In Purgatorio existentibus quibus succur-
ratur. 49. 79.
Pythagoras, hebreus, & circumcissus. 57.

R

Reges quomodo hortandi. 111.
Regina sabæ. 94.
Religio anima Ecclesiæ. 90.
Religio Christiana unde dicta. 19.
Repetitionis exemplum. 157.
Respub. quid. 112. earum administato-
res. 112.
Residentia Episcoporum. 55.
Resignatio quid. 68.
Reticentia qui peccent. 13.
Rhetorica ecclesiastica. 2. eius definitio. 3.
Rustici quomodo impellendi. 115. eorum
mores. 115. 116.

LECTORI.

CVRATVM est diligenter, ut hoc opus imprimeretur emenda-
te; sed forte aliquid mendi operarum culpa commissum est; in
quod si incideris, pro prudentia tua tu illud corrigito.

REGISTRVM.

★ ★ ★ A B C D E F G H I K L M N O P Q
R S T V X Y Z A A. a b c. A B C.

Omnes sunt duerni, prater & C terni.

75-2275-22
75-2275-22

LECTORI.

CURATVM est diligenter, ut hoc opus imprimeretur emendate; sed forte aliquid mendi operarum culpa commissum est; in quod si incideris, pro prudentia tua tu illud corrigito.

REGISTRVM.

* * * A B C D E F G H I K L M N O P Q
R S T V X Y Z AA. a b c. A B C.

Omnes sunt duerni, prater c C terni.

25 25 25 25
25 25 25 25

R

Exemplorum usus. 117.

Exercitatio. 51.

Exordium quid, & eius precepta. 167. 168.

Vnde sumatur. 168.

Exordia uereconda. 168. graui, & breuia.

169. 170. Ex abrupto. 171.

Expositionum genera. 185.

Extasis. 68.

Ezechiel. 86.

F

Fama pluris facienda, quam uita. 11.

Farum tollitur. 74.

Fides quid. 19.

Filii ament parentes. 66.

Filii quomodo monendi. 97. 98.

Figura, & allegoriae differentia. 184.

Figuras, & ipsas lege. 185.

Finis oratoris ecclesiastici. 3.

Follicitas quid. 3.

Forma Rhet. ecclesiae. 5.

Fortitudo quid. 20.

Fortuna relictur. 110.

G

Gaudium quid. 83. quomodo excitetur. 83. 84. 85.

Gaudendum in aduersis. 84.

Genesis loci. 38.

Gradationis exemplum. 149.

B. Gregorii sententia de conciliis. 8.

B. Gregorii sententia. 10. 55. 73. 168.

Gregorii Nazien. locus. 19. 74. 78. 81.

87. 88. 117. 145. 151. 143. 147.

148. 156. 157. 158. 168. 170. 189.

Gregorius Nazienzen. Demosthenes christianus. 13. 133.

Gulielmus perardus. 177.

Gula quid. 11.

H

HAereticorum argumenta non commemoranda. 121.

Haeretici vituperantur. 121. Vbi, & quomodo accusandi. 29.

Heli sacerdos punitur. 14.

Hieremiz exemplum. 34.

Hieremiz locus. 46. 51. 77. 153.

Hieremiz lamentationes. 51.

Hieronymi locus. 37. 47. 47. de tradi-

tionibus. 51.

Hieronymus Sauanarola. 186.

Historici sensus partes. 186.

Homilia quid. 165.

Honestas quid. 6.

Hospitalitatis exempla. 95.

Humilitas quid.

Hyperboles exemplum. 140.

I

Iactantes. 176.

Ieiunium comes temperantiae. 10.

Ieiunantis laus. 43.

Ieiunium quid. 77. quomodo excitandum.

77. laus eius, & exempla. 77. 78.

Ieiunii laus ex Basilio. 142.

Imaginibus exemplum. 141.

Imitationis uirtutis, & morum exemplum. 138.

Imprecationis, increpationis, insultationis

exempla. 153.

Imitari quos debeamus. 160. 161. 162.

Impudentia quid. 83.

Indulgentia qui peccent. 14.

Indulgentiae quid sint. 53. 85. illarum di-

spensator. 53. illarum particeps quis. 53.

Indignatio quid, & in quos cadat. 70.

Inepte dicere. 123.

Interrogationis exemplum. 157. 158.

Inuidia filia superbiorum. 11. Cur uitanda. 12.

Iob uxor peccauit. 13.

Ioseph. 86.

Iouannes elemosynarius. 118.

Ira quid. 12. 74. Cur uitanda. 12. Quando

côcicanda. 71. Quid sit ex Aristotele. 71.

Ira christiano homine digna. 71.

Iracundus. 41.

Ironia exemplum. 158.

Iuditiale genus. 6.

Iudicium indicendo. 165.

Iudicialis generis usus. 28.

Iudicii extremi descriptio. 81.

Iudith.

INDEX

[illegible]

Labor 5. 7. 223. 231. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 85

Lexunde dicta. 15. eius diuifio. 15. diuina. 15. naturalis. 15. poſtuma. 16. 18. Magiſtri humanarum ſciētiarum 106. quomodo docere debeant. 107. Ciuiliſ. 18. Mercatores quomodo mouendi. 110.

Lex Moysi cur data: 162. 18. 189. T. Milites quomodo componendi: 108. 109.

Lcx Evangelicæ & cius nomina. 16. Minarum exempla. 115.

Liberalitas Christiana: 20.

Linguae munus. 1. Misericordia species doloris. 78. quomo-

Linguae malum. 173. 17 do commouenda. 78. erga mortuos. 79.

Litigatores. 176. Missa unde dicta. 37.

Locī communes generis demonstratū. 28/ Missam frequenter audiendam. 37.

Exempli a definitione: 33. et partium enumeratio. Monendi exempla. 115.

tionem. 36. ab ethymologia. 37. a con-Moniales ut mouendū. 105. 106. 2

jugatis. 38. a genere 2 & specie. 38. 2 Morata oratio. 159.

10. ab adversis. 10. a privantibus. 101. Motus p[er]ceptus. 60.

40: ad adiutris: 41: a pharisaicis: 42: Motus precepti: 60:
a relativis: 40: a contradictionibus: 41: Mulieres non doceant: 101:

ab adiunctis: 41. ab antecedentibus: Mulieres quo modo commouenda: 94-95.

42. a confectis; 42. a repugnantibus; excitanda ad quas res. 91.

ribus: 43. a causis. 44. 45. ab effectus. 46. Mulieres. 26. 27.

a comparatione. 47: Mulierum exemplum Maria uirgo, 96.. 2

Loc. extrinseci. 48. 49: u. y

Loci inartificiofi. 90. § 1. 52. 53. 54. 55. 56. N. 1. 2.

Luctus quid. 75. pœnitentiæ filius. 75. ✓

Luctus peccatum minuit exemplo. 25. qui- **N**atura paucis contenta. I I.

bus rebus monetur. 55. 56. Nabuodonosor. 86.

Luxuria. 11. eius conites. ibidem. 310. V. Nicenum concilium. 38.
Nobiles. 222. 223.

M — Nobles. 111. 113.
Nas once further sum up. 16.

Noe arca symbolum ecclesie. § 2.

Agister optimus Christus. 103.

Malachite locus. 103.41.

Maledici. 175. O Cro beatitudines. 21.

Manasscs. 73.. Odium minime commendum. 71..

1 1 1

— *Journal of the American Medical Association*, 1997

INDEX

S

Sacerdotes ministri Dei. 113. de quibus plura ibidem & 104.
Sacrarū literarū explicatio. 179. earū sensus quadruplex. 179. auctoritas. 48.
Sacrarum literarum exempla. 33. 102.
Sacramentum quid 16. eius effectus. 16. usus et utilitas. 17.
Sapientia christiana. 9.
Sathanas. 12. 81.
Scholasticorum auctoritas. 56.
Seneca. 58.
Senum proprium. 120. quomodo commouendi. 99. 100.
Sensum generā quattuor. 179.
Sensus *lateralis*. 179. summe necessarius. 182. eius partes. 186.
Sententia quid. 118.
Sententia duplex. 119. earum usus. 118. 119. 120.
Serai quomodo mouendi. 114. 115.
Sexus *foemineus* 92.
Signorum duo genera. 32.
Syllogismus. 31.
Siluester Pont. 58.
Similitudinis ab agris 16.
Similiter cadentia *rara*. 129.
Similitudinum exempla. 141.
Sixtus Senensis. 179.
Speranda quæ. 8.
Spes quid. 19. 88. quomodo excitetur. 88. 89. et quando. 89.
Spiritus sanctus causa efficiens concionū. 5 ipse *preccandus*. 16.
Stoici reiciuntur. 62.
S. Stephani exemplum. 118.
Sunamitis 99.
Superbia quid. 10.
Superbiæ conformatio. 10.
Synonima. 129.

T

Temperantia quid. 20. eius filiz. 21.
Tertulliani locus. 29. 30. 94. 95. 169.
Theologia regina scientiarum. 116.
D. Thomas. 56.

Timendus Deus cur. 80. ad timorem qui commouendi. 82.
Timere Deum quid. 80.
Timor quid. 80. quomodo excitetur. 80. 81.
Timere quæ debeamus. 9.
Traditionibus fides adhibenda. 7. Spiritus sancti oraculz. 7.
Traditionum auctoritas. 5. quæ accepimus ex illis. 50. 51.
Traditionibus multa accepimus *culæ*. 5.
Tragica expositio. 137.
Transitionis exemplum. 135.
Translata. 128.
Tribulatio. 87.
Tribulationes cur ueniant. 87. 88.
Tridentinum concilium. 55.
Tropologicus sensus. 180.
Typus quid. 184. quid ab allegoria differt. ibid. quid adumbrat. ibid.

V

Verba propria. 127. uetusta. 129.
Verbi immutatio. 149.
Veniale peccatum uitandum. 150. 151.
Verecundia quid. 83. quomodo commouetur. 83.
Verisimile quid. 32.
Victoria summa. 13.
Vidua. 96.
Virginitas quid ex Cipriano. 21.
Virgo maria semel peperit. 57.
Virgines hortande ad quid. 96.
Vita nostra quid. 77.
Vitare quæ debeamus. 9.
Vituperationis loci. & exempla. 16. 17.
Vtile quid ex Ambrosio. 6.
Vtilitas Rhetoricæ. 2.
Vxor loth. 33.
Vxores obediunt. 94.
Vxores diligendæ. 93.

Z

Zachariæ locus. 75.
Zelus quid. 68.
Zelus David. 71.
Zelus concitandus. 71.

M

Putendum. 57.

NOTES. 215. 110.

INDEX
LECTORI.

CYRATVM est diligenter, ut hoc opus imprimeretur emenda-
re; sed forte aliquid mendi operatum culpa commissum est; in
quod si incideris, pro prudentia tua tu illud corrigito.

REGISTRVM.

* * * A B C D E F G H I K L M N O P Q
R S T V X Y Z A A. a b c. A B C.

Omnes sunt duerni, prater c C terni.

25 25 25 25
25 25 25 25

